



BIBLIOTECA NAZ.
Vittorio Emanuele III

XX

B

1

NAPOLI





INSTITVTIONVM
JVRIS ROMANO-NEAPOLITANI
PARS PRIOR.





JO. GOTTLIEB HEINECCII

PRVSSORVM REGIS A CONSIL. SAN-
GTIOR. JVRIS, AC PHILOSOPHIÆ
IN ACADEMIA FRIDERIC.
PROFESSORIS

ELEMENTA JVRIS CIVILIS SECVNDVM ORDINEM INSTITVTIONVM

Quibus passim subnectitur
Jus Neapolitanum
AD VSVM AUDITORVM
JVRIS ROMANO-NEAPOLITANI
STVDIOSORVM.



N E A P O L I .
ANNO AERAE CHRIST. MDCCLX.
TYPIS VALENTINI AZZOLINI.



VINCENTIO CARAPHÆ^V
CANTELMO STUARDO

AVDITORI OPTIMO

AVCTOR.



QVOD tibi sistitur
Prior Institutionum
JVRIS ROMANO-
NEAPOLITANI
Pars cuius, ac ma-
xime tibi admira-
tioni nequaquam

fore puto. Certe norunt jam vel
plerique eorum, quibuscum tu
versari soles Genere, & Doctrina
maximi nominis Viris, mutuis fer-
me certare inter nosmet officiis,
quæ omnem benevolentiam, con-
stantemque amorem nostrum ita
in dies conciliant, augentque, ut
sola vi fati vinculum istius fœde-
ris solvi posse censeam. Hæc cum

tanti sint ; mihique potissimum
 decus omne , ornamentumque ad-
 ferant , profecto me confirmant ,
 a te quoque observantiæ hujus meæ
 qualecumque testimonium jure me-
 rito tibi uni debitum judicari oport-
 ere . En igitur justissimam tenet
 quisquis causam , ecurr tibi Par-
 tem hanc Priorem dicare statue-
 rim . Verum equidem alteram ha-
 beo , quæ valet hac in re adeo ,
 ut nihil supra . Eaque plane est ,
 quod tu ipse mihi haud diu au-
 ctor fueris , ut tam gravi negotio
 manum admoverem ; atque plenif-
 sime commendaveris virum cete-
 roqui doctissimum mei , tuique
 amicissimum , quod me quotidie
 sollicitaret , ut id quamcitissime
 persequerer . Nimirum pro eo in-
 genio , quo mirum in modum va-
 les , nihil magis necessarium esse
 putabas , quam adolescentes Juris
 Romano-Neapolitani studiosos no-
 va methodo utriusque Juris noti-
 tia imbuere , ne amplius deessent
 non sine maximo eorundem in-
 com-

commodo Elementa illa , quæ
 cum Romanarum , tum Neapoli-
 tanarum legum specimen exhibe-
 rent jamdiu antea parata ab exteris
 Cl. Viris optimorum adolescentum
 cujusque Patrii Juris amantissimo-
 rum . Ecquid igitur objici mihi
 poterat , ut vel paululum cuncta-
 rer, tibi priorem partem Operis il-
 lius dicare , quod ut aggrederer ,
 tua auctoritas mire effecit? Atqui
 cum penitus sciam, me pro more a
 nonnullis culpari posse , quod eo
 confidentiæ venerim , ut tibi opus
 ligno plane indignum inscripserim,
 adhibuerimque eas voces , quibus
 tantum uti valent , qui aut co-
 gnatione conjuncti sunt , aut pari
 dignitate fruuntur , patere , me
 paucis , prout brevis epistolæ fines
 sinunt , morem gerere eorum ,
 qui longe repetitis laudibus opera
 sua dant, dicantque. Sed Deus bo-
 ne ! Feres ne , Majorum tuorum
 imagines , quæ tot , innumeræque
 sunt , me recensere , Gentisque
 tuæ Antiquitatem longe maximam

heroum domi, militiæque feracissimæ heic in medium proferre, ut merito inter primarias Italiæ gentes Opibus, Dignitatibus, Virtutibus celebratissimas potiore gradum omnium historicorum unanimitate consensu obtineat, quandoquidem tecum sermonem habeo, qui parvi facis monumenta isthæc, cum sapienter teneas nobilissimis adolescentibus, quorum in numero tu es, ante natorum decora solum proponenda esse, ut sibi eorum optimos mores ad imitandum eligant, non vero, uti fit, inani gloriæ ardore, atque alienorum gestorum, cum quibus nihil commune posteris habent, memoria jactentur? Ergo cum ita recte sentias, reliquum mihi nunc esset, ut tua decora fuso calamo, uti par est, enarrarem. At duo nunc mihi impedimento sunt, quominus id prosequi mihi tribuam. Vnum est, quod explicatu difficile admodum sit, quot virtutibus præcelleas, quantumque tibi met decus

pararis vel ab incunte ætate, qua ab illecebris remotus, quibus prima ætas irretiri solet, eorum præsertim, qui progenie nobilissima sati, te in Musarum sinum abdidisti, pietatemque talem professus, ut non solum Duumvirum doctissimorum, quibus tui cura mandata, sed etiam eorum omnium, qui te sunt adlocuti, maximam commendationem promeritus sis, tuique fama tam late pervagata, ut nemo sit, qui ornamenta tua ignoret, teque ad miraculum usque Religione, ac Doctrina ornatissimum minime prædicet. Itaque cum tanta sint isthæc decora tua, libere fateor, non unius viri tantum, ac mei præsertim, qui parum valeo, opus id esse debere, sed dignum præstantissimis quibusque viris, qui data occasione alias idem persequantur. Alterum est, me penitus scire, te id non pati, cum effugere soleas in tanta, qua versaris, luce cum eas laudes, quæ singulorum optimorum virorum peculiare habentur, tum

eas,

x

cas, quæ cuivis honeste absque fūco tribui solent. Igitur, quod ad rem spectat, ad manus sumas rogo hanc quantulamcumque Operis mei Partem, meque, quoad vivas, amare pergas, uti jam cæpisti; ac si quid porro in hac epistola tibi occurrat, quod tibi pro tua verecundia displiceat, teneas obsecro, me; quæ tua sunt, numquam conferre in animo habuisse, cum tantum attigerim, quæ quæ erant indicanda, ne omni officio prorsus vacarem. Vale.

PRÆFATIO

xi

HEINECCI.

ELEMENTA hac JURIS, quæ adornata in usum auditorum scriniis meis ex-cidere passus sum, ea tibi lege exhibeo, CANDIDE LECTOR, ne illico poscas tabel-lam, neque me prius quam causam dixe-rim, præcipiti suffragio condemnes. Quam-vis enim in tanto libellorum hujus generis proventu nihil tibi opus esse videatur lucu-bratione mea, & ipse ego satis intelligam, non tantum mihi esse vel auctoritatis, vel doctrina, ut me tot celeberrimorum virorum diligentiam imitaturum, nedum aliquid re-ctius, & præstabilius traditurum, confi-dam, tamen, si instituti mei rationes, si genus scribendi, & ipsum, quo singula tra-didi, ordinem paullo accuratius expendere, constabit mihi, ut opinor, otii ratio, & de-judicio, æquitateque tua spem paullo melio-rem concipere licebit. Quare ut, quæ tan-dem illa sint, in quibus & aliquam operam posuisse me dico, dum libellum hunc concin-navi, & multam ponendam esse omnibus, qui adornandis jurisprudentiæ præceptis a-nimum adjiciunt, puto, intelligas, expo-nam ea, ut potero, breviter, tibi que sa-cultatem faciam ex iis, de insumta huic o-pusculo opera, ejusque fructu judicandi.

Primum, ut instituti rationem perspicias, De metho-
liceat mihi pace tua rem paullo altius ordiri do analyti-
ab iis temporibus, quibus Irnerius, ejusque ca in traden-
successores studium aliquod Juris Romani da jurispru-
dentia.

jam

Quædam
natur.

jam pene sepulsi hominibus injecerunt. Quum his ratio interpretandi jura avalu-
xii videretur pulcherrima, id sibi negotiū
credebant solum dari, ut diffusum istud ju-
ris Justiniani volumen vel amplissimis
commentariis, vel scholiis brevioribus illu-
stratum in cathedra proponerent, & ita le-
gulejos a se formatos dimitterent in fora;
ibi non sine uberrimo questu in fas nefasque
vërba, & iras suas locaturos. Verum ea do-
cendi ratione, pro tironum captu, & eorum
temporum caligine nihil poterat reperiri de-
terius. Primum enim quum ab elegantiorum
litterarum, historiarum, ac philosophiæ præ-
sidiis, quæ ἀναλυσίς requirit, plane de-
stituti tantum opus adgrederentur, ipsi sibi
prescripserant leges istas interpretandi, quas
a Guidone Pancirolo exponi animadverti-
mus, tediosissimas, quibus adstricti tot ver-
ba inania faciebant, tot nihil ad rem per-
tinentes quæstiones movebant, ut tironibus,
qui se huic oceano commiserant, vix ulla
spes esset, illum umquam enavigandi. De-
inde si qui inter illitteratissimas illas lit-
teras consenuissent, id essent diuturnis vi-
giliis consequuti, ut universum Jus Justi-
nianeum, Bartoli, & Accursii absinthio pro-
be conditum, devorassent, tamen & hi non
tam veram jurisprudentiam, sibi per omnia
similem, & inter se coherentem, quam ali-
quam ejus umbram tenebant. Fieri enim
non potest, ut disciplinam aliquam videatur
adsequutus, qui neglectis principiis quas-
dam eo pertinentes quæstiunculas edidice-
rint: nec tirones tam sunt perspicaci inge-
nio, ut ex tot relatis in digesta, & codicem

veterum legum fragmentis, id est, ex dispersis Hyppoliti membris, justum sibi jurisprudentiae corpus, & ουστημα suo Marte exstruant. Eo itaque factum, ut doctores illi, quum in tanta principiorum ignorantia non esset, ubi pedem figerent, pene omnia, quae in jure traduntur, subtiliore argumentorum collectione in disceptationem vocarent, nihil ut hodie sit equum, iniquum, justum, injustum, ad quod defendendum deesse alicubi possit doctorum auctoritas. Ita fieri oportuit, quum de jurisprudentiae principiis pernoscendis tam parum solliciti essent juris interpretes. Quemadmodum enim sapienter ait Plato, semper inter se consentire eos, qui aliquid sciunt; ita non potuerunt non illi omnia labefactare, subvertere, & in perpetua opinionum varietate, & discrepan-
tia versari, quum scirent nihil siquidem sci-
re, recte definiente Aristotele τὴν αἰτίαν, δι' ἣν
το πρᾶγμα ἐστὶν ἐκείνη αἰτία ἐστὶ, καὶ μὴ ἐνδεχασθε τὰ
ἄλλα εἶναι, γινώσκουσιν causssam propter quam
res est, eandem esse rei causssam, nec
posse eam aliter se habere, cognoscere.
Hac est prima illa jura tradendi ratio, quae
ut ut provecioribus, & solidiore principio-
rum notitia imbutis insignem adferat utili-
tatem, tironum tamen rationibus tam pa-
rum accommodata est, ut eam post illam fe-
licissimam temporum reparationem satis ma-
ture dereliquerint magni nominis jurecon-
sulti.

Dubia juris-
prudentiae
origo.

Ex eo enim tempore magis plerisque se De metho-
probavit ratio docendi οὐδε-ικη, eatenus do in hae
ut, ea saltem praemissa, juvenes in ipsum arte sinthe-
jus Justinianicum intromitterentur. Hinc tica.

Cu-

Cujacius, Pacius, Wessembecius, alique viri doctissimi dispersa per universum volumen Justinianum præcepta colligere, & in suos singula loculos disposita justo ordine proponere cæperunt. Quorum exemplum quamvis pluribus postea incitamento fuerit, ad eandem viam ingrediendam, tamen & hi postea in diversa iverunt. Alii enim memoria auditorum consulturi solis inherabant conclusionibus, easque modo per causarum genera, quæ vocant, modo per quaestiones disponebant, modo se præclare suo functos officio existimabant, si ad singulos titulos aliquot casuum leviter enucleatorum centurias proponerent. Alii judicii discernitum habita ratione id potissimum agebant, ut conclusiones ad sua principia referrent, nihilque traderent, cujus non ratio ex iis, quæ antea explicaverant, ab unoquoque perspiceretur. Illi ad memoriam omnia referebant, & si qui jejuna ista præcepta edidicerant, & ad singulas quaestiones ipsa compendii verba poterant reddere, eos aliquot casuum & quaestiuncularum myriadibus suffarcinatos, & phaleris ornatos doctoralibus ablegabant in forum, strepitum his armis non sine horrore judicis daturus. Hi parum de casibus, parum de verbis compendiorum solliciti ita induxerant in animum, jus nostrum non esse disciplinam hiulcam, & male coherentem, vel ex innumeris legibus, parum sui similibus, conflatam, non rudem, indigestamque molem

Et quidem
per conclu-
siones.

Aut quæ-
stiones.

Frigida ubi pugnent calidis, humentia
ficcis,

Mollia cum duris, sine pondere habentia
pondus; sed

sed esse, si iusto ordine tradatur, *summa pulcherrimum*, in quo omnia principiis suis firmo nexu cohereant. Ex quo consequi existimabant, ut, qui ista theorematum probe perspexerint, iis non possit deesse facultas, quæstiones omnes, & species in vita humana obvenientes enodandi: Jam si ex me quæ- Vtra docendi ratio melior.
ritas, uira docendi ratio mihi se magis probet, fatebor, a priore opinione sententiam meam semper discrepasse. Quum enim scire sit rerum causas perspicere, an tu cum ius, in quo versatur, scire dixeris, qui nullam unquam principia juris peruestigandi curam animum subire passus est? qui, ubi aliqua quæstio, in compendio suo non explicata, incidit, se expedire non potest, nisi Bartoli, Baldi, Accursii, Imolæ, Ifernæ, Buticellæ, Caccialupi, & sexcentorum aliorum Manibus evocatis? cui denique eo uno nomine quam maxime placuit jurisprudentia, quod non omnium, quæ a maioribus constituta sunt, rationem reddi posse, nec ideo rationes eorum, quæ constituuntur, inquiri oportere, ipsi juris auctores prudenter monuerint? An non miseram illam dixeris disciplinam, quæ quum maxime ad reliquum jactum venit, ita sui cultores destituit, ut quum in forum venerint, putent se in alium terrarum orbem delatos? Et quis quæso, quantocumque studio, eo adspirabit, ut casus, qui quantoque inciderint, omnes, quidque de singulis responsum sit, in promptu habeat? Sane si quis mille Misera quorundam Jurisconsultorum facies.
decisionum voluminibus impalluerit, nedum si systema juris casibus refertissimum memoria comprehenderit; tamen id et semper contin-
get,

get, ut mille alias *questiones* in *vita humana* obvenientes nec legerit unquam, nec *memorie* mandarit. Quapropter graviter eam stoliditatem infectatus *Franciscus Durenus*: Admirari, inquit, soleo eorum stultitiam, qui in vulgatissimis interpretum commentariis omnem ætatem terunt, ut inde singulorum negotiorum cognitionem hauriant, ei profecto non absimiles, cujus meminit *Lucianus*, qui in maris litore sedens conabatur singulas undas pernumerare, donec undas undis trudentibus obrueretur, animoque angeretur, quod eas numero amplecti non posset. Nam ut quis memoria mandet, quæcumque a *Bartolo*; & ceteris scripta sunt, quod fieri profecto nequit, quota tamen erit portio eorum, quæ quotidie inter mortales contingunt, nec ullis adhuc scriptis definita sunt? Omnium sane scientiarum ratio in principiorum intelligentia, & conclusionum cum iis coherentia posita est: & quemadmodum qui divinas illas, & sublimiores mathematicarum disciplinas tradunt, non jubent auditores aliquot millena problemata ediscere, sed definitiones, axiomata, theoremata illa inculcant, & demonstrant, quibus perspectis ipsi facultatem quævis problemata prompte solvendi consequantur, ita nec *jureconsultum* suo munere functum arbitror, qui auditores solis conclusionibus, & casibus jubet implere cerebrum, mox forsitan aliquot *Anticyris* purgandum, nec illos ad ea intromittit artis æqui bonique principia, quibus accurate intellectis ipsi species & questiones obvenientes, adhibita in

consilium ratione, & lege, prompte enoderent. Eum itaque ego Jureconsultum dicere soleo, qui, ut iterum Duareni verbis utar, præceptionum, & theorematum universalium, quibus ad judicandum ex bono, & æquo de singulis negotiis præparamur, & informamur, cognitionem sibi accuratam pepererit. Nam singularia, quæ infinita sunt, sub nullam artem, aut præceptionem cadunt. Eam ego Jurisconsulti laudem puto maximam, si ita percepta habeat artis suæ præcepta, ut jurium singulorum rationes, & principia intelligat, eaque in promptu habeat axiomata, ex quibus questiones omnes enodare possit, ut, obveniente bella aliqua specie, non opus ei sit responsum ex Bartolini corina petere. Quam principiorum intelligentiam, si quis cum solida legum interpretatione, & usu conjungit, tunc vero illud nescio quid præclarum, & singulare in jurisprudentia solet efflorescere.

Veri
consulti de-
finitio.

Jurispru-
dentia ex
principiis
docenda.

Equidem pulcherrimam hanc jus tradendi rationem esse paullo difficiliorem, facile largior, & hinc factum existimo; ut ea paucioribus, quam quidem merebatur, placeret. Nam qui eam sequuntur, eis primum perspectas esse oportet jurium rationes, quas nemo facile intellexerit, nisi paullo accuratius Antiquitatum Romanarum, Philosophiæ Stoicæ, & Juris antejustiniani notitia instructus. Deinde quum hic conclusiones omnes ad principia sua revocandæ sint, non satis feliciter tantum opus adgrediatur, nisi qui eam præterea didicerit artem, quæ docet rem universam distribuere in partes, latentem explicare definiendo, obscuram

Et si hoc sit
difficile.

explanare interpretando, ambigua primum videre, deinde distinguere, postremo habere regulam; qua vera & falsa judicarentur, & quæ, quibus positis, essent, quæque non essent consequentia. *Quam facultatem dum summo illi Jurisconsulto tribuit Cicero, ea sola id effectum esse arbitratur, ut quum juris civilis magnus usus apud multos fuerit, ars in solo Ser. Sulpicio reperiretur. Postremo & in melioris ævi Juriconsultorum æternis operibus eum non mediocriter versatum esse decet, qui hoc capit consilium. Ii enim passim, ex quibus fontibus jura Romanorum promanarunt, acute perspexerunt, & explicarunt solide.*

Hac de instituti mei ratione. Etsi autem satis intelligo, me ab istis præfidiis vix mediocriter instructum, longe ab illa ingenii felicitate, quæ ad hoc perficiendum requiritur, abesse, juvit tamen vel periculum facere tam præclare exercitationis, si forte alios rebus omnibus instructiones commovere, & ad eandem suscipiendam cogitationem excitare possem. Conatus itaque sum, quam præclare jus nostrum cohæreat, specimine aliquo commonstrare, simulque reipsa refellere eorum opinionem, qui omnia in jurisprudentia fastidiunt, & pleraque si non absurda, & stolidæ, saltem avaxoræda, & sui dissimillimæ esse contendunt: a qua sententia, quo majores in jure progressus facio, eo magis me quotidie fieri intelligo alienum.

Stylus Auctoris.

Genus dicendi neque artificiosum adhibui (quas phaleras hujus generis libellis haud convenire arbitror) neque barbarum, neque diffusum, neque abruptum, & sua brevitate

obscurum, probe memor, me cum auditoribus, non cum Evandri matre loqui, nec unquam in eorum ingressus sententiam, qui jus non posse doceri censent, nisi adhibeatur horridum, incomum, & inficetum quiddam dicendi genus, quo glossatores istos animadvertimus, & nisi scripta ubique redoleant illud pus Accursianum, illam sanie, illud virus, quod optima quævis ingenia avertit, & exanimat.

Perstringitur Jureconsultorum barbaries.

Denique eum ordinem servavi, quem scopo meo credidi accommodatissimum. Rationibus enim rerum paullo distinctioribus investigatis, inde definitiones elicui, servatis plerumque antiquis, si probæ essent, vel novis, si istæ haud satisfacerent, constructis.

Ordo tradendi.

Hinc progressus sum ad axiomata, quo nomine propositiones, ex definitionibus quas fluentes, intelligo. Hæc excipiunt corollaria, vel consuetaria, ita disposita, ut ea, quæ ex uno, eodemque axioma fluunt, semper jungantur.

1. definitiones.

His adscripsi leges potiores, ut adpareret, illa consuetaria in libris Justinianeis omnino reperiri. Sæpe & ex pluribus definitionibus inter se comparatis doctrinas quasdam collegi, imitatus geometras, qui ejus generis propositiones, si theoretica sint, theoremata, sin practica, problemata solent appellare. Aliquando & scholia interspersi, quibus vel doctrina paullo difficilior illustrarentur, vel id aliunde demonstraretur, quod in ipso paragrapho fuerat traditum, vel juris antiqui a novo discrimen explicaretur. Quum pleraque una veluti serie cohereant, nolui paragraphorum numerum in singulis titulis abrumpere. Cujus instituti

2. axiomata.
3. corollaria.

Per leges probata.

Theorema-
ta, & pro-
blemata.
Scholia.

Numerus
§§. conti-
nuus.

hanc quoque fructum cepi, ut ex quo prin-
cipio singula conclusiones fluant, citato per
parenthesin paragrapho, eo facilius possem
commonstrare. Ut utilitatem harum citationum
intelligas, exemplo illam ostendam. Dixi-
mus §. 728. adrogatori olim omnes res cor-
porales, & incorporales adrogati pleno jure
fuisse adquisitas. Si rationem quæris, eam
ostendent paragraphi, quos citavimus 179.
& 472. quia videlicet adrogatio sit modus
adquirendi patriam potestatem, & pater ve-
teri jure omnia indistincte per filium acqui-
siverit. Si porro scire aveas, cur liberi om-
nia parentibus adquisiverint, rationem red-
det §. 135. qui ad principium §. 133. expli-
catum te remittet; ubi ostensum patriam po-
testatem vere fuisse dominium juris Quiri-
tium: dominum autem per rem suam acqui-
rere, nemo dubitat. Atqui forsan dubium
videbitur, liberos in dominio juris Quiritium
fuisse: sed eximet scrupulum §. ubi liberos, ubi
ratione patris fuisse res mancipi, demonstra-
vimus; Quis vero dubitet, res posse esse in
dominio? Porro mirum videtur, liberos fuis-
se res, quum fuerint homines. Sed & hic
in viam te revocabit §. 75. seq. ubi ostendi-
mus, qui nullo trium statuum civilium ga-
visus sit, eum hominem quidem habitum fuis-
se, sed non personam, ceu ex ipsa definitio-
ne persona adparet. Maximam itaque utilita-
tem ex his citationibus capies, si iis dextre
uteris. Enimvero doleo, aliquid contigisse
opusculo, quod non prævideram. Opera alien-
bi turbaverant paragraphos numero eodem bis
vel ter repetito. Id serius animadversum non
aliter emendari potuit, quam duobus, vel tri-
bus

bus paratigraphis in unum contractis. Quo-
 quamvis effecerim, ut jam numerus paragra-
 phorum sibi constet, aliud tamen inde natum
 est incommodum, ut citationes §. non ubique
 quadrent. Sepe enim, quod in hoc §. que-
 rendum est, proximus, vel ab eo secundus de-
 mum exhibet. Eandem aequitatem in aliis
 quoque, ubi quid peccatum existimabis, spe-
 ro, id unice precatus, ne si qua conclusio ti-
 bi displiceat, me illico condemnes, nisi si-
 mul destruxeris principium, ex quo illam de-
 rivavi. Alioquin haud absimilis futurus es-
 ses scholastico illi faceto apud Hieroclem,
 qui domum venditurus avulsum ex illa la-
 pidem in specimen circumferebat. Non magis
 enim de hujus generis libellis ex una proposi-
 tione, extra nexum suum considerata, quam
 de adibus ex lapide e pariete evulso, potest
 judicari. Tu vale Candide Lector, & si
 vitam produxerit Deus, pandectas etiam, ac-
 curatissime dispositas, a me expecta.

A D O L E S C E N T I
JURIS ROMANO-NEAPOLITANI
S T U D I O S O
A V C T O R

Adnotationum Juris Neapolitani.

JAM prodit *Prior Pars Institutionum Juris Romano-Neapolitani*, quam mox altera sequetur. At ne quid utraque præstet, ignores, teneas rogo primum, quæ ad Operis totius partitionem pertinent, tum vero de re ipsa dicam.

Ad primum te non morabor, ut instituti mei rationem intelligas; satis enim, quod eo spectat, tibi dabunt Litteræ, quæ *Brevi Historiæ Juris Romano-Neapolitani* præfixæ sunt. Quod autem ad operis divisionem facit, habe, me duabus Partibus Juris Romano-Neapolitani Institutiones complecti, quarum prior primum, & secundum, altera tertium, & quartum Librum comprehendet. Ne credas tamen, Operis hujus me tantum auctorem; Nam quæ spectant ad Jus Romanum, Heineccii sunt, mea ea omnia; quæ ad Neapolitanum. Eccur ita me gesserim, hæc est causa, quod mihi inutile prorsus visum, novos ad Justiniani Elementa commentarios addere, contra vero necessarium optimo Interpreti Institutionum Civilium ad-

ne

nectere adnotationes Juris Neapolitani, ubi opus esset, ut tandem optimi Adolescentes conjunctim utrumque Jus, ejusque variantes sententias exciperent. Rem mihi in hunc modum expendenti interpres alius non occurrit, quo duce rem tantam persequi recte possem præter Heineccium, cujus præ ceteris maxima laus est, pro eo ac sentiunt viri doctissimi, & de Rep. Idolorum benemerentissimi, concinne, ornateque Justiniani Juris Elementa explicasse, tyronumque captui sapienter accomodasse. Inde factum, ut Heineccium ediderim meis adnotationibus auctum. Quoniam vero quatuor Libros omnes, quos Institutionum opus omne comprehendit, in unum volumen conferre incommodum esset cum iis, qui ut curiositati forsitan indulgerent, ad manus habere vellent, tum vel maxime tironibus, quorum gratia id opus a me concinnatum, operæ pretium me facturum putavi, si opus integrum in duas Partes tribuerem, ac priore primum, & secundum librum complecterer, posteriori tertium, & quartum, atque his subjicerem adnotationes Juris Neapolitani, uti res ferret, breviores, longioresve. Sed continuo, ubi id efficere statueram, agitari capî ex eo, quod inanem laborem mihi futurum noverim, si tirones illis partibus Juris Neapolitani solum fruerentur, quæ responderent Juris Romani Elementis, quandoquidem noscerent eam partem, quæ Juris *Privati* Neapolitani propria est, cum vix *Privatum* Jus Ele-

Elementa Juris Civilis exhibeant. Et quidem res hæc tam gravis momenti mihi pro jure fuit, ut quamcitissime decreverim peculiari Opusculo *De Jure Publico Neapolitano* transfigere, quidquid ad Jus Publicum Neapolitanum attinet, idemque adnectere quatuor libris Juris Romano-Neapolitani. Quamobrem fiet, ut Elementis hujusmodi Juris Romano-Neapolitani accedet Liber, quo proponam Juris Publici Neapolitani partes. En igitur paucis tenes, quid Institutionibus hisce dare mihi in animo sit. Nunc velim oculis subicias pauca quædam, quæ mox subjungam, quippe quæ rem ipsam attingunt.

Ac primum quid adnotationes meæ exponent, paucis accipe. Ut vero memet rite, ac breviter ab hoc negotio expediam, sub initium te paucis volo, ut scias, quid umquam adnotationibus persequi conatus sim. Nolim credas, me præter ea, quæ legibus Neapolitanis cauta sunt, aliquid proponere studuisse; Nam semper a me posthabita ea docendi, discendive ratio, qua probatum legum studium illud, quod non a legibus hauriretur, sed ex male compactis Interpretum sententiis. Quid enim proderit ei, qui operam Juri navare mavult sexcentorum Interpretum sententias recensere, ubi legum ipsarum imperitus sit. Certe duo mala inde profisciscantur necesse est, quorum alterum est, Jus ignorari, alterum latere omnino, ecquid Juris locum habere debeat, ubi de Jure publico, ac privato disputandum sit. Quare recte dolere mihi visi sunt viri doctissimi, inter quos
video

vide Cl. Heineccium in precedenti *Præfatione*, in summa litterarum, ac gentium Europæarum barbarie id mali irrepsisse adeo, ut diu multumque opus fuerit adlaborare, ut pristina facies, uti & ceteris scientiis, Jurisprudentiæ rediret. Idem accidisse in hoc Regno, nemo nescit; Nam etiamnum Bibliopolæ nostri numerant sexcenta Doctorum Opera, quæ haud diu maximi habita, nunc vero nova temporum felicitate non amplius comparantur; Vnde scepticismus ille defecit, quo mire laborarunt majores nostri, cum sc. controversiarum definitiones nequaquam ex Juris fontibus peterentur, verum ex Doctorum hinc & inde corrasis sententiis, quas fortasse antea iidem descripserant, ut sibi suisque commodis potius consulerent, quam ut veritati litarent. His de causis mihi tribui id unum conferre, quod vel rationi, vel expressis Legum nostrarum sententiis consonaret. Ceterum hujusmodi Adnotationes, qualescumque sint, Jus omne Privatum complectentur, suisque locis, uti oportebit, adscribentur; Quare de earum ordine, ac locis passim te monebo.

Atque hæc primum habui, quæ tibi dicerem de re ipsa. Nunc plura fortasse a me essent dicenda, quibus probarem, me brevi difficile opus perficere debuisse, ac diu noctuque Codices Juris a capite ad calcem usque evoluisse, ut tuis commodis inservirem. Verum hæc coram effari inconveniens esse puto, cum satis tu ipse rem expendere valeas. Cave tamen exi-

sti-

XXVI

stimes, mihi penitus satisfacisse, gaudeo
tamen equidem vel hoc uno, me adhuc
nihil reliquisse, quod ad meum Institu-
tum pertineret. Atqui humanitatis, ac
benevolentiae tuae erit ignoscere, si quid
occurrat, quo jure reprehendi debere tibi
videar. Quamobrem non dubito, quin
et qui bonique consulas omnia, amiceque
potius sis moniturus, quam acerbe repre-
hensurus. Vale.






ELEMENTA JURIS

SECUNDVM ORDINEM

INSTITVTIONVM

PROOEMIUM.

§. 1.  VVM jus Romanum in Juris Anti-
tantam molem paullatim qui moles,
excreuisset, ut jam Li-
uius *lib. 3. c. 34.* illud
immensum aliarum super
alias acervatarum legum cumulum, Euna-
pius veto in *vita Aedes. p. 92. αἰγῶ κα-*
μηλων πολλων, multorum camelorum onus
adpellare non dubitent, omnino e repu-
blica videbatur, tam diffusam, ac per
tot volumina dispersam jurisprudentiam
in unum veluti corpus compingi *Const.*
tanta pr. & §. 1. de Confirm. Digest.

§. 2. Quamvis vero nec Ciceroni, qui Ejus colle-
id consilium, teste Gellio *lib. 1. cap. 22.* atio ante
ceperat, nec Cn. Pompejo, quem Isido- Justinianum
rus *lib. 5. Orig. cap. 1.* nec denique Julio frustra ten-
Cæsari, quem Suetonius *Jul. c. 44.* de hu-
jusmodi collectione cogitasse ferunt, is
labor successerit, felicior tamen ea in re
sæculo VI. fuit Flavius Justinianus Im-
perator.

§. 3. Hic obscuro loco natus, adopta- Justiniani
tusque ab auunculo Justino Illyrico, Im- mores, &
peratore, *Justiniani* nomen, ipsumque per ingenium.
Orientem imperium accepit anno Sæculi
sexti vicesimo septimo, eique per quadra-
ginta fere annos præfuit, Princeps, non
qui-

A

quidem a vitiis immunis ; quæ justo ac-
crius Procopius in *Anecdosis* infectatur,
nec tamen illiteratus , multoque minus
αυλαβητ & *elementariorum litterarum i-*
gnarus (ut quidam ex depravato loco
Suidæ Justinianum , & Justinum confun-
dētis perperam colligunt *) ; nec ab
omni prudentia legislatoria , qualem illa
sæcula ferebant , destitutus .

* Procopius *Gothic. lib. 3.* Justinianum magis in
dogmatum , quam reip. cura defixum fuisse ait .
Theodahatus , & Vitiges apud Cassiodor. *Var. lib.*
10. ep. 9. 22. 31. ejus doctrinam , & sapientiam lau-
dant . Alia Vigilii , & Eustathii Pontificum testimo-
nia Suidæ opponit Baron. *Annal. Eccles. ad ann.*
528. quum tamen idem sui oblitus eandem dicam
Justiniano scribat *ad ann. 551.* ex merito ideò ca-
stigatus a V. C. Schurzleischio in *Justiniano Or-*
thodoxo §. 11.

Res bello
gestæ .

§. 4. Res , dum imperavit , præclaras
gessit . Nam & bello cum Persis vario
Marte gesto , amissa quadam recuperavit,
Procop. in *Pers. lib. 11. cap. 19.* Agath. *lib.*
4. extr. & Gelimere , Vandalorum rege ,
capto , Africam recepit , Procop. *Vandal.*
lib. 11. cap. 3. & victis Vitige , Torila , &
Tejo , Siciliaque , & magna Italiæ parte
recepta , finem Gothorum regno in Ita-
lia fecit , Procop. *Goth. lib. 4. cap. 32.* *
Quos bellicos sudores , & triumphos ex
parte ipse imperator memorat §. 1. *Pro-*
æm. Inst. L. 1. pr. & L. 2. pr. C. de Offic.
Præf. Præf. Afr.

* Ex quo facile patet , cur in Proœmio *Institu-*
tionum Gothici , Vandalici , Africani cognomina
nomini suo adscripserit . Gothos enim , & *Vandalos*
perdomuerat , *Africam* receperat , quumque *Alani*
a Vallia Visigothorum Rege in Lusitania , anno
Chri-

Christi 418. ad internecionem cæsi, Gunderico Vandalorum Regi se submisissent (Idat. *Chron. ad h. ann.*) & hinc cum Vandalis postea a Justiniano essent excisi, *Alanici* quoque cognomine uti cœperat. Pro *Anticus* Ez. Spanhem. *de usu, & præst. numism.* Diff. 12. §. 12. p. 544. Tom. 2. monuit, legendum esse *Ponticus*. Lazos enim, Abasgos, & Tzanos ad Pontum Euxinum subegerat. Vnde & alibi in Nov. 43. pro *Antico*, vel *Pontico* se vocat *Lazicum*: quamvis & Antium gens tunc sui terrorem circumferret, posteaque & Mauritius Imp. diceretur *Anticus*. Vid. Hadr. Vales. *Rer. Fran.* 14. p. 365. Verum recte se habere scripturam probatum dedimus ad Brissonium *De Verborum, quæ ad Jus pertinent signif. b. u.* Germanicum, *Alamannicum*, *Francicum* frustra se adpellavit, quum non devicisset eas gentes. Quare & eo nomine Justiniano indignatum esse Theodebertum, Francorum Regem, auctor est Agath. *lib. 1. pag. 15.*

§. 5. Nec minus in toga profuturus Corpus Ju-
legibus paullatim rempublicam armavit, ris ab eo
liquidem primo, opera usus Tribonianus, compila-
aliorumque virorum ejus ævi jurisperito- tum, & qui-
rum, constitutiones selectas Principum ab dem primo
Hadriano ad sua tempora, antea in co- Codex Ju-
stiniæus. stinianæus.
dices Gregorianum, Hermogenianum, &
Theodosianum collectas, in novum * Co-
dicem compilari jussit, quem, ut fere alia omnia, a suo nomine *Justinianæum*
vocavit, ediditque VII. Id. April. anno
DXXIX. *Constit. summa reip.* §. 3. 4. 5. *de*
Just. Cod. confirm.

* Ita enim proprie adpellatæ sunt constitutionum principalium collectiones. Hinc οἱ τῶν νομοθετῶν κώδικες, *legislatorum codices* apud Isidor. *Peluf. Epist. IV. 91. Evag. Hist. Eccles. 1. 12.*

§. 6. Deinde sequente anno ad immen- Deinde
sa veteris prudentiæ volumina, * quorum Pandectæ.
duo millia erant e tricies centenis mil-
libus versuum composita L. 2. §. 1. C. *de*

vet. jur. enucl. curam suam extendit, ex iisque per XVII. viros conficiendas curavit *Pandectas*, seu *Digesta*, publicata demum XVII. Kal. Jan. anni DXXXIII. L. 2. *C. de V. I. E. Paull. Diac. lib. 1. cap. 25.*

* Nec tamen pandectæ collectæ sunt ex jureconsultorum antiquiorum scriptis, sed ex eorum potissimum, qui ab Hadriani temporibus floruerunt, ut Salvii Juliani, Papiniani, Vlpiani, Paulli, Marcelli, aliorumque. Causa in promptu est. Ab Hadriani enim temporibus per edictum perpetuum, & principum constitutiones ita immutata fuerat jurisprudentia universa, ut nihil utilitatis redundaturum fuisset ad Remp. si ex P. Mucio Sævola, Manilio Bruto, aliisque, qui liberam viderant temp. excerpta dari jussisset Justinianus. Vid. Dodvvell. *Prælect. Cambden.* 8. p. 319. Obiter moneo, ab Hadriani demum temporibus cœpisse *Jurisprudentiam Mediam*, cujus mentio fit §. 3. *Instit. de legis, agnat. success.* Antiqua enim a legibus XII. tabularum, Nova a Gordianorum, vel potius Constantini M. temporibus arcessenda videtur. Jureconsultos hic fere dissentientes in viam reduxit Cl. Perizon. ad *leg. Vocon.* p. 198.

Hinc L. decisiones.

§. 7. Antequam pandectæ conficerentur, anno DXXX. Lampadio, & Oreste Coss. & duobus insequentibus, Justinianus edidit L. decisiones, quibus varios juris articulos ob diversas jureconsultorum sectas * perquam ambiguos (*L. penult. C. de necess. serv. her. instit.*) opera potissimum Triboniani (§. 3. *inst. de libertin.*) definivit. Hæc deinde in Codicem repetitæ prælectionis inigrarunt; unde eas collegerunt, & luculentis commentariis illustrarunt Em. Merillius, & Jo. Strauchius.

* Sectæ a Jureconsultis celeberrimæ, Labeone, & Capitone, duobus pacis decoribus, natæ L. 2. §. 7. ff. *de orig. jur.* A Capitone descendunt Sabinus, unde Sabiniani, & C. Cassius Longinus, unde

Proœmium.

unde Cassiani : Labeonis sequaces sunt Nerva ,
Proculus , unde Proculejani , & Pegasus , unde Pe-
gafiani *d. l. 2. §. 47. ff. de or. jur.* De his Sectis
plura notabimus ad Pandectas.

§. 8. Hinc porro *Institutiones* ex vete- Nec non In-
rum jureconsultorum Enchiridiis , & ma- stitutiones .
xime Caji Institutionibus , Triboniani ,
Dorothei , & Theophili* opera conscriben-
das curavit , ut essent totius legitimæ
scientiæ prima elementa §. 3. 4. 6. *Instit.*
Proœm.

* Qui Theophilus non diversus est ab eo , cujus
Græca Institutionum existat paraphrasis. Car. Ann.
Fabrotus dissentit , & observat tamen Theophilum
a Thalelæo citari. Thalelæus autem proculdubio
fuit Justiniano *συγγραφεύς* , coævus. Vid. *præf. nostr.*
ad Vinn. *Comm. in Inst.*

§. 9. Qui libellus , ut ut post pandectas Earum pu-
compositus , ante eas tamen publicatus est blicatio , &
XI. Kal. Dec. anni DXXXIII. Justiniano confirmatio.
A. tertium consule §. 7. *proœm.* At plenif-
simum illud constitutionum Justiniane-
rum robur , de quo §. 6. *Proœmii* , una cum
pandectis demum obtinuit ex III. Kal.
Jan. anni DXXXIII. *l. 2. §. 23. C. de vet. jur.*
enucl.

§. 10. Quum paullo post editas Pande- Codex repe-
ctas , & Institutiones deprehenderet Im- titæ præle-
perator , non paucas superesse Codicis Ju- ctionis .
stiniani , & Pandectarum dissensiones , e
re visum est , Codicem illum retexi , no-
vumque adornari , qui ideo vocatur Co-
dex repetitæ prælectionis abolito Justinia-
neo * editus , publicatusque XVI. Kal.
Dec. ann. DXXXIV. Justiniano A. quar-
tum , & Paullino cons. *Const. cordi nobis*
§. 3. 4. 5. 6. *de emend. C. Justin.*

* Hinc sæpe in Institutionibus laudantur constitutiones, quas frustra quæveris in Codice. Exempla videbis §. 20. *Inst. de leg. §. 27. cod. §. 7. de leg. agn. success. pr. de bon. poss. §. 24. & 33. de action.*

Novellæ
non a Justini-
niano.

§. 11. Sequuntur sunt hanc compilationem variæ constitutiones *νεπαρ*, seu *Novellæ* Græce maximam partem conscriptæ * *Agath. lib. 5. p. 145. Jo. Malala p. 165.* Quas licet se collecturum promittat Justinianus *d. const. cordi nobis §. 4. de emend. Cod. Just.* fidem tamen, quantum constat, haud liberavit.

* Maximam partem dicimus. Quædam enim Latine editæ videntur (vid. *Nov. LXVI. c. 1. §. 2.*) veluti IX. XI. XXIII. LXII. CXLIII. CL. Quamvis enim & in his Græcismos repererit V. C. Jo: Frid. Hombergk *in præf. Nov. vers. Novell.* Id tamen facile contingere potuit ævo Justiniano & Constantinopoli scribentibus.

Sed ab ho-
mine semi-
barbaro col-
lectæ.

§. 12. Quæ enim hodie sub titulo *Novem Collationum* existant novellæ, ex non multo post Justiniani tempora, & ante Gregorium M. Papam ab homine semi-barbaro collectæ & *κατὰ νοῦν*, ad verbum quidem, sed parum pure versæ sunt. *Cujac. lib. 8. obs. c. 40.* Sola tamen illa semibarbara versio authentica est. Textum enim Græcum ab Haloandro, Scrimgero, Lud. Ruffardo, Henr. Agyleo, aliisque restitutum, nec non versionem a Juliano patricio, & antecessore circa annum Christianæ æræ 570. cultiore stilo adornatam, & e bibliotheca Pithæorum editam, * imo & elegantiorē, quæ tempore Irnerii existisse fertur, versionem forum haud recepit, quia eam non recepit Irnerius. Guid. Pancirol. *de Clar. leg. Interp.*

resp. lib. 2. cap. 13. p. m. 120.

* Bas. 1567. & Paris. 1689. fol.

§. 13. Ex novellis istis, & constitu-Authenticæ
tionibus quibusdam Fridericorum Impp. quid?
Germ. ab Irnerio, uti videtur, aliisque
quibusdam jurisprudentiæ restauratoribus
decerptæ sunt *Authenticæ*, id est summa-
ria novellarum constitutionum legibus co-
dicis, quibus derogant, subjuncta. Ampl.
Bynkersh. de *Auth. Authent.* cap. 3. pag. 14.
seqq.

Habes jam ab Heineccio Justinianei ^{Juris Neapo-}
Juris historiam, qua mire Proœmio hisce ^{litanum.}
Institutionum Libris a Justiniano præfixo
lucem adfert. Quod equidem moneo, ut
nunc maxime teneas, me pro jure levi-
ter attigisse in *Historia Juris Romano-Nea-*
politani Part. 1. cap. 3. quæ ad Justiniani
operam in colligendis Legibus Romanis
pertinerent, ne frustra tempus terere vi-
derer. Ac sane cum Heineccio, tum a-
liis Institutionum Civilium Interpretibus
neceffe fuit, longa oratione Proœmium
istud explicare, ut præclare proponeren-
tur, quæ Justinianus fieri curavit, ut
Leges Romanæ rite componerentur. Ve-
rum si Fridericus noster, qui primus om-
nium Leges Neapolitanas in Codicem re-
digi jussit, præter Codicem Institutiones
Juris Neap. confici imperasset, profecto
tantam adeptus esset gloriam, ut non so-
lum regiminis arte æquasset, sed etiam
ipsum Justinianum superavisset; quamvis
haud imparem laudem excepit ex sola

Codicis *Constitutionum Viriusque Sicilie* promulgatione. Idque plane affirmaveris, siquidem advertas, Justiniani ævo ad manus Ictorum fuisse nonnullos Codices Juris civilis, quibus antiquæ leges Romanorum non sine arte descriptæ, immo & Institutionum Libros, ac præsertim illos Caji, quorum exemplo usi Tribonianus, Theophilus, & Dorotheus Elementorum Juris Civilis Auctores, contra vero ad Fridericum usque neminem fuisse, qui leges Neapolitanorum in volumen aliquod redigere studuerit; Quamobrem difficiliorem fuisse credas oportet Friderici operam, cum quia ea ætate deerant Codices, ex quibus antiquiores leges exscribi possent, tum quia eas leges in unum corpus conferri opus erat, quæ primum pro varia Principum dominatione in diversis Regni Neap. Civitatibus invaluerant, dein vero civitatibus omnibus in Regni formam redactis unius Regni peculiare evaserunt. Porro semet commendat in Proœmio Justinianus, quod utroque tempore Belli, ac Pacis res Romanas recte gesserit, quod sc. hostes debellavit, atque antiquas leges rite collegit, ac novas alias condidit. Atqui quis umquam nescit, id quoque Fridericum præstitisse potissimum ea tempestate, qua nimis difficile erat regnare ob continuas seditiones, quibus res publicæ vexabantur, quarum origo erat vel ab Ingenio subditorum, qui plerumque fidem violare solebant, vel ex non paucorum immani arbitrio, quibus Imperii juribus præesse omni-

omnino placebat. Atque hæc reor equidem, tibi satis ostendere noſtrorum Principum, ac maxime Friderici II. curam haud parvi faciendam in rerum noſtrarum regimine utroque tempore bellorum, ac pacis. Certe ſi aſſentatores habuiſſent, quos Juſtinianus fortitus eſt, aliter eorum geſta ſinguli admirarentur, ac ſolent oculis ſubjicere, qui præteritas res critice nequaquam expendunt.

§. 14. Præterea ab Hugolino a Porta Ravennate, jureconſulto Bononiendi, uti Guid. Pancirol. *de Clar. Leg. Interp. lib. 2. cap. 16. p. 130.* & Schilter. *in præf. ad Minucc.* §. 4. ex Odoſredo oſtendunt, Novellis ſub titulo decimæ collationis additi ſunt libri *Feudorum*, medio circiter ſæculo XII. a Gerardo Nigro, & Oberto ab Orto Coſſ. Mediolanenſibus compilati. Unde & hi una cum corpore juris recepti in forum juris communis feudalſis auctoritatem obtinuerunt, ſalvis tamen moribus cujuſque gentis patriis. Conferenda hic omnino celeb. Thoſaſii *ſelecta Feudalia*.

Libri Feudorum a quo corpori juris additi?

Haud abs re memorat Hein. Libros Jus Neapo-
Feudales, qui novem Collationibus, a litanum.
neſcio quo, ſubjecti (nimis enim confidenter Cl. vir ait, Hugolinum a Porta id feciſſe, motus auctoritate Pancirol, quandoquidem id in controverſia poſitum eſt apud eruditos Interpretes) Nam cum placuerit, eos ſubnectere Novellis Imp.
Ju-

Justiniani, quæ ad Jus Romanum spectant, eodem jure fieri debebat eorum mentio, quo Librorum Juris civilis. Te tamen heic non moror, ut scias eorundem Historiam, atque auctoritatem, quam apud nos obtinuerunt; rem enim totam pro instituto in de *Origine, atque Auctoritate Legum Feudalium in Regno Neap.* exposui.

Qui libri §. 15. Quum ergo sensim in hanc molem excreverit jus Justinianum (§. 5. seq.) & lex posterior derogat priori *I. ult. ff. de constit. princ.* consequens est I. ut Codicis Gregoriani, Hermogeniani, & Theodosiani, quæ exstant, fragmenta, quamvis ad juris interpretationem utilissima, tamen nullius in foro auctoritatis sint, nec sine falsi crimine ad decisionem causarum citentur *L. 2. §. 19. C. de vet. jur. enucl.* II. ut Novellæ derogent libris omnibus, quia postremo prodierunt (§. 11.) III. ut Codex derogat Institutionibus, & Pandectis, quippe utrisque posterior (§. 10.) IV. ut Institutiones, & Pandectæ, quæ ab eodem tempore robur suum obtinuerunt, (§. 9.) ejusdem auctoritatis sint, & neutræ alteris derogent. *

* Quia tamen in quibusdam pugnant, observandæ sunt regulæ 1. *Institutiones cedunt Pandectis tanquam auctoritatibus suis, quatenus ex his descriptæ sunt.* Hinc. e. c. lex. 7. §. 7. ff. de acquir. rer. dom. merito præfertur §. 25. *Inst. de rer. divis.* 2. *Pandectæ cedunt Institutionibus, quoties his novationem ex instituto fieri adparet.* Hinc e. c. §. 7. *Instit. ex quib. caus. manum.* merito præfertur legi 9. & *L. 11. ff. de manum. vind.* Vide *Huber. Prælect. ad Inst. Proæm. §. 10.*

§. 16. Quia deinde privatus non condit leges, consequens est V. ut authenticæ, quippe a privatis collectæ, (§. 13.) non polleant auctoritate legum, nisi quatenus cum novellis, ex quibus decerptæ sunt, conveniunt. * Rittersh. *Promuls. error. Irner Wissenb. Syll. error. Irner.*

* Sæpe autem non conveniunt. Exempla vide in *Auth. Bona damnatorum C. de bon. proscript. Auth. ex causa C. de Lib. præter. & exher. Auth. Hec ita C. de verb. obl. Auth. Sed hodie C. de judic.* quas si contenderis cum auctoritatibus suis, discrimen statim in oculos incurret.

Quæ supra docet Heineccius de diversa vi Legum, quas collegit, atque condidit Justinianus, mihi crede, iudicio omnium doctissimorum Interpretum plenissime probantur. Atqui eadem ratio habenda non est de legum nostrarum vi. Sane a Friderico usque (Fridericum primum omnium me hic memorare nolim putes, quod fortasse is legum Neapolitanarum conditor fuit; Nam usque ab origine sua ab antiquioribus aliis Legislatores peculiare leges Neapolitani exceperunt; ita enim, ut de re, qua de agitur, rite disputetur, procedendum est, ut sc. vis constet earum legum, quibus vivere necesse fuit Neap. ubi unius imperio cum ceteris omnibus, qui nunc regiones ceteras Regni Neapolitani incolunt, parere ceperunt, operaque sapientissimorum Principum, inter quos procul dubio Fridericus recensendus est, primum suarum legum Codices ad manus habuerunt. Id quod sub

Jus Neapolitanum.
Fri-

Friderico primum expediri cœpisse te non latet ; siquidem probes , quod neminem improbasse video , leges recensere , quæ ante Codicis Friderici ætatem valuerunt , difficile admodum esse , quia caremus Scriptoribus , ac Monumentis , ex quibus eo spectantia tuto elici queant) auctoritas legum nostrarum ita definita est , ut legum illarum vim constare scriptum sit , quæ posterioribus nequaquam abrogentur , vel iisdem non derogetur . Id tamen de Jure Justiniano intelligi , ubi de Juris Romani auctoritate disputatur , tantum solet . At si de nostro Jure ratio est ineunda , rem tene in hunc modum . Nimirum recenseri opus est non unius Friderici Jurisprudentiam , sed etiam ceterorum Regum , qui post Fridericum & novas leges crearunt , & easdem colligi iusserunt . Sin igitur fiat , ut servato temporum ordine Capitulis , Ritibus , Pragmaticis , quæ opera sequiorum Principum prodierunt , Constitutiones aliquæ Friderici abrogentur , hæ nullius momenti erunt . Sin autem leges complectatur Friderici antiquior codex , quæ in aliis recentioribus codicibus minime improbatæ sint , easdem servari tene . Hunc canonem nunc discito , quem omnino valere suis locis videbis .

Quanta hodie sit juris Romani auctoritas.

§. 17. Quia denique Justiniano , qui Orienti præfuit , (§. 3.) pars maxima Europæ , in qua hodie jus Romanum viget , nunquam paruit , consequens est , VI. ut jus Justinianum hodie obliget , qua-

quatenus receptum. VII. ut illi leges, & statuta, necnon mores patrii singularum civitatum, & gentium præferantur. VIII. ut Novellæ Leonis, quamvis cum jure Justiniano edi soleant, nec non Edicta Justiniani XIII. & constitutiones quædam a Jac. Cujacio, Contio, aliisque viris doctis restitutæ contra jus Justinianæum non valeant. Cujac. lib. 17. obs. cap. 30.

De perpetuo Juris Romani usu in ^{Jus Neapo-} Regno Neapolitano non est, cur dubi-^{litanum.} tes. Nam vigente Imperio Romano Legum Romanarum præstantia, ac fide, quam semper Romanis Neapolitani præstiterunt, numquam usus legum Romanarum a nostris majoribus improbatus. Post Imperii Romani ruinam idem servatum majorum ipsorum studio erga Romanas leges, ac nostrorum Principum Langobardorum, Nortmandorum, ceterorumque beneficio satis constat. Id plane demonstratum plenissime est a nonnullis historicis rerum Neapolitanarum. At tibi maxime cordi sit, perlegere hac de re Arthurum Duckium, qui licet nostratum numero non sit, tamen in *De Usu, & Auctoritate Juris Civilis* 11. 4. totus est, ut evidenter probet communem usum Juris Romani in Regnis Neapolis, ac Sicilia. Hinc minime mireris oportet nostrarum legum interpretes, quippe qui plenis chartis jus Romanum Commune esse in hoc Regno docuerunt. Quamobrem lubenter abstineo, omnes heic in medium proferre, cum satis mihi habeam, rem a te probari debere aucto-

Et dicitur Afflicti in *Præhud. ad Constitut.* & passim in *Comment. ad easdem*, Antonii Surgentis *Neapol. Illustr. cap. xvii.* Iferniæ in *Præhud. Feudalibus*, & Tappiæ, aliorumque Doctorum ad Constitutionem *Puritatem*. Verum Juris Romani vim semper stare puta, ubi nostris legibus patriis minime obstat; Nam prævalere semper debent civilibus, siue communibus leges Patriæ, uti non solum transfactum hac de re est in Regno Neap. sed etiam in aliis Regnis, in quibus tamquam commune Jus Romanum receptum-

LIBER I. TIT. I.

De Justitia, & Jure.

Finis juris-
prud. Justi-
tia.

§. 18. **F**inis universi juris est *Justitia*,
cujus se sacerdotes profitentur
jureconsulti. * *L. 1. §. 1. ff. h. t.*

* Æmulati Philosophos in primis Stoicos, quorum præceptis plerique veteres jureconsulti imbuti fuerunt. Vid. Em. Merill. *Obs. lib. 1. cap. 1. sequ.* V.C. Everardi Ottonis *Orat. de Philos. Stoica ver. Jurisconsultorum*. Nami & philosophi olim se vocare solebant τῆς ἀρετῆς προεστῶτας, καὶ μόνους ἱερῆς, virtutis antistites, & solos sacerdotes. Diog. Laert. *Præm. Merill. Lib. 1. Obs. cap. 11.*

Justitia
quid?

§. 19. *Justitia* ex principiis philosophiæ moralis stoicæ * est constans, & perpetua voluntas jus suum cuique tribuendi *pr. Inst. h. t. L. 10. pr. ff. eod.*

* Stoicis enim, quibus addicti Jureconsulti veteres [§. 18. *] omnis virtus consistere dicebatur in constantia, vel constante, ac perpetuo animi proposito. Cic. *Parad. 3. cap. 1.* Seneca *Epist. 66. 120.* Conf. v. c. Ger. Noodt. *Probabil. lib. 3. cap. 1.* At in civitate is etiam habetur vir justus, qui externas actiones ad legem componit, quamvis non accedat

cedat constans illa, ac perpetua voluntas. Cogitationis enim poenam in foro nemo patitur L. 18. ff. de pen.

§. 20. Quandoquidem itaque justitia jus *Ea vel ex-* suum cuique tribuit (§. 19.) homines *plettrix, vel* ro alia jure perfecto, alia jure imperfe- *attributrix.* cto a se invicem exigere possunt, vel, uti Paullus L. 17. §. 3. ff. commod. vel contra loquitur *quedam voluntatis, & officii ma-* gis, quam necessitatis sunt, justitia recte in *expletricem, & attributricem* dividitur a Grotio Lib. 1. de jure belli, & pacis cap. 1. §. 8.

§. 21. *Expletrix* est, quæ cuique tribuit, *Vtriusque* quod jure perfecto debetur. *differentia.* *Attributrix,* quæ cuique tribuit, quod voluntatis, & officii magis est, quam necessitatis (§. 20.)

§. 22. Qui justitiam attributricem colit, *Præcepta* *honeste. vivit.* Qui expletricem, *juris.* *neminem* laedit, & suum cuique tribuit. Unde habes tria juris præcepta, * de quibus §. 3. Instit. h. t. & L. 10. §. 1. ff. h. t.

* Quomodo eadem cum virtutibus cardinalibus Stoicorum concilianda sint, docet celeberrimus Thomas. Nor. ad Inst. h. t.

§. 23. Qua divisione justitiæ [§. 20. 21.] Justitia u- quum multo obscurior sit altera in *universalis.* *universalem,* & *particularem,* de ea æque, *Particula-* ac de tertia in *commutativam,* & *ris, commu-* *distributivam* commodior ad digesta erit dicendi *tativa, &* *distributiva* locus.

§. 24. A justitia [non quidem gramma- *A justitia* tice, sed moraliter] *Jus* L. 1. pr. ff. h. t. a *jus, a jure* jure *Jurisprudentia* dicitur. *jurispruden-* *tia.*

§. 25. Jurisprudentia veteribus est *rerum* *Quid vete-* *divinarum,* & *humanarum notitia,* *justi,* *tribus?* *injustique scientia* §. 2. Inst. h. t. L. 10. §. 1. ff.

ff. h. t. Cuius definitionis priora verba alias ad definitionem philosophiæ pertinent. Sen. *Epist.* 89. Adeoque sensus est, jurisprudentiam esse *philosophiam, quæ in justæ scientiæ consistit.* *

* Jureconsultis enim perpetua erat æmulatio cum philosophis *απρακτος*, *ignavis*, qui sola barba, & pera id nomen tuebantur. Quenadmodum ergo jureconsultos *veram, non simulatam philosophiam affectare*, dicit Ulpianus *L. 1. §. 1. ff. h. t.* ita ab eodem jurisprudentiam philosophiæ definitione exornari, minime mirandum.

Quomodo
a nobis defini-
atur?

§. 26. Concinnius tamen definiri potest, quod sit habitus practicus leges recte interpretandi, adplicandique rite quibusvis speciebus obvenientibus.

Quotus leges
interpreta-
tur.

§. 27. Interpretes non ad verba tantum legum, sed ad earum vim, & potestatem respicit *L. 17. ff. de legib.* Qui enim leges, quas memoria tenet, non intelligit, *Legulejus* vocatur Ciceroni *Lib. 1. de Orat. cap. 55.*

Interpreta-
tio quoru-
plex?

§. 28. Vis & potestas legum ex ratione earum perspicitur, quæ si latius patet verbis interpretationis *extensiva*, si verbis angustior *restrictiva*, si cum verbis pari passu ambulat, *declarativa* fundamentum habetur.

Adplicatio
legum ad
facta.

§. 29. Leges interpretatione explicatæ adplicantur a jureconsulto factis, vel speciebus obvenientibus [§. 26.] adeoque ille *legum, & consuetudinum earum, quibus privati in civitate utuntur, & ad respondendum, & ad agendum, & ad cavendum* [adde & ad judicandum] peritus esse debet, iudice Cicerone *Lib. 1. de Orat. cap.*

48. Qui ergo nulla accuratiore juris notitia imbutus, cruda studia in forum propellit, evertendisqne aliorum fortunis quæstum facit, *Rabula* vocatur ab eodem Cicerone *ib. cap. 15.*

Vides, quid *Rabula* notet. Igitur necessarium puta, jus omne discere, ne nonnullorum morem sequi videaris, qui etiam hodie ne quidem imbuti iis, quæ in Elementis Juris exhibentur, ad forum audacter accedunt, ut Judicibus bilem moveant, clientumque vel bonam, vel malam causam deperdant. Hi sunt, apposite Polletus *De Foro Romano* II. 9. qui ad ravim usque in Foro, tamquam in foco laurus virens, crepitant, alternis jurgiis convitiantur, rixantur, latrant tenso jecore, qui sonitum verborum inanem nulla scientia, nulla sententia erocitant, quibus

Jus Neapolitanum.

Immensa cavi spirant mendacia folles,

Conspuiturque sinus.

Hinc præferas rogo universi Juris notitiam, ut pro jure temere litigantium fraudes arceas, eosque defendas, qui legum præsidio recte opus habent; Quare Oratoris potius, quam *Rabulæ* nomen promerearis. Neque res tanta caret exemplo. Habet enim Fori Neapolitanum doctos viros, quibus jure laus omnis debetur, quod ea sine præditi legum scientia, ut sibi, ac Foro Neap. decori sint, atque ornamento.

§. 30. Quum vero jurisprudentia in in-Juris divisio
terpretandis, adplicandisque legibus verse- in publicum
tur (§. 26.) leges autem vel de statu publi- & privatum.

Tom. I.

B

co,

co, vel de privatorum negotiis ferantur, jus recte dividitur in *Publicum*, & *Privatum*, quæ & *duæ juris positiones** vocantur §. 4. *Inst. h. t. L. 1. §. 2. ff. eod.*

* Positio *totas*, *Stoicis* Stoicis dicebatur pars, seu species, Cujac. *ad L. 11. ff. de V.S.* Eodem vocabulo positionis eodem sensu usum esse Palladium *de Re Rust. Lib. 3, tit. 2*, observavit v. c. Car. Andr. Duker. *de Latinitate Jurisconsultorum vet. p. 326.*

Quid publicum? Quid privatum?

§. 31. *Publicum de statu, juribusque rerum publicarum*, vel de imperantium, ac civium nexu *præcipit*, *privatum ad singulorum utilitatem*, id est, ad meum, & tuum spectat * *L. 1. §. 2. ff. t.*

* Ab objecto ergo dicitur hæc partitio, non a causa efficiente, vel finali. Secundum has enim & privatum jus recte vocatur publicum *L. 38. ff. de pact. L. 8. de Tutel. L. 29. D. de test. tut. L. 18. §. 1. de damno inf.*

Jus Neapolitanum,

Juris Neapolitani duas quoque esse *tenere positiones*, seu partes, aut enim publicum est, aut privatum. Publicum est, quod ad statum rei Neapolitanæ pertinet; Nam proprie *Πολιτείας* Regni spectat, ac Principatus Jura proponit. Privatum vero est, quod Neapolitanorum, eorumque, qui Regi Neapolitano subsunt, utilitatem exponit. Vtrumque Jus tibi dare in animo mihi est. At quoniam Heineccium sequor, qui de Jure Publico Romanorum non agit, cum ab Institutionum Juris Civilis auctoribus tantum descripta privata Juris capita, quod expeditiora essent, captuique tironum vel facile accomodari possent (modo excipias ea, quæ habet Titulus *de Judiciis*) necesse omnino est, ut
ira

in meis hisce notulis tantum conferam leges illas, quæ ad Jus privatum Neapolitanum pertinent, ne extra aleam ludere videar. Verum equidem Publicum Jus Neapolitanum, quod profecto difficilius est, tibi dabo in calce hujus operis; Etenim Opusculo, cui hic index præscribetur, *De Jurisdictione omnium Judicum Regni Neap.* enarrabo, quæ Publicum Jus Regni Neap. constituunt, atque ad ejusdem partes pertinent.

§. 32. Vtrumque (non solum privatum) ^{Vtriusque triplex origo.} tripartitum est, collectum quippe ex naturalibus præceptis, gentium, & civilibus. *ult. Inst. h. t. l. 1. §. 2. ff. h. t.* De quibus agendum erit titulo sequente.

* Si nempe recte jus naturæ definias, uti nos infra §. 40. Ulpianus vero, qui jus naturale hominibus cum reliquis animantibus commune putabat, (§. 36.) non poterat inde derivare jus publicum, cujus nec vestigium, nec umbram inter bruta notamus.

T I T. II.

De Jure Natura, Gentium, & Civili.

§. 33. **J**us, vocabulum alias maxime ^{πρωτογενή, y significacione vñdum} Jus quo sentiri hic accipitur? *L. 11. & 12. ff. de just. & jure*, hic pro lege, vel potius complexione legum omnium unius generis accipitur. Quales ergo sunt leges, tale jus emergit.

§. 34. Leges igitur quum vel divina, vel humana sint; jus quoque vel divinum, vel humanum esse oportet (§. 33.) ^{Vel divinum, vel humanum est.}

§. 35. Divinum, prout vel per rectam Divini divinationem, vel per sacras litteras promul-

Justiniani, quæ ad Jus Romanum spectant, eodem jure fieri debebat eorum mentio, quo Librorum Juris civilis. Te tamen heic non moror, ut scias eorundem Historiam, atque auctoritatem, quam apud nos obtinuerunt; rem enim totam pro instituto in de *Origine, atque Auctoritate Legum Feudalium in Regno Neap.* exposui.

Qui libri corporis juris sibi invicem derogent?

§. 15. Quum ergo sensim in hanc molem excreverit jus Justinianum (§. 5. seq.) & lex posterior deroget priori *L. ult. ff. de constit. princ.* consequens est I. ut Codicis Gregoriani, Hermogeniani, & Theodosiani, quæ exstant, fragmenta, quamvis ad juris interpretationem utilissima, tamen nullius in foro auctoritatis sint, nec sine falsi crimine ad decisionem causarum citentur *L. 2. §. 19. C. de vet. jur. enucl. II.* ut Novellæ derogent libris omnibus, quia postremo prodierunt (§. 11.) III. ut Codex deroget Institutionibus, & Pandectis, quippe utrisque posterior (§. 10.) IV. ut Institutiones, & Pandectæ, quæ ab eodem tempore robur suum obtinuerunt, (§. 9.) ejusdem auctoritatis sint, & neutrx alteris derogent. *

* Quia tamen in quibusdam pugnant, observandæ sunt regulæ 1. Institutiones cedunt Pandectis tanquam auctoritatibus suis, quatenus ex his descriptæ sunt. Hinc e. c. lex. 7. §. 7. ff. de adquir. rer. dom. merito præfertur §. 25. Inst. de rer. divis. 2. Pandectæ cedunt Institutionibus, quoties his novationem ex instituto fieri adparet. Hinc e. c. §. 7. Instit. ex quib. caus. manum. merito præfertur legi 9. & L. 11. ff. de manum. vind. Vide Huber. *Prælect. ad Inst. Proæm.* §. 10.

§. 16.

§. 16. Qui leges, consuetudines, quippe a prælati polleant auctoritatem cum novellæ conveniunt. ut Wissenb. * Saepè autem de h. Bonæ d. n. causa C. d. de verb. ob. consideris c. in in oculis

Quæ sunt legum Justinianus doctissimiorum. Auct. de legum d. h. c. usque hic m. t. is le. fuit; Nam quoribus leges Neap. de re, procedend. cum legum Neap. ut omnibus qui Neap. runt, c. pum, in recensent. Codices

§. 16. Quia deinde privatus non condit leges, consequens est V. ut authenticæ, quippe a privatis collectæ, (§. 13.) non polleant auctoritate legum, nisi quatenus cum novellis, ex quibus decerptæ sunt, conveniunt. * Rittersh. *Promuls. error. Irner Wissenb. Syll. error. Irner.*

* Sæpe autem non conveniunt. Exempla vide in *Auth. Bona damnatorum C. de bon. proscript. Auth. ex causâ C. de Lib. prater. Et exher. Auth. Hec ita C. de verb. obl. Auth. Sed hodie C. de judic.* quas si contenderis cum auctoritatibus suis, discrimen statim in oculos incurret.

Quæ supra docet Heineccius de diversâ vi Legum, quas collegit, atque condidit Justinianus, mihi crede, judicio omnium doctissimorum Interpretum plenissime probantur. Atqui eadem ratio habenda non est de legum nostrarum vi. Sane a Friderico usque (Fridericum primum omnium me hic memorare nolim putes, quod forrasse is legum Neapolitanarum conditor fuit; Nam usque ab origine sua ab antiquioribus aliis Legislatores peculiare leges Neapolitani exceperunt; ita enim, ut de re, qua de agitur, rite disputetur, procedendum est, ut sc. vis constet earum legum, quibus vivere necesse fuit Neap. ubi unius imperio cum ceteris omnibus, qui nunc regiones ceteras Regni Neapolitani incolunt, parere ceperunt, operaque sapientissimorum Principum, inter quos procul dubio Fridericus recensendus est, primum suarum legum Codices ad manus habuerunt. Id quod sub Fri-

Jus Neapolitanum.

Friderico primum expediri cœpisse te non latet ; siquidem probes , quod neminem improbasse video , leges recensere , quæ ante Codicis Friderici aetatem valuerunt , difficile admodum esse , quia caremus Scriptoribus , ac Monumentis , ex quibus eo spectantia tuto elici queant) auctoritas legum nostrarum ita definita est , ut legum illarum vim constare scriptum sit , quæ posterioribus nequaquam abrogentur , vel iisdem non derogetur . Id tamen de Jure Justiniano intelligi , ubi de Juris Romani auctoritate disputatur , tantum solet . At si de nostro Jure ratio est ineunda , rem tene in hunc modum . Nimirum recenseri opus est non unius Friderici Jurisprudentiam , sed etiam ceterorum Regum , qui post Fridericum & novas leges crearunt , & easdem colligi iusserunt . Sin igitur fiat , ut servato temporum ordine Capitulis , Ritibus , Pragmaticis , quæ opera sequiorum Principum prodierunt , Constitutiones aliquæ Friderici abrogentur , hæ nullius momenti erunt . Sin autem leges complectatur Friderici antiquior codex , quæ in aliis recentioribus codicibus minime improbatæ sint , easdem servari tene . Hunc canonem nunc discito , quem omnino valere suis locis videbis .

Quanta hodie sit juris Romani auctoritas.

§. 17. Quia denique Justiniano , qui Orienti præfuit , (§. 3.) pars maxima Europæ , in qua hodie jus Romanum viget , nunquam paruit , consequens est , VI. ut jus Justinianum hodie obliget , qua-

quatenus receptum. VII. ut illi leges, & statuta, necnon mores patrii singularum civitatum, & gentium præferantur. VIII. ut Novellæ Leonis, quamvis cum jure Justiniano edi soleant, nec non Edicta Justiniani XIII. & constitutiones quædam a Jac. Cujacio, Contio, aliisque viris doctis restitutæ contra jus Justinianum non valeant. Cujac. lib. 17. obs. cap. 30.

De perpetuo Juris Romani usu in Jus Neapolitano non est, cur dubitantes. Nam vigente Imperio Romano Legum Romanarum præstantia, ac fide, quam semper Romanis Neapolitani præstiterunt, numquam usus legum Romanarum a nostris majoribus improbatus. Post Imperii Romani ruinam idem servatum majorum ipsorum studio erga Romanas leges, ac nostrorum Principum Langobardorum, Nortmandorum, ceterorumque beneficio satis constat. Id plane demonstratum plenissime est a nonnullis historicis rerum Neapolitanarum. At tibi maxime cordi sit, perlegere hac de re Arthurum Duckium, qui licet nostratum numero non sit, tamen in *De Usu, & Auctoritate Juris Civilis* II. 4. totus est, ut evidenter probet communem usum Juris Romani in Regnis Neapolis, ac Sicilia. Hinc minime mireris oportet nostrarum legum interpretes, quippe qui plenis chartis jus Romanum Commune esse in hoc Regno docuerunt. Quamobrem lubenter abstineo, omnes heic in medium proferre, cum satis mihi habeam, rem a te probari debere aucto-

Autoritate Afflicti in *Præhud. ad Constitut.* & passim in *Comment. ad easdem*, Antonii Surgentis *Neapol. Illustr. cap. xvii.* Iserniæ in *Præhud. Feudalibus*, & Tappiæ, aliorumque Doctorum ad Constitutionem *Puritatem*. Verum Juris Romani vim semper stare puta, ubi nostris legibus patriis minime obstat; Nam prævalere semper debent civilibus, siue communibus leges Patriæ, uti non solum transactum hac de re est in Regno Neap. sed etiam in aliis Regnis, in quibus tamquam commune Jus Romanum receptum-

LIBER I. TIT. I.

De Justitia, & Jure.

Finis juris-
prud. Justi-
tia.

§. 18. **F**inis universi juris est *Justitia*,
cujus se sacerdotes profitentur
jureconsulti. * *L. 1. §. 1. ff. h. t.*

* Emulati Philosophos in primis Stoicos, quorum præceptis plerique veteres jureconsulti imbuti fuerunt. Vid. Em. Merill. *Obs. lib. 1. cap. 2. sequ.* V.C. Everardi Ottonis *Orat. de Philos. Stoica vet. Jurisconsultorum*. Nani & philosophi olim se vocare solebant *τῆς ἀρετῆς προεστώτας, καὶ μόνους ἑαμένους*, virtutis antistites, & solos sacerdotes. Diog. Laert. *Præm. Merill. Lib. 1. Obs. cap. 11.*

Justitia
quid?

§. 19. *Justitia* ex principiis philosophiæ moralis stoicæ * est constans, & perpetua voluntas jus suum cuique tribuendi *pr. Inst. h. t. L. 10. pr. ff. eod.*

* Stoicis enim, quibus addicti Jureconsulti veteres [§. 18. *] omnis virtus consistere dicebatur in constantia, vel constante, ac perpetuo animi proposito. Cic. *Parad. 3. cap. 1.* Seneca *Epist. 66. 120.* Conf. v. c. Ger. Noodt. *Probabil. lib. 3. cap. 1.* At in civitate is etiam habetur vir justus, qui externas actiones ad legem componit, quamvis non accedat

cedat constans illa, ac perpetua voluntas. Cogitationis enim poenam in foro nemo patitur L. 18. ff. de pen.

§. 20. Quandoquidem itaque justitia jus suum cuique tribuit (§. 19.) homines vel expletrix, vel ro alia jure perfecto, alia jure imperfecto a se invicem exigere possunt, vel attributrix. uti Paullus L. 17. §. 3. ff. commod. vel contra loquitur quædam voluntatis, & officii magis, quam necessitatis sunt, justitia recte in expletricem, & attributricem dividitur a Grotio Lib. 1. de jure belli, & pacis cap. 1. §. 8.

§. 21. Expletrix est, quæ cuique tribuit, quod jure perfecto debetur. Vtriusque differentia. *Attributrix*, quæ cuique tribuit, quod voluntatis, & officii magis est, quam necessitatis (§. 20.)

§. 22. Qui justitiam attributricem colit, *honeste vivit*. Qui expletricem, *neminem lædit*, & suum cuique tribuit. Unde habes tria juris præcepta, * de quibus §. 3. *Instit. h. t.* & L. 10. §. 1. ff. h. t. Præcepta juris.

* Quomodo eadem cum virtutibus cardinalibus Stoicorum concilianda sint, docet celeberrimus Thomas. Nor. ad *Inst. h. t.*

§. 23. Qua divisione justitiæ [§. 20. 21.] Justitia utrumque multo obscurior sit altera in universalis. *universalem*, & *particularem*, de ea æque, *Particularis*, ac de tertia in *commutativam*, & *distributivam* commodior ad digesta erit dicendi *ris, commutativa, & distributiva* locus.

§. 24. A justitia [non quidem grammatice, sed moraliter] *Jus* L. 1. pr. ff. h. t. a justitia jure *Jurisprudentia* dicitur. *ius, a jure jurisprudentia.*

§. 25. Jurisprudentia veteribus est rerum *divinarum*, & *humanarum notitia*, *justi, Quid veteribus?* *injustique scientia* §. 2. *Inst. h. t.* L. 10. §. 1. ff.

ff. h. t. Cujus definitionis priora verba alias ad definitionem philosophiæ pertinent. Sen. *Epist.* 89. Adeoque sensus est, jurisprudentiam esse philosophiam, quæ in justæ scientiæ consistit. *

* Jureconsultis enim perpetua erat æmulatio cum philosophis ἀτρακτον, ignavis, qui sola barba, & pera id nomen tuebantur. Quemadmodum ergo jureconsultos veram, non simulatam philosophiam affectare, dicit Ulpianus *L. 1. §. 1. ff. h. t.* ita ab eodem jurisprudentiam philosophiæ definitione exornari, minime mirandum.

Quomodo a nobis definiatur? §. 26. Concinnius tamen definiri potest, quod sit habitus practicus leges recte interpretandi, adplicandique rite quibusvis speciebus obvenientibus.

Utrum leges interpretatur. §. 27. Interpretes non ad verba tantum legum, sed ad earum vim, & potestatem respicit *L. 17. ff. de legib.* Qui enim leges, quas memoria tenet, non intelligit, *Legulejus* vocatur *Ciceroni Lib. 1. de Orat. cap. 55.*

Interpretatio quotuplex? §. 28. Vis & potestas legum ex ratione earum perspicitur, quæ si latius patet verbis interpretationis *extensiva*, si verbis angustior *restrictiva*, si cum verbis pari passu ambulat, *declarativa* fundamentum habetur.

Adplicatio legum ad facta. §. 29. Leges interpretatione explicatæ adplicantur a jureconsulto factis, vel speciebus obvenientibus [§. 26.] adeoque ille *legum*, & *consuetudinum earum*, quibus *privati in civitate utuntur*, & *ad respondendum*, & *ad agendam*, & *ad cavendum* [adde & *ad judicandum*] peritus esse debet, *judice Cicerone Lib. 1. de Orat. cap.*

48. Qui ergo nulla accuratioe juris notitia imbutus, cruda studia in forum propellit, evertendisqne aliorum fortunis quantum facit, *Rabula* vocatur ab eodem Cicerone *ib. cap. 15.*

Vides, quid *Rabula* notet. Igitur necessarium puta, jus omne discere, ne nonnullorum morem sequi videaris, qui etiam hodie ne quidem imbuti iis, quæ in Elementis Juris exhibentur, ad forum audacter accedunt, ut Judicibus bilem moveant, clientumque vel bonam, vel malam causam deperdant. Hi sunt, apposite Polletus *De Foro Romano* II. 9. qui ad ravim usque in Foro, tamquam in foco laurus vivens, crepitant, alternis jurgiis convitiantur, rixantur, latrant tenso jecore, qui senitum verborum inanem nulla scientia, nulla sententia erocitant, quibus

Jus Neapolitanum.

*Immensa cavi spirant mendacia folles,
Conspuiturque sinus.*

Hinc præferas rogo universi Juris notitiam, ut pro jure temere litigantium fraudes arceas, eosque defendas, qui legum præsidio recte opus habent; Quare Oratoris potius, quam *Rabulæ* nomen promerearis. Neque res tanta caret exemplo. Habet enim Forum Neapolitanum doctos viros, quibus jure laus omnis debetur, quod ea sint præditi legum scientia, ut sibi, ac Foro Neap. decori sint, acque ornamento.

§. 30. Quum vero jurisprudentia in in-Juris divisio
terpretandis, adplicandisque legibus verse- in publicum
tur (§. 26.) leges autem vel de statu publi- & privatum.

co, vel de privatorum negotiis ferantur, jus recte dividitur in *Publicum*, & *Privatum*, quæ & *duæ juris positiones** vocantur §. 4. *Inst. h. t. L. 1. §. 2. ff. eod.*

* *Positio* τὸ πρῶτον, *ἑστὸς* Stoicis dicebatur pars, seu species, Cujac. *ad L. 11. ff. de V.S.* Eodem vocabulo positionis eodem sensu usum esse Palladium *de Re Rust. Lib. 3. tit. 2.* observavit v. c. Car. Andr. Duker. *de Latinitate Jurisconsultorum vet. p. 326.*

Quid publicum? Quid privatum? §. 31. *Publicum de statu, juribusque rerum publicarum*, vel de imperantium, ac civium nexu præcipit, *privatum ad singulorum utilitatem*, id est, ad meum, & tuum spectat * *L. 1. §. 2. ff. t.*

* Ab objecto ergo dicitur hæc partitio, non a causa efficiente, vel finali. Secundum has epim & privatum jus recte vocatur publicum *L. 38. ff. de post. L. 8. de Tutel. L. 29. D. de test. tut. L. 18. §. 1. de damno inf.*

Jus Neapolitanum,

Juris Neapolitani duas quoque esse *tenes positiones*, seu partes, aut enim publicum est, aut privatum. Publicum est, quod ad statum rei Neapolitanæ pertinet; Nam proprie Πολιτείας Regni spectat, ac Principatus Jura proponit. Privatum vero est, quod Neapolitanorum, eorumque, qui Regi Neapolitano subsunt, utilitatem exponit. Vtrumque Jus tibi dare in animo mihi est. At quoniam Heineccium sequor, qui de Jure Publico Romanorum non agit, cum ab Institutionum Juris Civilis auctoribus tantum descripta privati Juris capita, quod expeditiora essent, capuique tironum vel facile accomodari possent (modo excipias ea, quæ habet *Titulus de Judiciis*) necesse omnino est, ut in

in meis hisce notulis tantum conferam leges illas, quæ ad Jus privatum Neapolitanum pertinent, ne extra aleam ludere videar. Verum equidem Publicum Jus Neapolitanum, quod profecto difficilius est, tibi dabo in calce hujus operis; Etenim Opusculo, cui hic index præscribetur, De Jurisdictione omnium Judicum Regni Neap. enarrabo, quæ Publicum Jus Regni Neap. constituunt, atque ad ejusdem partes pertinent.

§. 32. Vtrumque (non solum privatum) Vtriusque tripartitum est, collectum quippe ex naturalibus præceptis, gentium, & civilibus §. 30. ult. Inst. h. t. L. 1. §. 2. ff. h. t. De quibus agendum erit titulo sequente.

* Si nempe recte jus naturæ definias, uti nos infra §. 40. Vlpianus vero, qui jus naturale hominibus cum reliquis animantibus commune putabat, (§. 36.) non poterat inde derivare jus publicum, cujus nec vestigium, nec umbram inter bruta notamus.

T I T. II.

De Jure Naturæ, Gentium, & Civili.

§. 33. **J**Vs, vocabulum alias maxime Jus quo sentitur hic accipitur? *πολυσημiv significatione varium* L. 11. & 12. ff. de just. & jure, hic pro lege, vel potius complexione legum omnium unius generis accipitur. Quales ergo sunt leges, tale jus emergit.

§. 34. Leges igitur quum vel *divinæ*, vel *humanae* sint; jus quoque vel *divinum*, vel *humanum* esse oportet (§. 33.) Vel divinum, vel humanum est.

§. 35. *Divinum*, prout vel per rectam Divini divisionem, vel per sacras litteras promulgatur,

gatur, aut *naturale*, & *gentium* dicitur, aut *positivum*. Sed hanc distinctionem veteres negligunt.

Quid jus
naturale?

§. 36. *Naturale* ex principiis Stoicorum (§. 18. *) definit Vlpianus, quod *natura omnia animalia docuit* L. 1. §. 3. ff. de just. & jure princ. Inst. h. t. Stoicis enim iuste vivere erat, secundum naturam vivere. *Natura* iis erat vel hominibus cum brutis communis, vel illis propria. Ex communi *jus naturæ*, ex propria *jus gentium* derivabant. * L. 1. §. 3. & 4. ff. de just. & jure.

* Vnde dici nequit, Stoicos brutis tribuisse rationem: Alia omnia discimus ex Plutarch. de sollert. animal. Nec magis id faciebant jureconsulti L. 1. §. 3. ff. si quadr. paup. sec. dic. Conf. V. C. Barbeyrac. ad Pufendorf. sur. Nat. & Gent. Lib. 2. cap. 3. §. 11. Nec tamen brutis negabant facultatem vivendi secundum naturam, ejusque leges, atque inde *jus naturæ* illis cum humano genere commune esse adseverabant.

Quid jus
gentium?

§. 37. Quemadmodum ergo *jus naturæ* omnibus animalibus, ita *jus gentium* solis hominibus inter se commune esse docebant L. 1. §. 4. ff. h. t. idque illis vel *primarium*, vel *secundarium* erat; quamvis hæc vocabula artis veteres ignorent.

Ejus divisio
in prima-
rium,

§. 38. *Primarium* dicitur, quod *naturalis ratio* (non *natura communis*, sed *propria hominibus* §. 36.) inter homines constituit, & apud omnes peræque custoditur §. 2. Instit. h. t. L. 1. pr. ff. de adquir. rer. dom.

Et secunda-
rium.

§. 39. *Secundarium*, quod usu exigente, & humanis necessitatibus est introductum §. 2. Inst. h. t. vel uti Modestinus L. pen. ff. de legib. & SC. definit, quod *necessitas consti-*
tuit.

caut. Merill. Variant. Cujac. *Lib. 1. cap. 1.*
 Primarium, ergo absolutum, secundarium
 hypotheticum est.

§. 40. Ita veteres. Nobis, quos nemo Quid nobis
 Stoæ, tamquam glebæ, adscripsit, *jus na-* jus naturæ?
turale est jus ab ipso Deo generi humano
 per rectam rationem promulgatum. *Epist.*
ad Rom. II. 15.

§. 41. *Jus gentium* vero est ipsum jus Quid jus
 naturale * integrarum gentium negotiis, gentium?
 & causis applicatum. Pufendorff. *Lib. II.*
de jur. Nat. & Gent. cap. 3. §. 23.

* Quod & veteres quidam videntur agnovisse. Vid.
 L. *utr. pr. junct.* L. 14. ff. de R. N. L. 19. pr. ff. de
capt. & post. L. 31. pr. ff. de pos. L. 84. ff. de Rec. I.
 quos sequitur Imperator §. 2. *Instit. de ver. divis.*
ibi: juris naturalis, quod appellatur jus gentium.

§. 42. *Jus divinum positivum* (§. 35.) de- Jus divi-
 nique, quod per sacras litteras promulga- num positi-
 tum, ex recta ratione sola non innotescit, vum.
 vel humano generi commune, vel
 genti Judaicæ proprium est, & hinc in
universale, & *particulare* distingui solet.
 Ad prius referunt præcepta, & leges Gen.
 IX. 6. Lev. XVIII. & XX. & similia.

§. 43. Huic juri divino opponitur huma- Jus huma-
 num (§. 34.) quod & civile dicitur, & Cajo num, vel ci-
 nostro est *jus*, quod quisque *populus sibi con-* vile.
stituit, & *cujusque civitatis proprium est* L.
 9. ff. de just. & jur. *κατ' ἐξοχὴν*, per excellen-
 tiam civile vocatur jus Romanum, vel Qui-
 ritium, quemadmodum & Roma *κατ'*
ἐξοχὴν, per excellentiam urbs dici solet §.
 2. *Inst. h. t.*

§. 44. Populus vero liber vel *expresse* si- Ejus divisio
 bi jus constituit, vel *tacite*. Quid enim in-
scriptum,
& non scri-
ptum,

interest, suffragio populus voluntatem suam declararet, an rebus ipsis, & factis? L. 32. §. 1. ff. de legib. Unde differentia juris scripti *εγγραφον*, & non scripti *αγραφον* * §. 3. Inst. h. t. L. 6. §. 1. ff. de just. & jure.

* Scriptum jus jureconsultis non est in scripturam redactum, sed promulgatum, non scriptum, non promulgatum. Sequuntur ea in re Græcos, quibus *γραφεῖν νόμους* sæpe non est *leges scribere*, sed *promulgare*. Hinc Libanius Tom. 1. p. 476. Lycurgum ait *γραφῆσαι νόμους* scripsisse *leges*: quum tamen *leges* ab eo latæ in scripturam redactæ non fuerint. Plutarch. in *Lycurgo* p. 47. Et Plato, qui apud Laetium itidem jus dividit in *γραμματον*, καὶ *αγραφον*, scriptum, & non scriptum, hoc definit, quod sit *νόμος κατὰ εἰθὴ νόμους*, jus per consuetudinem constitutum. Itaque diversa Atheniensium, & Lacedæmon. instituta potuerunt quidem occasionem dedisse huic juris partitioni, uti ait Imp. §. 10. Inst. h. t. quia Athenienses omnino jure scripto, Lacedæmonii non scripto usi sunt: Sed tunc alio sensu, puta grammatico, distinctio ista accipitur. Occasionem ergo istæ civitates dedere partitioni juris in *εγγραφον* & *αγραφον*, scriptum & non scriptum, sed non illi acceptioni harum vocum, quæ jureconsulti utuntur.

Species juris scripti.

§. 45. Juris scripti species apud Romanos ob mutatam subinde formam Reipublicæ erant plures. Nam eo §. 3. Inst. h. t. referuntur I. *Leges*, II. *Plebiscita*, III. *Senatusconsulta*, IV. *Principum placita*, V. *Magistratuum edicta*, VI. *Responsa prudentium*, * quæ & strictissime *jus civile* dici solent L. 2. §. 5. ff. de orig. jur.

* Atqui jus illud civile strictius acceptum sine scripto venire, & sine scripto in sola prudentium interpretatione consistere dicitur L. 2. §. 5. & §. 12. ff. de orig. jur. Responsum cape. *Αγραφον* non scripta hæc juris pars fuit, ratione originis, quia non promulgata, tacite in foro auctoritatem obtinuit.

Post-

Posteaquam vero illam corpori juris insertam cum legibus reliquis publicavit Justinianus, *scripta* esse coepit.

In eandem sententiam definiri valet Jus Civile, si Neapolitanum intelligas, quod proprium est Urbis, ac Regni Neap. Idque duplex etiam est scriptum, ac non scriptum. Scriptum Jus sunt Neapolitanæ Constitutiones, Capitula, Ritus, & Pragmaticæ, quibus nunc adde novas illas leges, quas complectitur Conventio habita inter BENEDICTVM PP. XIV. & CAROLVM Regem Neap. de qua sermo erit in *De Jurisdictione omnium Judicium*. Non scriptum sunt Neapolitanæ Consuetudines, & quæ cujusque loci sunt propriæ. Quæ leges scripti Juris nomine veniunt, ubique valent in hoc Regno, secus tamen non scriptum Jus. Vide, quæ §. 72. h. Tit. subijciam.

Jus Neapolitanum.

§. 46. Lex est, quam Populus Romanus, (id est, Patricii, & Plebs conjunctim, qui & Quirites dicuntur) senatorio magistratu rogante, veluti consule (dictatore, tribuno militum cos. potest. decemviris, prætore, & quidem in comitiis olim curiatis L. 2. §. 2. ff. de O. I. postea centuriarum, vel tribuum suffragiis) constituit §. 4. Inst. h. t.

§. 47. Plebiscitum, quod plebs (a patriciis discreta) plebejo magistratu rogante, veluti tribuno plebis (in comitiis tantum tributis, & tribuum suffragiis) constituit §. 4. Inst. eod. Quibus plebiscitis quum initio teneri nollent patricii, postea iis ea-

Quid lex?

Quid plebiscitum?

dem auctoritas data, ac ipsis legibus * per legem primum Horatiam latam anno v. c. CCCIV. Liv. lib. 3. cap. 55. deinde per Publiliam anno v. c. CCCCXIV. Liv. lib. 8. cap. 12. ac denique per Hortensiam anno v. c. CCCCLVI. L. 2. §. 8. ff. de Orig. Jur. Gell. Lib. 15. cap. 38.

* Vnde ex eo tempore & plebiscita dici coeperunt *leges*, veluti *lex Aquilia*, *lex Falcidia*, *Vocincia*, *Cincia*, &c.

SCtorum origo.

§. 48. *Senatusconsulta* libera adhuc publica erant decreta senatus de rebus amplissimi ejus ordinis curæ demandatis. * Vid. Polyb. *Hist. lib. 6. c. 12. seqq.* Postea quam vero Tiberius everfurus antiquum leges ferendi morem comitia ex campo transfulerat in curiam, Tacit. lib. 1. Ann. c. 15. non ambigebatur, Senatum jus facere posse L. 9. ff. de legib. L. unic. C. de *Senatusc.*

* Senatus consulta ergo libera republica ad curam ærarii, legationes, administrationem provinciarum, cognitionem de maleficiis per Italiam admissis, triumphos, comitia, ferias, supplicationes, aliaque hujus generis pertinebant. Polybius *ibidem*. Sed non faciebant jus, nisi populi suffragiis probata, quod sæpe factum novimus, Dionys. Halic. Lib. 10. p. 676. Alias populum non tenebant, Liv. Lib. 9. cap. 8. Sed Senatum tantum illius anni, tanquam *πολιτικὰ κείνου έτιαισιος έξουσια*, *suffragia unius anni*, ut idem vocat Dionys. Lib. 9. p. 595.

Quid SC?

§. 49. Quum ergo senatus jam populum vel comitia repræsentaret (§. 48.) *Senatusconsultum* definiri poterit, quod sit *jus a senatu, loco populi, ad orationem Principis, vel Consulis relationem constitutum* §. 5. Inst. h. r. L. 2. §. 9. ff. de O. I.

§. 50.

§. 50. Talia SC. vel ; uti nonnunquam Quamdiu durarint?
vocantur, jura orationibus Principum con-

stituta L. 8. ff. de transact. l. 1. ff. in quib.
causs. pign. junct. L. 52. §. 10. ff. pro soc. L. 60.
pr. ff. de rit. nupt. post Antoninorum tem-
pora paulatim ab usu recesserunt, post-
quam multo ante principes, in quos jus
omne populus per legem regiam * contule-
rat §. 6. Inst. h. t. constitutionibus, vel e-
dictis suis jura nova sancire cœperant. L.
4. §. 6. D. de legation.

* Lex illa regia, quæ & lex imperii dicitur in
L. 3. C. de testam. nec non augustum privilegium in
L. un. §. 14. Cod. de caduc. toll. nihil aliud erat,
quam complexio prerogativarum Imperatoribus de-
cretarum sub auspiciis imperii. Adeoque ea con-
stitit variis SCris paulatim factis in honorem
Principum, de quibus plura diximus in Antiqu. Rom.
h. t. §. 43. seq.

§. 51. Constitutiones hujusmodi sunt prin- Constitu-
tiones quid
sint?
cipum placita, quæ, si hi volunt §. 6.
Inst. h. t. legis habent vigorem L. 1. pr. ff.
de const. princ.

§. 52. Quum ergo illæ a principis vo- Quotupli-
ces.
luntate auctoritatem suam fortiantur (§1)
princeps vero iis vel omnes cives velit
obstringere, vel quibusdam extra ordinem
aliquid aut indulgere, aut imponere; prio-
res vocantur generalis, quales sunt rescrip-
ta, decreta, edicta, posteriores speciales,
quales sunt privilegia, quæ ad exemplum
non trahuntur * §. 6. Inst. h. t. L. 1. §. 1. C.
2. D. de const. princ.

* Hac sola ratione privilegia vocantur constitu-
tiones speciales. Nam alioquin, & ea maxime favo-
rabilia, omnes obligant; eatenus ne eum, qui pri-
vilegium impetravit, in ejusdem exercitio turbent,
vel impediant.

Rescripta
eorumque
variarum spe-
cies.

§. 53. *Rescriptis* princeps vel ad libellos, seu *actionum* partium, vel ad consultationes magistratuum, vel ad desideria universitatum respondet *L. 19. §. 9. ff. locat. l. 3. §. 1. ff. de testib.* quorum ista annotationes, seu subnotationes, illæ epistolæ, hæc sanctiones pragmaticæ dicuntur *L. 6. C. 7. C. de divers. princ. rescr. L. 12. C. de velligal.*

Decreta.

§. 54. *Decreta* dat imperator, dum causa inter partes cognita sive sententiam fert, sive de plano interloquitur *L. 1. §. 1. fin. ff. de consil. princ. L. ult. pr. Cod. de leg.*

Edicta.

§. 55. *Edictis* denique Princeps motu proprio jus novum ad universorum civium utilitatem constituit *L. 1. §. 1. ff. de const. Pr.* * Unde ab *edictis* facile distinguas mandata, quæ & ipsa motu principis proprio, sed ad certas tantum personas diriguntur *L. 1. C. de mandat. princ.* maxime ad magistratus provinciales. Jac. Gothofr. ad *L. un. C. Theod. de mandat. princip. pag. 28. Tom. I.*

* Videntur primo Imperatores ea, quæ Senatus ad orationem Principis decreverat, edictis publicasse. V. C. Burmann. *de Velligal. Pop. Roman. c. 6. pag. 113.* Maran. *Paratist. pag. 114.* postea, firmata satis auctoritate sua, etiam inconsulto Senatu, quid pro lege futurum sit, edicere paullatim cepisse.

An rescripta
jus fecerint?

§. 56. Quum ergo hæc Principum constitutiones generales legis habeant vigorem, si princeps velit (§. 51.) consequens est, I. ut rescripta non faciant jus, si preces veritate haud nitantur *L. fin. C. de divers. Princip. rescript.* vel si Princeps non subscripserit,

proferit, vel si dies, & consul desit L. 3. &
 4. C. eod. vel si aut in Reip. detrimentum,
 aut in præjudicium juris, tertio quaesiti,
 tendant L. 3. & L. 7. C. de precib. Imp. off.
 L. 6. C. Si contra jus, vel util. publ.

§. 57. Ex eodem consequitur II. ut de- An decreta?
 creta jus tantum faciant inter partes L. 2.
 C. de leg. & constit. nisi princeps iis vel
 jus obscurum, & ambiguum interpretetur
 L. 12. §. 1. C. eod. vel id decretum ad si-
 miles species proferri diserte jubeat L. 3.
 Cod. eod.

§. 58. Denique inde fluit III. sola Edi- An edicta?
 cta * proprie jus facere, & pro lege esse.
 Unde & *leges edictales perpetuae*, vel in
 perpetuum valitura dicuntur L. 6. C. de sec.
 nupt. L. 2. C. ubi quis de curial. vel cohort.
 L. 6. C. de divers. pr. urb. itemque *episto-*
lae generales L. 1. §. 2. ff. de fugit. *Sacra Leges*
Nov. 48. fin.

* Ita res sese habet, si constitutiones in se con-
 siderentur. Nam quatenus rescripta, & decreta ve-
 terum Imperatorum æque ac edicta in foro sensum
 auctoritatem obtinuerunt, & demum a Justiniano
 corpori juris inserta sunt, eatenus & ipsa jus face-
 re, & pro lege esse dicuntur.

§. 59. Constitutionibus generalibus op- Privilegia.
 ponuntur *speciales* (§. 52.) quæ & *privile-*
gia, quasi *privæ leges*, adpellantur. Gell.
 lib. 10. cap. 20.

§. 60. Privilegia ergo sunt constitutiones, Quid sint?
 quibus imperans vel ob meritum aliquid in-
 dulget, vel pœnam irrogat extra ordinem,
 ut tamen ad exemplum non trahantur * (§.
 52.) §. 6. Inst. h. t.

* Ab his ergo privilegiis recte accuratiores di-
 stinguunt *beneficia legis cum generalia*, veluti restitu-
 tio-

tionis in integrum, inventarii, ordinis, divisionis, tum *specialia* quibusdam hominum generibus, ut mulieribus, studiosis, fisco, collegiis, & corporibus data, quæ & nonnunquam *jura singularia*, & improprie *privilegia* adpellantur. Cujac. *Observ. lib. 15. cap. 8.*

Ea vel odiosa, vel favorabilia.

§. 61. Proinde privilegia vel odiosa sunt, quibus *pœna extra ordinem major, quam lege definita, infligitur*, * vel *favorabilia*, quibus *ob merita aliquid indulgetur* (§. 60.) §. 6. *Inst. h. t.*

* Illa legibus XII. Tabularum verita. Cic. *pro domo cap. 18.* Sæpe tamen irrogata sunt a Tribunis turbulentis, Cic. *pro domo cap. 17.* & postea a Principibus L. 2. *fin. ff. de his, qui sui vel alieni jur.* L. 28. §. 3. *de pœn. L. ult. ff. si quis a par. manum.* Quum vero ea bonus Princeps vix irroget, multo minus Judicem nec mitiorem, nec severiorem lege esse decet, quia privilegia sunt constitutiones solius Principis (§. 60.) L. 8. §. 2. C. *ad L. Jul. de vi publ. & priv.* Vnde non excusanda Galbæ adhuc Proconsulis severitas, de qua Sueton. in Galba c. 9.

§. 62. Eadem privilegia vel personæ tribuuntur, vel *caussæ*. Illa *personalia*, hæc *realia* dicuntur Doctoribus. Illa cum persona expirant, nisi quod moribus hodiernis nonnunquam, & viduis mortuo marito conceduntur, hæc ad heredes transeunt L. 3. §. 1. *ff. de cens. L. 196. ff. de reg. jur.*

§. 63. Quum ergo privilegia sint constitutiones (§. 60.) consequens est, I. ut ea solus imperans concedat II. ut ea concedendi *jus non sit magistratibus* (§. 61. *) III. ut ejusdem imperantis sit, statuere, quem modum esse velit sui beneficii L. 191. *ff. de reg. jur. cui non opponenda L. 3. ff. de const. princ.*

Jus Neapolitanum.

Haud infrequens fuit apud Romanos Privi-

vilegia concedendi mos; Nam quævis Reipub. Romanæ tempora attendas, oportuisse compertum habere, cives de Rep. benemerentissimos peculiari aliqua dignitate decorare. Hujusmodi Privilegiorum ratio habenda, dum legitur, Magistratibus nonnullis datum dignitatis susceptæ perpetuum nomen præferre, & aliis vel quid permissum, quod leges vetarent. Ad rem Gellius Noct. Attic. x. 20. *Lex, inquit, est generale jussu Populi, aut Plebis rogante Magistratu. Ea definitio si probe facta est neque de Imperio Cn. Pompeji, neque de reditu M. Ciceronis, neque de cæde P. Clodii questio, neque alia id genus Populi, Plebisve jussa leges vocari possunt. Non sunt enim generalia jussa, neque de universis civibus, sed de singulis concepta. Quocirca Privilegia potius vocari debent, quia veteres Privæ dixerunt, quæ nos singula dicimus. Verum in hoc Regno Neap. frequentissima Privilegia fuerunt, quæ a Regibus nostris lubenter concessa, ut Subditorum animi eo magis ad fidem servandam componerentur, quam ceteroqui sæctam rectam semper, uti par erat, majores nostri erga suos Principes servarunt. In his tamen donandis potior profecto fuit habita ratio eorum, qui Feuda possidebant, etenim opus fuit prospicere præ ceteris iis, quorum erat Imperii Jura non pro officio tantum, sed etiam pro dignitate tueri, ac custodire. At quoniam maxima fraus hac in re oborta, ex eo sc. quod falsa Privilegia nonnulli producere cæperunt, ut sua commoda facerent, ac sibi tribueretur Privilegiorum causa quidquid vel Ju-*

ri universo contrarium esset, vel alios læderet, aptissime tanto malo prospectum a Carolo V. Imperatore. Ac sane cautum, ut ea tantum Privilegia deinceps vim in Foro haberent, quæ intra annum computandum a die, quo Privilegium quodvis subscriptum, Proregi Neap. traderentur, atque ab eodem exciperentur Litteræ, ut ajunt, *executoriales*. Id plane comprehensum Pragmatica unica *De Privilegiis intra annum exhibendis*, quæ promulgata fuit anno 1518. sub Raymundo Cordubensi hujus Regni Prorege: *Censemus* (en verba quædam Pragmaticæ, quæ ad rem faciunt) *statuimus, & ordinamus, quod omnes, & singuli, qui a manibus nostris de cetero obtinebunt aliqua Privilegia, Investituras, Confirmationes, & alias quascumque Provisiones, Litteras, & Scripturas de Negotiis, & Rebus ad dictum Regnum, & singulas Personas ejusdem quomodocumque, & qualitercumque spectantibus, tangentibus, & pertinentibus, teneantur ea, & eas præsentare, & intimare Illustri Viceregi, Locumtenenti, & Capitaneo nostro dicti Regni, & ex illis ab eo executoriales obtinere intra annum computandum a die data eorumdem Privilegiorum, Provisionum, & Scripturarum obtinende, ex quibus intra dictum tempus executoriales prædictæ non fuerint extractæ, elapso dicto tempore nullius efficaciæ, valoris, & momenti existant.*

Non desierunt tamen pro more suo nostri Doctores, nonnullas exceptiones hac in re proponere, quarum summa huc redit.

redit. Nimirum ajunt, non ob stare Privilegiis Pragmaticam, etiamsi deficient Proregis Litteræ, quibus eadem, ut a falsitatis nota immunia sint, probanda, ubi vel Reges, a quibus ea conceduntur, ad sint, vel iisdem adscribantur eæ Formulæ *Ex certa scientia, Motu proprio, Ex præsumptione Potestatis*, vel Præscriptione *immemorabili* confirmentur. Vide-sis Regentem Galeotam *Controvers. II. 51.* & Josephum de Rosa *Consult. Juris XII.* Et recte quidem hos docuisse censeo, tum quia Pragmaticæ verba præclare ostendunt, obviam ire voluisse Imperatorem fraudibus eorum, quibus facile erat falsa Privilegia obtrudere Regibus absentibus; tum quia satis prober Privilegii vim *immemorable* tempus, quod profecto certos quosvis reddere debet, revera Privilegium a Rege donatum. Adde, si lubet, his tertium hoc argumentum, quod equidem maximi habendum reor. Si nihil valeret in hujusmodi negotiis Præscriptio, antiquiora, ac fortasse sinceriora Privilegia cessarent duplici ex capite. I. quia fieri sæpissime videmus, ut frustra sit quærere antiquissimam alicujus Privilegii Schedam post longam annorum feriem. II. quia compertum nobis est, non semel aut casu, aut rebellium, scelestorumque hominum furore antiquiora nostrarum rerum Monumenta in Archiviiis deposita flammis exusta. Hinc stare debere recte visum fuit Longæ possessionis vim, ubi *αυτογραφος* desit.

Magistra-
tuum edi-
cta.

§. 64. Ad jus scriptum porro pertinent *Magistratum Edicta* (§. 45.) Solebant enim Prætores, Procons. Ædiles curules, imo & alii Magistratus sub auspiciis Magistratus edicere, quo ordine, quave ratione jus dicturi essent de rebus ad jurisdictionem suam pertinentibus. Vnde *Edicta urbana vel prætorica, provincialia, vel proconsularia, & edilicia*, quæ conjunctim *juris honorarii* nomine venire solent §. 7. *Inst. h. t. l. 7. §. 1. ff. de just. & jur. l. 52. §. 6. ff. de oblig. & act.*

An jus face-
re potue-
rint?

§. 65. Quamvis enim Magistratus non essent legislatores (§. 44.) *l. 12. §. 4. ff. de public. in rem act. l. 12. §. 1. ff. de bon. poss. sensim tamen sibi sumserant facultatem, jus adjuvandi, supplendi, corrigendi propter utilitatem publicam l. 7. §. 1. ff. de just. & jur.* Et ita intelligenda verba Justiniani *Nov. 25. Præf. & Nov. 26. cap. 1. §. 1.* ubi Prætores legislatores vocantur. Vnde tot actiones *prætoricæ, & ediliciæ*, interdicta, restitutiones in integrum, bonorum possessiones. Quæ omnia initio usu fori comprobata, denique juris scripti auctoritatem propter vetustatem obtinuerunt, Cic. *de invent. lib. 2. cap. 22.* maxime postquam compilata sunt *Edicta perpetua.*

Edicta per-
petua.

§. 66. Edictum perpetuum prætorium, vel urbanum auspiciis Hadriani compilavit Salv. Julianus *Constit. tanta §. 18. de confirm. digest. Eutrop. lib. 8. Hist. cap. 9.* Edicti provincialis perpetui auctor, ætas ignorantur, nisi quod & illud *Dodvelli. Prælect. Cambden. 8. §. 10. p. 335.* sub Ha-

Hadriano, Ez. Spanhem. sub Marco in lucem editum esse suspicatur in *Orb. Rom. Exerc. 2. §. 12. p. 97.* * Vtrumque periit, nisi quod ex iis multa in digesta migrarunt, quemadmodum & tria Edicta Aedititia in iis supersunt L. 27. §. 28. ff. ad L. Aquil. L. 1. §. 1. & L. 38. ff. de edil. editto & L. 40. seqq. ff. eod.

* Neutrum tamen satis expeditum est. Mihi Proconsulare, ac Prætorium unum idemque fuisse videtur, & vocabulis tantum discrepasse. Nam Cajus in Commentario ad Edictum Provinciale eundem ordinem servat, quem servarunt Jurisconsulti, qui edictum Prætoris illustrarunt, quin promiscue modo *Prætorum*, modo *Proconsulem* ait edicere, quoties verba edicti citat, vid. L. 4. ff. quod quisq. jur. l. 1. ff. si quis caut. L. 1. §. 2. D. quod cujusc. univers. nom.

§. 67. Denique & responsa prudentum ad jus scriptum referuntur (§. 45.) id est, Responsa prudentum. *sententia eorum, quibus permissum erat * de jure respondere §. 8. Inst. h. t.*

* Permissum vero id erat initio omnibus, quibus studiorum esset fiducia L. 2. §. 47. ff. de O. I. postea Augustus certis tantum hominibus eam facultatem respondendi concessit, obstrinxitque iudices, ne ab eorum sententiis discederent §. 8. *Inst. h. t.* Ab Hadriani temporibus denuo hæc facultas non peti, sed præstari solebat d. L. 2. §. 47. *de or. jur.* Postremis tamen temporibus denuo Principis beneficio indultam esse, exemplum Innocentii Jurisconsulti docet apud Eunap. *in vita Crysanth.* p. 286.

§. 68. Ex Jureconsultorum illis inter- Iis varia juris præ-
tamentis, responsis, disputationibus investa. multa nata sunt juris capita, veluti legitima patronorum tutela, querela inofficiei, actiones utiles, legis actiones, & actus legitimi &c. L. 2. §. 6. ff. de O. I.

Maxime a-
ctiones le-
gis.

§. 69. Dicebantur vero *legis actiones* I. formulæ, & conceptiones verborum, quibus inter se homines disceptabant L. 2. §. 6. ff. de O. I. II. actus quilibet tum contentiosæ, tum voluntariæ jurisdictionis coram Magistratu quocumque, etiam incompetente, apud quem erat legis actio*, solemni ritu explicandi, veluti manumissio, adoptio, emancipatio, cessio in jure L. 3. ff. de off. procos. L. 4. ff. de adopt. L. 1. de offic. jurid.

* Elegans est conjectura Guil. Marani, qui ad l. 77. D. de reg. Jur. Opp. Tom. II. pag. 620. Legis Actiones dictas esse putat, quæ non nisi lege lata, adeoque apud Populum explicari potuerint. Id enim saltem de Adrogatione tradit Gellius Noct. Attic. lib. 5. cap. 19. de Testamentis Justinianus pr. Instit. de Testam. Ordinand. Postea tamen certis Magistratibus eam facultatem datam esse specialibus legibus, ut apud eos esset legis Actio, eoque factio pristinum nomen nihilominus mansisset. Confer Auct. Hist. Jur. 1. 3. 45., qui simul §. 46. eleganter de Actibus Legitimis, eorumque differentia ab actionibus Legis eleganter disputat.

Et actus le-
gitimi.

§. 70. Actus vero *legitimi* erant *negotia publice vel privatim, solemniter, nec tamen coram Magistratu, apud quem legis actio erat, celebranda** Actiones legis omnes, legitimique actus ex parte* nec conditionem, nec diem, nec procuratorem admittebant, veluti mancipatio, acceptilatio, hereditatis aditio, servi optio, tutoris datio L. 77. L. 123. pr. ff. de reg. jur. nec iterari poterant d. L. 122. nec a pupillo explicari sine tutoris auctoritate L. 9. ff. de auct. tut. Addatur Scip. Gentil. de jurisd. lib. 1. c. 34. p. 144.

* Sic

* Sic legitimus actus erat tutoris datio d. L. 77. ff. de reg. jur. & tamen legatus etiam procos. apud quem non erat legis actio (L. 3. de offic. procons.) tutores dabat L. 15. ff. eod. Conf. Petr. Fabri Semestr. lib. 2. cap. 22.

** Vulgo omnibus hanc qualitatem tribuunt doctores, sed vide sis Jacob. Gothofr. Comment. ad L. 77. ff. de reg. jur.

§. 71. Haecenus de jure scripto. Non scriptum (§. 44.) seu consuetudo est jus tacito populi suffragio [libera adhuc Republica] vel tacito consensu Principis (sub statu monarchico) introductum L. 32. §. 1. ff. de leg. Qui enim juri scripto, idem & non scripto dat auctoritatem, id est, summus cujusque civitatis imperans, quem penes est potestas legislativa.

Jus non scriptum.

§. 72. Quum ergo consuetudo sit jus tacito consensu legislatoris introductum (§. 71.) consequens est I. ut quaestio facti sit, an consuetudo hujusmodi in Rep. inoleverit? quod ex diuturnitate temporis, & actuum uniformium frequentia probandum L. 1. C. quae sit long. cons. L. 34. ff. de legib. II. Ut introductae eadem vis sit, ac ipsius legis §. 9. inst. h. t. L. 32. §. 1. ff. de legib. III. Ut & legibus anterioribus deroget, & easdem plane tollat L. 32. §. 1. ff. de legib. §. 11. inst. h. t. IV. Ut si qua consuetudo rectae rationi, & bonis moribus repugnet, non praesumatur a legislatore probari L. 39. ff. de legib. cap. 1. 2. 3. 7. 10. 11. X. de consuetud.

Consuetudinis vis, & potestas.

Habent Neapolitani Jus non scriptum, Jus Neapolitano & suum plerique Regni Neapolitani accolae non tacito tantum Principum

consensu, sed etiam expresse confirmatum. Et Neapolitanas quidem Consuetudines a Carolo II. confirmatas fuisse, uti & ceteras, quæ in diversis hujus Regni Civitatibus valent, ab aliis Regibus passim probatas, alibi dictum est. Quæ vero Neapolitanæ sunt (de harum Origine vide *Historiam* pag. 187.) ne credas extra Territorium Neapolitanum valere; Etenim aperte Carolus II. in *Proæm. Consuetud. Neap.* eas vim habere statuit in *Civitate Neapolis, ejusque Districtu. DISTRICTVS* autem vox est latinis auribus inaudita, atque notat idem, ac olim apud Latinos *Ictos Territorium* significavit. Eam adhibitam a Consuetudinum collectoribus tene, ut satisfaceret mandato Caroli Regis, qui describi voluit Neapolitanas Consuetudines in *Stilo dictaminis eorumdem Civium*, ut magis proprie illarum usualia verba remanerent, ut ipse ait in *Proæmio*; quamvis nemo nescit, eam vocem tunc temporis nonnullis Italiæ populis communem fuisse, ac præsertim Lombardis, & Tuscis. Igitur rite Caroli sententiam adsequeris, si quid indicet Territorium, probe nosces. Ac sane Territorium in l. 239. § 8. de V.S. esse dicitur *Universitas agrorum intra fines cujusque Civitatis, ab eo dictum, quod Magistratus ibi jus terrendi habent*. Vides jam, Territorio respondere agrum, qui unius Civitatis fines perstringit. An vero a terrendo dictum sit, uti in hac lege proponitur, an a terendo, vel a Torre, aut Tore, quemadmodum visum Varroni IV. De L. Lat. Isidoro in *Origin.* & Claud. Salmasio ad *Script. Hist. Aug.* in hac, qua
de

de agitur, re præstare non est necesse. Id unum maxime advertas opus est, Territorium terminos notare, quibus quæque civitas circumscribitur. In hanc sententiam; mihi crede, idem vocabulum explicatur in *l. ult. D. De Jurisd. l. 2. Cod. Theod. de Terris Limitan. l. 2. Cod. Theod. de exaction. l. 34. Cod. Theodos. de Operib. Publ. & l. 186. Cod. Theodos. de Decurion.* Ergo est, cur tibi persuadeas, *Districum* intelligi ibidem universum agrum, quo Civitas Neapolitana finitur, atque *αμ-σως* subest Jurisdictioni eorum, qui jus in hac Civitate dicunt. Atque hinc pernoctas necesse est fines agri Neap. (qui revera longe alii ætate Caroli fuere, uti ab Antiquitatum Neapolitanarum historicis colligitur) ut recte judices de Consuetudinum auctoritate. Quamobrem Camillus Salernus stomachum pro jure facit viris doctis in Comment. ad *l. Proæmium*, ubi quædam discrimina *Districus*, ac Territorii nescio qua causa proferre conatur. Verum animadvertas heic oportet, Consuetudines Neapolitanas, quæ ex civium Neapolitanorum pactis potissimum ortum traxerunt, non cives solum, sed quorumvis bona etiam in Territorio Neapolitano posita respicere. Hinc fit, ut si qui sint, qui alibi degentes de bonis intra *Districum* existentibus testari, vel alio modo disponere velint, omnino id servare debent, quod Consuetudinibus cavetur. Vide Napodanum, Agnellum de Bottis, aliosque Consuetudinum Neap. interpretes ad *Proem.* Quamvis id quod a nostris hac

in re probatum, necquaquam dissonet ab iis, quæ de Consuetudinum vi apud alias gentes recepta sunt, uti legere est apud Bachovium, Donellum, Noodt, ceterosque Interpretes. Tituli *Cod. Quæ sit Longa Consuetudo*.

Quæ hætenus de Jure non Scripto Neapolitano dicta sunt, valere etiam puta, si Jus non Scriptum aliarum hujus Regni Civitatum opponatur, quod ubi æque ac illud Regia auctoritate fuit firmatum, valet intra fines cujusque Civitatis, abrogato omni alio Jure, quandoquidem peculiare jus in eundem modum sibi habere studuerunt. Atque hæc satis essent de Jure non Scripto Neapolitano. Verum ne pedem hinc nunc moveam, prohibet frequentissima mentio quarundam consuetudinum (quæ vulgo *usus* nuncupantur), quarum aliæ Nobilium Curia Capuanæ, & Nidi propriæ dicuntur, aliæ *Baronum, Procerum, & Magnatum*. De his heic ita sermonem habebo, ut tantum earum origo pernoscat; Nam quid Juris eadem complectantur, suis locis exhibebo.

Origo autem, ac vis Consuetudinum istarum ex antiqua Reip. Neap. Politia est repetenda. Habuit primum Neapolis pro more Græcarum Urbium suas Tribus græce *παρtrias* dictas, ac quæque sub Initium sua sortitæ sunt nomina, uti in *Historia* dictum est. His datum publicæ rei præesse, cui curandæ singuli cives cujusque Tribus conveniebant. At quoniam Civitate Neapolitana florente inter cives ipsos discrimen obortum, Nobilium puta, ac Plebeiorum, quod

quod illi vel divitiis, vel artium liberalium exercitatione se se ab aliis distingui cœperint, factum, ut Nobilium proprium Jus esse cœperit certis locis, qui græce *τοῖαι* dicti, convenire, ut Reip. & Privatorum commodis consuleretur. En Curiarum (vulgo *Sedilium*) Neapolitanarum origo, quæ tot fuere olim, quot urbis Neapolitanæ regiones. Itaque stetit vetus Neapolit. Gentis Politia. Sed quia deinceps pro vario exterorum Principum dominatu cessare omnino debuit vetus illud antiquarum Fratriarum jus, obtinere tamen sibi viri Nobiles hujusmodi Fratriis adscripti ex Principum, ac præsertim Andegavensium, beneficio tamquam consuetudines retinere, quæ primum uti peculiares leges ex mutuis conventionibus, ac pactis vim habere statuerunt. Quod jus profecto tam sancte custodire eis placuit, ut etiamsi temporum infelicitate, ac familiarum defectu numerus antiquus Fratriarum defecerit, tamen adhuc plura retinent antiquæ suæ dignitatis decora. Igitur non aliunde fieri potuit, ut cum convenient hodie, ut eos eligant, quibus tribuitur annonæ, viis, publicisque aliis negotiis præesse, tum vero maxime, quod caput est, peculiaris pacta retineant ad dotes, atque ad ultimas voluntates spectantia. Consule hac de re plura apud Capacium in *Antiq. Neap.* Tutinum *De Origine Sedilium*, & Jannonium *Historie Civ. Neap.* xx. 4. Hæc de Origine Consuetudinum istarum, atque auctoritate satis. Ceterum teneas nunc velim, earum exempla habere difficile fuisse antiquis nostris Doctoribus,

bus, quippe quæ nonnisi iis patebant, quibus ad manus erant vel Codices, quos in suis Tabulariis Curia Neap. conservant, ubi quæ ad rem suam pertinent, descripta, vel Scripturæ illæ, quibus adjecta pacta ejusmodi consuetudinibus probata. Verum hodie facile tibi erit eas perlegere, modo adeas Jacobum Anellum de Bottis, qui primus omnium commodo studiosorum Juris *Consuetudinarii* singulas consuetudines, sive *usus*, Nobilium virorum Curia Capuanæ, & Nidi, ac Procerum, & Magnatum ex antiquis membranis hinc & inde corrasas edidit, easque subjecit Napodani Commentario ad Consuetudinem *si quis, vel si qua De Successionib. ab intestato*. At equidem earum capita pro instituto meo suis locis recensebo.

An hodie
totidem ju-
ris scripti
species sint?

§. 73. Quum vero tot species juris scripti ex mutata subinde Reip. Romanæ forma natæ sint (§. 45.) facile patet V. eas hodie fere extra usum esse. Hodie itaque lex est *præceptum commune summi Imperantis, obligans cives, ut ad ejus normam actiones suas componant*.

Jus Neapolitanum.

Eandem legis definitionem, quam exhibet Heineccius, probato. Etenim in hoc Regno vel a Rogerio Nortmundo usque Regum nostrorum placita Leges sunt, quæ nos omnino obligant, uti & nostros majores obligarunt. Itaque cum lex apud nos quoque habenda sit *præceptum summi Imperantis obligans cives, ut*
ad

ad ejus normam actiones suas componant, fit, ut quovis modo Rex Neapolitanus, quidquid velit, statuatur, pro lege sit. Non est, cur plaustris citationum ad hanc rem probandam utar, cum Regia potestas, quæ diu apud nos valere cepit, id sibi proprium habeat. Et quamvis Regnum Neapolit. Feudatarios habeat, quibus Jurisdictionem exercere datum est, tamen hi [uti quoque in ceteris Regnis receptum est, in quibus Feudalia jura invaluerunt] subditorum numero censendi sunt, ac tantum peculiare habent, dignitates nonnullas præferre, & Juribus illis frui, quibus ex Privilegiis Regum nostrorum condecorati. Id probatum satis est apud Historicos rerum Feudalium, Struvium, Strickium, aliosque, fusissimeque confirmatum a nostratibus, inter quos maximi habet Capiblanco, Montanum, & De Ponte.

§. 74. Ceterum omne jus vel ad *personas*, vel ad *res*, vel ad *actiones* pertinet §. ult. *Inst. h. t.* Vnde jam hoc libro primo de *jure personarum*, libro secundo, tertio, & initio quarti de *jure rerum*, libri quarti capite sexto, ac sequentibus de *jure actionum* agitur.

Objecta juris personæ, res, actiones.

Adverte, Personarum, Rerum, atque Actionum ea jura tantum recenseri ab Heineccio, quæ privatam Subditorum utilitatem constituunt; quandoquidem privati Juris solum partes explicare Triboniano, Theophilo, & Dorotheo placuit. Hinc

Jus Neapolitanum.

ca.

capita ea Juris Neap. equidem pedetentim subnectam, quæ ad idem jus pertinent. Habebis tamen a me Opusculum, uti supra indicavi, quo partes Juris Publici Neap. enarrabo.

T I T. III.

De Jure Personarum.

Quid homo, §. 75. **H**omo & persona in jure maxime quid persona? differunt. Homo est cuicumque mens ratione prædita in corpore humano contigit. Persona est homo cum statu quodam consideratus.

Quid status? & quod duplex? §. 76. Status est qualitas cujus ratione homines diverso jure utuntur, isque est vel naturalis, vel civilis, qui iterum in statum libertatis, civitatis, & familie dispecitur L. ult. ff. de cap. minut. Certissimum ergo juris axioma est: Quicumque nullo horum trium statuum gaudet, jure Romano non persona, sed res habetur. [§. 75.]

An servus sit persona? §. 77. Servus itaque est homo [§. 75.] est etiam persona, quatenus cum statu naturali consideratur L. 21. pr. ff. de reg. jur. [§. 76.] sed ratione status civilis est *impossibilis*, non est persona, Theoph. pr. instit. de stipul. serv. personam legibus non habens; Cassiodor. lib. 6. Var. cap. 8. res mancipi, Ulpian. Fragm. tit. 19. §. 2. inter res quæ in fundo sunt, comprehensus L. 32. §. 2. ff. de legat. 2. sine capite §. 4. instit. de cap. demin. immo pro nullo, & mortuo habendus L. 32. & 209. ff. de reg. jur. quia nec statu familie, nec civitatis, nec libertatis gaudet (§. 75. 76.)

§. 78.

§. 78. Ad priorem ergo personæ notio- Prima per-
sonarum di-
visio.
nem, & statum libertatis pertinet (§. 76.)
prima personarum particio in *liberos*, &
servos, & illorum subdivisio in *ingenuos*,
& *libertinos* pr. §. 5. *inst. h. t.*

§. 79. *Liberi* a *libertate*, *servi* a *servitu-* Quid liber-
tas, & ser-
vitus?
te dicuntur. Illa est *naturalis facultas ejus*,
quod cuique facere libet, nisi quid vi, aut
jure prohibeatur §. 1. *inst. h. t.* Hæc contra
constitutio juris gentium [secundarii §. 39.]
qua quis dominio alieno contra naturam sub-
jicitur * §. 2. *inst. h. t.*

* Vtraque hæc definitio & antiqua, & Stoica
est (§. 18. *) Quemadmodum enim Stoicis omnes
homines natura liberi erant, adeoque servitus na-
ture repugnare videbatur, Merill. *Observ. lib. 1. cap.*
15. ita & idem sentiebant jureconsulti *L. 4. de just.*
& jur. L. 22. ff. de R. J. Servitutis vero definitio
totidem pene verbis apud Stoicos legitur. Vide
Attian. *Diff. Epictet. lib. 2. cap. 1. & lib. 4. cap. 1.*
Simplic. *Commentar. ad Epictet. Enchir. cap. 2.* Pers.
Sat. 5. & ibi Calaub.

§. 80. Et sane apud Romanos servitus Servitus
cur contra
naturam?
ideo quoque contra naturam esse videba-
tur, quod esset conditio, qua homo per-
sona esse desinebat, & in classem rerum
redigebatur [§. 76. 77.]

§. 81. Servi vero aut *nascuntur*, aut Servi vel
nascuntur
ex ancillis.
fiunt. *Nascuntur* ex ancillis nostris §. 4.
inst. h. t. quia servi sunt res [§. 77.] & ex
juris principiis fœtus, tanquam accessio
ventris, ad dominum ventris pertinet §.
19. *Instit. de rer. div. L. 9. ff. de adq. rer.*
dom. [Vide infra §. 356. seq.]

§. 82. *Fiunt servi* vel ex *jure gentium*, Vel fiunt
jure gen-
tium capti-
vitatē.
vel ex *jure civili*. Ex *jure gentium* per
captivitatem, unde *servi* dicti, quasi ser-
vati * *mancipia*, quasi manucapta §. 3. *Inst.*
h. t. * Ety-

44 *Elem. Jur. Lib. I. Tit. III.*

* Etymologia vere Stoica. Solebant enim Stoici eorumque exemplo jureconfulti loco etymologiarum grammaticarum allusiones quasdam, satis aliquando contortas dare. Talis est etymologia testamenti *pr. Inst. de testam. ord. mutui L. 2. §. 2. ff. de reb. cred. peculii L. 5. §. 3. de pecul. redhibitionis L. 21. pr. ff. de Edil. edict. divortii L. 2. ff. de divort.* Conf. de jureconsultorum etymologiis Scip. Gentil. *Origines, Menag. Aman. jur. civ. cap. 39. & Car. Andr. Duker. V. C. de Latin. lñ. p. 25. 27. 462.*

* Jure civili
in poenam.

§. 83. Ex jure civili Justiniano * in poenam servi sunt I. majores xx. annis, qui se pretii participandi causa venumdari passi sunt §. 4. *Inst. h. t.* II. liberti ingrati adversus patronum §. 1. *Inst. de cap. dem. L. un. C. de ingrat. lib.*

* Antiquo enim jure etiam servi fiebant III. qui censum, vel militiam subterfugerant, Cic. *pro Cacin. cap. 34.* IV. ad supplicium capitale damnati, vel servi poenae §. 3. *Institut. quib. mod. jur. patr. pot. solv.* V. mulieres liberæ servorum alienorum amore bacchantes ex SC. Claudiano, VI. qui ab alio adserti, præstitaque cautione per edictum citati, intra annum se haud stiterant. Sed census, & militia lecta tempore Justiniani pridem ab usu recesserant: servitutem poenae, quod ad favorem, & successionem cognatorum attinet, ipse sustulit Justinianus *Nov. 22. cap. 8.* necnon SC. Claudianum *L. un. C. de SC. Claud. toll.* Vid. Cujac. *Paratit. C. cod.*

An aliqua
in servorum
statu differ-
entia.

§. 84. Quia servi e personis res fiebant (§. 80.) recte sane dicitur, nullam eatenus in eorum statu esse differentiam §. 5. *Inst. h. t.* quamvis negari nequeat, varia eorum officia, variosque ordines occurrere, & alium servum altero liberalius habitum, immo & paullo tolerabiliorem fuisse conditionem *statu liberorum*, qui *statutam in tempus aut conditionem li-*
ber-

bertatem habebant L. 9. ff. de statu lib. & adscriptitiorum, colonorumque L. 2. L. 4. C. de agric. & cens. & ibi Cujac. Nov. 162. cap. 3.

De Ingenuis primum, tum de Servis, ac Libertinis plura, ac fortasse plusquam oportebat, dedit Tribonianus, cuius vestigia sequi Heineccius debuit. At equidem puto, ne te implicem, rei meæ recte satisfacturum, si ad ultimum conferam, quidquid Jure nostro de Ingenuis, Servis, ac Libertinis peculiare occurrit. Quamobrem nunc persequere mecum ea, quæ ex Jure civili hac in re repetenda sunt usque ad calcem Tituli VIII. hujus Libri, cui profecto subjiciam, quæ de Servis, ac Liberis hominibus Jus Neapolitanum complectitur.

§. 85. Ceterum Germanicæ originis gentes semper hæc principiâ ignorarunt. Tacit. de mor. Germ. cap. 25. Hinc servos quidem habebant, & hodiernum passim habent homines proprios, sed eos non res esse, judicant, verum personas gaudentes jure connubii, contractuum, & testamenti factionis, nisi quod glebæ, vel fundo adscripti cum fundo venduntur, dominisque operas, & censum debent, necnon quibusdam locis certam pecuniam pro libertate matrimonii, & præcipuum ex hereditate, veluti optimum caput, optimas exuvias &c. Vid. Hårprehti tract. de jure mortuarii, & Potgieseri tract. de statu, & cond. serv. in Germania. Et hætenus serviunt: Reliqua sibi adquirunt. §. 86.

Servi in
Germania
nascuntur
& fiunt.

§. 86. Hi quoque vel nascuntur, vel fiunt: nascuntur ex ancillis, fiunt non quidem per captivitatem, sed alibi per additionem voluntariam, alibi per nuptias cum aliena ancilla, alibi per solam habitationem, domiciliumque iis locis constitutum, ubi valet adagium: Aer servos reddit, die lufft macht eigen, veluti in Algovia Sueviæ tractu. Vid. Hert. & Thomaf. *Dissert. de Homin. propr.* Potgiess. *Tr. cit.* Confer quoque *Elem. nostr. Jur. Germ. lib. 1. tit. 1.*

Liberi homines vel ingenui, vel libertini.

§. 87. Hæc de servis. His oppositi liberi, quum in ingenuos, & libertinos distinguantur [§. 78.] de illis titulo IV. de his tit. V. agitur.

T I T. IV.

De Ingeniis.

Ingenui unde dicti?

§. 88. **I**ngenui, qui & κατ' ἐξοχήν per excellentiam, liberi dicuntur* a gignendo nomen habent, quasi quibus ingenita est libertas, vel, ut Isidor. *lib. 9. Orig. c. 4.* quasi qui in genere habent libertatem, non in facto.

* Exemplum est in L. 4. §. de just. & jure, ubi Ulpianus invicem opponit liberos, servos, & tertium genus libertos. Quæ observatio prodest ad textus aliquot paullo difficilioresexplicandos, e. g. L. 2. pr. C. Theod. de liberali causa.

Quinam
sunt.

§. 89. Ingenuus itaque est, qui statim, ut natus est, liber est pr. *Inst. h. t.*

Axioma de
ingenuitate.

§. 90. Quum vero ad natales hic respiciatur, favore ingenuitatis invaluit axioma: ingenuus est, quicumque est natus e matre, quæ vel tempore conceptionis, vel partus, vel intermedio, dum uterum gessit, sal-

saltem per momentum libera fuit, dict. pr.
Inst. l. t.

§. 91. Ex quo consequitur I. ut ingenuus nascatur ex parentibus libertinis. II. necnon qui ex libera, & servo. III. item vulgo quæstus, si mater sit mulier libera. * IV. Ut non officiat ingenuitati manumissio, si quis ingenuus natus injuste in servitutem detrusus fuerit §. 1. *Inst. b. t. e. g. a latronibus captus L. 13. pr. ff. qui testam. fac. poss.* V. Ut liberi, olim permittente jure vetere a patre venundati, vel noxx dediti, nec non obarrati, additi creditoribus, posteaque manumissi, non libertini sint, sed ingenui. Quinctilian. *lib. 7. Instit. cap. 3. lib. 5. c. 10. Declam. 311. 340. & 342.*

Confectaria
de ingenuis
a nativitate

* Quamvis enim alias liberi sequantur conditionem patris, id tamen non procedit extra nuptias, quia sine iis pater non intelligitur. Vnde extra matrimonium conditio matris spectatur L. 19. ff. de statu homin.

§. 92. An quis statim, ut natus est, liber fuerit, facti quæstio est, super quibus facti quæstionibus quum iurandum & res judicata pro veritate habeantur L. 207. ff. de reg. jur. L. 8. C. de reb. cred. consequens est, VI. ut & libertinus habeatur ingenuus, si sententia iudicis ingenuus pronunciatus L. 25. ff. de statu hom. necnon VII. si deferente patrono iuravit, se ingenuum esse L. 30. §. 4. ff. de jurejur. Quod ad statum Inguorum attinet, ea de re plura diximus in *Elem. Jur. German. l. 3.*

De inge-
nuis ob ius-
jurandum,
vel rem ju-
dicatam.

T I T. V.

De Libertinis.

Quinam libertini.

§. 93. **H**Actenus de ingenuis, Libertini* his oppositi sunt, qui ex justa servitute (§. 91. IV.) manumissi sunt pr. Inst. h. t. L. 6. ff. de stat. hom.

* Libertini dicuntur ratione status, liberti in relatione ad patronos. Illi sunt ἀπελευθερωτοί, manumissi, hi ἀπελευθερωτοί, de manumissorum ordine. Vide Laur. Vall. lib. 4. Eleg. Latin. Lingu. cap. 1. Olim tamen libertus erat manumissus, libertinus e liberto natus. Sueron. Claud. cap. 24.

Manumissionis definitio.

§. 94. Manumissio est de manu datio pr. Inst. h. t. Manus autem potestatem denotat in jure nostro, ut & olim veteribus. Vid. Liv. lib. 34. 11. Quum enim servi essent res (§. 77.) dubium non erat, quin domini dominio suo se abdicare, adeoque servis libertatem reddere possent.

Modi manumittendi veteres, & sollemnes.

§. 95. Modi manumittendi veteres, & sollemnes erant census, testamentum, vindicta, Cic. in Top. cap. 2. Vlpian. Fragm. tit. 1. §. 8. Sed quum census lustralis jam a Vespasiani temporibus ab usu recessisset, Censorin. de die nat. c. 18. nisi quod eum longo intervallo interjecto repetierat Decius, Trebell. Poll. in Valerian. Constantinus M. in ejus locum substituit manumissionem in Sacrosanctis Ecclesiis L. 1. C. de his qui in SS. Eccles. quæ solæ restant ex tribus constitutionibus, quas eum in hanc rem edidisse tradit Sozom. Hist. Eccl. lib. 1. cap. 9. Hinc, omisso censu,

su, hunc tantum modum reliquis accen-
set Justinianus §. 1. *inst. h. t.*

§. 96. Modi novi, & minus sollemnes Modi novi,
erant plures, * veluti per epistolam, in- & minus
ter amicos §. 1. *inst. h. t. per convivium*, sollemnes.
Cai. *inst. lib. 1. tit. 1. §. 11. per nomina-*
tionem filii §. 12. inst. de adopt.

* Cave enim existimes, hos solos fuisse. Libe-
ræ enim v. c. fiebant ancillæ, quas dominus ina-
trionali habitu ornaverat. Liberi credebantur servi,
qui volente domino tabulas signaverant, Quintil.
Decl. 341. & 342. vel quos dominus domi dextra
prehenso circumegerat, Appian. *de bello civ. lib. 1.*
Sic puerum liberum judicatum novimus, cui bul-
lam, & prætextam togam imposuerant venalicii,
Sueton. *de clar. Rhet. cap. 1. Conf. Merill. Observ.*
lib. 7. cap. 14.

§. 97. Per censum lustralem liberabantur Manumif-
servi, qui nomen suum in censum, jussu sio per cen-
domini, conferebant. Vlp. *Fragm. tit. 1. lustr-*
lem.

§. 8. ac deinde intererant lustro. Cic. *de*
Orat. lib. 1. cap. 46. Fragg. e veteri Ju-
risc. §. 17. apud Cl. Schulting. jurisp. an-
tiq. antejustin. p. 809. Sed hic modus jam
Justiniani tempore pridem ab usu recesser-
at (§. 95.)

§. 98. In sacrosanctis Ecclesiis liberabant In sacrosan-
servos, qui die imprimis Paschali (Gre- ctis Eccle-
gor. Nyssen. *Orat. II. de Resurr. Christi l. 7.* siis.
C. de ser.) sub adpectu plebis, adstanti-
bus Christianorum Antistitibus, ita manu-

mittebant, ut propter facti memoriam
vice actorum recitaretur libellus sollem-
nis, vel scriptura, in qua ipsi vice te-
stium signarent l. 1. *C. de his, qui in SS.*
Eccles. Conf. Jac. Gothofr. ad l. un. Cod.
Theod. lib. 4. tit. 7. p. 355. Tom. I.

Per testa-
mentum.

§. 99. Testamento servus manumittitur, quia servi sunt res (§. 77.), & de rebus cuique legare permittit Lex XII. Tabularum L. 120. ff. de V. S. Fit hoc vel directe, vel per modum fideicommissi. Directe ipse testator manumittit, vel expresse, Stichus liber esto, vel tacite, Stichus heres, vel tutor liberorum meorum esto. Dum enim voluit servum suum heredem, vel tutorem fieri, procul dubio & liberum fieri voluit §. 2. Inst. qui & ex quib. causis. man. l. pen. C. de necess. serv. her. inst. §. 1. Inst. qui test. tut. dar. poss. l. 32. §. 2. ff. de testam. tut. Per modum fideicommissi, quum testator vel heredi, vel legatario injungit, ut servum manumittat §. 2. Inst. de reb. sing. per fideic. rel.

Per vin-
dictam.

§. 100. Manumissio per vindictam erat actio legis (§. 69. 2.) & hinc coram eo Magistratu, apud quem erat legis actio, sollempni ritu, & formula explicanda. Quia tamen simul erat actus jurisdictionis voluntariæ (§. 69. 2.) non opus erat, ut pro tribunali fieret, sed videbatur recte manumitti servus, etiam quando Prætor, aut Præses, in balneum, vel in theatrum ibat §. 2. Instit. h. t. L. 7. ff. de manum. vind.

* Qui ritus in eo consistit, quod dominus servum in gyrum ageret. Pers. Sat. 5. v. 75. colaphum eidem infligeret, & ita percussus e manu dimitteret, addita formula: Hunc hominem liberum esse volo. Quo facto licet virgula, quæ vindicta a Vindicio servo, ita manumisso, dicebatur, Liv. lib. 2. cap. 5. L. 2. §. 24. ff. de O. I. caput servi percutiebat. Sidon. Carm. II. ad Anthim. v. 545. Claudian. Consul. Honor. v. 613. seqq.

§. 101. Hi modi sollemnes sunt manu-
missionis. *Per epistolam facta manumissio*
sine sollemnitate fiebat (§. 96.) unde & ab-
sens hoc modo manumittebatur (§. 250.)
l. 38. pr. ff. de adquir. vel omitt. possess. Po-
stea Justinianus primus requirebat quinque
testium subscriptionem L. un. §. 1. C. de lat.
libert. toll.

Per episto-
lam.

§. 102. *Inter amicos* manumittebat do-
minus, quando servum, quinque convo-
catis testibus, liberum esse jubebat *L. un.*
§. 2. C. de lat. libert. toll.

Inter ami-
cos.

§. 103. Quumque indecorum olim vide-
retur, cum servis accumbere dominum
(vid. *Antiq. nostr. Rom. h. t. §. 8.*) & is
per convivium manumisit censebatur, qui
servum adhibuerat mensæ. * *Caj. lib. 1.*
Instit. tit. 1. §. 11.

Per convi-
vium.

* Eo nonnulli, sed parum accurate, referunt
verba Servatoris *Luc. XII. 37.*

§. 104. Denique, uti olim servus, a do-
mino adoptatus, liber fiebat, ita Justi-
nianus auctoritate Catonis, aliorumque
veterum statuerat, ut is servus, quem do-
minus actis intervenientibus *filium suum*
adpellaverat, liber esset, licet hoc ei ad
jus filii accipiendum non sufficeret §. 12.
inst. de adopt.

Per nomi-
nationem §.
lii.

§. 105. Omnes ita manumissi e servis
fiebant liberi, e rebus personæ (§. 76.)
Et olim quidem ex instituto Servii Tul-
lii [*Dionys. Halic. lib. 4. pag. 126.*] una
erat omnium libertinorum conditio, quo-
niam omnes non modo libertatem, sed
& civitatis Romanæ jura consequabantur,
Cic. pro Corn. Balbo cap. 24.

Olim una
libertas.

Ex lege Ælia Sentia quidam liberti dedititii.

§. 106. Posteaquam autem domini sceleratissimos servos ob varias causas manumittere cœperant (Dionys. Halic. *ibidem* p. 228.) & civitas pessimorum hominum colluvie adfluere videbatur; anno V. C. Dcclv. Sex. Æliq Cato, & C. Sentio Saturnino Coss. lege *Ælia Sentia* cautum, ut servi sceleris, aut noxæ causa publice cæsi, vincti, torti, aut stigmatibus usti, ad ferrum damnati, bestiisve objecti, impetrata a dominis quocumque modo libertate, non melioris essent conditionis, ac dedititii, Dio Cass. *lib. 35. p. 556.* Suet. *Aug. cap. 40.* Vlp. *Fragm. tit. 1. §. 1. Cai. inst. lib. 1. tit. 1. §. 3.* id est, ii populi, qui se, divina, humanaque omnia Romanis dediderant. Car. Sigon. *de antiquo jure Ital. l. 1. c. 1. p. 47.*

Ex lege Junia Norbana quidam Latini facti.

§. 107. Postea ob eandem causam anno V. C. Dcclxxi. M. Junio Silano, & L. Junio Norbano Coss. lata lege *Junia Norbana* sancitum, ut modis minus sollemnibus [§. 96. §. 101. usque ad §. 104.] manumissi, quosve lex *Ælia Sentia* in libertate morari passa erat, non Civitatis, sed Latinorum coloniariorum jura consequerentur, Vlpian. *Fragm. tit. 1. §. 10. Cai. inst. ibid. §. 11. Add. Comm. nostr. ad Leg. Jul. Pap. lib. II. cap. X.*

Tria libertinorum genera.

§. 108. Ex eo ergo tripartitus esse cœpit libertinorum status. Alii enim justam consequerentur libertatem, & fiebant *cives Romani* [§. 105.] alii *Latini Juniani* (§. 107.) alii *Dedititii* dicebantur (§. 106.) §. 3. *inst. h. t.*

Civium

§. 109. *Cives* gaudebant juribus connubii,

bii, contractuum, & testamenti factionis, aliisque, quæ ad jus publicum, & privatum Rom. pertinebant. *Latini* participes quidem quodammodo erant juris commerciorum [Vlpian. *Fragm. tit. 19. §. 4. tit. 20. §. 8.*] non autem testamenti factionis, neque juris connubii, nisi hoc speciatim concessum esset. Vlp. *tit. 17. §. 1. & tit. 5. §. 4.* *Dedititii* nullo horum jurium gaudebant, ac ne spes quidem illis supererat, ad meliorem conditionem, justamve libertatem adspirandi, Cai. *instit. lib. 1. tit. 1. §. 4.*

§. 110. A Justinianus primo id discrimen sustulit §. ult. *inst. h. t. l. un. C. de lat. lib. toll.* & *L. un. C. de dedit. lib. toll.* deinde & ingenuitatem libertinis concessit, & jus aureorum anulorum dedit, adeoque omne fere discrimen ingenuorum, & libertinorum abolevit, salvo tamen jure Patronatus Nov. 78. cap. 1.

§. 111. Nimirum magna olim necessitudo erat inter manumittentem, & libertum (§. 93.) Libertus illi debebat, quod persona esse cœperat, quum antea in classe rerum esset (§. 105.) Ex quo consequebatur, ut patronus illi veluti pater, ac proximus agnatus esset, cujus & nomen adsumere solebat. Lactant. *Div. Inst. lib. 4. c. 3. l. 94. ff. de leg. 3. l. 88. §. 6. ff. de leg. 2. l. 108. ff. de condit. & dem. Viun. ad princ. Inst. de success. libert. & quæ nos ibi notavimus p. 566.*

§. 112. Quum itaque manumissores libertis essent instar parentum [§. 111.] conseqens erat I. ut testamento directo ma-

Latinorum,
dedititio-
rum condi-
tio.

Discrimen
inter liber-
tinos, im-
mo & inge-
nuos, &
libertinos
sublatum.

Patroni li-
bertinorum
veluti pa-
rentes, vel
agnati.

Jura patro-
natus.

numissi patronum non haberent, *indirecte* libertatem ex fideicommissio consequuti, heredi vel legatario jura patronatus deberent. Vnde illi liberti *orcini* dicuntur, quasi qui patronum in orco haberent, Cujac. lib. 3. Obs. cap. 23. II. Ut liberti patronis deberent obsequium, & reverentiam l. 9. ff. de obs. par. & patr. prest. III. Ut illis obstricti essent ad præstandas operas officiales l. 9. §. 1. ff. de op. lib. non autem ad fabriles, nisi sponsione, vel jurejurando promissas l. 3. pr. l. 5. l. 7. ff. cod. IV. Ut patronus liberto, qui improles objerat, ab intestato accederet pr. Inst. de success. libert. V. Ut libertus *capitis sine liberis*, testamento ei relinquere teneretur partem tertiam bonorum, si esset centenarius major, alioquin patrono daretur tantæ portionis bonorum possessio contra tabulas §. 3. Inst. de succ. lib. VI. Ut jura patronatus, quod ad operas officiales attinet, capitis deminutione quacunque, reliqua maxima, & media perimerentur §. 1. Instit. de adquis. per arrogat.

Vfus hujus
doctrinæ
hodiernus.

§. 113. Ceterum hæc omnia hodie fere extra usum sunt. Manumittuntur homines proprii, ubi ea servitus adhuc recepta, sed per solam fere epistolam. Cessant vero reliqui modi manumissionis; cessat jus aureorum annulorum, cessant jura patronatus. In universum fere adhuc obtinet in Germania, quod jam observaverat Tacit. de mor. German. cap. 26. Liberti nimirum non multum supra servos sunt. Vid. Potgies. de statu & condit. serv. Germ. lib. 3. ut & Elementa nostra Jur. German. Lib. 1. Tit. 2.

TIT.

Qui & ex quibus causis manumittere non possunt.

§. 114. **Q**UVM Romani sæpe servos Manumittendi libertas lege Ælia Sentia imprudenter manumitterent, lege Ælia Sentia hanc manumittendi licentiam quodammodo fuisse circumscriptam, jam supra monuimus (§. 106.) Dio Cass. lib. 55. pag. 556.

§. 115. Eadem ergo lex Ælia Sentia inter alia, & bina hæc capita * complectebatur, quorum altero cautum fuerat, ne quis in fraudem creditorum manumitteret, pr. inst. h. t. altero, ne domino minori viginti annis manumittere liceret, nisi certis servatis conditionibus §. 4. inst. eod. Duo ejus capita huc pertinentia.

* Non enim his duobus capitibus solis constabat lex Ælia Sentia, ut nonnullis visum, veluti Cl. Voet. Elem. jur. h. t. §. 1. sed plura alia passim memorantur. Vid. Antiqu. nostr. Roman. h. t. §. 3. seqq. Hæc duo tantum recenset Justinianus, quia ad hunc titulum sola pertinent. Totam legem ordini, ac integritati suæ restitutam reperiēs in editione ertia Antiqu. nostr. Rom. h. t.

§. 116. Priore ergo capite cautum, ut, qui in fraudem creditorum manumittit, nihil agat, pr. inst. h. t. l. 16. §. 2. ff. qui, & a quib. manumissi lib. Caput prius. Manumissio igitur ita facta erat nulla, & manumissi servi manebant, * quia libertas semel data revocari non potuisset actione Paulliana, qua alioquin creditores in fraudem suam alienata revocant ** l. 1. ff. de his qui in fraud. cred.

* Improprie ergo loquuntur veteres jureconsulti, ipsique Principes, dum libertates per legem Æliam Sentiam dicunt rescindi l. 5. §. 2. ff. *qui & a quib. manum. retrahi* L. 45. §. 3. ff. *de jure fisci*, immo & revocari L. 1. C. *qui manum. non poss.* Non autem enim cum Fr. Brocæo *ad. h. §.* erroris Justinianum arguere.

** Actio enim Paulliana dabatur tantum adversus possessorem rei alienatæ fraudis conscium L. 1. pr. L. 6. §. 8. & L. 9. ff. *quæ in fraud. cred.* Servus vero manumissus rem alienatam, id est servitutem, non possidebat. Libertas, quam servus consequutus erat, a domino non fuerat alienata, nec servus semper erat fraudis conscius.

Quid in fraudem creditorum manumittere? §. 117. *Fraus* vero & *affectum* vel consilium defraudandi involvit, & *effectum*, ut datis libertatibus desinat manumittens solvendo esse §. 3. *Inst. h. t.* L. 10. ff. *qui & a quib. manum.*

Non manumittit in fraudem, qui se solvendo esse putat. §. 118. Ex quo consequitur, I. ut ignoscendum sit ei, qui dum amplius de satisfactis cultatibus suis, quam in iis est, sperat, servos manumittit d. §. 3. *inst. h. t.* nisi libertas tantum fideicommissaria data sit, ubi solus effectus sine fraudandi consilio sufficit L. 4. §. 19. *fin. ff. de fideic. lib.*

Nec qui servum necessarium heredem instituit. §. 119. Ex eodem sequitur, II. ut non sit nulla manumissio, si dominus, qui solvendo non est, servorum suorum unum cum libertate, vel sine ea heredem instituit necessarium, dum ne alium heredem ex eo testamento habeat §. 1. 2. *inst. h. t.* Non enim fraudandi, sed ignominiam sibi mortuo imminentem amolienti animo id fecisse videtur. * §. 1. *inst. eod.*

* Perquam enim ignominiosa erat possessio bonorum a creditoribus impetrata, Cic. *pro P. Quinct. cap. 15.* Herede vero necessario instituto, bona non defuncti, sed heredis nomine venebant.

§. 120. Posteriore capite cautum fuerat, ut minor viginti annis non aliter manumitteret, quam I. vindicta, (§. 100.) II. ad consilium, quod Romæ ex quinque senatoribus, totidemque equitibus, (i. e. ex decenviris litibus judicandis), in provinciis ex 25. recuperatoribus civibus Roman. constabat. Ulp. tit. 1. §. 12. 13. Ger. Noodt. de jurisd. lib. 1. cap. 12. III. ex iusta causa §. 4. inst. h. t. qua semel probata libertas non retractabatur, licet falsa adpareret §. 6. inst. h. t.

§. 121. Iusta vero causa videbatur, si quis patrem, aut matrem, filium, filiamve, aut fratres, sororesve naturales, aut pædagogum, aut nutricem, aut educatorem, aut alumnum, alumnamve, aut colactaneum manumitteret, aut servum non minorem 17. annis procuratoris habendi causa, * aut ancillam matrimonii gratia, dum tamen intra sex menses uxor duceretur, ni iusta causa (quales in L. 17. ff. de spons. recensentur) impediret, ** §. 5. inst. hoc tit. L. 9. L. 11. seq. ff. de manum. vind.

* Procul dubio ad litem: quum ad id, ut quis alterius negotia extra iudicium procuraret, nec libertate, nec septendecim annorum ætate opus sit arg. L. 7. §. 1. 2. L. 8. de institor. act. Cl. Voet. Elem. jur. h. t. §. 4.

** Nec tamen hæ causæ omnes e lege Ælia sentia sunt. Saltem eo tempore nondum licebat civi libertinam ducere, quod lex demum Papia Poppæa concessit anno V. CIOCCCLXII. Dio Cass. lib. 54. p. 831. Senatusconsulto potius id jus adscribendum, teste Vlpiano L. 13. ff. de manum. vind.

§. 122. Verum id posterius caput eatenus sustulit Justinianus, ut cuivis post

Posterioris legis caput.

Iustæ causæ, ex quibus minor 20. annis manumittebat.

Abrogatio capitis posterioris.

ign-

impletum 17. annum manumittere liceret inter vivos §. *ult. inst. h. t.* per testamentum autem cuivis, qui ea ætate esset, ut posset testari *Nov. 119. cap. 2.*

T I T. VII.

De Lege Fusia Caninia Tollenda.

Romano- §. 123. **Q**Uum tam imprudenter Romani
rum mori- inter vivos manumitterent (§.
bundorum 106.) facile ad existimandum
ambitio in est, multo liberaliores eos fuisse moribun-
manumit- dos. Tunc sane sæpe tota servitia liber-
tendis ser- rato donabant tantum, ut liberalitatis
vis. laudem ferrent post mortem, & libertini
isti pileati defunctorum patronorum le-
cticas magno agmine prosequerentur. Dio-
nyf. Hal. *lib. 4. pag. 228.*

Lex Fusia §. 124. Ne itaque dedecori Reipublicæ ef-
Caninia ei sent impurissimi illi pilei, manumissio-
opposita. num hujusmodi modum terminandum pu-
tabat Augustus. Suet. *Aug. cap. 40.* Idque
factum lege *Fusia Caninia*, lata anno V.
C. ICCCII. Sex. Furio Camillo, & C. Ca-
ninio Gallo coss. v. d. *Ant. Rom. h. t. §. 1.*

Ejus legis §. 125. Ea cautum erat, I. ut qui plu-
sanctio. res quam decem servos non haberet, plus
parte dimidia ne manumitteret, qui ad
XXX. ne plus tertia, qui ad C. ne plus
quarta, qui ad I0 non plus quinta, nec
umquam testator plures quam C. liberta-
te donaret, II. ut si quis iusto plures ma-
numiserit, ii tantum, qui priores nomi-
nati, libertatem consequerentur, III. si
plures scripti, nemo nominatus, vel no-
mina

mina *διεξοδικως*, seu in orbe tereti scripta essent, * nullus liberaretur. Vlpian. *Fragm. tit. 1. §. 24. Paull. sentent. recept. lib. 4. tit. 15. Cai. inst. lib. 1. tit. 2. §. 1.*

* Quid sit scribere *διεξοδικως*, in circulo, in orbe tereti *εὖ καλῶς*, luculenter, & erudite docet Em. Merill. *Obs. lib. 7. cap. 40.*

§. 126. Verum hanc quoque legem, utut Reip. antea utilissimam, sustulit Justinianus, interserens causam parum idoneam, quod tantumdem licere debeat morientibus, quantum vivis. §. *un. inst. h. t.* Ejusdem abrogatio.

T I T. VIII.

De His Qui sui, vel Alieni Juris sunt.

§. 127. **H**Actenus de prima personarum Secunda personarum divisio. divisione in *Liberos & Servos* (*§. 78.*) Sequitur altera earundem partitio in eos, qui sunt *sui vel alieni juris*, *pr. inst. h. t.* quæ ad statum familiæ pertinet (*§. 76.*) & omnino priore latius patet, quia omnes quidem homines sui juris sunt liberi, omnes servi alieno juri subiecti: sed non omnes liberi homines sunt sui juris, nec omnes alieno juri subiecti servi sunt.

§. 128. *Sui juris* habentur, qui nec *dominica*, nec *patriæ potestati* subsunt. *Alieno juri* subiecti, qui alterutri subsunt. Illi vocantur *patres*, *matresve familias*, hi vel *filiæ*, *filiæve familias*, vel *servi*, *ancillæve* l. 4. ff. *h. t.* Hoc titulo de *dominica*, sequente de *patriæ potestate* agendum erit. Quinam sui, quinam alieni juris?

§. 129.

Servi erant
in dominio
Quiritario.

§. 129. Quum servi essent res mancipi, (§. 77.) consequens erat, ut essent in dominio Quiritario, Ulpian. *Fragm. tit. 1. §. 16.* adeoque domino eadem jura in servos competere, quæ ei competeant in res alias dominio suo subjectas.

Jura domini
in servos.

§. 130. Itaque I. domino erat jus vitæ, ac necis in servos §. 1. *inst. h. t. L. 1. §. 1. ff. h. t.* II. Servi erant in commercio, adeo ut vendi, donari, legari, & quocumque titulo in alios transferri possent. III. Servi nihil habebant proprii, sed quidquid adquirebant quocumque modo, adquirebant domino. Vid. *infra lib. 2. tit. 9.*

Jus vitæ, &
necis paul-
latim aboli-
tum.

§. 131. Sed quum hoc jus vitæ & necis paulatim in barbaram sæviendi licentiam degeneraret (Senec. *de ira lib. 3. cap. 40. de elem. cap. 18.* Plin. *Hist. nat. lib. 9. cap. 23.*) & expedire tamen videretur Reip. ne quis re sua male utatur §. 2. *inst. h. t.* jure novo id jus ademptum est dominis Deportatione, vel ultimo supplicio ex lege Cornelia adficiendis æque, si suum, ac si servum alienum occiderint, * §. 2. *inst. h. t.* nisi justa occidendi causa subfuerit, veluti si dominus servum sibi insidiantem, vel in adulterio deprehensum occiderit L. 53. §. 3. *ff. de leg. 1. l. 96. ff. de V. O. junct. §. 2. inst. de leg. Aquil. L. 24. pr. ad L. Jul. de adult.*

* Quin quamvis jus castigandi dominis ademptum non sit L. un. C. de emend. serv. extra ordinem tamen succurritur servis, injuriam intolerabilem passis a domino. Exemplum elegans existat in §. 2. *inst. h. t. L. 2. ff. eod.*

§. 132. Et hoc jure utuntur iis locis, ubi supersunt homines proprii, nisi quod passim hæc dominica potestas veterum Germanorum formam jurisdictionis, quam patrimonialem vocant, induit, vi cujus & animadvertere licet in homines proprios facinorosos, sed non nisi causa cognita, uti diximus in dissertatione singulari *de Origine, atque Indole Jurisdictionis Patrimonialis*. Conf. quoque *Elem. Jur. German. lib. 1. tit. 1. §. 39.*

Vfus ho-
diernus.

J V S N E A P O L I T A N V M

DE INGENVIS, SERVIS, AC LIBERTINIS BREVITER PROPOSITVR.

I. **V**T recte oratio procedat, e re mihi videtur, I. Personarum discrimina, prout apud nos probantur, proponere, II. Tempus definire, quo Servitutes Romanorum cessarunt, III. Quænam Manumissiones obtinuerint post Imperii Rom. ruinam, IV. An hodie in Regno Neap. Servi existant; ac quæ Jura servantur, si servorum habenda sit ratio. Exinde veniam ad Leges, quæ de Servis Fugitivis exstant, imo & de Adscriptitiis. Ac de his omnibus singulatim.

Jus Neapolitanum.

II. Hominum divisio, quæ nostris legibus consona videtur, quæque ad privati Juris capita quædam explicanda pertinet, hæc est, ut alii Ingenui sint, alii Servi. Ingenui vulgo liberi homines appellantur, eorumque alii Laici, alii Clerici sunt. Liberos autem

tem alii sui juris homines dicuntur, alii alieni, quod hi Patriæ Potestati subsunt, illi vero nullius Juri. Contra vero Servi nunc nominantur, qui vel liberi sunt, operasque suas locant mercedis causa, vel qui ejus sunt conditionis, cujus olim apud Romanos Servi, ac Mancipia; Quo proprie spectat Servorum notio, qui alieni quoque Juris homines appellantur. Me tamen non fugit, a quibusdam eximi ex hominum nostrorum divisione servos. Verum horum sententiam infirmat mentio Servorum Adscriptitiorum, & Fugitivorum in Legibus Neapolitanis. Ad rem igitur nunc tene Liberorum *laicorum*, ac Servorum Jura; de Clericis enim, eorumque Immunitatibus dissertabo in *De Jurisdictione* . . . Verum Adnotatione isthac tantum accipito ea, quæ ad Servos spectant.

III. Ac primum Servos illos huc spectare ne putes, qui operas suas locant, ut post cujusque mensis finem pactam mercedem excipiant; Nam hi & liberi homines sunt, atque si velint, poterunt pro arbitrio suo se se a Jure ejus, cujus imperio fortasse per certum tempus paruerunt, abdicare. Igitur eorum haberi hic tantum debet ratio, qui illorum conditionem exhibent, qui dominis ita subsunt, ut nisi liberi fiant, debent eisdem subesse, ac pro jure suo, si alibi se conferant, vindicari a dominis valent.

IV. Olim qui ab hostibus capti, atque ex Ancillis nascebantur, potissimum servi dicebantur. Horum tam ingens in Familiis Romanorum fuit numerus, ut nihil
su-

supra. Adi Popmam, & Pignorium, qui doctissime hac de re disputarunt. Atqui deinceps deficere cœperunt adeo, ut Servitutes penitus extinctas velint. Id factum nonnulli existimant tres ob causas. I. ob Imperii Romani excidium. II. ob novos Barbarorum mores. III. ob Pontificum hac in re suasiones. Prima causa ex ipsa Historia Romana satis certa est. Næ cuivis compertum est, mores pro diversis Imperii Romani vicibus passim variasse, ac præsertim paulatini desuescere cœpisse apud exteras gentes, quæ de Servis tamdiu Romani caverant. Alteram causam probat nova Barbararum gentium Politia, quæ ubi per Europam grassari cœperunt, ac potissimum per Italiam, cujus pars est Regnum Neapolitanum, novam Servorum speciem attulerunt, ut sibi indulgerent, servitutesque suo regimini, ac novæ Feudorum Institutioni accomodarent. Inde adscriptiorum servitutes ortum sumserunt, de quibus paulo infra. Tertiam præclare demonstrat Cl. Thomassinus *Veteris, & Novæ Ecclesiæ Disciplina Parte II. Lib. 1. cap. 74.* Sane Patrum Ecclesiæ, ac Pontificum mens fuit efficere, ut servi non omnino alienam conditionem præferre cogerentur ab illa, quæ ceterorum hominum, quibuscum pares natura sunt, propria est. Hinc colligere est causam, cur servitutum usque ad tempora Decretalium sit mentio in Monumentis Ecclesiasticis, post ea tempora verbum nullum de iis occurrat. Immo aperte Gregorius IX. in epistola ad Episcopum Nea-

Neapolitanum, & Clemens IV. anno 1266. ad Belam Hungariæ Regem discrimen inter liberos, & servos nihil valere statuunt.

V. Atqui per hæc tempora servos manumitti moris quoque fuit, dum sc. servitutes perdurarunt. Neque alias adhibitæ manumissiones compertum habeo præter illas, quas Romani instituerunt. Tamen si pro gentium idiomate, ac morum diversitate varium nomen, variosque ritus veteres manumittendi modi acceperunt. Sic in *Legge Salica* occurrunt Liberti *Chartularii*, quos ita nominatos volunt a *Charta*, seu *Breviculo Principis*, quo donabantur, qui ad libertatem veniebant. Quem manumittendi modum quis non videt spectare illum Romanorum per *Epistolam* dictum? Item habentur Liberti Ecclesiarum apud Historicos. Atque hi profecto fuerunt, qui e servitute ad Libertatem in Ecclesiis evocabantur, ut fortasse ordini ecclesiastico se adscriberent. Videsis *Thomasinum*.

VI. Ne deducas tamen ex his, nullos hodie superesse servos; quamvis enim cessavit mos captivos habendi servos, quod admittantur hi vel pro victoribus arma capere, vel iisdem detur denuo ad lares suos redire, tamen valet potissimum apud nos id, quod docuit Bartholus *ad l. 24. de Captivis*, qui servorum conditioni subijciendos ait, qui Christianam Religionem nequaquam profitentur, eique armis adversari conantur, quales sunt Turcæ. Profecto hi si cujuscumque ditioni subijciantur, id juris patiantur oportet, quod pati

pati eos opus erat, qui apud Romanos e servorum numero erant. Quinimmo si manumittantur, Jura Patronatus non variabunt ab illis, quæ Romanorum propria fuere, cum nihil, vel saltem parum de hujuscemodi Servis, & Libertinis a Legibus cum nonnullarum gentium, tum a nostris sit immutatum.

VII. Ergo tenēs hominum pro Jure Neap. divisionem, servorum, ac servitutum Juriungi brevem historiam, eorumque nomen, quibuscum tamquam cum mancipiis hodie agi permissum est. Nunc reliquum est, ut si quæ leges prodita sint de Servis a Legislatoribus Neapolitanis, exponam. Et certum quidem est, Servorum Fugitivorum, ac Servorum Adscriptitiorum mentionem tantum existare in Codice Friderici, quorum hi licet veteribus Romanis haud ignoti, novam tamen conditionem sortiti sunt ex recentiori Feudorum Institutione. Opus igitur est, ut quid Legibus nostris de Fugitivis Servis, ac de Adscriptitiis caveatur, huc conferam.

VIII. Profecto duæ exstant in Codice Friderici de Servis fugitivis leges, quarum altera Gulielmum auctorem habet, altera Fridericum. Sane Gulielmus in hunc modum cavet: *Servos, & Ancillas (Constit. Regni Sic. III. Tit. De Servis & Ancillis fugitivis) omnes fugitivos ab aliquo capi generaliter omnibus prohibemus, nisi captos quam citius potuerint Domino suo restituant, vel si dominum ignoraverint, Bajulis Curie nostræ assignent, & Bajuli M. Curie nostræ transmittant eosdem, scitu-*

*ri, quod quicumque modo aliquo servum aliquem, vel ancillam fugitivam capere, vel quomodolibet detinere præsumerit, ipse cum omnibus bonis suis pœna Curiae subiacebit, Bajulis, nisi Magnæ Curiae nostræ transmiserint, eandem pœnam laturis. Itaque I. vetat Gulielmus, Servos, Ancillasque fugitivos recipi, II. captos quamcitissime reddi Dominis jubet, vel si hi ignorantur, Bajulis locorum, ut ab iisdem ad M. C. transmittantur, ac demum statuit cum omnibus bonis suis Curiae subjacere cum Servos, Ancillasque capientes, tum Bajulos, si umquam quamcitissime eosdem ad M. C. non transmittant. Quid sanctius poterat caveri, si vel temporum illorum indoles animadvertatur, vel hac de re Legislatorum Romanorum placita conferantur, non video. Certe ea tempestate privata, ac publicæ res ita erant comparatæ, ut facile esset alteri alterum non sine injuria lædere. Hinc ne præ ceteris servorum fuga aliis utilitati esset, ac Dominis damnosa, aptissime in eum modum servos fugitivos coercere Gulielmo visum. Nam data Bajulis facultate eos primum retinendi, tum verò ad M. C. transmittendi, si Domini ignorarentur, effecit, ut Baiulorum, ac M. C. Jurisdictio in re tanta prævaleret, quod tunc temporis in Provinciis Bajulorum, in hac urbe M. C. Jurisdictio potissimum valebat. Idem diu antea a Romanis Legislatoribus probatum puta. Sic l. 1. D. de Fugitivis Ulpianus ait, *is qui fugitivum celavit, fur est*, & l. 4. eodem Tit. hæc habet Paulus: *Limenarchæ,**

Stationarii fugitivos deprehensos recte in custodia retinent. Magistratus municipales ad officium Praefidis Provinciae, vel Proconsulis comprehensos fugitivos recte transmittunt. Neque diversa ab his statuuntur pluribus § legis 2. eodem. Igitur certum habes, Romanos quoque sancivisse, ut furti reus esset, qui fugitivum celaret, ac Magistratibus tum majoribus, tum minoribus tribuisse eosdem detinere. Variarunt tamen in poena designanda Romani Legislatores a Gulielmo. Etenim Gulielmus iussit, bona eorum, qui servos fugitivos detinerent, fisco addici, secus tamen visum Romanis, quibus sancire hac in re placuit in hunc modum: quicumque fugitivum servum in domum, vel in agrum inscio Domino ejus suscepit, eum cum alio pari, vel viginti solidis, (hæc fuit communis servorum æstimatio, ex l. Papin. de Inoff. Testam.) reddat, uti habetur ex lege Constantini l. 4. de servis fugitivis.

IX. Post Gulielmum a Friderico de Servis Fugitivis ita cautum est: *Mancipia Fugitiva* (hæc sunt Friderici verba, quæ descripta sunt Titulo xxxvi. Lib. iii. Constit. De Mancipiis Fugitivis, quæ nescio qua causa, haud visum Petro de Vineis, subnectere verbis Constitutionis Gulielmi, quæ ad idem ferme collimant. Sed si lubet Petrum de Vineis tueri, dabo tibi manus, si conjicies id fortasse a Petro factum, quod crediderit ad res inventas in fundis alienis, de quarum jure præcedenti titulo agit, ea, quæ de Mancipiis fugitivis statuit Fridericus, potius pertinere)

nere) *qua Constitutio Regia per bajulos ad M. Curiam nostram debere transmitti constituit, nec quid de eis fieri debebat, statuit, per annum precipimus dominorum commodis reservari, ut si infra annum is, qui se legitimis documentis dominum probare potuerit, appareat, supradicta mancipia ei restitui debere censemus, salvo jure, quod ex obtenta veteri consuetudine perinde curia nostra debetur, alias si domini non appareant, privatis nostris utilitatibus aggregentur; Hac Friderici Constitutione nemo non videt, Constitutioni Gulielmi derogatum in ea parte, qua de Servis per Bajulos ad M.C. transmittendis cavetur. Nam vult sapientissimus Imperator, Bajulos retinere apud se debere per annum Mancipia fugitiva, ut ei, qui probaverit se esse dominum, reddantur, post annum vero in fiscum redigi. Verum quid sibi idem vult verbis illis *Salvo jure, quod ex obtenta veteri consuetudine perinde curis nostris debetur?* Afflictus ad eandem Constitutionem scribit, ibi notari quidquid a Domino erat pendendum alimentorum gratia servo fugitivo praestitorum. Sed mihi haec Afflicti interpretatio non persuadet, aliorumque etiam, qui Afflictum hac in re sunt secuti. Quid enim opus erat, id decernere? quandoquidem naturalis ratio id ferebat, ut a Domino Bajulis alimenta redderentur fugitivis servis praestita. Hinc verisimilius mihi sit, Fridericum ibi cavere maluisse, ut aliquid praeter alimenta fisco penderetur, cujus gratia servum haberet Dominus fortasse alias non habiturus. Ecquidnam pendi debuisse a Dominis Ser-*

vorum

vorum fugitivorum ætate Friderici in tanta antiquitate difficile est noscere.

X. Nunc de Servis Adscriptitiis. Eorum mentio est in Libro III. *Constitutionum Tit.* II. ubi Imp. Fridericus vetat, posse sine consensu Dominorum servos Adscriptitios ad sacros ordines admitti. At quoniam fuerunt adscriptitii servi, quos memorat ibidem Fridericus? Certe eos intelligit Imp. quos olim apud Romanos *Adscriptitios*, *Originarios*, *Colonos*, & *Agricolas* nominatos accepimus. Atque horum origo duplex fuit. Nam adscriptitii vel fiebant, qui se sponte pretii alicujus excipiendi causa cultura agrorum addicebant, vel ea lege libertatem quamdam essent adsecuti, ut dum viverent, agris colendis operam darent. Qui huic conditioni subiciebantur, habebantur ut fundorum parces, ac venditis fundis iidem venditione eorumdem comprehendebantur, filiique etiam, si quos haberent. Hinc adscriptitii, *Agricolæ*, *Coloni dicti*, & quandoque *Originarii*, si nempe ex Adscriptitiis nati essent. Consule omnino Titum Popmam *De Operis Servorum* pag. 154. Cujacium in *Parat. ad Tit. D. De Operis Libertorum*, Salmasium *De Modo Usutarum*, & Interpretes Juris ad *Tit. Cod. de Agricol. & Cens.* Quoniam vero sequior ætas ab hoc instituto nequam abhorruit, factum ut a Regibus, qui post Imperii Romani ruinam regnarunt, leges nonnullæ proditæ sint de Servis Adscriptitiis, qui postmodum *Villani* quoque nuncupati. Nam posteriores Principes vel permiserunt, homines liberos

posse gleba addici, vel haud alienum putarunt, pro arbitrio suo homines liberos aliis haud lege donare, ut suis fundis colendis integro cuiusque vitae spatio vacarent. Sic in Charta Alphonfi R. Castellae scriptum est *Dono vobis quindecim Villanos in perpetuum habendos, & irrevocabiliter possidendos*. Si vacat, vide hac de re plura apud Du-Cangium in *Glossario Med. & Infim. Lat.* ac Struvium in *Hist. Juris Feud.* Sed ut ad rem, de qua agimus, veniam, ignores heic nolo, Friderici aetate, uti in ceteris Regnis, in Regno Neap. Servos Adscriptitios haud defuisse, quorum peculiaris ferme mos fuit, se ecclesiasticis ordinibus adscribere, ut servitutem effugerent non sine Dominorum incommodo. Quare necesse fuit Friderico legem condere, ut sine consensu dominorum nequaquam liceret Episcopis sacros ordines huiusmodi hominibus conferre; quamvis id diu antea statuerat ob eandem causam Imp. Justinianus. Sed hodie in Regno Neapolitano non alii sunt Servi adscriptitii, nisi qui ea lege manumissi, ut agros perpetuo colant; Etenim sublata ab eodem Friderico fuit quibuscumque facultas, ac praesertim Feudatariis liberos homines emendi hac conditione, ut agros perpetuo colerent. Tamen si falsos non putaverim eos, qui docent, Adscriptitiis frui posse, quibus ex privilegio Regis huiusmodi servos habere concedatur. Id quod haud inepte deduci ajo ex alia Friderici Constit. quia frequenter, ubi ita ab eodem sancitum est: *etenim quia sumus Domini personarum absque nostra serenitatis assen-*

assensu personas servitiis perpetuis, aut conditionibus obligari nolumus. Atque his de Libertinis, ac de Servis fidem meam liberatam nunc volo.

T I T. IX.

De Patria Potestate.

§. 133. **N**on solum servi, de quibus ha- Alieni juris
stentus, alieno juri subiecti sunt etiam
sunt, verum etiam filii familias L. 4. ff. de filii fami-
his qui sui, quia subsunt patriæ potestati lias.
[§. 128.] de qua hoc titulo.

§. 134. Quamvis vero hæc potestas in se Patria pote-
sit juris gentium L. 2. ff. de just. & jur. quod stas propria
ad formam tamen propriam est jus civium civium Ro-
Romanorum. Nulli enim alii sunt homi- manorum.
nes, qui tali in liberos potestate utantur,
quali utebantur Romani * §. 2. inst. h. r.

* Id quod & eleganti comparatione inter Ro-
manos, & Græcos instituta ostendit Dionys. Ha-
licarnass. lib. 2. pag. 96.

§. 135. Nimirum filii familias erant qui- Liberi re-
dem ingenui, erant cives, sed non pa- spectu pa-
tres familias: & hinc personæ quidem erant, tris erant
sed ratione aliorum ingenuorum, & ci- res.
vium (quo ipso a servis differunt) non ra-
tione patris, cujus respectu res Mancipi, *
æque ac servi, habebantur.

* Poterant enim Mancipari tamquam res Mancipi,
Cai. inst. lib. 1. tit. 5. §. 3. poterant vindicari
L. 1. §. 2. ff. de rei vind. poterat, iis surreptis, ac-
tio furti institui L. 24. §. 13. C. L. 38. §. 1. ff. de
furt. Vid. vir. ill. Corn. Van-Bynkershoek de jur. oc-
cid.

cid. liber. c. 1. pag. 145. Quæ omnia non in personas, sed in res cadunt.

Adeoque patria potestas dominium. §. 136. Itaque nihil aliud est patria potestas, quam *dominium Quiritarium*, quod patri competit in liberos. Ill. Bynkersh. *Ibid.*

Idem jus patri in liberos, ac domino in res, & servos. §. 137. Ac proinde patri [non matri] eadem jura competeabant in liberos, quæ domino in res dominio suo subjectas (§. 129.) vel in suos cuique servos. *

* Quin in quibusdam durior erat patria potestas, quam dominica, veluti quod res venundari possent liberi, & bis manumissi reciderent in patriam potestatem (§. seq.) Conf. Ger. Noodt *Probabil. lib. 2. cap. 9. pag. 64.*

Effectus patriæ potestatis.

§. 138. Ex quo principio fuit pronum al-
veo I. patri Romano competiisse jus vitæ,
& necis in liberos l. 11. ff. de lib. & posthum. Dionys. Halicarnass. lib. 2. p. 95. *
II. Eundem potuisse filium venundare,
& ter quidem, ex Romuli instituto, ita
ut bis venditus, & toties manumissus
semper recideret in patriam potestatem, &
nonnisi tertium manumissus sui juris eva-
deret. Idem lib. 2. p. 97. III. Potuisse fi-
lium a patre noxx dari, æque ac filiam,
nec obstitisse ob imminens pudicitia: peri-
culum §. 7. inst. de noxal. act. IV. Quidquid
adquirerent liberi, patri fuisse acquisitum.
(Vid. infra Lib. 2. tit. 9.) V. Non solum
filios, filiasque familias in patris, sed &
nepotes neptesque, pronepotes proneptes-
que ex filiis in potestate avi, vel proa-
vi paterni fuisse §. 3. inst. h. t.

* Non quasi promiscue posset occidere liberos
innocentes, sed quod in liberos ei liceret animad-
vertere, tamquam *judici domestico*, uti vocat Seneca
Con-

Controv. lib. 2. con. 3. tanquam domestico magistratui,
Sen. de benef. lib. 3. cap. 2. tanquam censori filii,
Sueton. Claud. cap. 16. Exempla judiciorum hujus-
 modi collegimus in *Antiq. Rom. b. t. §. 3.*

§. 139. Hæc e dominio fluunt (§. 137.) Alii effe-
 Quia vero filii ratione patris sunt ^{an p. v.} etus.
^{res}, id est, res, non personæ (§. 135.)
 consequens est, VI. ut pater, & filius in
 negotiis privatis * habeantur pro una per-
 sona *L. ult. C. de impub. & al. subst.* VII.
 Ut nulla inter eos sit actio *L. 4. ff. de ju-*
dic. VIII. nulla obligatio §. 6. *inst. de inu-*
til. stipul. IX. Ut pater possit liberis tuto-
 res dare §. 3. *inst. de tutel.* & X. iisdem
 pupillariter substituere *pr. instit. de pupill.*
subst. XI. Ut liberi nihil magni momenti
 sine patris consensu agere, & neque nu-
 ptias facere *pr. inst. de nupt.* neque mutuam
 accipere pecuniam possint; quæ omnia ex
 hoc principio fluere, infra suis locis de-
 monstrabimus.

* Non in negotiis publicis. Nam quum filius fa-
 milias tantum ratione patris sit ^{an p. v.} *personæ*,
 alias vero & ingenuitate, & civitatis ju-
 re gaudeat (§. 135.) in muneribus publicis pro
 patre familias habebatur *l. 9. ff. de his, qui sui*
vel al. jur. Quin si magistratum gereret filius fa-
 milias; patria jura cum filii potestate collata, in-
 terquiescere paullulum, & connivere videbantur,
 uti ait Gell. *Lib. 2. cap. 2.* Huc etiam referendæ *l.*
13. §. 5. & l. 14. ff. ad SC. Treb. quas egregie illu-
 strat Vir. ill. Bynkershoek *lib. 1. Observat. cap. 18.*
pag. 75.

§. 140. Sed hoc jus paullatim imminu- Jus vitæ, &
 tum est. Nam I. non amplius jus vitæ, & necis paren-
 necis competit parentibus, sed facultas ^{tibus adem-}
 modice castigandi *l. 3. C. de patr. pot. l. un.* tum
 C. de

C. de his qui par. vel lib. occid. & in atrocioribus delictis magistratui præscribendi sententiam l. 3. C. de patr. pot. quamvis hoc jure hodie vix utamur.

An hodie
liceat ven-
dum dare li-
beros?

§. 141. Deinde II. jure novo non licet parentibus vendere liberos; nisi urgente extrema egestate sanguinolentos *L. 2. C. de patr. qui fil. distr.* id est, e matre adhuc rubentes B. Huber *Digress. l. 2. c. 5.* Quamvis & hoc vix hodie frequentetur.

Adquisitus
per liberos
hodiernus.

§. 142. Porro III. & jus acquirendi per liberos haud parum restrictum est distinctione variorum peculiorum, de quibus *infra lib. 2. tit. 9.*

Liberi noxæ
dari neque-
unt.

§. 143. Denique IV. & noxæ dationem filiorum, filiarumque familias sublatam constat §. 7. *inst. de noxal. act.* Reliqua jura plerisque locis adhuc obtinent, præterquam quod ea potestas, quia fere nuptiis liberorum solvitur, in nepotes vix competit (§. 199.)

Modi ad-
quirendi pa-
triam pote-
statem.

§. 144. Ceterum quemadmodum parum differt dominica, & patria potestas [§. 137.] ita & liberi æque, ac servi [§. 81. seqq.] aut nascuntur, aut fiunt. Nascuntur ex justis nuptiis, modo tempore procreantur *l. 6. ff. de his, qui sui vel al. jur. l. 12. ff. de stat. hom. l. 9. C. de nupt. l. 3. §. pen. de suis, & leg. her. Fiunt vel per legitimati-
onem, vel per adoptionem pr. inst. h. r. §. 13. instit. de nupt. pr. Instit. de adopt. Hinc de Nuptiis, & Legitimatione titulo 10. de Adoptione tit. 11. agitur.*

Jus Neapo-
litanum.

I. Præter servos alieni quoque Juris apud nos dicuntur, qui sub Potestate Patrum

trum sunt, vel sint legitimi & naturales, vel sint legitimati, vel sint adoptivi. At non eo nunc gaudent Jure Parentes, quo olim apud Romanos fruebantur, qui plane peculiare jus favore Patriæ potestatis condiderunt. Quare rem pro instituto nostro tractemus in hunc modum, ut quæ capita nostri juris sunt Romano contraria, pro eo ac visum Heineccio proponere, mox enarrentur.

II. Ait I. Heineccius, potuisse olim Romanos Parentes impune filios suos occidere, tum vero iisdem tale jus ademptum addit. Hoc jus nos sequimur. Nam Patribus apud nos nequaquam tribuitur filios occidere; Id plane si ex quavis causa faciunt, homicidæ habentur. Neque discrimen ullum fieri puta inter sanguinolentos, infantes, ac majorennos, prodigiosos, monstrosos, ac sanos partus; nihil enim valet hodie institutum illud Romuli, quo vetuit primum, ne quis ullum foetum triennio minorem necaret, nisi si quis infans mutilus, aut prodigiosus statim in ipso partu editus fuisset. Adi Noodt in *Julio Paulo*, & Corn. Van-Bynkershoek in *De Jure Occidendi Liberos*. Igitur Patribus tantum conceditur, posse aliquando verberibus, ubi est necesse, filios afficere, sive sint naturales, atque in potestate, sive sint adoptivi; sin autem Patres graviore pœna eosdem dignos putent, debent Judici tradere, ut scilicet gravior pœna perditæ consilii filiis infligatur ab eo, cui gladii potestas est. Plura ad hanc rem pertinentia vide apud Philippum Paschalem *De Viribus Patriæ Potestatis* IV. 3. Sunt
ta-

tamen, qui docent, a Patre posse neci tradi filiam, si in adulterio fuerit ab eodem deprehensa. Verum ut id recte fiat, quinque vulgo a Doctoribus requiruntur, I. ut filiam adulteram cum adultero concumbentem occidat, II. ut filia in potestate sit, III. ut neci tradatur vel in domo patris, vel in illa generi, IV. ut nupta sit, V. ut nullo interjecto temporis spatio occidat filiam in adulterio deprehensam. Hæc capita fusc probant Doctores nostri. Atqui horum nulla mihi videretur esse vis in sola muliere Neapolitana; siquidem ex consuetudine *sed & mulier De Filias familias Nubente* Nuptis a Filiasfaminitis patria potestas solvitur, de qua ad Tit. *Quib. Modis Patria . . .* Sed mihi heic temperare nequeo, quin conferam & illud, quod non paucis probatum est, nempe patri impune etiam esse filium occidere, si umquam filius violentas manus honestissimo patri injiciat, dum ab eodem iusta ex causa fuste verberetur. Vide sis Julium Clarum in *Quæst. IV.* Ceterum quæ dicta sunt de Jure vetante patribus filios suos necare, eadem intelligito de iis, qui velint turbata omni naturæ humanitate filios exponere. Sane hi sive egestate premantur, sive ea sint mente, ut a se natos alere audacter nolint, nequeunt filios suos exponere. Quamobrem recte provisum ajo a Romanis, atque a majoribus nostris, ut infantum expositioni ex quavis causa locus minime daretur. Nam Romani primum Rep. florente cavere, ut in urbe sumtibus publicis pueri, puelle

lave

lacte ab egenis parentibus nati alerentur; unde *Columna Lactaria* nomen, de qua consule Grævium in *Thes. Antiq. Rom. VII.* tum vero eundem morem vigente Imperio servari in Italia oppidis sanciverunt. Quod quidam a Cocceio Nerva Augusto factum volunt, quos, ut ita arbitrarentur, revera movit locus Sexti Aurelii Victoris, qui sic habet: *Puellas, puerosque natos parentibus egestosis sumtu publico per Italiae Oppida ali* (Nerva) *jussit.* Sed Cl. Lud. Ant. Muratorius id primum a Trajano expeditum mavult ex columna ærea forte fortuna in Territorio Placentino anno 1747. effossa, quam idem doctissime illustravit. Adiscipulo est, eundem in Opusculo Italico idiomate edito, cui titulus: *Dell' Insigno Tavola di Bronzo spettante a' Fanciulli, e Fanciulle Alimentarij di Trajano Augusto nell' Italia.* Exinde nati *Alimentarii*, quorum frequentissima mentio est in antiquis cippis. Idem Institutum ex pietate majorum nostrorum apud nos stat, etenim ne infantum expositioni locus datur, solent jamdiu sanguinolenti per foramen in Templum D. Mariæ Adnuntiatæ induci, ut ibidem nutrantur, aut dentur iis, qui sibi eorum educandorum causam ex pietate suscipiant. Quinimmo haud diu ex Regia munificentia, ac providentia Caroli Regis, ac Mariæ Amaliæ ejus Conjugis spectatissimæ Nosocomium fundatum est, ut omnino præ ceteris infantum expositioni obviam iretur. Atque heic equidem haud inficior, rei tantæ causam Trajano dedisse exemplum veterum Christiano-

norum, quorum maxima cura fuit, egenos suis sumtibus alere, atque ex quotidianis sportulis, quibus ipsimet alebantur, necessaria alimenta iisdem præstare. Id certe, ubi Trajano innotuit, etiamsi Christianæ Religionis pro more Gentilium Imperatorum adversaretur, & laudavit, & probavit adeo, ut effecerit, ut ubique in Italia idem institutum servaretur. Hinc cui mirum, si nostri majores, quibus pietas semper præfuit, idem sint persecuti?

III. Traditur II. ab Heineccio, licitum fuisse olim apud Romanos Patribus filios ter vendere, ac noxæ dare, licet id postea emendatum subdit, ac tantum ex *l. 2. Cod. de Patr. qui fil. distr.* concedi Patribus refert in extrema egestate sanguinolentos vendere. Huic juri adhærent nostri Doctores, quorum nomina fuse recitat Philippus Paschalis in *De Virib. Patr. Possess. P. I.* Immo *sanguinolentos* intelligunt non solum filios recens natos, sed etiam majorenes. Quamobrem excepta hac una causa non solum pater nequit filios vendere, sed etiam debet eos alere. Opportunum igitur heic esto, nonnulla de Alimentis a patre præstandis addere.

De Alendis Liberis.

IV. Nihil tam deberi volunt ipsa ratione duce Juris interpretes omnes, quam alimenta liberis, cum Jure naturali omnino cogantur patres ex se natos alere, ne pereant. Alimentorum autem appellatione cibaria, vestiarium, & habitatio continen-

nentur, quia sine his ali corpus non potest *l. 6. de Alim. Legat.* Sed præter hæc alimenta præstandas a Patribus expensas omnes filiis in causam studiorum receptissima est Doctorum opinio apud nostrum Philippum Paschalem in *de Virib. Patr. Potest.* 11. 4. Nam oportet, Patrem rudem filii animum primis saltem litteris exponere, imo & pro ingenii indole, quam filius præfert, bonarum artium, ac scientiarum notitia exornare. Nolim tamen teneas, justos filios tantum alendos esse, cum injustos etiam ex damnato coitu natos alere pater debeat ex æquitate canonica, uti in *cap. cum haberet, De eo qui duxit in matrimonium.* Neque obstat sanctio illa Justiniani in *Nov. LXXXIX.* qua negantur injustis filiis alimenta; quandoquidem ab ea lege posteriorum gentium Jura abhorruerunt, quippe quæ æquitatem canonicam amplecti maluerunt neglecto Jure Justiniano sane quidem inhumano, uti inter Nostrates docet de *Franchis Decis. DCXLV.*

V. Quæ cum ita sint, huc percommode cadit breviter dissertare de Alimentorum quantitate præstanda. Atque hic Jus Romanum, quod obtinet in Regni hujus Provinciis a Jure consuetudinario, uti dicitur, distinguatur. Sanè pro eo ac Romanis visum in *l. 5. De Agnoscendis, & Alendis Liberis* servatur in hoc Regno, ut alimenta ex Judicum officio decernantur, quorum est pro dignitate, numero, personarum, ac bonorum copia alimenta designare. Id tamen omne ab eorundem arbi-

arbitrio pendet. Atqui aliud proponit *Titulus Consuetudinum Neapolitanarum De Alimentis Præstandis*. Et quatuor quidem consuetudines is titulus complectitur. Harum prima incipit *Si quis habet*, secunda *Quod si aliquis*, tertia *Verum si aliquis*, quarta *Mulier de dotibus*, quarum sententias ferme omnes prima comprehendit, cuius hæc sunt verba: *Si quis habet filios, seu liberos cujuscumque sexus, & filii, seu liberi nolint cum ipso esse, vel pater nolit ipsos, vel aliquem ex ipsis tenere secum in domo, pater debet secundum numerum filiorum, vel liberorum connumeratis persona sua, & uxoris in numero Liberorum de bonis paternis, & maternis suis, & aliis obvenientibus ei a quibuscumque consanguineis suis agnatis, vel cognatis; nec non de bonis datis eisdem parentibus in dotem a matre, siue Liberis communibus alimenta præstare*. Itaque matri ipsi mortuo viro nullum præjudicium suis dotibus, quas mortuo viro liberas habere debet, generetur, videlicet si habeat filios duos, & habeat uxorem, vel non habeat, pater retenta sibi pro se, & uxore sua, idem si non habeat uxorem, medietatem fructuum dictorum bonorum teneatur dare ipsis filiis suis pro sustentatione ipsorum. Et si contingat unum ex ipsis filiis mori, superstes filius habeat pro sustentatione sua tertiam partem fructuum bonorum ipsorum, reliquis duabus partibus retentis ipsi patri uxorem habenti vel non, & idem servatur, si unum tantum quis habeat filium. Ex his verbis præclare colligitur, deberi filiis alimenta, si aut nolit pater

pater filios apud se habere, aut nolint iidem cum patre habitare; secundum eorum numerum adnumerata etiam persona sua & uxoris, de paternis, vel maternis bonis, aliisque obvenientibus ei a quibuscumque consanguineis suis agnatis, vel cognatis. Quare aperte videtur, in tot partes antiqua bona a patre tribui debere, quot sunt personæ, quæ in consuetudine laudantur. Verum plura dat consuetudo, quæ interpretem merentur.

VI. Ac primum digitum intendito ad ea verba, si quis habet filios, seu liberos, quæ plane demonstrant alimenta præstanda esse non solum a patre, sed & a quolibet alio paterno adscendente; quandoquidem liberorum nomine nepotes etiam & alii deinceps continentur *l. liberorum de V. S.* Sequuntur porro hæc verba, & filii seu liberi nolint cum ipso esse, vel pater nolit ipsos. . . . Ex his verbis duo eliciuntur, alterum est, alimenta nonnisi peti posse a puberibus, qui nolint cum patre habitare, impuberes enim nec nolle possunt, nec velle *l. nolle de Acquir. Hered.* alterum est, consuetudinem illud probare, satis esse liberis, ut e domo parentum discedant, nolle cum parentibus suis habitare, prout sc. Jure communi receptum est. Sed quoniam improbanda videri capit consuetudo isthæc, quod omnem libertatem daret filiis pro lubitu e patris domo demigrandi, atque hinc fieret, ut liberum esset filio posthabito quovis naturali officio patrem pro arbitrio deferere, veluti si valetudine adversa, aut senio pa-

ter gravis esset, idcirco saniores Interpretes monere diu sibi tribuerunt, consuetudinem honestius esse interpretandam, accipiendamque esse cum de patre, qui ex iusta causa vellet filium dimittere, tum eo vel magis de filio, qui ex iustissima quoque motus causa noller cum patre morari. Vide Molpesium *Part. V.* Atqui Doctorum nostrorum auctoritate res ita transigi non potuit, ut omnem ademerit parentibus, ac potissimum filiis libertatem separatim pro cuiusque ingenio habitandi. Quamobrem certa lex desiderari cepit, ut tantum malum abesset. Et primum quidem Decreto Patrum S. R. C. qui in unam aulam convenerunt mense Januario anno 1741, tum Rescripto Sapientissimi Caroli Regis anno 1743. quo S. C. Decretum confirmatum fuit, omnino cautum, consuetudinem perperam ad id tempus a Doctoribus explicatam fuisse, atque deinceps intelligendam esse de parentibus, ac de liberis, qui ob iustam causam separatim habitare vellent, quæ fortasse oriretur vel ex parentum sævitie, vel ex filiorum prava vivendi licentia, contra vero simul ad habitandum cogendos esse parentes, ac liberos, si suo quique minus honesto arbitrio indulgentes separatis domibus vitam ducere vellent, ac mutuis actionibus id contenderent. Ceterum ubi filiis cujuscumque sexus iusta ex causa licebit seorsim a patre habitare, nolim credas, posse eosdem habitare, ubi volunt. Nam ad officium Judicis pertinebit eo casu inspicere, quo filii e domo patris exeuntes se conferant ad

ad habitandum , ut scilicet sine ulla mala suspicione alantur , uti perbelle deducitur ex l. 1. & l. si disceptetur D. ubi pupilli educ.

VII. Porro ad rationem , qua liberi extra domum sunt alendi etiam descendit consuetudo , nempe vult alendos de bonis paternis , & maternis suis , & aliis obvenientibus ei a quibuscumque consanguineis suis agnatis , vel cognatis , nec non de bonis datis eisdem parentibus in dotem a matre . Sed his verbis præclare sententia consuetudinis nequaquam deprehenditur ; Latet enim , num bona sint filiis addicenda alimentorum causa , an vero eorundem fructus . Verum rei huic lucem adferunt verba quædam sequentis consuetudinis *quod si aliquis* , ubi diserte dicitur in hunc modum : *tenetur ipse pater dare pro alimentis , & sustentatione ipsi (filio) non moranti , vel nolenti morari cum eo partem de fructibus predictorum bonorum* . Itaque alimenta de fructibus bonorum præstanda esse nemo non intelligit . Num vero tale alimentorum onus reale sit , an personale , late quærunt Interpretes nostri Juris . Personale onus esse ait Napodanus ad consuetudinem *Quod si aliquis* maxime ob ea consuetudinis verba *tenetur ipse pater dare* ; unde non impediri patrem addit , alienare bona sua , nec transire onus in emtorem l. ult. §. ult. de contrah. emt. l. fundi 38. de Usufr. Legat. §. liberti 21. de ann. Legat. Hanc opinionem *Decisione* M. C. V. confirmat Merlinus *Controvers. cap. 61*. Immo & ab ea non esse recedendum , utpote quam S. C. pas-

sim adprobavit, scribit Provenſalis *Obſervat. unic. ad Conſuetud. Quod ſi aliquis*. Contra Brilla poſt alios nonnullos onus eſſe reale adfirmat ea ratione, quia conſuetudo certa bona designat, ex quibus alimenta præſtanda ſunt, atque bonorum designationem realis oneris argumentum non obſcurum eſſe deducit ex *l. Cajo De Alim. Legat.* Quantum vero a Diſputatione iſta diſſonent leges, quas Napodanus contulit, mire oſtendit. Hinc ſi oculis ſubjicias, quæ iſ habet, proſecto ſenties, onus alendi liberos ex conſuetudine revera reale eſſe. In quam ſententiam ego quoque lubenter eo. Næ Conſuetudinis ipſius ratio mihi prorsus perſuadet, bona ibidem designari non fructus ad alimenta filiis præſtanda comparandos, cum bona nominentur, ex quibus alimenta liberis præberi debere decernitur. At vero Napodanum ſequi juſ, falſque eſſe aio, ſi agatur de Alimentis præſtandis ex bonis Feudalibus; Nam onus alendi hoc caſu reale eſſe maxime puta. Cujus rei rationem repete tum ex eo quod minueretur *ſervitium personale* Feudatarii, ſi daretur alienatio bonorum Feudalium cauſa alimentorum; tum ex eo quod in Conſtitutione Regni *Comitibus, & Baronibus*, & Reſcripto Regis Roberti, quod incipit *Alienationis* obligatio alimentorum, ſeu *Vitæ, & Militiæ*, quæ debetur fratribus ſecundogenitis realis dicitur, immo & tranſire ſtatuitur cum re ipſa ad novum Dominum, ſi umquam Feudum alienetur. At debent ne ſemper ex bonis

nis antiquis alimenta repeti? Certe ubi existant, ejusmodi bonorum ratio est in-
eunda, ut alimenta reddantur; sin au-
tem hæc desint, nec alia suppetant præ-
ter acquisita per patrem, jure naturali ex
iis alendi sunt liberi. Quare recte ante
S. C. decretum, quod paulo supra lauda-
vi, Doctores omnes nostri tenuere hoc
casu non concedendum liberis posse ali-
menta ex bonis per patrem acquisitis re-
petere, ut seorsim habitarent, cum nimis
improbum videretur, patribus talem le-
gem alimentorum imponere, ut cogerentur
pro infano filiorum arbitrio liberos
suos alere. Id tamen hodie cessat, cum
videatur rite argui posse ex S. C. decreto,
liberis ex justa causa æque concedendum
esse jus alimenta petendi primum ex bo-
nis antiquis, his vero deficientibus, ex bo-
nis patris.

VIII. Sequitur consuetudo *Si quis ha-
bet*, aitque liberos ali oportere a patre de
bonis paternis, & maternis suis, & aliis
obvenientibus ei a quibuscumque consangui-
neis suis agnatis vel cognatis, nec non de
bonis datis eisdem parentibus in dotem a
matre, sive liberis communibus. Hæc con-
suetudo primo præclarius explicat bono-
rum antiquorum genus; Nam proponit a-
limenta deberi ex bonis obvenientibus, ubi
non obvenientibus dat bona, quæ jam ob-
venerunt, cujusmodi locutionis exempla
habet in l. si inter virum De Pactis Dota-
libus, & l. Postumus de Lib. & Postum.
Porro exprimit consanguineos, ex quibus
bona obvenientia, sive antiqua deducun-
tur.

tur. Cave credas, consanguineos ibidem intelligi tantum, qui adgnati sunt, cum is sit mos Neapolitanæ locutionis consanguineorum vocabulo adgnatos, ac cognatos comprehendere, uti idem Napodanus animadvertit ad consuetudinem *Si quis habet*; quamvis haud inficior, id obitare antiquæ Ictorum Latinorum locutioni, apud quos vulgare fuit adgnatorum nomine eos intelligere, qui *per sexum masculinum*, cognatorum vero, qui *per sexum femininum conjungerentur*. Postremo loco animadvertas oportet, consuetudinem illud quoque firmare, alimenta a filiis repeti quoque posse de bonis datis eisdem parentibus in dotem a matre, ex quibus alimenta deberi ait Liberis *communibus*; nulla enim ratio patitur, ut Liberi primæ uxoris alimenta habeant ex dotibus secundæ.

IX. Ex his omnibus rite deduci posse ajo ex sententia scilicet Consuetudinum *Si quis habet*, & *Quod si aliquis*, de quibus hætenus sermonem habui, quæ ad modum alimentorum pertinent. Nimirum constare video, alimenta pro numero personarum cum filiorum, seu liberorum, tum ipsius patris, & uxoris præstanda esse, ita tamen ut semper duæ viriles partes debeantur patri pro se, & uxore, sive hæc vivat, sive sit defuncta. Hinc si unicus sit filius, tertia pars bonorum eidem debetur. Quod si quis ex filiis decesserit, pars fructuum adcrescit omnibus *pro rata*. Atque heic addendum & illud; quod ponitur sequenti consuetudine *Verum si aliquis,*

liquis, ubi dicitur nepotes etiam ex filio præmortuo habere partem dictorum fructuum, quam pater habuisset, si nequaquam obiisset. Quamobrem bene notat Napodanus, quod de nepotibus in hac causa dictum, fuisse inductum ad exemplum successionis in stirpem. Quoniam autem eadem consuetudo ait pro *vita*, & *substantione*, hinc illud quaeritur, num filii, qui non egent; & nolunt habitare cum patre, possint petere alimenta. Certe Jure civili ubi de alimentis agitur, quæ a Patrono Liberto præstantur scriptum est in l. 5. §. *alimenta* 19. de agnoscendis, & *alendis liberis*, *alimenta pro modo facultatum erunt præbenda egentibus scilicet patronis*. Ceterum si sit, unde se exhibeant, cessant partes Judicii. Verum recte Napodanus scribit ad citatam Consuetudinem, habendam esse egestatis rationem, ubi præstantur alimenta officio Judicis; non ubi debentur Jure actionis, uti debentur ex Consuetudine Neapolitana. Accedit illud, quod etiam Jure civili si petantur alimenta Jure actionis, puta ex testamento, egestas non attenditur, uti patet ex toto Titulo ff. de *Alimentis Legatis*.

X. Nunc alia capita recenseantur, quæ huc spectant, quæque rei, qua de agimus, finem imponant. Ac sane duo alia mihi heic mentione digna videntur, quorum alterum est, an ad alimenta isthæc præstanda cogi matres queant, alterum an possint eadem filiis ex certa causa denegari. Et quod ad primum attinet exstat eodem Titulo Consuetudo *Mulier*. in hæc

verba: *Mulier de Dotibus, Donativo, & Quarta sua non tenetur Liberis alimenta prestare, quinimmo de fructibus ipsarum dotium, donativi, & quartæ potest in vita sua donare, facere, & ordinare, quod velit. De excadentiis vero omnibus undecumque sibi obvenientibus jure successorio, vel alio tenetur quibuslibet filiis suis, & nepotibus descendantibus in infinitum ex uno, duobus, tribus viris, vel deinceps susceptis, & habitis alimenta prestare cuilibet, videlicet pro virili de fructibus bonorum ipsorum computata persona sua in numero filiorum, ut pro se unam partem de fructibus bonorum ipsorum retineat talem, qualem uni ex filiis dare tenetur. Consuetudo isthac statuit, matrem de dotibus, donativo, & quarta non teneri liberos alere, bene vero ex excadentiis. Profecto si voces, quæ in eadem adhibentur, intelligantur, luce clarior patebit consuetudinis vis. Ac primum tene, donativi nomine ibidem venire munera sollemnia, id est consueta, & nuptialia. Et quoniam a consanguineis etiam & amicis munera in contrahendis nuptiis offerri solent mulieri, quæ a consanguineis mulieris, vel amicis offeruntur, ea sibi mulier acquirit, quæ vero a consanguineis, & amicis viri, viri sunt. Quod quidem adstruit Napodanus ad hanc Consuetudinem argumento legis si vero §. item quidquid ff. soluto matrim. Excadentia autem verbum est proprium consuetudinum nostrarum, eaque sunt, adnotante Napodano, quæ mulieribus obveniunt ex testamento, vel ab intestato sive Jure Civili,*

li, five Prætorio, five Consuetudinario, five Constitutionum Regni, five Capitulorum. Igitur tenes jam vocum significationes, ex quibus recte Constitutionis sententia fluit. Ex his tamen nolim tibi persuadeas, id, quod consuetudo ait, non teneri mulierem de fructibus dotium Liberis alimenta præstare, intelligendum ita esse, ut oblitteratum dicendum sit civile Jus in *l. pen. Cod. de Patria Potest.* de filiis intra triennium a matre alendis, & in *l. penult. ff. de Liber. agnoscend.* & *Authentica si Pater Cod. de Divortio facto* de inopi filio etiam ultra triennium a matre alendo; Nam, uti Brilla docet ad hanc Consuetudinem, consuetudo nequaquam alienat matrem ab onere filios alendi, cum triennio minores sint, ac si majores sint, inopia laborent, cum in subsidium teneatur mater filios alere. Sed non debet heic mirum videri, quod Napodano mirum visum est, patrem cogi ad alimenta liberis præstanda de dotibus maternis, minime vero matrem, apertissima enim est discriminis ratio, cum dotis fructus eo fine vir habeat, ut se, suosque alat.

XI. Ad ultimum accipe quædam, quibus explicare in animo mihi est, an possint liberis alimenta denegari. Ex Jure consuetudinario habetur, denegari posse liberis alimenta, *si causam ingratitudinis Liberi ipsi contraxerunt.* At quæ sunt verba consuetudinis, quæ id adstruunt? Ne putes, eadem existare in quatuor illis consuetudinibus, quas supra laudavi; Nam in vulgata consuetudinum lectione proponun-

nuntur tamquam peculiaris Consuetudinis verba hæc quæ sequuntur, *In omnibus casibus ubi pater, & mater teneatur aliqua alimenta præstare liberis suis, ipsa denegare possunt, si causam ingratitudinis liberi ipsi contraxerunt.* Me-tamen ne culpes, si sub initium hujus Adnotationis quatuor Consuetudines tantum Tit.*de Alimentis præstandis* adscripserim, quandoquidem compertum habeo olim hæc verba, quibus ingratitudo Liberatorum coerceatur, proxime secuta illa, quæ complectitur consuetudo *mulier de dotibus*, quæ revera postremo loco descripta. Num vero eadem verba Amanuenses pro arbitrio separatim exscripserint, an Interpretes, prorsus ignorari ait Regens Villanus, qui antiquum Codicem Consuetudinum a vulgari variantem novit. Itaque consuetudo isthæc aperte jubet, alimenta denegari posse, si causam ingratitudinis liberi ipsi contraxerunt. Atque hæc quidem sic accipienda est, ut ex quibus causis liberi exheredes scribi possunt, ex iis recte alimentis excludi queant. Hinc recte advertit Napodanus, Consuetudinem hanc desumptam fuisse ex *leg. ultim.*, & ejus Glossa *Cod. de Alimentis Liberis*. Et quamquam non defuerint, qui consuetudinem hujusmodi retulerint ad causas, quibus donationes ob ingrati animi vitium revocantur, jure tamen eos refellit Napodanus ea ratione, quod non loquatur consuetudo de causis, quibus aliquid revocatur, sed de iis, quibus aliquid denegatur. Igitur hac in re probatum tenes a majoribus nostris *Jus Romanum*.

num. Ac satis de Alimentis.

XII. Persequitur III. Heineccius Jura, quibus a parentibus bona a Liberis quaesita vindicantur. Sed nihil te moror hac in re, cum rem totam tibi dandam opportunius mihi videatur ad *Tit. IX. Lib. II.* Jam Patriæ Potestatis constituendæ modos percurramus, quos recte docuit paulo supra Heineccius constitui Nuptiis, Legitimatione, & Adoptione. Igitur peculiare Jus Regni Neapolitani, quod ad eos spectat, breviter de more suis locis habe.

T I T. X.

De Nuptiis.

§. 145. **M**aris, & feminæ conjunctio in se est *juris natura*, & *conceptus gentium* l. 1. §. 3. ff. de just. & jur. sed illi novam veluti formam circumdederunt cum *leges Romanae*, tum *jus pontificium*, a quibus denique *jura ecclesiastica protestantium* in multis capitibus discedunt. Unde hæc distincte consideranda.

§. 146. Nuptiæ I. secundum *jus natura* Definitio-
consideratæ sunt *viri*, & *mulieris conjun-* nes earum-
ctio ad liberos procreandos comparata. II. dem secun-
Romanis erant conjunctio maris, & *feminæ*, dum *jus Na-*
consortium omnis vitæ, *divini* * & *humani*, tur. Roman.
juris communicatio l. 1. ff. de ritu nupt. Canon. & Protest.
III. Canonistis sunt *sacramentum laicis*
proprium, quo *vir*, & *mulier* secundum præ-
cepta

cepta Ecclesie conjunguntur cap. sicut 2. c. 32. qu. 2. Denique IV. protestantibus, societas maris, & femine indissolubilis, & divinitus instituta ad generationem prolis, & mutuum vite adjutorium ineunda.

* Uxor enim fiebat particeps sacrorum gentilium mariti. Vid. Duaren. *ad tit. ff. solut. matrim.* Et hinc in manum conveniebat, & fiebat filia familias. Hinc talis nascebatur communio, qualis erat inter patrem, & liberos in sacris ejus constitutos, non communio bonorum, qualis hodie passim obtinet inter conjuges, quippe quam leges nostræ ignorant l. 8. *Cod. de pact. conv.* nisi expresse talem societatem universalem inierint conjuges l. 16. §. ult. *D. de Alim. legat. l. 17. §. 1. D. sol. matrim.*

Fundamen-
ta horum
jurium di-
versa.

§. 147. *Romani* ergo in conjunctione hac non solum, quid liceret lege civili, sed & quid honestum esset, considerabant L. 42. pr. ff. *de rit. nupt.* Canonistæ; quid Ecclesia sanxerit, expendunt. Vid. Burneti *Hist. Ref. Angl. Part. 1. lib. 2. p. 149.* Protestantes potissimum ad jus divinum doctrinas suas attemperant. Proponemus itaque jus Romanum, & ubi ob diversa illa principia reliqua jura dissident, paucis notabimus.

Nuptiæ
sunt con-
sensu, acce-
dente hodie
επολόγισ
seu ritu ab
Ecclesia
prescripto.

§. 148. Quum ergo nuptiæ sint *conjunctio* [§. 146.] consequens est, I. ut consensum utriusque accedere oporteat L. 2. ff. *de rit. nupt.* Sed quum is solus Jure Romano faciat nuptias * l. 30. ff. *de reg. jur. l. 15. ff. de cond. & demonstr.* & concubitus, domumque deductio ad implementum duntaxat, non ad substantiam earundem pertineant L. 22. *Cod. de nupt. L. pen. pr. ff. de donat. int. vir. & uxor.* Jure cano-

canonico tamen connubium non gaudet effectibus ecclesiasticis, priusquam accesserit *ιερολογία*, i. e. ritus ab Eccl. praescriptus. Hinc distinctio inter matrimonium legitimum, & ratum c. 7. & 8. X. de divort. Hinc clandestinum habetur matrimonium, in quo omissa *ιερολογία* c. 2. & 3. X. de clandest. desp. Immo protestantes retinentes *ιερολογία* ne effectus quidem civiles relinquunt nuptiis sine ritu sollemni cujusque loci contractis, Cl. Boehm. *Jur. Eccl. protest. lib. 4. tit. 3. §. 40. seqq.*

* Neque tamen nuptiae sunt contractus, quippe qui circa res, quae in commercio sunt, versari solent §. 18. *inst. de inut. stip. L. 35. ff. de verb. oblig.*

§. 149. Quia conjunguntur *mas*, & *femina* [§. 146.] & quidem ad procreandam sobolem, consequens est, II. ut masculos oporteat esse puberes, feminas viri potentes *princ. inst. h. t. l. 4. ff. eod. id est*, ut masculus 14. femina 12. annum exce-
 rit *pr. inst. quib. mod. tut. finit.* quamvis
 Jus canonicum magis ad potentiam generandi attendat c. 3. X. de despons. impub. III. Ut illicita sit *πολυγαμία*, plurium uxorum acceptio simultanea §. 6. *inst. h. t. L. 2. C. de incest. nupt. l. 18. C. ad l. Jul. de adult.* Quo jure & nos utimur ob institutionem divinam primævam *Matth. XIX. 8. junct. Gen. II. 18.*

Ineunt matrimonium puberes, & nullo matrimonii vinculo adstricti.

§. 150. Quum porro nuptiae Romanis sint *consortium omnis vitae, divini, & humani juris communicatio* [§. 146.] sequitur IV. ut nuptiae non consistant inter cives, & peregrinos, servos, & liberas, liberos, & ancillas, immo nec inter servos, &
 an-

Non servi, nec filii familias sine consensu parentum.

ancillas * sed inter solos cives Romanos *pr. inst. h. t. l. 56. ff. solut. matr.* At Jure Canonico, & moribus hodiernis & servorum consistunt matrimonia *cap. 1. X. de conjug. serv. V.* Ut filii filiaque familias contrahere non possint nuptias sine jussu, vel tacito saltim consensu patris præcedente ** *pr. inst. h. t. l. 28. C. de episc. aud. l. 5. C. de nupt. l. 5. C. de sponsal.* quamvis ab hoc rigore eatenus discedant canones, & mores multorum locorum hodierni, ut consensum quidem & matris, & propinquorum, & curatorum passim requirant, sed tamen haud temere rescindant contractas hujusmodi nuptias, Lancelot. *inst. Jur. can. lib. 2. tit. 11. §. 2.* Conf. B. Huber. *Prel. ad inst. h. t.*

* Distinguebant ergo Romani *connubium*, vel *nuptias*, quæ inter solos cives consistunt. *Matrimonium*, quod etiam cum aliis personis liberis, *contubernium*, quod inter servos, & ancillas initur. Hinc vetus Glossarium *Nuptia justum matrimonium*, & Servius *Connubium est jus legitimi matrimonii*. Contra *matrimonium* pro conjunctione jure civili injusta accipitur in *L. 13. §. 1. ff. ad leg. Jul. de adult.* & apud Collat. *leg. Mos. & Rom. tit. 4. §. 5.* *Contubernium* servorum passim occurrit apud Vlp. *Fragm. tit. 5. L. 14. ff. de rit. nupt. L. 3. Cod. de incest. nupt.* Conf. V. C. Schulting. *Jurispr. antejustin. p. 32.*

** Nec excluditur tamen ratihabitio, quod contra Vinnium luculenter demonstravit Vlr. Huber. *Praelect. ad Inst. h. t. §. 10. & ad Pand. tit. de rit. nupt. §. 5.* Saltim praxis id servat proculdubio.

Jus Neapolitanum. I. Recte se habet Heineccius; dat enim primum docte, quæ ad potiora capita per-

pertinent, ut Nuptiæ legitimæ sint. Nunc mihi illud tantum sinas velim, ut paulo fufius caput hoc de consensu parentum in nuptiis filiorum tractem. Et tria quidem animadvertenda esse puto, quorum primum est, an ab antiquioribus Populis Romani exceperint Jus de consensu patrum in nuptiis filiorum suorum, secundum quid tanta in re visum Patribus Ecclesiæ, ac demum quid nostris Legislatoribus. Ut a primo ordiar, exploratum habet peculiare Jus Romanorum nequaquam fuisse, filios cogere, ut eam unam sibi adsciscerent uxorem, quam pater despondisset, sed etiam cultiorum gentium, atque in primis humani generis nuptiis usurpatum. Sic in primis Adami, & Evæ nuptiis ostensum fuit, quid posteri sequi deberent; Nam Deus (qui patris loco illis tuit ex Lucæ III. 38.) Evam primo homini conjugem adjunxit. Scimus deinde nonnisi arbitrato Abraham Isaacum, hujus Jacobum suas uxores duxisse. Idem omnino jus & apud Ethnicos obtinuisse patet I. ex Homero, apud quem II. A. sic loquitur Achilles Πηλεὺς τὴν μοι ἐπει-
τα γυναῖκα γαμήσεται αὐτῷ, hoc est, *quam pater ipse mihi sociavierit, hanc ego ducam*. Et Od. B. monetur ab Antinoo Telemachus, ut matrem suam nubere sinat, *cui jubeat fors cumque pater*. II. Ex Cyro juniore, qui sui officii duxit eam sibi uxorem habere, quam ei parentes proposuerunt, uti scribit Xenophon in *Cyri expeditione Lib. VIII.* III. ex Terentii Andria, quam ex Menandro transtulit Poeta ille. Ibi Simo Pater in omnibus
Pam.

Pamphilo filio indulgentissimus eam solam irascendi filio occasionem fore sibi prædicat, si modo pactis à se cum Chremetis filia nuptiis filius oblectetur, quod scilicet patrum apud gentes saniores proprium fuerit, mulieres pro filiis despondere.

II. Atque hæc sententia tanti visa est antiquis Ecclesiæ Patribus, ut eam passim suis scriptis inseruerint, Ac primum nemo melius Apostolo Jura naturalia patris in filiorum nuptias expressisse mihi videtur. Is 1. Cor. vii. 38. ita de ea re loquitur, tamquam si totum id negotium patris arbitrio stet: *Qui matrimonio jungit Virginem suam bene facit, & qui non jungit, bene facit, & qui non jungit melius facit.* Itaque & utrum omnino nubendum sit, & cui, totum id naturalis æquitas ex Apostolo parentis judicio permittit. Idem docuere Ambrosius relatus in can. 13. 32. *quest. 2.* S. Thomas, & Pontifex sive Honorius is fuerit, sive Hormisda in *cap. Tua nos De Desponsat. Impuberum.* Qua in re me non fugit, edoctos Patres omnes ex eo, quod in Sacris Chartis plenissime scriptum est. Sane obviæ sunt in Vet. Testamento illæ Biblicæ locutiones passim de parentibus usurpatæ accipere uxores, tradere, dare, & similes. Sic Jud. xiv. 2. Samson parentes alloquitur: *Vidi mulierem . . . quam quæso ut accipiat uxorem.* Ibidem xii. 9. *Abesan habuit triginta filios, & totidem filias, quas maritis dedit, & ejusdem numeri filiis suis accepit uxores.* Ecclesiastici vii. 27. *Trade filiam, & grande opus feceris, homini sensato*

sato da illam, & alia sexcenta. En igitur consensum, sive arbitrium parentum in nuptiis filiorum ex auctoritate Patrum Ecclesiæ breviter probatum a me vides, quod erat secundo demonstrandum. Sed si hac de re plura voles, adi Virum Doctissimum Alexium Symmachum Mazochium, qui mira eruditione rem omnem hanc tractavit in *Mantissa De Sponsalibus Filiorum familiarum injussu Parentum contractis*.

III. Nunc accedo ad ea, quæ spectant Jus nostrum. Certe nos sequimur quidquid Patribus Tridentinis placuit; Nam Synodus Tridentina Sess. 24. in *De Reformat. Matrim. cap. 1.* nuptias parentum auctoritate defectas, etsi jam contractas sustinet, tamen detestatur, & prohibet, dum ait *Sancta Dei Ecclesia semper detestata est, atque prohibuit*. Ergo quas nuptias Concilium factas sustinet, easdem prohibet, supple faciendas. At vero factas sustinere, simulque faciendas prohibere tantundem est, ac sustinere sponsalia de præsentis injussu paterno facta, & prohibere eadem de futuro. Itaque si Patrum Tridentinorum Judicio, prout decet, standum est, dicendum sponsalia hujusmodi non tantum civiliter, verum & canonice prohibita. Hinc posito discrimine sponsaliorum, & nuptiarum, vides ne nunc quidem sponsalia filiorum familias patris auctoritate defecta valere. Ac miror, Juris hanc discussionem Doctoribus, quos equidem viderim in tanta, quæ hodie est, Juris subtilitate in mentem non venisse. Neque tale discrimen abrogatum aperte ajo a ce-

lebratissima illa Regni nostri Pragmatica Sanctione Tit. *De S. C. Macedoniano*, quæ incipit *Per excellentem*; quum enim ea Pragmatica longius multo, quam S. C. Macedonianum processerit, quippe non tantum mutui contractum, quem dumtaxat S. C. Macedonianum complectebatur, sed omnino omnes pactiones, quæ quomodocumque a filiis familias fiunt sine præsentia, & consensu patris, nullas esse iusserit, quis non intelligit hac constitutione sponsalia filiorum familias quoque prohibita, quandoquidem nemo unquam nescit sponsalia apud Græcos, Latinosque de genere fuisse sponsonum, pactorum; conventionum, contractuum. At inquires, Pragmaticæ locum non esse, cum non soleant leges nostræ res matrimoniales attingere, quæ nimirum sub Juris Canonici dispositione sunt. Ita sane, verum ubi de contractu matrimoniali, qui simul & Sacramentum est, agitur, ac de sponsalibus de futuro, quæ nihil de Sacramento habent, non est cur dicas, eadem non comprehendi legibus nostris, quæ valent etiam quid decernere de nuptiis, si seposita Sacramenti vi tamquam contractus considerentur. Quæ cum ita sint, tria me hac adnotatione pro instituto probasse jam teneto, quæ omnia ad consensum patris in nuptiis filiorum familias pertinent, prout scilicet visum ab ætate prima ad nostram usque sanioribus Legislatoribus.

§. 151. Quumque Romani non solum,
quid

quid liceat, sed & quid honestum sit, in nuptiis spectarint (§. 147.) recte inde colligitur, non inter omnes personas consistere nuptias, easque aliquando tamquam incestas, aliquando tamquam indecoras, aliquando tamquam noxias prohiberi.

§. 152. Incestas nuptias contrahunt cognati, & adfines. Cognati sunt, qui a communi stipite descendunt, sive ex justis nuptiis ea cognatio sit, sive ex illegitimo coitu L. 54. ff. de ritu nupt. sive ex contubernio servili §. 10. inst. h. t. l. 8. & 14. §. 2. ff. de rit. nupt. Adfinitas est necessitudo inter conjugem unum, & alterius familiam L. 4. §. 3. ff. de grad. & adfin.

§. 153. Cognatio ex gradibus * & lineis judicatur. Gradus est distantia cognatorum. Linea est series personarum a communi stipite descendendum, eaque vel recta, qua genitores, & genitos, vel obliqua, qua a latere junctos complectitur.

* Sunt qui graduum computationem in doctrina de nuptiis a Rom. Iſtis adhibitam negant. Sed alia omnia patent ex Collat. LL. Mos. & Rom. iii. 6. §. 2.

§. 154. In linea recta jus civile, & canonicum conspirant. Tot enim utrumque numerat gradus, quot sunt generationes. Hinc pater & filia uno, avus & neptis duobus, proavia & pronepos tribus gradibus distant &c.

§. 155. In linea obliqua jus civile eandem servat regulam. Canonicum distinguit inter lineam obliquam aequalem, & inaequalem, & de illa suppeditat axioma: Quot gradibus persona cognata distat a

Inter quasdam personas nuptiæ incestæ, inter alias indecoræ, inter alias noxiæ.

Incestæ inter personas cognatas, & adfines.

Cognationis gradus, & lineæ.

Regula juris Roman. & can. de linea recta.

Regula utriusque juris de linea obliqua æquali, & inæquali.

communi stipite, tot gradibus inter se distant. Hinc frater a sorore jure civili distat secundo, jure canonico primo gradu, consobrini jure civili quarto, jure canonico secundo gradu. De inæquali linea regulam habet: *Quot gradibus persona remotior distat a communi stipite, tot gradibus persona distant inter se.* Hinc e. g. avi soror cognata mihi est gradu quarto juris civilis, gradu tertio juris canonici.

Regula de
adfinitate.

§. 156. *Adfinitatis nulli sunt gradus, quia, nullæ generationes* L. 4. §. 5. ff. de grad, κατ' ἀνάλογον, *proportione, tamen recepta regula: Quoto gradu mihi aliquis cognatus est, eodem gradu ejusdem uxor mihi adfinitate juncta censetur.*

Respectus
parentelæ
quid?

§. 157. Denique ob adfinitatem æque ac consanguinitatem parentum loco nobis esse dicuntur, qui immediate sub communi stipite sunt, quum nos ab eo simus remotiores, e. g. thius vel thia nepotibus, vel neptibus ex fratre, vel sorore parentum loco sunt §. 5. inst. h. t.

Nuptiæ in-
celtæ ob co-
gnationem
in linea re-
cta.

§. 158. Quibus præstruētis, facile intelliguntur juris civilis de nuptiis regulæ. Prima est: *Nuptiæ inter adscendentes, & descendentes in linea recta in infinitum prohibentur* §. 1. inst. h. t. Quam regulam & canones ob Lev. XVIII. 7. seqq. mores hodierni sequuntur.

Nec non in
linea obli-
qua.

§. 159. Altera regula est: *In linea obliqua jure civili secundus, & tertius gradus semper est prohibitus, quartus, & reliqui tantum inter eas personas, quæ sibi invicem parentum, ac liberorum loco sunt* * (§. 157.) At jus canonicum prohibitionem ad gradum

dum quantum suæ computationis extendit *cap. ult. ff. de consang.* idque in linea æquali. Nam in inæquali respectus parentelæ etiam ulterius impedit nuptias. Moribus nostris statuta cujusque provincie observantur, ita tamen, ut præcipue ratio habeatur legum divinarum (§. 147.) *Lev. xviii. & xx.* quibus quæ non prohibentur matrimonia, ea facilius indulgentur a summo imperante.

* Hinc prohibita sunt nuptiæ inter fratres, & sorores §. 2. *inst. b. t. cum amita, & matertera §. 4. 5. inst. eod.* non autem inter consobrinos §. 4. *inst. b. t.* Quamvis enim has nuptias prohibuerit Theodosius *L. un. C. Theodos. si nupt. ex rescr. po-* sant. easdem tamen denuo permiserunt Arcadius, & Honorius *Imp. L. 19. C. de nupt.* quos sequutus Justinianus *d. §. 4.* Mores hic non ubique iidem sunt.

§. 160. De affinitate eadem fere obser-
vanda. Ultra secundum enim gradum li-
nearæ oblique nullæ observantur prohibiti-
ones, nisi personæ inter se parentum, &
liberorum loco sint. * At jus canonicum
non modo magis extendit has prohibiti-
ones; verum etiam tria fingit affinitatis
genera, quorum *primum* unis, *alterum*
binis, *tertium* ternis nuptiis contrahitur
can. ult. caus. 35. qu. 3. De usu hodierno
idem repetendum, quod monuimus §. 159.

* Ergo non subsistunt nuptiæ inter fratrem, &
sistatris viduam *L. 5. L. penult. L. ult. Cod. de incest. nupt.* nec inter nepotem, & defuncti patris vi-
duam, subsistunt autem inter consobrinum, &
consobrini viduam.

§. 161. Fingunt etiam canonistæ *cogna-* Denique ob
tionem spirituales per baptismum contra-
ctam * quemadmodum & Romanis erat
cognatio-
nem spiri-
tualem, &
co-

civilem, nec
non quasi
adfinita-
tem.

cognatio civilis per adoptionem contra-
cta §. 1. & 2. *inst. h. t.* nec non quasi ad-
finitas ex sponsalibus nata, de qua §. 8.
inst. h. t. l. 2. §. 1. ff. de rit. nupt. Sed pri-
mam, tamquam absonam, merito dudum
explosimus. Posteriores facile admittunt
indulgentiam.

* Hanc eanonistæ dividunt in *paternitatem*, quæ
est inter baptizantem, & baptizatum, item inter
baptizatum, & patrinum, *compaternitatem*, quæ
inter parentes baptizati, & baptizantem, vel pa-
trinos, & *confraternitatem*, quæ inter liberos na-
turales baptizantis, vel patrinorum, & baptiza-
tum intercedit. Mart. Azpilcueta Tom. 3. cap. 27.
n. 36. Similiter hic numerabant gradus, nuptias-
que ob hanc spirituales cognationem ad gradum
septimum, postea decreto Concilii Tridentini ad
secundum usque inhibebant.

Nuptiæ in-
decoræ.

§. 162. Hactenus de nuptiis *incestis*.
Tamquam *indecoræ* (§. 151.) prohibitiæ e-
rant I. nuptiæ inter Senatores, senatorum-
que liberos, & libertinas, aliasque vilio-
ris conditionis personas L. 44. *pr. ff. h. t.*
II. inter ingenuum, & eam, quæ artem
ludicram, lenocinium, vel quæstum cor-
pore fecerat, nec non a lenone manumif-
sam, vel in adulterio deprehensam, vel
judicio publico damnatam L. 43. *ff. eodem*.
Vide *Commentarium nostrum ad Legem*
Jul. & Pap. Popp. lib. 11. cap. 1. & 2.
III. Inter adulterum, & adulteram, ra-
ptorem, & raptam L. 26. *ff. h. tit. l. un. §. 4.*
C. de rapt. virg. Nov. 134. c. 12. IV. Inter
vitricum, & privigni viduam l. 15. *ff. de*
rit. nupt. V. Cum filia, quam uxor post
divortium ex alio viro peperit §. 9. *inst.*
h. t. Sed primam prohibitionem Justinia-
nus

mus sustulit *L. 23. l. ult. C. h. t. Nov. 72. cap. 3.* Secundam, & tertiam evertit jus canonicum, quod & raptorem ducere patitur raptam *cap. fin. ff. de raptu virg.* & adulterum adulteram, dum ne adulterium factum sit sub spe futuri matrimonii, nec adulter uxoris, vel adultera mariti vitæ struxerit insidias *cap. 6. ff. de eo, qui dux. in matrim. quam per adult. p. 11.* Quo jure multis locis utuntur.

§. 163. Denique tamquam *noxie* prohibentur nuptiæ I. Christiani cum Judæa *Nuptiæ no-*
1. 6. C. de Jud. II. tutoris, filiiæ ejus cum *xia.*
 pupilla rationibus nondum redditis *l. 59. ff. de rit. nupt.* III. Præsidis, vel alius cu-
 juscunque, qui officio publico præest in
 provincia cum muliere provinciali *L. 57. l. 63. ff. de rit. nupt.* IV. Clericorum, alio-
 rumque, qui castitatis voto sese obstrin-
 xerunt *l. 44. de Episc. & Cler. Nov. 6. c. 1. §. 7.* Sed tertia etiam prohibitio hodie u-
 bique, postrema inter protestantes exulat
 ob *Hebr. XIII. 4. I. Timoth. III. 2. & IV. 3.*

Nuptiæ apud nos tunc vim habent, ac legitimæ dicuntur, si a canonum præceptis minime abhorreant; Nam vis Sacramenti nuptiis adscripta a Christo Servatore effecit, ut & gradus nuptiarum, & earum contrahendarum jura pendeant ab iis, quæ a canonibus statuta sunt. Quod vero nuptiæ, uti præclare constat, contractus sunt, ideoque Principum Imperio subjici debeat, uti in *De Regia in*

Matrimonium Potestate a Launojo doctissime probatum, mirum non est, si Principes ipsi Reipublicæ optimo consulentes nonnullas de matrimonio prodidere leges. Quæ tamen ad rem, qua de agitur, spectat, est lex illa Imperatoris Friderici, quæ habetur Constitutionum *Lib. 1. Tit. De Justitiariis, Assessoribus, & actorum Notariis ordinandis, & de Officio Justitiariatus*. Ea plane cavetur, ut Justitiiarii *nec per se, aut filios suos præsertim acceptis in dotem rebus immobilibus contrahant parentelas*. Ex qua vides minime posthabitu a Friderico Jus Romanum de Nuptiis a Magistratibus Provincialibus non contrahendis. Imo si adire tibi volupe erit interpretes ad eandem Constitutionem, apposite tenebis, idem jus stare in hoc Regno, si nuptias inire velint tutores, vel eorum filii cum pupillis, antequam tutela finiatur, ne scilicet rationes conturbentur. Consule Bartholomæum de Capua, Afflictum, aliosque.

Pœna inju-
starum nu-
ptiarum.

§. 164. Si qui adversus leges coeunt, nec vir, nec uxor, nec nuptiæ, nec matrimonium, nec dos intelligitur, adeoque nec liberi ex isto coitu nati in potestate sunt §. 12. *inst. h. tit.* Quamvis canones, & quorundam locorum mores multa indulgere soleant in honorem matrimonii semel contracti.

Non

Non ex omnibus tamen causis ab Hein-
neccio ex Jure Romano descriptis hodie
dicitur dotem esse nullam, nullas esse nu-
ptias, cum nonnullas nuptias servant cano-
nes, nec umquam sinant eas nuptias dissolvi,
quas olim Jus civile improbavit. Quam-
obrem recte dices, rem totam de nuptia-
rum *validitate* transigi oportere pro disci-
mine impedimentorum illorum, quæ vul-
go Canonistæ *impedientia*, & *dirimentia*
appellant. Itaque si fiat, ut quis cum
germana e. g. contrahat nuptias pro vi,
ut ajunt, *impedimenti dirimentis* nullæ e-
runt nuptiæ, nulla dos, secus vero si si-
miles desint causæ. Sane Principes Chri-
stiani secundum regulas Christianæ Reli-
gionis Matrimonia stare, vel infirmari ma-
luerunt. Teneo tamen equidem Principes
posse nuptias, quibus publica Tranquillitas
perturbari videatur, edictis suis coercere, ac
pœnas designare in eos, qui pro arbitrio nube-
re velint, atque adversus publica commoda
peccare hoc pacto audeant, numquam tamen,
qui recte de Christi præceptis, uti opus erat,
senserunt, eo venisse certum habeo, ut nul-
las, irritas nuptias edictis suis tantum ve-
ritas declararint; Nam rite voluerunt, ex
canonum sententiis repetenda esse, quæ
nuptiarum vim omnem sustinere, aut in-
fringere valent. In hunc modum nunc
rem intelligito; quam fusissime explicabo
in Institutionibus Juris Ecclesiastici *Lib. II.*
ubi de Nuptiarum Impedimentis sermo
hæbitur.

De

Jus Neapo-
litanum.

De Legitimatione.

Legitima-
tionis ori-
go.

§. 165. Altera patriæ potestatis causa est *legitimatio* (§. 144.) ignota veteribus, & a Constantino, & successoribus demum inventa. *

* Libera republica Senatus, sub initium status monarchici Princeps aliquando legibus solvebat vel parentes, qui liberos extra iustum matrimonium procreaverant, vel ipsos liberos ex injusto matrimonio, immo ex incestis nuptiis procreatos Liv. lib. 38. c. 36. l. 57. ff. de ritu nupt. Sed id fiebat extra ordinem, neque tum proditus erat modus ordinarius, illegitimos in patriam potestatem redigendi.

Ejus defini-
tio.

§. 166. Est vero *legitimatio* actus, quo liberi illegitimi finguntur ex iusto matrimonio nati, & hinc instar legitimorum rediguntur in patriam potestatem. Luculenter de hac fictione egit iureconsultus eximius I. Strauch. Diss. Just. 4. §. 3.

Quinam
possint legi-
timari.

§. 167. Quum ergo fundamentum legitimæ sit fictio (§. 166.) fictio vero omnis ponat personas habiles, facile patet, non pertinere legitimæ ad *spurijs*, vel vulgo *quasitos*, nec ex *adulterio*, vel *incestu* procreatos, quorum inter parentes fingi non potest matrimonium Nov. 89. cap. 14. Nov. 74. c. 6. sed ad *liberos naturales*, vel *nothos*, id est e concubina susceptos §. ult. inst. h. t. l. 10. Cod. de nat. lib. Nov. 117. cap. 2.

Modi legi-
timandi.

§. 168. Legitimandi modi tres referuntur I. per *subsequens matrimonium* a Constantino, II. per *dationem curiæ* a Theodosio

dofio juniore, & III. per *rescriptum principis* a Justiniano inventus. *

* Non multum differt modus legitimandi per adrogationem inventus ab Anastasio l. 6. Cod. de nat. lib. a Justino abrogatus l. 7. C. eod. a Justiniano in usum revocatus Nov. 74. cap. 3. & Nov. 89. cap. 10. a quo etiam inventa legitimatio per testamentum Nov. 74. cap. 2.

§. 169. Per *subsequens matrimonium* legitimantur liberi naturales, quorum parentes concubinatum in nuptias commutant. Cujus rei signum olim erant instrumenta dotalia §. ult. inst. h. t. hodie *ιερολογία* ecclesiastica (§. 148.)

Legitimatio per subsequens matrimonium.

§. 170. Per *curiæ dationem* legitimabantur, qui a patre in album curialium * relati, quæve in matrimonium collocatæ fuerant curialibus L. 3. l. 4. l. 9. C. de nat. lib.

Per curiæ dationem.

* Cave tamen, erres cum vulgo, & curiæ datos statim decuriones factos putes. Immo, curiæ fiebant obnoxii, eique fervebant periculo suarum facultatum L. 4. C. de nat. lib. L. 50. L. 55. L. 60. L. 64. C. de decurionib. Hinc nec militiæ nomen dare, nec ruri extra municipium vivere poterant, curiæ quippe, veluti glebæ, adscripti L. 17. Cod. de decur. L. un. C. si curial. relist. civ. Luculenter rem omnem explicavit Em. Merill. Obs. lib. 7. cap. 26. p. 109.

§. 171. Denique & *rescripto principis* legitimabantur, quorum pater, qui concubinam ducere non poterat, sacrum principis oraculum impetraverat Nov. 89. cap. 9.

Per rescriptum Principis.

§. 172. Quum ergo legitimatione liberi illegitimi in patriam potestatem redigantur (§. 166.) consequens est I. ut id fieri nequeat sine liberorum consensu l. 11. ff. de

Legitimatione jura.

de his, qui sui vel al. jur. quippe qui in conditionem deteriore[m] hoc ipso rediguntur (§. 137.) II. Ut legitimati patri succedant tamquam sui. Quod tamen de legitimatis per subsequens matrimonium intelligendum §. ult. *inst. de nupt.* §. 2. *inst. de hered. ab intest.* l. 10. C. de nat. lib. Legitimati enim per rescriptum admittuntur, si soli sunt Nov. 89. c. 9. Si jam alii ex iusto matrimonio existent, hi merito præcipuam habent legitimam, ad reliquam portionem & legitimati admittuntur, si id voluerit pater, & hoc diserte indultum sit rescripto principis *arg. auth. præterea, auth. item, & auth. si quis l. 4. C. de natur. lib.* Gudelin. lib. 1. cap. 15.

Mores hodierni.

§. 173. Ceterum hodie & oblatio curiæ locum non habet, quia conditio curialium (§. 170. *) ignota est, & per rescriptum sæpius legitimatio fit, ut macula natalium eluatur, quam ut illegitimi redigantur in patriam potestatem. Vnde & spurii, immo & adulterinis, & incestuosis id beneficium denegari non solet.

Jus Neapolitanum.

Non aliter sentias oportet de Legitimationibus, quæ, ubi opus est, in hoc Regno adhiberi valent. Etenim excepta illa, quæ per oblationem Curie olim fiebat, quæque ad peculiarem Romanorum pertinebat, ceteræ in usu sunt. Vnde quid juris ex legitimat[i]onibus legitimati filij excipiant, ac quænam sint servanda, ut rite legitimat[i]ones procedant,

dant, tibi dabo in adnotationibus ad Novellam 118. Justiniani, quam Heineccius interpretatur Lib. III. harum Institutionum,

T I T. XI.

De Adoptionibus.

§. 174. **T**ertius modus acquirendi patriam potestatem est adoptio * (§. 144.)

* Ergo semper adoptio jure veteri redegit in patriam potestatem, adeoque adoptio minus plena (§. 137.) & adoptio per testamentum (Tac. Ann. lib. 4. cap. 1.) vix hoc nomen merentur.

§. 175. Adoptio latius accepta est actio Ejus definitio sollemnis, qua in locum filii, vel nepotis adsciscitur is, qui natura talis non est pr. inst. h. t. Ideoque adoptio imitatur naturam d. §. 4. inst. h. t. in solatium quippe eorum, qui liberos non habent, vel, uti eleganter Theophilus εἰς τοιαύτης φύσεως ελαττώμα ἡδυστυχίᾳ επικυρίσαι, ad molliendum naturæ defectum, vel infortunium inventa, Theophil. pr. h. t.

§. 176. Quum ergo adoptio imitetur naturam (§. 175.) I. illi adoptare tantum Qui adoptare possunt, qui possunt & parentes esse, & re possint? liberos in potestate habere, adeoque II. & spadones, non autem castrati * §. 9. inst. h. t. l. 2. §. 1. l. 40. §. 2. ff. h. t. nec III. impuberes arg. §. 4. inst. h. t. IV. nec feminae, nisi in solatium liberorum amissorum

forum ex indulgentia principis §. 10. l. 5. C. h. t. V. nec natu minores majores, sed qui eos, quos in filios adoptant, plena saltim pubertate, id est 18. annis, eos, quos in nepotes 36. annis præcedunt §. 4. 5. *inst. h. t. l. 40. §. 1. ff. h. t.*

* Quamvis enim & his promiscue id jus tribuerit Leo in Nov. 26. ea tamen contra jus Justinianenm vix obtinet (§. 17.)

An juvenes etiam, & qui liberos habent, adoptent, §. 177. Et quia in solatium eorum, qui liberos non habent, inventa adoptio (§. 175.) sequitur VI. ut adoptare ii ordinarie nequeant, qui per ætatem adhuc liberis procreandis studere possunt, quales sunt minores annis 60. L. 17. §. 2. *ff. h. t.*

VII. Ut nec ii facile * possint adoptare, quibus jam sunt liberi naturales l. l. 17. §. 3. *ff. eod.* Cig. *pro domo cap. 12.* VIII. Ut si quis in locum nepotis adoptare velit, filii consensus requiratur, ne ei invitus heres adgnascatur L. 5. L. 6. *ff. h. t.*

* Libera rep. id plane non videtur fuisse concessum. Principes aliquando adoptabant, quamvis iis essent naturales, ut domum regnatricem fulcris quamplurimis firmarent. Sed id ne in iis quidem reprehensione caruisse ostendit V. C. Jac. Perizon, *Animad. Hist. cap. 3. p. 125.* Quod ergo rarissime forsan indultum privatis, non statim venditandum pro jure ordinario, quod facere videtur Cl. Reinold. in *Var. cap. 42. p. 307.*

Adoptio quotuplex. §. 178. Adoptatur autem vel paterfamilias, vel filiusfamilias. Ille per *adrogationem*, hic per *adoptionem* strictius dictam L. 1. §. 1. *ff. h. t. §. 1. Inst. h. t.*

Quid adrogatio. §. 179. *Adrogatio* est actus, quo homo sui juris auctoritate summi imperantis * in patriam alterius potestatem redigitur l. 1. §. 1. l. 2. *pr. ff. h. t.* * O-

* Olim jussu populi, qui in comitiis curiatis legem de adoptione hujusmodi ferebat, & auctoritate pontificum, quia adoptivus in sacra adoptantis transibat Cic. *pro domo* c. 13. Rogationis sollemnis formula est apud Gellium *lib. 5. cap. 19.* eoque more usi sunt & ipsi Imperatores, veluti Augustus adoptans Agrippam, & Tiberium. Suet. *Aug. cap. 65.* Claudius adoptans Neronem Tacit. *Ann. lib. 12. cap. 25.* privati vero saltim ad Galbam usque. Tac. *Hist. lib. 1. cap. 14.* Sed postquam Principes paulatim omnia Legum, Magistratum, Pontificum munia ad se traxerunt, nullo adversante, invaluit mos, per Principis rescriptum adrogandi, jam tempore Caji L. 21. ff. *h. t.* ubi sane interpolationis Triboniani nulla suspicio locum habet, quia femina particeps non erat comitiorum, immo a temporibus Galbæ, ut non abs re conjicit V. C. Sculding. *Jurisp. antejus. p. 589.*

§. 180. Quum itaque adrogatione homo Adrogandus
sui juris in potestatem patriam redigatur fieri debet
(179.) æquissimum est, I. illum, qui ad auctor.
rogatur, auctorem fieri L. 11. ff. *de his,*
qui sui vel al. jur. Cic. *pro domo* c. 28. Gell.
lib. 5. cap. 19. II. Liberos etiam, & bona
adrogati simul cum illo in adrogatoris po-
testatem, & familiam transire §. 2. & 11.
inst. h. t. L. 40. ff. *h. t. inst. de adquis. per*
adrog. III. Impuberem, qui auctor ipse
fieri non potest, ordinarie adrogari non
potuisse Gell. *ibid.*

§. 181. At Antoninus tamen Pius adin- Adrogatio
venit modum, quo & impuberes adroga- impuberum
ri possent, modo id fieret. I. consensu quomodo
propinquorum, II. auctoritate tutorum, fiat?
III. causa cognita, IV. datis ab adrogan-
te fidejussoribus, mortuo intra puberta-
tem pupillo, bona restitutum iri illis, ad
quos illa pertinerent, si non facta fuisset
adrogatio, V. datis item fidejussoribus pa-
trera

crem sine causæ cognitione filium adrogatum non emancipaturum, & si emancipaverit, eidem restitutum omnia bona, quæ ad se attulerit, & relicturum insuper quartam suorum * §. 3. *inst. h. t. l. 15, §. 2. 3. l. 17. §. 1. sequ. l. 18, & sequ. l. 22 §. 1. ff. h. t. l. 2, C. eod. l. 8. §. 15. ff. de inoffic. testam.*

* Vocatur hæc quarta D. Pil, eamque alii interpretantur de quarta omnium bonorum, alii de quarta portionis ab intestato debitæ, vel legitimæ; ne melior sit adoptivi conditio, quam naturalis. Quamvis autem verior videatur prior sententia, tum ob verba, *quarta bonorum suorum §. 3. inst. h. t. l. 2. C. de adopt.* item ex bonis quæ mortis tempore illius, qui adoptavit, fuerunt, pars quarta ad eum pertineat, qui adoptatus est L. ult. ff. si quid in fraud. patr. tum quia illa quarta non petitur querela inofficiosa, uti legitima, sed iudicio familiaris eriscundæ L. 8. §. 15. ff. de inoff. test. l. 2. §. 1. ff. fam. etc. vix tamen contingere potuisse arbitror, ut ea questio incideret. Nam quum nec ei facile daretur facultas adoptandi, qui jam liberos suscepisset, nec ei, qui ejus ætatis esset, ut posset liberorum procreationi studere (§. 177.) omnium minime id concessum videtur adrogaturis impuberes ob accuratam, quæ tunc præmittenda erät, causæ cognitionem L. 17. §. 2. *seq. ff. h. t.*

Adrogationis effectus. §. 182. Quum porro adrogati redigantur in potestatem (§. 180.) consequens est I. ut etiam participes fiant jurium agnationis, quippe quæ sola civilia sunt, non cognationis, quæ naturalia L. 23. ff. h. t. II. Vt adrogati in nomen, sacra, gentem, nobilitatem patriciam, & imaginum transeant * L. 13. ff. h. t. & patricii a plebejis adrogati eam nobilitatem, non autem senatores, senatorumque filii ordinem senatorium amittant. Periz. *ad Constit. Div. Deut. XXV. §. 6.* III. Vt adrogati patri & fra-

fratribus adoptivis, aliisque adgnatis, non autem patris adoptivi uxori, & cognatis succedant ab intestato §. 2. *inst. de legit. agn. succ.*

* Id tamen hodie secus se habet, nisi summus imperans adrogato simul jura nobilitatis conferat. Quod non possunt Principes, & Ordines Germaniæ, quum tamen eorum auctoritate fieri possit adrogatio.

§. 183. Hactenus de *adrogatione*, sequitur jam *adoptio*, strictius dicta (§. 178.) *Adoptio quid?* quæ est *actio legis* (69. 2.) *qua liberos, qui in parentum potestate sunt, adoptamus imperio magistratus* * L. 2. pr. ff. l. 1. Cod. h. t.

* Olim adoptio fiebat per æs & libram, intercedente trina venditione, & mancipatione imaginaria, & duabus manumissionibus ob jus vetus patrum, de quo supra (§. 138. 2.) l. ult. C. h. t. Gell. l. 5. cap. 19. Vlp. *Fragm. tit. 8. §. 1.* Postea sola magistratus confirmatio actis intervenientibus facta suffecit L. ult. C. h. t.

§. 184. Quum ergo liberi, qui in parentum potestate sunt, adoptentur (§. 183. *Qui adoptentur?* & 178.) sequitur I. ut patris naturalis consensus sufficiat L. 5. ff. h. t. II. Ut & infantes in adoptionem dari, adoptarique possint l. 42. ff. h. t. III. Ut adoptari nequeant liberi ex concubinis nati, quippe in nullius potestate constituti L. 7. C. de *natur. liber.*

§. 185. Et quia hæc adoptio est *actio legis* (§. 183.) ideo IV. adoptari non poterat, nisi imperio ejus magistratus, apud quem plena erat legis actio L. 3. l. 4. ff. l. 1. C. h. t. Nec eadem ad tempus l. 34. ff. h. t. VI. nec per tabulas, sed sollemni juris ordine fiebat L. 4. C. h. t. *Quomodo facta adoptio?*

die cujusque magistratus auctoritas sufficit.

Ejus effectus, & divisio in plenam, & minus plenam. §. 186. Quia denique adoptio est causa patriæ potestatis (§. 144.) etiam hujus strictæ dictæ effectus erat patria potestas L. 23. pr. l. 37. §. 1. ff. de adopt. Sed Justinianus patriam potestatem tantum dedit adscendentibus, qui adoptant descendentes, non adoptantibus extraneos l. per. C. h. t. §. 2. inst. h. t. ita tamen, ut hi non minus patri adoptivo ab intestato succederent, ac illi §. 2. inst. h. t. Vnde est, quod adoptio strictæ dicta in perfectam, vel plenam, & imperfectam, vel minus plenam a Doctoribus distinguitur.

* Movit Justinianum, quod aliquando contingeret, ut filius extraneus in adoptionem datus, & postea emancipatus, nec patri naturali, nec adoptivo succederet. Sane inter Papinianum, Paulum, Marcianum disputabatur, an haberet tunc filius, a patre naturali præteritus, querelam inofficiosi testamenti. Nec leges in adoptionem datis quidquam adjudicant ex hereditate patris naturalis, nisi quod SC. Sabinianum iis relinqui jubebat quartam hereditatis, qui essent adoptati ex tribus maribus, iique illam sibi non relictam actione familiæ erisciscundæ petere possent L. 10. §. 3. C. de adopt. §. 14. Inst. de hered. quæ ab intest. & ibi Theophilus. Eum locum dum emendant Alciat. Parerg. vi. 3. Rævard. de auctor. prud. cap. 6. eum plane pervertunt. Res clara. Quia lex Julia, & Papia, & SC. Tertullianum tot privilegia concesserant trium liberorum parentibus, æquum visum est senatui, ut tres isti liberi, qui parentibus tam multum prodesse, etiam in hereditate patris naturalis beneficio quodam fruerentur, id est, ut ii, qui ex tribus maribus in adoptionem dati essent, non exfortes essent hereditatis patris naturalis.

§. 187. Ceterum quamvis hodie paullo rario-

rariores sint & adrogationes, & adoptiones, neque tamen cum Gudelino, & Vinio existimandum; eas plane esse abolitas, nec adrogatos hodie fieri filios familias, sed alumnos. Aliud docent exempla, quæ observarunt Kulpis *de adoption. & emancip. Principum* B. Strykius *in usu ff. h. t. & tit. de capite minut.* Quibus aliud, ad ipsam Frisiam pertinens, addi potest ex B. Huber. *Prælect. ad instit. h. t.* §. 14.

§. 188. Vulgo etiam huc referunt unionem prolium, Germanis non ignotam, quæ est actus, quo parentes ad secundam transeunt vota, prævia causæ cognitione, & adhibito curatorum ad hunc actum constitutorum consensu, impetrant decretum competentis judicis, ut liberi, ex priore matrimonio geniti cum liberis communibus utrique parenti æqualiter succedant, Gaill. *lib. 2. Obs. cap. 125.* Sed ea unio nihil aliud est, quam pactum successorium, qualia plura Germanis in usu sunt. Hinc illa quoque patriam potestatem, uti adrogatio, non tribuit, nec quidquam fere cum adoptione commune habet.

Vfus adoptionum hodiernus.

Vnio prolium in Germania.

Adoptionum, atque Adrogationum Jura, prout apud Romanos valuerunt, apud nos obtinent. Ita plane fatentur Doctores nostri. Id unum tamen haud diu in foro Neapolitano optimorum Interpretum bilem movit, an satis sit, adoptiones ex-

Jus Neapolitanum.

pediri stipulatione, quæ hodie fit auctoritate Notarii, ac Judicis, ad contractus. Mihi tamen persuadent, qui volunt auctoritatem Judicis ordinariam jurisdictionem exercentis omnino requiri in Adoptionibus. Neque valet producere Judices ad contractus, qui ad stipulationes omnes expediendas accedunt; hi enim, uti opportune alibi dicitur, licet substituti sunt Judicibus ordinariis, sibi tamen tantum habuerunt contractuum fidem firmare, non vero præesse iis omnibus, quæ peculiarem Magistratum cognitionem excipere debent, uti docte scribit Rovitus *Dec. 48.* Quæ autem spectant ad adoptivorum Jura in succedendo cum ex testamento, tum ab intestato, habebis in Adnotationibus ad Titulos *De Heredibus Instituendis, & De Successionibus ab intestato.*

T I T. XII.

Quibus modis Jus Patriæ potestatis solvitur?

Ratio connexionis. §. 189.

QUot modis patria potestas adquiratur, hætenus dictum est pluribus, jam, quomodo eadem finiatur, dicendum.

Axioma de modis, quibus patria potestas solvitur.

§. 190. Quia vero nihil aliud est potestas patria, quam dominium Quiritarium (§. 146.) certissimi juris axioma est: *Quibuscumque modis dominium Quiritarium desi-*

desinit, iisdem solvitur jus patriæ potestatis.

§. 191. Itaque solvitur I. morte, ita tamen ut primi tantum gradus liberi post patris discessum sui juris fiant, ulteriorum graduum non item, si superstites sint, quorum in potestatem possint recidere *pr. instit. h. t.* II. Capitis deminutione maxima, & media, e. g. captivitate, servitute pœnæ, deportatione vel patris, vel filii, quippe qua jus Quiritium eripitur §. 1. *instit. h. tit.* III. Adoptione plena, quamvis ea filius non fiat sui juris, sed patria potestas tantum in alium transcribatur §. 8. *instit. h. t.* IV. Emancipatione, de qua paullo post.

Solvitur ea morte naturali, & civili, adoptione plena, & emancipatione.

§. 192. Ex eodem principio sequitur, V. ut patriam potestatem non solvat relegatio, quippe quæ non tollit jus Quiritium (§. 227.) §. 2. *instit. h. t. l. 4. l. 7.* §. 3. *ff. de interd. & releg.* VI. Ut nec dignitas eandem solvat * Dionys. Halicarn. lib. 2, p. 96. immo nec exheredatio l. 20. *ff. de bon. possess. contr. tabb.*

Non relegatione, nec dignitate.

* Equidem Virgines Vestales, & Flamines Diales patria potestate olim exhibant, sed non ob dignitatem, verum quia a Pontifice Maximo manu capiebantur, Gell. lib. 1. c. 22. *Vlpian. Fragm. tit. 10. §. ult.* Captivitate autem patria potestas finiebatur (§. 191. 2).

§. 193. Justinianus tamen sanxit, ut patria potestas solveretur dignitate patricia * *L. fin. C. de consul. lib. 12. §. 4. instit. h. tit.* item sacerdotio episcopali Nov. 81. c. 3. dignitate consulari, præfectura prætoriana, præfectura urbis, magisterio militum,

Justinianus tamen patricos, & alios patria potestate liberavit.

litum, patrocínio fisci Nov. 81. cap. 1. juncta L. fin. C. de decurion. ita tamen ut hi omnes jura familiæ intacta retinerent d. Nov. 81. cap. 2.

* Justinianum frustra sibi hujus juris originem tribuere, contendunt Bachovius ad Treutl. Vol. 1. dis. 2. th. ult. & Vinn. Commen. ad §. 4. inst. h. t. idque ideo, quod jam Cassiodorus lib. 6. Var. c. 2. ejus privilegii, patriciis concessi, meminerit. Sed Cassiodorus, & videre hanc Justiniani constitutionem, & hæc post illam scribere potuisse, chronologicis rationibus accurate docet V. C. Reinold. Var. cap. 19.

Emancipatio quotuplex. §. 194. Præcipue vero emancipatione solvi diximus jus patriæ potestatis (§. 191.) Ea vero vel *vetus* est, vel *Anastasiana*, vel *Justinianeæ*.

Emancipatio vetus. §. 195. *Vetus erat actio legis* [§. 69. 2.] *qua liberi masculi, primi gradus, per tres venditiones, & mancipationes, totidemque manumissiones, * filia autem, & nepotes una venditione, & manumissione, patria potestate exhibant*, Caj. Inst. lib. 1. tit. 8. §. 3. Conf. Antiqu. nostras Rom. h. t. §. 6. Vendebat ergo pater filium per æs & libram, sed tertiæ tamen mancipationi plerumque addebat contractum fiduciæ, ut emptor filium remanciparet, quo ipse potius eum manumitteret, quam emptor, qui ideo Cajo *pater fiduciarius* adpellatur. Immo hæc fiducia interposita semper præsumebatur §. ult. Instit. de legit. adgn. success.

* Rationes hujus ritus optime cohærent. Liberi jure Rom. erant in dominio Quiritario (§. 136.) Res, quæ in hoc dominio erant, mancipari poterant, Bynkersh. de reb. mancipi p. 1. Ergo & liberi. Semel iterumque mancipati, & manumissi filii recidebant in patriam potestatem, non autem ter-

tertium venditi, tertiumque manumissi (§. 138. 1.)
Hinc tribus mancipationibus, totidemque manumissionibus opus erat ad solvendum jus patriæ potestatis.

§. 196. Ex *Anastasii* constitutione liberi *Anastasia*.
patria potestate exhibant per rescriptum
Principis ad acta insinuatum, eodem effectu,
ac olim per emancipationes, & manumissiones *L. 5. C. de emancip. lib.*

§. 197. Denique *Justinianus* non ab-*Justiniane*.
rogata constitutione *Anastasio* auctoritatem
magistratuum sufficere voluit §. 6. *instit. h. t. L. ult. C. de emancip.* & quidem
quorumcumque, quia est actus voluntariæ
jurisdictionis *L. 36. ff. de adopt. & emanc. L. ult. C. h. t.*

§. 198. Ceterum quemadmodum nemini
 invito rerum suarum dominium eripi potest,
 nisi in pœnam, ita nec pater ullo
 pene modo cogitur ad emancipandos liberos
 §. ult. *instit. h. t. L. 31. ff. h. t.* nisi
 quod in pœnam jus patriæ potestatis amittunt
 parentes, I. prostitute filias *L. 12. C. de episc. aud. L. 6. C. de spectac.* II.
 exponentes infantem *L. 2. C. de infant. expos. Nov. 153. cap. 1.* III. incestas nuptias
 contrahentes *Nov. 12. cap. 2.* *

* Addunt Doctores alias causas, veluti sævitiam
 patris ob *L. fin. ff. si a parente quis manum.*
 adrogationem in impuberis præjudicium factam *L. 42. ff. de adopt. & emanc. relictum legatum*, vel
 nummos acceptos ea conditione, ut filius emancipetur
 ob *L. 92. ff. de condit. & demonstr. L. 1. §. 3. ff. si quis a par. manum.* Sed in *L. fin. ff. si a par. quis manum.* memoratur pœna extraordinaria,
 vel privilegium, quod ad exemplum non trahitur
 (§. 60.) Impubes adrogatus per *L. 32. ff. h. t.* potest
 quidem sui juris fieri, si pubes factus adrogationem
 improbet, sed non ideo patrem ad emancipandum
 cogit, quia adrogationis effectus interest

An pater
cogi potuerit
ad emancipandos
liberos?

in suspensio fuit . Denique nec qui legatum , vel nummos ea lege accipit , ut emancipet , cogitur ad emancipandum , sed accipiendo ultro se ad id obstringit , quum legatum , vel pecuniam potuisset repudiare .

Vfus huius
d. Strinzæ
hodiernus.

§. 199. Morte hodiernum solvitur patria potestas . Capitis deminutio pene ignota est . Emancipatio vetus , & Anastasiana dudum exolevit . Justinianeæ non quidem extra usum , sed tamen , vel ideo paullo rarior est , quia liberi multis locis per nuptias , separatamque æconomiam e potestate patria exeunt , salvis , ac intactis familiæ juribus . Quem modum , Germanicæ originis gentibus proprium , vulgo , sed parum concinne , vocant *quasi emancipationem* , vel *emancipationem tacitam* . Confer *Elem. Jur. Germ. Lib. 1. Tit. 8. §. 162. seqq.*

Separatio liberorum secundum jus Lubecense.

§. 200. Quibusdam locis , maxime ubi jus Lubecense viget , nec non in Westphalia , parens ad secunda vota transiturus , liberis e priore susceptis matrimonio , partem bonorum adsignat , intervenientibus actis . Si liberi tunc sub tutela sunt , & vocantur *separati* , & cum reliquis , nondum separatis , in bonis postea acquisitis non succedunt . *Jus Lubec. part. 2. tit. 2. art. 33. & ibi Mevius Stat. Hamb. part. 3. tit. 3. §. 2.*

Jus Neapolitanum .

I. Patriæ Potestatis solvendæ modi , quos exponit Heineccius , in hoc Regno Neapolitano vim omnem habent . Potissimum tamen sibi vindicat locum *Emancipatio* .

mancipatio, quam expressa patris voluntate expediendam, ac decreto Judicis confirmandam omnino esse fuisse probat Cl. Philippus Paschalis in *De Viribus Patrie Potestatis*, quem vide. Et quidem tanti habenda est Patria Potestas, ut non ex Juris Civilis tantum, sed ex ipsismet Naturæ, ac Dei præceptis pendere dicendum sit. Verum nonnulli Doctores nostri tacitam, atque expressam emancipationem probant. Expressam ajunt esse, quæ a patre expressis verbis rite fit. Contra tacitam, quæ filium e potestate patris liberat nullo patris expresso consensu præcedente. Quæ ad expressam emancipationem pertinent, habet Jus civile. Nunc tantum exponam discrimen quoddam Patrii, ac Romani Juris de tacita emancipatione. Jure Romano, uti docemur ex Glossa ad l. i. C. de patria potestate, filius tacite censetur liber a patris potestate, si una cum uxore & familia seorsim a patre habitet decem, aut viginti annorum spatio. Variat enim tempus, quod vulgo dicitur, decennium satis esse, si filius opponat, se tacite emancipatum a patre, quod idem passus sit filium alibi cum suis morari, vicennium vero plenissime probare tacitam emancipationem, quovis tempore opponatur. Verum receptum jamdiu apud nos est, ad tacitam emancipationem nequâquam requiri diuturnam habitationem filii seorsim a patre, quandoquidem placuit nostratibus definire, tacitam emancipationem optime probari, si filius familiam suam suis expensis vel per brevi

brevi temporis spatio aluerit extra patris domum. Consule Vrsillum in *Notis* ad Afflictum *Decis.* ccix. Atque hæc de emancipatione, quam tacitam appellant.

II. Nunc habe peculiarem modum, quo filiæfam. a patris potestate eximuntur. Sane Jure Neap. non scripto novus receptus est modus Patriæ Potestatis solvendæ per filiæfam. matrimonium. Ad rem igitur faciunt verba consuetudinis *Sed & Mulier* sub Tit. *De Filiæfamilias nubente* in hunc modum concepta: *Sed & mulier non obstante quod emancipata non fuerit, eo ipso quod nubit, fit sui juris.* Hæc consuetudo abhorret ab Institutis Romanorum, quandoquidem Romani olim voluerunt, mulieres contracto per confarreationem, vel per coemptionem matrimonio in manum, hoc est potestatem virorum transire; quamvis deinceps potestati parentum subjecerint. Vide-sis Ev. Ortonem *De Perpetua Feminarum Tutela.* Hinc puto ex Jure Langobardorum consuetudinem hanc Neap. fortasse profectam; Jure enim Langobardico cautum erat, ut nubentes filiæfamilias de patris potestate eximerentur. Eadem fuit consuetudo Gallorum ad novissima tempora inde usque a veteribus Gallis ducta, uti habetur ex Cæsare *Comment.* ix. Neque alius videtur fuisse mos Lacedæmoniorum, & Hebræorum, uti colligere est ex Plutarcho, quem maxime laudat hac in re Tiraquellus *ad L. i. connub. nu. x.* & Augustino i. *Quæst. super Numeros cap. 59.* Verum velim animadvertas
hic

hic discrimen intercedere inter Jus nostrum non scriptum, & leges aliarum gentium, quod gentes exteræ exemerunt quidem de potestate patrum filiasfamilias, sed in potestatem virorum transire post nuptias statuerunt, jus autem nostrum omnino cavet, filiasfamilias sui juris fieri.

III. En quidquid de peculiari modo, quo filiasfamilias a patria potestate solvuntur, habet consuetudo Neapolitana. Quæ ad eandem quæri solent ab Interpretibus, breviter mox persequamur. Et primo quidem oculis objicitur peculiaris quædam Napodani opinio; Is enim adfirmat, filiamfamilias omnino eximi e potestate patris post sollemnem deductionem in domum viri ea ratione, quod matrimonium a Romanis JCtis definiatur *conjunctio individuum vitæ consuetudinem continens*, & alibi dicitur *vite consortium l. 1. de Rit. Nupt.* quæ definitio sponsam in domum viri deductam supponit. Verum mihi prorsus improbanda videtur isthæc Napodani opinio; siquidem Jure civili certum, exploratumque sit, nuptias solo consensu perfici. Neque te moveant Hotomanus, nonnullique alii, qui etiam in ea opinione fuerunt, sponsæ deductionem ad vim matrimonii Jure Romano pertinere; Nam recte eos carpit Ulricus Huberus *Digress. 1. 11.*, qui vim nuptiarum ex solo consensu scitissime deducit.

IV. Atque hinc dubium aliud oritur, an scilicet marito mortuo adhuc sui juris remaneat mulier. Auctor hujus quæstionis fuit

fuit ipse Napodanus, qui eam in potestatem patris redire aperte sensit. Sane movit Napodanum hæc ratio, quod sicuti causa, ob quam e patria potestate mulier solvitur, maritus ipse est, hoc defuncto, & proinde causa sublata removeri debet effectus. Hanc Nadodani sententiam probarunt Patres Neapolitani, uti scribit Grammaticus *Decis.* liv. Mihi tamen vero propior videtur contraria opinio, tum quia non transit mulier in potestatem viri, tum eo vel maxime quia hanc consuetudinem induxit favor matrimonii, quem stare adhuc soluto post viri mortem matrimonio passim tradunt Interpretes. Accedit, quod inquit consuetudo mulierem eo ipso quod nubit, sui Juris fieri, adeoque omnino liberari de potestate patris. Apposite Vlp. in l. 12. de Adoption. *Qui liberatus patria potestate, is postea in potestatem honeste reverti non potest.*

V. Vides jam, quo Privilegio mulieres Neapolitanæ donentur, quas proprie spectat consuetudo. Hinc ne mireris Interpretes, cum ad nauseam usque videris disputare, an eadem consuetudo intelligenda sit de muliere externa, quæ viro Neapolitano nubit, atque ad hanc urbem una cum viro suo Neapolitano habitandam se conferat. Et quidem si stricte velis consuetudinem interpretari, profecto definies, a tanto privilegio excludi debere mulierem exteram, cum Consuetudinum Neapolitanarum verba stricte sint interpretanda. At rectius tegeres, si affirmaveris, mulieres quoque

que exteras viro Neapolitano nubentes sui juris fieri, sicuti a nonnullis ex Jure Romano sapienter deducitur. Sic *l. ult. §. 3. ff. ad Municip.* scriptum est, mulierem quamdiu nupta est, incolam ejusdem civitatis videri, cujus maritus ejus est. Neque obstat *l. 4. Cod. de Municip.* ubi manifestum esse dicitur, origine propria neminem posse voluntate sua eximi; id enim de Jure originis accipi debet, quod cum naturale sit, mutato domicilio non mutatur. At mutatur jus singulare, quo jure nova civitas acquiritur. Ita qui extra civitatem suam adoptatur, jus novæ civitatis acquirit ex causa adoptionis, etsi suam originem non amittat. Extera igitur mulier Neapolitano nupta Neapolitana fit. Atque hæc de Consuetudine Neapolitanæ mulieres, ubi velint de rebus suis testari, suis locis demonstrabo.

T I T. XIII.

De Tutelis.

§. 201. **D**iximus, homines vel *sui juris* esse, vel *alieno juri sub-* Hominum
sui juris no-
va divisio.
jectos, & hos vel sub *patria*, vel sub *dominica* potestate vivere, unde alii *filii-familias*, alii *servi* dicantur (§. 128.)
Quemadmodum igitur hætenus de partitione hominum *alieno subjectorum juri* actum, ita jam sequitur divisio nova per-
sona-

sonarum sui juris, quorum alii in tutela, vel in curatione sunt, alii neutro jure tenentur pr. Inst. h. t.

Tutelæ olim & impubes, & feminæ suberant.

§. 202. Alterius tutela regi æquissimum videbatur, eos easque, qui quæve vel propter imperfectam ætatem, vel propter lubricitatem sexus sponte se defendere non possent. Hinc *pupilli* usque ad pubertatem, feminæ, quæ in manum haud convenerant, in perpetua erant tutela. Vid. *Antiqu. nostr. Roman. h. t. §. 16. sequ.* Puberes vel ob ætatem, vel ob alias causas rebus suis administrandis impares, non quidem *tutela*, sed *curationi* tamen suberant. Sed seminarum tutela jam Justiniani temporibus plane ab usu recesserat.

Tutelæ definitio.

§. 203. *Tutela ergo pupillaris, de qua sola agendum, est vis, & potestas in capite libero * ad tuendum eum, qui propter ætatem suam se sponte defendere nequit jure civili data, ac permissa §. 1. Inst. h. t. L. 1. pr. ff. eod.*

* *Caput liberum* est homo sui juris Gell. *lib. 5. cap. 19. Vlp. Fragm. tit. 11. §. 5.* Et videtur Servius vocabulum hoc adhibuisse, quia tutelam generatim, non in specie pupillarem, definiebat, ut illo vocabulo generali & pupillos complecteretur, & feminas, quas apud Romanos in perpetua tutela vixisse diximus (§. 202.) *Vis, & potestas* differunt, ut majus, & minus. Plus enim in *vi* est, quam in *potestate*. *Illa* actum secundum, uti vocant philosophi, *hæc* primum tantum notat. Hinc apud Tacitum *vis* opponitur *imagini potestatis*, vel imperii *Annal. lib. 15. cap. 14.* nudo nomini *ibid. lib. 3. c. 37. speciei lib. 3. cap. 30.* nudo honori *Hist. lib. 2. cap. 29. inanibus lib. 15. Annal. cap. 31.* *Vim* ergo tutor exercet in infantem, cujus vice omnia agit, *potestatem* in eum, qui fa-

ri potest, quique ipse agit, auctore tutore L. 1. §. 2. ff. de administr. tut. §. 9. Instit. de inutil. stipul. l. 5. ff. de R. l. Quod & de tutela feminarum observandum est.

§. 204. Quum ergo tutela sit *vis*, & Tutela est *potestas jure civili data, vel permissa* (§. 203.) collegerunt inde Romani * *tutelam esse munus publicum pr. Instit. de excusat. tut.* munus publicum.

* Munus enim dicitur, quod necessaria obimus lege, more, imperio ejus, qui jubendi habet potestatem l. 214. pr. ff. de V. S.

§. 205. Ex quo sequitur, I. ut & filii- Quis tutor
familias tutelas recte suscipiant (§. 139.*) esse possit?
pr. Instit. qui testam. tut. dari poss. II. Vt
contra nec servi L. 22. ff. de test. tut. nec
peregrini, nec mulieres tutores esse pos-
sint L. ult. ff. h. t. Excipiuntur tamen per
Nov. 118. cap. 5. mater, & avia, quas re-
liquis etiam agnatis præferri jussit Justi-
nianus.

§. 206. Quumque tutoris sit, pupillum, Vel non
qui per ætatem sponte se defendere ne- possit?
quit, *tueri* (§. 203.) tutela legitima, &
dativa impeditur, & testamentaria sal-
tim suspenditur, I. per minorennitatem
§. 13. Instit. de excus. tut. II. per furorem,
& insaniam L. pen. ff. hoc tit. III. per sur-
ditatem, & impotentiam loquendi L. 1. §.
2. 3. L. pen. ff. hoc tit.

§. 207. Quia porro ei potestati subest Quibusnam
caput liberum (§. 203.) consequens est, I. dentur tu-
ut tutor primario personæ, non rei de- tores?
tur * §. 4. Instit. qui testam. tut. L. 12. Leg.
14. ff. de testam. tut. II. Vt nec patrem
habenti tutor detur L. 239. ff. de v. s. princ.
Instit. h. tit. L. 6. §. ult. ff. h. tit. III. nec
ser-

servo L. 17. ff. de tut. dat. Neuter enim est sui juris (§. 128.) adeoque nec caput liberum (§. 203. *) Immo IV. nec peregrino, quia is non gaudet libertate Quiritium; ob quam capita libera censebantur: Cicero pro Cæcin. cap. 33.

* Secundario tamen tutor etiam rem pupilli administrat. Immo aliquando & ad certum actum datur, veluti ad hereditatis aditionem L. 10. pr. ff. de test. tut. L. 17. §. 1. de appellat. L. 9. l. 13. ff. de tut. vel cur. dat. Immo si magnæ sint pupilli facultates, & rei Africanæ, Syriacæ &c. tutores dantur L. 15. ff. de test. tut. L. 27. ff. de tut. dat. At proprie ne tunc quidem tutor rei, sed personæ datur.

Tutela hereditati comparata.

§. 208. Ceterum quum lege XII. Tab. cautum esset: *Paterfamilias uti legasset super pecunia, tutelave sue rei * ita jus esto.* Vlpian. Fragm. tit. 11. §. 14. Jurisconsulti Romani tutelam considerabant, tamquam hereditatem. Quemadmodum ergo *testamento* scriptus heres excludit *legitimum*, qui alias ab intestato successisset L. 39. ff. de *adquir. hered.* ita *testamentaria* tutela reliquas omnes, id est *legitimam*, & *dativam* excludit L. 11. pr. ff. test. de tut.

* Servavimus verba *tutelave sue rei*, quia & apud Vlpianum, & in pr. Inst. de L. Falcid. sunt, & nihil habent absurdi. Filii enim familias erant mancipi (§. 135.) & hinc paterfamilias dum tutorem illis dabat, legabat de tutela suæ rei. Nihilominus tutor dabatur personæ (§. 205.) quia ejus munus mortuo demum patre incipiebat; postquam jam persona, vel caput liberum esse coeperat filius.

Tutela triplex?

§. 209. Triplex itaque est tutela *Testamentaria*, de qua *titulo* 14. *legitima*, de qua *tit. 15. seqq.* & denique ex lege Attilia, & Julia Titia in vecta in subsidium, *dativa*, de qua *tit. xx.* agitur.

De

De Tutelis, & Curationibus non pau-
ca ad finem usque hujus libri traduntur
ab Heineccio, quæ ex jure civili pro in-
stituto repetuntur. Reliquum mihi nunc
est, ut pensum meum rite absolvam, ut
peculiares, quæ existant leges ad Tutela-
rum, ac Curationum jura pertinentes pas-
sim proponam. Verum mihi maxime op-
portunum factu videtur, rem omnem in
calce libri hujus exhibere, ut simul per-
noscas capita illa, quibus Jure Neap. de
Tutelis variatum a legibus Romanorum.
Itaque fiet profecto, ut difficile nequaquam
postmodum sit data occasione præclare u-
triusque juris Romani, ac Neapolitani
variantes sententias advertere.

Jus Neapo-
litanum.

T I T. XIV.

Qui Testamento tutores dari possunt.

§. 210. **Q**Uum paterfamilias possit le-
gare super tutela suæ rei
(§. 208.) explorati juris est
axioma: Pater liberis in potestate sua con-
stitutis (§. 139.) & in alterius potestatem
non recasuris [§. 206, 2.] tutores testamento,
vel codicillis testamento confirmatis, dare
potest L. 1. pr. l. 3. ff. de testam. tut. §. 3.
Inst. de tut. L. 37. §. 1. ff. de R. I.

* Quamvis testamentaria tutela ex hac lege XII.
tabularum liquido fluat L. 120. ff. de V. S. eam ta-
men

Tutelæ te-
stamentariæ
ratio.

men jam ante decemviros Romæ receptam fuisse, patet exemplo L. Tarquinii Prisci, quem Ancus Rex liberis suis tutorem testamento instituit, teste Liv. lib. 1. cap. 54.

Ejusdem §. 211. Fundamentum ergo hujus tutelæ est *patria potestas* (§. 139. 9.) l. 73. §. 1. D. de Reg. Jur.

Quibusnam §. 212. Ex quo principio sequitur, I. ut pater solus, vel avus, qui liberos in potestate habet, tutores dare possint, non mater, aut avia, nec alia extranea persona L. 1. pr. ff. h. t. II. Ut idem tutores det liberis * non emancipatis, sed in potestate sua constitutis, utriusque sexus d. l. 1. p. ff. h. t. III. etiam exheredatis L. 4. ff. h. t. Conf. V. A. Zach. Hub. Dissert. lib. 2. diff. 4. §. 28. p. 331. immo IV. ex benigna juris interpretatione etiam posthumis ** dum in ea causa sint, ut vivo patre nati, sui heredes, & in ejus potestate fuissent futuri §. 4. Inst. de tut. l. 1. §. 1. ff. h. t.

* *Liberorum* nomine etiam posthumi, nec non nepotes utriusque sexus, *filiorum* nomine posthumi, & filia, non vero nepotes continentur L. 6. & L. 16. ff. h. t. §. ult. Inst. h. t. Quamvis enim alias obtineat aliud L. 84. junct. L. 201. ff. de V. S. nulla tamen hic subest ratio interpretationis extensivæ, quia nepotibus vel per legitimum, vel per dativum tutorem satis prospicitur.

** Postumi enim, quoties de commodo eorum agitur, pro jam natis habentur L. 7. ff. de stat. bom.

Quomodo, §. 213. Quumque hæc tutela sit instar & quanam hereditatis (§. 208.) sequitur, I. ut tutor tutores hoc ordinarie dandus sit testamento. II. Ut modo dari & codicillis testamento confirmatis vel possint. ideo dari possit, quia tutela veluti fidei tuto-

tutoris committitur l. 3. pr. ff. h. t. Ut recte tutores dentur omnes, quibuscum est testamenti factio, dum habiles sint muneri publico obeundo (§. 204. sequ.) l. 21. ff. h. t. veluti servi cum libertate dati (quæ libertas data præsumitur in servis propriis §. 1. inst. h. t.) filii familias (§. 205.) magistratus l. 20. §. 1. ff. h. t. furiosi & minores, quamvis, dum hi impediuntur (§. 207. 7.) interea tutor a magistratu detur l. 10. §. 7. ff. de excus. IV. Ut tutor dari nequeat persona incerta * l. 20. pr. & l. 30. ff. h. t. In eo tamen hic singulare quid occurrit, quod tutor non solum pure, & sub conditione, verum etiam a certo tempore, vel in certum tempus, testamento recte detur l. 6. §. 2. ff. h. t. §. 3. inst. h. t. Quod in hereditate, secus se habet (§. 544.)

* Nam eodem jure, & circa institutionem heredis olim utebantur (§. 523. & 539.)

§. 214. Ex eodem principio fluit, V. Quamdiu etiam quod ad tutelam attinet, neminem speratur tutela testamentaria, posse pro parte testatum, pro parte intestatam decedere L. 7. ff. de reg. jur. §. 5. legitimæ Inst. de hered. inst. adeoque, si vel semel non est locus ad testamentarium devoluta sit, vel saltem adhuc speretur tutela testamentaria, locum tunc non habere tutelam legitimam L. 11. pr. §. 1. ff. h. t.

§. 215. Quamvis ergo expediti juris sit, Confirmatio tutore nec I. patrem emancipatis, vel naturalitio- tutione tutore nec II. matrem vel personis testamento dati sonam extraneam liberis, vel impuberibus quando opus? bus heredibus (§. 212. 1.) tutorem dare posse,

posse, nec III. istam tutoris constitutionem recte fieri codicillis testamento haud confirmatis (§. 213. 2.) tamen his casibus *confirmatio* solet accedere magistratus, quae, quod deest, suppletur L. 1. §. 1. L. 3. ff. de *conf. tut.* §. ult. *Inst. de tut.* L. 32. ff. de *excus.* Vnde & pro testamentariis habentur Tutores sine inquisitione confirmati l. 3. ff. de *conf. tut.*

Quomodo fiat? §. 216. Eaque confirmatio fit vel *sine inquisitione* quando pater non recte tutorem dedit * veluti filio emancipato, vel naturali instituto, vel per codicillos testamento non confirmatos §. ult. *instit. de tutel.* l. 1. §. 2. ff. de *conf. tut.* vel *cum inquisitione* si mater, vel extraneus impuberi instituto, vel pater non instituto tutorem dederit L. 4. ff. de *test. tut.* l. 1. §. 2. l. 2. l. 7. ff. de *conf. tut.* Si mater non instituto tutorem dedit, non debet quidem, sed solet tamen, tutor confirmari cum inquisitione l. 4. ff. de *test. tut.* l. 4. G. *cod.* ubi evolvendus omnino III. Corn. van Bykersh. *Obs.* l. 2. cap. 17. Ceterum quum hi tutores non tam ob testatoris iudicium, quam ob inquisitionem confirmantur, pro dativis habentur l. 5. ff. de *conf. tut.*

* Attamen & hic disquirendum, an duraverit patris voluntas? quae durasse non creditur, si in tutore emerferit celata morum improbitas, aut inimicitia cum patre, aut damnosus cum filio contractus l. 8. 9. 10. ff. de *conf. tut.* l. 4. ff. de *test. tut.*

Vfus confirmationis hodiernus. §. 217. Ceterum hodie omnes in unum tutores sive legitimi, sive testamentarii in Germania confirmantur ob
Rec.

Rec. Imp. anni 1548. tit. 31. & anni 1577. tit. 32. Quod & moribus Frisiz obtinere, observat B. Huberus *Prel. ad Pand. lib. 24. tit. 4.* quamvis hic legitima parentum tutela excipiat. Id *ibid.*

T I T. XV.

De legitima adgnatorum tutela.

§. 218. QVemadmodum, ubi intestatus quis decessit, ex lege succedunt proximi, & quidem jure vetere agnati, ita & tutela defertur proximis adgnatis, si pater vel omnino, vel certe, quo ad tutelam, intestatus decessit * (§. 208.) §. 2. *Inst. h. t.*

Tutelæ legitimæ quando locus sit?

* Secus, si tutor testamento datus vel excusetur, vel removeatur, vel moriatur, finita nondum tutela, vel si impediatur denique tutela per ætatem, furorem, diem, vel conditionem testamento adscriptam. His omnibus enim casibus non legitima, sed dativa tutela locum habet ob principium explicatum §. 214. l. 11. ff. de testam. tut.

§. 219. Hinc axioma: Vbi successionis est emolumentum, ibi & tutelæ onus esse debet, dummodo persona sit habilis obeundo muneri publico (§. 205.) §. un. *Instit. de legit. patr. tut. l. 73. pr. ff. de reg. jur.* Ex quo axiomate fluit tutela legitima agnatorum, patronorum, & fiduciaria.

Tutelæ legitimæ fundamentum, & divisio.

§. 220. Quum nimirum lex XII. tabularum post liberos vocet agnatos, & gentiles * Vlp. *Fragm. tit. 36. §. 1.* consequens est I. ut jure vetere hi soli fuerint tutores legitimi pr. & §. 1. *instit. hoc tit. II.*

Quinam ad legitimam tutelam vocentur.

Vt proximi agnati excludant remotiores,
& III. si plures eodem gradu sint, omnes
in tutelam nanciscantur §. ult. *inst. de cap.
dem. l. 9. ff. h. t.*

* Sunt vero agnati, & gentiles per virilis sexus
personas cognatione juncti L. 7. ff. h. t. §. 1. *inst. h. t. Cognati*, qui per feminini sexus personas co-
gnatione junguntur §. 1. *inst. h. t. l. 10. §. 2. ff. de
grad. & affin. Agnati vero & gentiles* ita differunt,
quod illi sint ejusdem cognominis, & familiae, hi
ejusdem nominis, & gentis, e. g. C. Julio Caesari
agnati erant omnes Caesares, gentiles omnes Julii,
quorum majorum nemo servitutem servierat. Nam
id addendum ideo, quod & liberti patronorum no-
men adsumere solebant (§. 111.) Vide Cic. *Topic.
cap. 6.*

Jure novo, §. 221. Quia vero agnatorum, & gen-
& cognati tilium discrimen prator, agnatorum, &
sunt tutores cognatorum differentiam Justinianus Nov.
legitimi, 118. cap. 4. sustulit, hosque cum illis
immo & 118. cap. 4. sustulit, hosque cum illis
ater, & a- promiscue ad successionem admisit, IV.
via. jure novo cognati, modo idonei sint,
una cum agnatis ad tutelam legitimam
vocantur Nov. 118. cap. 5. Quin idem Ju-
stinianus V. & matrem, ac aviam admi-
sit, easque omnibus a latere cognatis, i-
phisque avo paterno prætulit, dum renun-
cient secundis nuptiis, & SC. Vellejano
Nov. 118. cap. 5. Quo jure utimur, nisi
quod renunciatio jurejurando fieri non so-
leat.

Agnationis, §. 222. Ceterum inter agnationem, &
& cognatio- cognationem etiam hoc intercedit discrim-
nis jura men, quod hæc, tamquam naturalis qua-
quomodo litas, minima capitis deminutione tolli
tollantur. nequeat, illa tamquam civilis, omni ca-
pitis deminutione perimatur §. ult. *inst. h.
tit.*

De Capitis deminutione. 135
tit. §. 6. *inst. de cap. dem.* Vnde hic, loco
licet non satis idoneo, inseritur titulus de
Capitis Deminutione.

T I T. XVI.

De Capitis Deminutione.

§. 223. **C**aput Romanis vocabatur sta- Quid caput.
tus ille triplex *libertatis, ci-*
uitatis, familie (§. 76.) quia secundum il-
los status capita referebantur in tabulas
censuales * *Antiquit. Roman. hoc tit. §. 2.*
sequ.

* Vnde *capite libera*, homines sui juris (§. 203.)
capite censi, quorum solum nomen sine re, &
prole in tabulas censuales referebatur, Gell. *lib. 16.*
cap. 10. capite destituti servi §. 4. *inst. h. t. capi-*
talis pæne, & iudicium publicum *capitale* non so-
lum, quo vita, sed & quo libertas, vel civitas
adimebatur l. 2. pr. l. 6. §. ult. ff. *de pæn.* Inde er-
go & phrasæ *caput de civitate eximere* l. 2. ff. *de*
publ. jud. nec non *capite deminui*.

§. 224. Est itaque *capitis deminutio sta-* Definitio
tus prioris mutatio * *pr. instit. & l. 1. ff.* capitis de-
h. t. minutionis.

* Addunt multi *in deterius*, uti & Theophilus
hoc tit. & Attaliot. Synop. tit. 3. *et de X. 6209.*
in peius. Sed non opus videtur ista lacinia. Qui
enim libertatis, civitatis, vel iurium familie non
est particeps, iste nec caput habet (§. 223.) adeo-
que mutato statu nec capite deminuitur. Sic servus
manumissus capite non minuitur §. 4. *inst. h. t.* Immo
ne deportatus quidem, vel ab hoste captus, si ci-
vitatem, vel libertatem recuperat, quia iam caput,
quod amittere possit, non habet.

§. 225. Quumque caput, vel status sit Eisdem di-
triplex *libertatis, civitatis, familie* (§. visio.
223.) triplicem etiam esse oportet capitis

deminutionem, maximam, qua libertas, adeoque & jura civitatis, & familia, mediam, qua, salva libertate, status civitatis, & minimam, qua, salva libertate, & civitate, jura familiae perimuntur pr. instit. l. ult. ff. h. tit. Maxima, & media morti comparantur, & hinc mors civilis vocari solent l. 209. ff. de reg. jur. §. 1. inst. quib. mod. jus patr. pot. solv.

Capitis deminutio maxima.

§. 226. Itaque maximam capitis deminutionem patiuntur I. detrusi in servitutem, sive per captivitatem, sive per modum pœnæ in hanc calamitatem inciderint (§. 82. 83.) II. servi pœnæ (§. 83. *) quamvis hæc servitus pœnæ in favorem cognatorum a Justiniano sublata sit Nov. xxii. c. 8.

Media.

§. 227. Mediam contra patiebantur I. ii, quibus aqua & igni interdictum * & II. deportati, qui & exales dicebantur; non vero relegati, quippe qui salvis civitatis juribus urbe tantum, vel provincia exesse jubebantur §. 2. inst. h. t. & §. 2. inst. quib. mod. jus patr. pot. solv.

* Nemini civem Rom. jura civitatis adimi invito poterant Cic. pro domo cap. 72. Quia tamen statim ea amittebantur, simul ac quis alii civitati adscribi se passus erat, idem ibid. cap. 81. siquidem nemo jure Romano duarum civitatum civis esse poterat, Corn. Nep. vir. Att. cap. 3. hinc aqua & igni interdicebatur reis, quos civitate privatos volebant: Nam simul ac illi, hac adacti necessitate, solum verterant, & in aliam civitatem se receperant, Romanam ipso jure amisisse censebantur. Cic. pro domo cap. 30.

Minima.

§. 228. Minimam denique capitis deminutionem patiuntur I. arrogati, quia ex patribus familias sunt filij familias (§. 179.) II. adrogatorum liberi, qui patrem sequuti,

quiti, familiam mutant (§. 180. 2.) l. 3. pr. ff. h. t. III. legitimati, imprimis per subsequens matrimonium, quia sui iuri esse desinunt (§. 172.) & IV. jure vete-
* etiam emancipati §. 3. Inst. h. t.

* Quia emancipari nemo poterat, quin in imaginariam servilem causam deduceretur (§. 195.) L. 3. §. 1. ff. h. t. Quod cessat jure novo, maxime quum ob Nov. 118. cap. 4. & 5. etiam emancipatis jura successionis, & familiæ salva sint.

§. 229. Capitis deminutionem maximam hodie obsolevisse, omnes fatentur. Mediæ in Germania comparant proscriptionem, vel bannum imperii, & relegationem cum ictu fustium. Herm. Stamm. de servit. person. lib. 1. tit. 4. num. 16. seq. In aliis provinciis exilium, vel condemnationem ad triremes perpetuam, & cum publicatione bonorum conjunctam, eidem similia statuunt. Vinn. ad h. t. Sed dum similia hæc ajunt capitis deminutioni mediæ, simul agnoscere videntur, quod omne simile claudicet.

Vetus doctrinæ hodie-
nus.

T I T. XVII.

De Legitima Patronorum Tutela.

§. 230. **A**ltera species Tutelæ Legitimæ Legitima
est tutela Patronorum (§. 219.) patronorum
Patronus est, qui servum manumisit (§. tutela.
111.) l. 3. §. 1. D. de suis & legitim. hered.
l. 3. ff. de Jur. Patr.

§. 231. Quia ergo huic libertus debet, Patroni
quod persona esse cœperit, quum antea tamquam a-
gneret, quum antea gnati suc-
cedebant li-
beris.
lim

lim liberti pater & proximus agnatus credebatur (§. 111.) legibus XII. Tabularum patronus ejusque liberi, tamquam proximi agnati, vocabantur ad successionem, si non exstarent sui heredes Vlpian. *Fragm. tit. 29. §. 1. L. 23. §. 1. ff. de bon. libert. pr. Inst. de success. lib.*

Et hinc etiam ad tutelam legitimam vocabantur.

§. 232. Quia vero ubi successionis commodum, ibi & onus tutelæ esse oportet (§. 219.) inferebant inde veteres prudentes, liberorum impuberum, vel liberorum eorum tutelam deferendam esse patronis, patronorumque liberis huic muneri suscipiendo idoneis *L. 3. pr. ff. de legit. tut. §. un. inst. h. t.* Quod hodie extra usum est.

T I T. XVIII.

De legitima Parentum tutela.

Legitima parentum tutela.

§. 233. **T**ertia tutelæ legitimæ species est, quæ parentibus defertur (§. 219.) quippe qui ætatem liberorum impuberum emancipatorum, tamquam patroni, regunt *l. 3. §. ult. ff. de legit. tut.*

Ejus fundamentum.

§. 234. Nimirum pater filium emancipabat per tres venditiones, & manumissiones imaginarias (§. 195.) adeoque hic quodammodo in servilem causam deducebatur (§. 228. *) *L. 3. §. 1. ff. de cap. demin.* & hinc manumissus, non quidem ratione status (§. 91. 4. 5.) sed tamen ratione jurium patronatus quasi libertus erat manumissoris. Hinc manumissor ei, tamquam patronus, succedebat (§. 231.) adeo-

adeoque idem & tutor erat. emancipati
impuberis (§. 332.)

§. 235. Quum vero pater emancipans Qualis hæc
tutela.
interposita fiducia sibi stipulari soletur,
ut filius tertium venditus ab emtore sibi
remanciparetur, quo ipse potius, quam
ille eum manumitteret, juribus patro-
niatus frueretur (§. 195.) eaque fiducia ex
constitutione Justiniani semper interposita
fingeretur §. ult. *instit. de legit. agn. succ.*
L. ult. C. de emanc. lib. consequens erat,
ut pater, tamquam patronus, filio, filia-
ve emancipato emancipatoque succederet,
& hinc etiam eorum susciperet tutelam
legitimam, si essent impuberes §. un. *instit.*
h. t. L. 3. §. ult. ff. de legit. tut.

§. 236. Sed hæc legitima parentum tute- Vfus ho-
diernus.
la, cessante emancipatione vetere, & ju-
ribus patronatus plane extinctis, hodie;
fatentibus omnibus, extra usum est. Mo-
ribus Germanorum pater tutor est filio-
rum etiam non emancipatorum ratione
bonorum adventitiorum maternorum. *Jus*
Prov. Sax. lib. 1. Artic. 1. Quod & alibi
obtinet, & non ex *L. ult. C. de bon. que*
lib. sed ex juris patrii reliquiis repeten-
dum. De tutela matris, & avia jam dixi-
mus (§. 221.)

Tutela. T. sup. XIX.
De Fiduciaria tutela.

§. 237. **L**egitimam hæc parentum tu- Tutela fi-
ducia.
tutam, de qua superiore ti-
tulo actum, solum ab interposita illa fidu-
cia

cia (§. 195. & 235.) dictam esse *fiduciariam*, patet ex Vlpian. *Fragm. tit. 11. §. 5.* Sed Justinianus quartam speciem tutelæ legitimæ *fiduciariam* vocat.

Ejus definitio.

§. 238. Itaque *fiduciaria tutela* Justiniano est, quæ post mortem patris emancipatoris liberis ejus masculis perfectæ ætatis deferretur in emancipatum impuberem L. 4. ff. de legit. tut. §. un. inst. h. t. Quia enim pater emancipator per interpositam fiduciam jura patronatus consequeretur (§. 234.) & hinc legitimus tutor erat filii emancipati adhuc impuberis, (§. 235.) consequi videbatur, ut eo mortuo liberi ejus nondum emancipati hanc tutelam consequerentur, tamquam patroni filii, quos lex XII. tabularum æque ad successionem vocabat, ac patronus (§. 231.) d. §. un. inst. h. t. Quod hodie extra usum est.

T I T. XX.

*De Atiliano tutore, & eo, quæ
ex Lege Julia, & Titia
datur.*

Tutelæ dativæ definitio.

§. 239. **A**ctum hætenus de tutela testamentaria (tit. 14.) & legitima (tit. 15. sequ.) jam tertia sequitur tutelæ species, quam *dativam* vocant, quia hæc tutoris datio est actus legitimus (§. 70.) quo deficientibus testamentariis & legitimis, tutores a magistratu ex lege dantur pr. inst. h. t.

Ejus indoles.

§. 240. Ex quo tria fluunt axiomata, I. Tutor hic ex lege a magistratu datur, II.

II. datur in subsidium, deficientibus testamentario, & legitimo, III. Tutoris datio est actus legitimus L. 77. ff. de reg. jur.

§. 241. Datur, inquam, tutor ex lege, & in urbe quidem ex lege *Atilia*, lata ante annum V. C. DLVII., uti patet ex *Livio lib. 39. cap. 9.* procul dubio a L. Atilio Regulo Tribuno plebis anno V. C. ccccxliii. *Liv. lib. 9. cap. 39.* In provinciis (excepta Sicilia, de qua vide *Excerpt. Peiresc. pag. 397.*) ex *Lege Julia*, & *Titia*, lata anno V. C. Dccxxviii. Augusto III. & M. Titio Coss. Vales. ad *Exc. Peiresc. p. 61.*

Ejus origo ex lege *Atilia*, & *Julia Titia*.

§. 242. Quum ergo ex lege tutor detur (§. 140. seq.) sequitur I. ut nullus possit tutorem dare jure magistratus, sed ex speciali concessione legis L. 6. §. 2. ff. de tut. L. 1. pr. ff. de offic. ejus cui mand. jurisd. Specialiter autem id jus concessum erat *lege Atilia* prætori urbano, cui adhibenda in consilium major pars tribunorum plebis * *pr. inst. h. t. Liv. lib. 39. cap. 9.* In provinciis *Lege Julia*, & *Titia* præsidibus *pr. inst. h. t.* Postea in urbe Coss. ex inquisitione, & paulo post prætores tutelares ex constitutione: hinc & præfectus urbi, & prætor secundum suam jurisdictionem, & magistratus jussu Præsidum tutores dabant ** §. 3. 4. *inst. h. t. L. 1. pr. §. 1. ff. de tut. dat.* Denique & municipalibus magistratibus sine jussu Præsidum L. 3. L. 19. ff. h. tit. cum Episcopis, & Juridico *Alexandriæ* pro modo patrimonii ea facultas data est L. 30. *Cod. de Episc. aud. §. 5. Inst. h. t.*

Quinam possint tutores dare?

* Ita,

* Itaque quum alias vel unus tribunus reliquorum consilia intercedendo turbare posset *Liv. lib. 4. cap. 49. lib. 6. cap. 35. Dionys. Halic. lib. 10. p. 658.* Id jus intercedendi in tutoris datione sublatum erat lege Atilia, quæ pauciorum sententiam a pluribus superari jussit *Vinn. h. t.*

** *Prætor intra urbem, Præfectus urbi intra centesimum ab urbe lapidem, vel in provinciis sub-urbariis L. 1. pr. & L. ult. ff. de off. præf. urb. Conf. Jac. Gothofr. Dissertationes de provinciis sub-urbariis.*

An tutoris dario mandari possit. §. 243. Ex eodem axioma te fluit II. tutoris dationem non posse mandari * *L. 8. pr. ff. de tut. & cur. dat. L. 1. pr. ff. de off. ejus, cui mand. jurisd.*

* Tutores quidem dabant etiam legati procos. *L. 15. ff. de offic. procos. qui non propriam, sed mandatam jurisdictionem exercebant L. 13. ff. eod.* Sed ea facultas iis non compete bat ob mandatam jurisdictionem, verum ex oratione D. Marci, ex qua legati eam facultatem accipiebant, simul ac ipsis jurisdictio a procos. mandata esset *L. 1. §. 1. ff. h. tit.* Eodem modo & duumviri præsidum auctoritate tutores cum satisfactione dabant, si modicæ essent pupillorum facultates (§. 242.) *L. 3. de tut. dat.*

Quando locus sit tutelæ dativæ. §. 244. Quum porro tutores dentur in subsidium (§. 240.) tutela dativa locum habet, I. si nec testamentarius, nec legitimus tutor est *pr. inst. h. t.* II. Si tutela testamentaria vel impeditur, & adhuc operatur, vel finitur morte, excusatione, vel remotione tutoris testamentarii (§. 214.) *L. 11. ff. de test. tut. §. 1. & 2. inst. hoc tit.*

Quomodo tutor dari possit. §. 245. Denique quum tutoris datio sit actus legitimus (§. 240.) sequitur III. ut pure tantum, non sub conditione, nec in diem, vel ex die tutor dari possit *L. 6. §. 1. ff. de tutel. (§. 70.)* Quod secus se ha-

habet in tutela testamentaria (§. 213. 4.) sollemniter adprobat, ut, quod personæ ejus deest, suppleatur.

§. 246. Hodie tutoris datio ad ordinariam pertinet jurisdictionem, omnibusque ea facultas competit, quibus est aliqua, saltim civilis, jurisdictio. Immo magistratibus nostris jus est prætereundi testamentarios, & legitimos, aliosque magis idoneos constituendi, si e re pupilli videatur, Schilt. Exerc. 37. th. 46. seq. Zypæus Not. Belg. tit. de tut. Statuta Fris. lib. 1. tit. 7. art. 1.

Vfus hodiernus.

T I T. XXI.

De Auctoritate tutorum.

§. 247. **P**upilli imperfecta est ætas §. 6. Tutoris vis, tamen *infantis*, qui fari non potest, quam *vel infantia*, vel *pubertati proximi* * Hinc in infantem vi, in *infantia*, vel *pubertati propiore potestate* pollere tutorem diximus (§. 203. *)

* Infantia jure nostro usque ad annum ætatis septimum completum extenditur l. 14. ff. de sponsal. l. 18. Cod. de jur. delib. l. 1. §. 2. ff. de administr. tut. Septenni major, sed qui decimum cum dimidio, vel quæ nonum cum dimidio nondum attingit, *infantia*, qui decimum, vel quæ nonum cum dimidio excessit, sed nondum pubes est, *pubertati proximus*, vel *proximus* esse dicitur.

§. 248. Infans ergo nihil, sed pro illo tutor omnia agit L. 1. §. 2. ff. de adm. tut. l. 9. ff. de adquir. hered. at major infantia ipse, si tutor velit, agit, auctore tutore.

re

re d. l. 9. de *acquir. hered.* l. 32. §. 2. ff. *Or*
 l. 3. C. de *acquir. possess.* qui veluti sup-
 plet, quod pupilli personæ ob lubricum
 ætatis deesse videtur L. 32. §. 2. ff. de *ad-*
quir. vel amitt. possess.

Quid au-
 toritas?

§. 249. Est vero *Auctoritas* actus legiti-
 mus * (§. 70.) quo tutor id, quod pu-
 pillus infantia major gerit (§. 248.) & ex
 quo deterior ejus conditio fieri posset,
 solemniter adprobat.

* Non solent hoc alij observare. Sed quum in
 l. 77. ff. de *reg. jur.* non omnes actus legitimi re-
 cenſeantur (§. 70. *) & in auctoritate omnia a-
 ctuum legitimorum requisita concurrant (§. 250.)
 vix est, quod illam esse actum legitimum dubite-
 mus.

Quomodo
 ea interpo-
 nenda.

§. 250. Quum ergo auctoritas sit *actus*
legitimus (§. 249.) I. ea interponenda e-
 rat statim in ipso negotio * a tutore præ-
 sente, nec quidquam valebat post tem-
 pus, vel per epistolam, vel per nuncium
 interposita §. 2. *inst. h. tit. l. 9. §. 5. ff. eod.*
 II. interponi eam oportebat pure, non
 sub conditione L. 8. ff. *h. t.*

* Turbare videtur l. 25. §. 4. ff. de *acquir. her.*
 in qua *jussus præcedere: auctoritas* perfecto negotio
interponi dicitur, ubi Jac. Gothofr. ad l. 29. ff. de
reg. jur. legendum putat *profecto negotio*. Sed ni-
 hil emendatione opus. Non enim ea lex ait, du-
 dum perfecto negotio auctorem fieri posse tutorem,
 sed *perfecto negotio*, id est, simul ac iste actus ex-
 plicatus erat, a quo negotium perfectionem capie-
 bat, & substantiam. Sic e. g. in stipulatione pu-
 pillus interrogatus, congrue respondebat, eoque
 perfecto actu, tutor præsens statim interponebat
 auctoritatem. Hinc eleganter a veteribus disputa-
 tum, si mulier, quæ in tutela olim perpetua vi-
 vebat (§. 202.) per epistolam manumitteret ser-
 vum absentem, utrum a tutore auctoritas interpo-
 nenda sit, postquam mulier scripserit epistolam,

an

an postquam eam acceperit servus? Dubium enim videbatur, scriptane epistola, an postquam servus dominæ voluntatem cognorit, actus perfectus sit, & libertas peragatur (απαρτίστηται) Vid. *Fragm. e ver. Jureconsulto* §. 15. apud Schulting. *Jurisspr. ant.* p. 807.

§. 251. Auctoritas tutoris necessaria est, Quando autem quoties pupillus quid gerit, quo deterior auctoritate opposset fieri ejus conditio (§. 249.) Ex quo pupus sit? fuit axioma juris notissimum: *Meliorē facere conditionem pupillo licet, etiam sine tutoris auctoritate, deteriorē non aliter, quam auctore tutore, Princ. inst. h. t. l. 9. pr. ff. eod. l. 28. pr. ff. de pact. l. 11. ff. de acquir. rer. dom.*

§. 252. Ex quo consequitur I. ut pupillus sine tutoris auctoritate sibi stipulari (l. 9. pr. ff. h. t.) donationem, vel remissionem acceptare (l. 2. ff. de acceptil.) immo ex quocumque titulo lucrativo acquirere (l. 11. ff. de acquir. rer. dom.) non auctorem promittere, donare, remittere, alienare possit * II. Ut contractus cum pupillo inscio tutore initi non obligent pupillum, sed hic tamen ex iisdem alios habeat obligatos L. 13. §. 29. ff. de act. emt. pr. inst. h. t. Vnde & claudicare hi contractus dicuntur Doctoribus.

* Nisi pupillus factus locupletior, aut ex re nascatur obligatio. Vtroque enim casu & civiliter eum obligari æquissimum est L. 1. pr. L. 5. §. 1. ff. h. t. L. 46. ff. de obl. & act. l. 13. §. 1. ff. de cond. indeb.

§. 253. Ex eodem principio recte colligitur, III. pupillum sine auctoritate tutoris hereditatem adire non posse, quamvis lucrosa sit L. 9. §. 3. ff. hoc tit. §. 1. inst. h. tit. An hereditatem recte adeat sine auctoritate tutoris.

Tom. I.

K

tit.

tit. juncta paraphrasi Theophili, partim quia heres adeundo se creditoribus, & legatariis obligat *l. 8. pr. ff. de acquir. her.* pupillus autem ex facto suo civiliter obligari nequit *l. 46. ff. de obl. & act.* partim quia olim aditio hereditatis ob cretionem cum ea conjunctam erat actus sollemnis. Vide *Antiqu. Rom. lib. 2. tit. 17. sequ. l. 15. seq.* ad ea vero, quæ sollemnitatem juris desiderant, explicanda tutore auctore opus erat *l. 19. ff. de auct. tut.*

Tutor auctor fieri non potest in rem suam

§. 254. Denique quia tutor, auctoritate interposita, pupilli iudicium supplet [§. 248.] adeoque pupillus, & tutor veluti pro una persona agente habentur, expediti juris est axioma, *Tutor auctor fieri in rem suam non potest §. 3. inst. h. t. l. 1. pr. l. 7. pr. & §. 2. ff. h. t.*

Quid si tutor cum pupillo contrahere, vel litigare velit?

§. 255. Ex quo inferitur I. tutorem e-mere non posse res pupilli *l. 34. §. 7. ff. de cont. emt.* nisi auctione publica *l. 5. C. eod.* II. Si lis intercedat inter tutorem, & pupillum, dandum huic esse curatorem in litem * *§. 3. inst. h. t.* non, uti olim, tutorem prætorium. *Vlpian. Fragm. tit. 11. §. 24.*

* Quod tamen raro hodie contingit, quum nec creditor, nec debitor pupilli ejusdem tutelam suscipere possit *Nov. 72. cap. 1. 2. 4. Nov. 94. pref.* Si tamen lis superveniat, curator adjungitur *Nov. 72. cap. 1. 2.*

Vfus hodiernus.

§. 256. Ceterum hodie nec actus legitimus est auctoritas tutoris, adeoque doctrinæ [§. 250.] expositæ tere extra usum sunt. Nec jam amplius observatur discrimen inter pupillum infantem, & majorem

Quib. mod. tutela finit. 147
jorem infantia [§. 208.] Plerumque enim tutores , immo & curatores res majoris momenti ipsi expediunt , & raro interesse patiuntur pupillum , vel minorem , nisi fere majorennitati sit proximus.

T I T. XXII.

Quibus modis tutela finitur.

§. 257. **T**utela ideo inventa est , ut defendantur ii , qui per aetatem sua sponte se defendere nequeunt [§. 207.] Ea ergo cessante causa & tutelam finiri æquum est. Tutela quando finitur.

§. 258. Finitur itaque I. morte tum tutoris , quia mortuus vivum defendere nequit , tum pupilli , cui extincto defensione non opus est §. 3. *inst. h. tit.* Unde nec tutela ad heredes transit , nisi legitima , quamvis & in hanc non tamquam heredes , sed tamquam proximi agnati succedant tutoris , qui obiit , & pupilli propinqui L. 16. §. 1. ff. de tut. L. 46. ff. *famil. ercisc.* Finitur morte.

§. 259. Finitur II. capitis deminutione , & quidem pupilli quacumque , tutoris tantum maxima , & media * §. 1. 3. 4. *inst. h. t.* L. 14. pr. §. 1. 2. ff. de tut. L. 4. ff. de tutel. & rat. distr. Capitis deminutione.

* Pupillo capitis deminutionem quancumque passio tutela finitur . Nam siue maximam , siue mediam , siue minimam patitur , non est caput liberum (§. 203.) Tutor autem capite minutus tutor esse desinit , si vel libertatem , vel civitatem amittit.

fit, quia tutela est *munus publicum*, quod servus, vel peregrinus obire nequit (§. 205.) Capitis deminutione minima tutoris tutela in se non finitur, quia & filiusfamilias tutor esse potest (§. 205. 1.) finiebatur tamen olim tutela legitima, quia minima capitis deminutio jura agnationis tollit (§. 222.) Quum vero hodie agnatorum, & cognatorum discrimen Nov. 118. cap. 4. sublatum sit, & cognati non minus quam agnati ad tutelam legitimam vocentur (§. 221.) cognationis autem jura minima capitis deminutione non perimantur (§. 222.) hodie capitis deminutione tutoris minima tutela non amplius finitur.

Pubertate. §. 260. Finitur III. *pubertate*, de qua quum lis esset inter Proculejanos, & Cassianos, illique eam ex corporis habitu, hi ex annis æstimarent, Priscus* vero utrumque indicium pubertatis conjungendum putaret, Vlpian. *Fragm. tit. 2. §. 28.* Justinianus Cassianorum sententiam probavit, & masculorum pubertatem expleto anno XIV. puellarum anno XII. finivit * *L. fin. Cod. quando tut. esse desin. pr. inst. h. t.*

* Quamvis vero pubertate pupilli ipso jure finitur tutela, rerum tamen suarum administrationem ex constitutione D. Marci non recipiunt adolescentes, nisi constitutis curatoribus, & ita intelligenda L. 33. §. 1. ff. de administr. & per. tut. & L. 5. §. 5. ff. eod.

Existente die, vel conditione. §. 261. Porro quum tutor testamento & pure, & sub certa conditione, & in diem dari possit (§. 263. 4.) consequens est, ut IV. & *veniente die, vel existente conditione* hæc testamentaria tutela finiatur §. 2. & §. 5. *Instit. hoc tit. L. 14. §. 3. 5. ff. de tut.*

§. 262.

§. 262. Denique V. & *excusatione*, & VI. *remotione* tutelam finiri ait Imperator §. ult. *Instit. h. t. de quibus tit. 25.* & 26. erit dicendi locus.

Excusatione & remotione.

§. 263. Jam id addimus, quia tutor primario quidem personæ, secundario tamen etiam rei datur (§. 207. *) eundem, tamquam rei alienæ administratorem, finita tutela, teneri ad rationes reddendas §. 7. *Inst. de Atilian. tut.* Qui non reddit, *tutela judicio*, qui improbe compositas reddidit, & aliquid subtrahit, *actione de rationibus distrabendis*, quæ in duplum datur, in ordinem cogitur *tit. ff. de tutel. & rat. dist.* De actione tutelæ vide infra *lib. 3. tit. 28.*

Finita tutela quænam actiones competant pupillo?

§. 264. Ceterum hodie pubertate vix quidquam mutatur circa tutelam. Plerumque enim tutores qui fuerunt, eodem fere jure minores regunt usque ad majorennitatem. Cujus rei rationem explicabimus titulo insequente (§. 278.) Rationes reddendæ quotannis, & hinc quovis tempore, quando in mora est, tutor ad eas reddendas adigi potest, non tam a pupillo judicio tutelæ, quam a iudice tutelari, vel ex officio, vel ad implorationem cognatorum.

Vfus hodiernus.

T I T. XXIII.

De Curatoribus.

§. 265. **C**urator, & procurator promiscue fere accipiuntur, ut ex l. 1. *C. si tut. vel curat. interv. patet*, pluribus.

Curator quasi procurator.

ribusque exemplis demonstratum est a viro Ill. Corn. van Binkershoek *Obs. lib. 2. cap. 20.*

Curationis definitio. §. 266. Ergo curatio nihil aliud est, quam *potestas administrandi bona, & rem familiarem eorum, qui rebus suis ipsi superesse nequeunt* L. 20. & L. 8. C. de nupt.

Curatorum, & tutorum differentia. §. 267. Ex quo fluit axioma: Curator *primario rebus, personæ tantum per consequentiam datur* §. 2. *Inst. h. t.* L. 20. ff. L. 8. *Cod. de nupt.* L. 12. §. pen. ff. *de admin. tut.* Et inde consequitur I. ut curatores non, uti tutores, *auctoritatem* interponant, sed tantum *consensum* minoribus, aliquid acturis, impertiantur, II. Ut & tutorem habenti dari possit curator §. 5. *Instit. hoc tit.*

Eos accipiunt furiosi. §. 268. Quumque curatores dentur *puberibus, qui rebus suis superesse nequeunt,* (§. 266.) sequitur, ut curatores accipiant I. *Furiosi*, de quibus jam legibus 12. tabularum cautum fuerat, ut adgnatis, gentilibusque in eorum pecuniam, & facultates potestas esset * *Cic. Tusc. Quæst. lib. 3. cap. 11. de invent. lib. 2. cap. 50. §. 3. Instit. hoc tit.*

* Quamvis vero id eatenus mutatum sit jure novo, ut magistratus furiosis curatores, causa cognita, constituent L. 6. L. 13. ff. *de curat. furios.* tamen non facile is præteribit propinquos, si qui eorum habiles sint L. 13. ff. *cod. L. 5. C. cod.*

Prodigi. §. 269. Quumque a furiosis parum discrepent II. *Prodigi*, quippe furiosum facturi rerum suarum exitum l. 12. §. 2. ff. *de tut. dat.* & hi exemplo furiosorum in curatione propinquorum sunt, simul ac a præ-

prætor illis bonis est interdictum. Horat. *serm. lib. 1. Sat. 3.* Paull. *Recept. sent. lib. 3. tit. 4. §. 7. l. 10. pr. l. 15. pr. ff. de curat. furios. l. 6. de verb. obl.*

270. Quandoquidem ergo soli furiosi, & prodigi jure vetustissimo XII. tabularum curatores accipiebant, ignominiosum quodammodo videbatur, homini sanæ mentis obtrudi curatorem, eique liberam rerum suarum administrationem, & alienationem non permitti L. 2. ff. *si a parente quis manumiss.*

Hinc curatio quodammodo ignominiosa.

§. 271. Primum ergo ex lege Lætoria adolescentibus, non tantum lascivis, & dementibus [uti ex male intellecto loco Julii Capitolini *vit. M. Ant. cap. 10.* vulgo colligunt *] sed omnibus, qui petebant, curatores dari cœperunt causa cognita. *Invito enim adolescenti curatorem dari non posse*, expediti juris videbatur ob rationem [§. 270.] redditam. Tandem M. Aurelius Antoninus Imperat. omnibus adolescentibus, etiam causa non cognita, curatores dari jussit, Jul. Capitolin. *ibid.*

Quando minores curatores accipere cœperint.

* Locus Julii Capitolini talis est: *De curatoribus vero, quam ante nonnisi ex lege Lætoria, vel propter lasciviam, vel propter dementiam darentur, ita statuit, ut omnes adulti curatores acciperent non redditis causis.* Inde plerique colligunt, ex lege Lætoria tantum lascivis, & dementibus adolescentulis datos esse curatores. Sed sensus alius est. Ait enim auctor, ante M. Antonini tempora triplicem fuisse curationem, unam *minorum* ex lege Lætor a, alteram *prodigorum*, tertiam *furiosorum*. Quum vero lege Lætoria non satis prospectum videretur minoribus, quod tantum petentibus curatores dari jussit causa cognita, M. Anton-

toninum cavisse primum, 1. ut omnes adolescentes curatores acciperent: quum ex lege Lætoria tantum quidam, qui peterent, accipere solerent. 2. Ut ii curatores darentur causis etiam non redditis, quum ex lege Lætoria, si minorum curatorem peteret, prius inquirendum esset, an honesta causa sublit? num forte ob æs alienum contrahendum curator petatur? &c. Conf. *Aur. Rom.*

§. 272. Ab eo ergo tempore salvum fuit An jure novo omnes, & vetus principium, curatorem adolescentes inviti curatores accipiant. *non accipere invitos* §. 2. *Inst. de curat. sed desiderantes* l. 13. §. 2. *ff. de tut. & curat. dat. & consentientes* l. 2. §. *pen. & ult. ff. qui petant. tut. & curat.* Attamen quia tutoris administratio non prius finitur, quam constituto curatore [§. 260.*] petere jam adolescentes tenentur omnes, adeoque verum est, omnes post hanc Antonini constitutionem curatorum auxilio regi, nec eis rerum suarum administrationem committi, quamvis bene rem gerentibus * *L. i. §. ult. ff. de minor.*

* Xqde non est, quod Rævardus *Lib. 1. cap. 12.* inadvertentiæ accuset Tribonianum, quasi jus suorum temporum ignorans adolescentibus invitis curatores dari negaverit. Omnino enim curatores non invitis dabantur etiam post Antonini tempora, sed petentibus. Verum Antoninus rationem invenerat, qua adolescentes omnes adigerentur, ut peterent, quia nimirum alias rerum suarum administrationem a tutore non recipiebant (§. 260. *)

Curatores §. 273. Curatio vel legitima est, vel quotupli- *dativa*. Legitima est furiosorum, & prodigorum [§. 268. 269.] *dativa* minorum, aliorumque, qui vel ob corporis vitium, vel ob absentiam rebus suis superesse nequeunt §. 4. *Instit. hoc tit. l. 65. §. 3. ff. ad SC.*

SC. Trebell. Testamentaria non datur, quia paterfamilias legare potest de tutela, non autem de curatione suæ rei [§. 208.] Datus tamen testamento curator confirmatur §. 1. *Inst. h. t.*

§. 274. Dantur curatores ab iisdem magistratibus, a quibus tutores §. 1. *Inst. hoc tit.* Dantur omnes, qui tutores esse possunt, non ipsi, qui tutelam gesserant, si se excusent §. 18. *Instit. de excusat. tut.*

§. 275. Ut tutela pubertate, ita curatio minorum maiorenitate, id est, expleto xxv. ætatis anno * terminatur l. 1. §. ult. ff. de min. nisi minor veniam ætatis impetraverit l. 2. C. de his, qui ven. at. Furiosorum & morbo impeditorum curatio recepta valetudine l. 1. pr. ff. de cur. furios. prodigorum denique receptis sanis moribus, & sublata a prætore interdictione bonorum finitur l. 1. pr. eod.

* Inveſtum id est lege Lætoria L. 2. C. Theod. de donat. quæ ideo quinquagennaria vocatur a Plauto Pseud. Aët. 1. scen. 3. v. 68. Et videtur Lætorius cum aliis existimasse, sæculum esse terminum vitæ humanæ longissimum, & hinc primum ejus quadrantem juventuti accensuisse. Acute ita cenſer V. C. & amicissimus Nic. Hier. Gundl. ad tit. ff. de minor. xxv. ann. §. 4. & 6.

§. 276. Quemadmodum vero tutor actio-
ne tutelæ directæ [§. 263.] ita curator ^{Quæ actio adversus curatorem competat?} actio-
tuteli tutelæ judicio, etiam durante cura-
tione, ad reddendas rationes adigitur l. 3. C. arb. tut. l. 16. §. 11. l. 20. ff. de tut. & rat. distrah. Quæ enim actiones per interpretationem extensivam ob rationem eandem

dem ad similes casus producuntur , ver-
bis legis , vel edicti non expressos , ex
vocari solent *utiles §. ultim. Instit. de lege
Aquil.*

Quis actor?

§. 277. Denique quum curator veluti
procurator sit [§. 265.] procurator vero
nonnisi a domino constitui possit *l. 1. ff.
de procurat.* is, quem tutor, vel curator,
morbo vel alia necessitate coarctatus, suo
periculo, & ex decreto magistratus consti-
tuit, non procurator vel curator voca-
tur, sed ab his *actoris* nomine distingui-
tur * §. ult. *Instit. hoc tit.*

* Sed potest tamen pupillus, infante major,
quia dominus est, procuratorem, auctore tutore
constituere. Potest & ipse tutor, & curator pro-
curatorem constituere in judicio, dummodo litem
sit contestatus *L. 11. C. de procur. Rationem*, quæ
ex dominio litis fluit, reddemus *infra Lib. 4. tit.
10.*

Vfus ho-
diernus.

§. 278. Apud Germanos, gentesque a-
lias originis Germanicæ nullum fuit in-
ter tutores, & curatores discrimen; sed
tutores constituti impuberibus admini-
strationem olim ad majorennitatem usque
solebant continuare, eadem auctoritate.
Et hoc jure hodiernum fere utimur. Rem
egregie exposuit Ge. Beyer. *Dissert. sing.
de hodierna tutorum, ac curatorum diffe-
rentia*. Præterea non ubique expleto de-
mum anno xxv. majorennēs censentur ju-
venes, sed in Saxonia iis anni xxi. Ele-
ctorum, & Principum quorundam filiis
anni xviii. alibi adolescentibus anni xx.
ad res suas administrandas sufficiunt.

TIT.

T I T. XXIV.

De Satisfactione tutorum, vel
curatorum.

§. 279. **S**atisfactio vocatur cautio prestita Satisfactio
datis fidejussoribus L. 1. ff. *qui* quid, & quo-
satisf. cog. Quamvis enim alioquin haud tuplex.
 ignota sit cautio pignoratitia l. 1. §. 9. ff.
de collat. bon. juratoria l. 17. *Cod. de dign.*
& nude promissoria §. 2. *instit. de satis-*
dat. satisfactio tamen semper a prætore
 exigitur, in primis, quando incerta est
 damni imminentis æstimatio l. 7. ff. *de præ-*
tor. stipul.

§. 280. Quum ergo tutores æquæ ac cu- Tutores
 ratores res alienas administrent (§. 263.) cui tenean-
 & ideo ad rationes reddendas obstricti tur satisfac-
 sint, æquissimum est, ut utrique satisfident, re.
rem pupillo, vel adolescenti salvam fore, si
 vel ulla in eos cadat suspicio pr. *Instit. hoc*
tit. l. 1. sequ. ff. rem pup. salv. fore.

§. 281. Quumque ii tantum satisfident, Quinam
 in quos suspicio cadit (§. 280.) consequens non satisf-
 est, ut a satisfactione immunes sint I. tu- dent?
 tores testamento dati, quia paterno judi-
 cio electi idonei creduntur * l. 7. §. 5. *C.*
de curat. furios. II. a majoribus magistra-
 tibus ex inquisitione dati, quia inquisitio
 pro paterno judicio est, & pro vinculo
 cedit cautionis l. 13. §. ult. ff. *de tut. dat.*
l. 3. Cod. de tut. qui satisf. non ded. pr. Instit.
h. t.

* Vnde neque ii, qui non jure a parentibus da-
 ti, a magistratu confirmantur (§. 215.) tenentur
 satisf.

satisfidare, quia pro testamentariis habentur *L. 3. ff. de confirm. tut.* Tenentur autem ab extraneo testamento dati, & confirmati post inquisitionem (§. 216.) quia hi pro dativis habentur *L. 5. ff. eod.*

Quinam satisfidare cogantur?

§. 282. Itaque satisfidant I. legitimi omnes, præter patronos patronorumque liberos *l. 5. §. 1. ff. de legit. tut.* II. dati sine inquisitione a Magistratibus minoribus, III. tutores testamentarii, legitimi, & dativi, qui se administrationi offerunt §. 1. *inst. h. t.* Ne enim per plures tutela spargatur, quoties unus sufficit, is præfertur, qui se offert: nullo se offerente, is qui a testatore designatus est; nemine designato, qui a majore parte tutorum eligitur: nec his denique eligentibus, prætor interponit officium, unumque ex reliquis designat, satisfidaturum collegis, tamquam tutoribus honorariis *l. 3. §. 1. sequ. ff. de administ. tut.*

Quinam magistratus satisfidari jubentur?

§. 283. Ex quo porro inferendum I. satisfidationem exigi a Magistratibus, qui tutores dant sine inquisitione (§. 281. II.) *l. ult. C. de mag. conv.* Et quum caveatur datis fidejussoribus (§. 279.) fidejussio vero jure Romano per stipulationem contrahatur *l. 8. princ. ff. de fidejuss.* consequens est, II. ut pupillus, qui fieri jam cœpit, ipse sibi possit stipulari, rem suam salvam fore (§. 252. 1.) infantis vero loco servus vel proprius, vel publicus * stipuletur *l. 2. ff. rem. pup. salu. fore.*

* Servus proprius stipulatione sua acquirebat domino (§. 130. III.) §. 2. *inst. de stipul. serv.* servus vero publicus recte stipulabatur pupillo, quia erat in dominio reip. Publico vero nomine & alteri

teri stipulari licebat: L. 3. ff. de pretor. stipul. l. 2.
 §. 4. ff. ut legator. Conf. Jacob. Gothofr. ad l. 73.
 §. ult. ff. de reg. jur. pag. 322. Dicitur hujusmodi
 satisfactio facta τῷ ταβυλλάρῳ, tabulario. Theo-
 philo in §. 4. inst. de adopt. Quam locutionem ac-
 curate explicat Amaya ad l. 3. C. de tab. scrib. lo-
 graph.

§. 284. Hi dati fidejussores pro tutore Fidejusso-
 tenentur, & contra illos finita tutela a- rum obliga-
 ctio ex stipulatu datur, si tutor vel con- tio.
 veniri non possit, vel actione tutelæ pul-
 satus non sit solvendo tot. tit. ff. de fide-
 juss. & nomin.

§. 285. Si ne sic quidem rem suam con- Actio subsi-
 sequitur pupillus, etiam Magistratus, qui diaria ad-
 parum idoneos fidejussores admisit, here- versus ma-
 desve ejus, cujus dolo, vel culpa lata id gistratus.
 prætermisum fuit, in subsidium potest
 conveniri l. 1. ff. de Magistr. conv.

§. 286. Moribus hodiernis satisfactiones Vfus ho-
 alibi indistincte exiguntur, alibi extra u- diernus.
 sum sunt, quia vel jusjurandum, quod a
 tutoribus exigitur, vel possessio bonorum
 immobilium, pupillo tacite oppignorato-
 rum, eum satis securum præstare credi-
 tur. Nec actionis subsidiariæ adversus ma-
 gistratum frequentem adeo usum esse, fa-
 cile est ad intelligendum.

T I T. XXV.

De Excusatione tutorum, vel
curatorum.

§. 287. Q Vum tutela sit munus publi- Quænam
 cum (§. 204.) eadem fere caus- causæ a tu-
 sæ, quæ a munere publico tela excu-
 sent?
 per-

personali excusant, etiam excusant a tutela, & curatione. *

* Aliud de immunitate dicendum; Immunitas enim a reliquis muneribus publicis ad tutelam non porrigitur L. 17. §. 3. l. 15. §. 12. ff. h. t.

Excusatio
quid, & quo-
tuplex?

§. 288. Excusatio in sensu juridico * est exceptio vel causa, ob quam quis munus publicum, adeoque & tutelam suscipere vel non cogitur, vel prohibetur. Adeoque excusatio alia voluntaria, alia necessaria est. Illa opposita prodest, hæc etiam non opposita prohibet. Illa liberat a tutela suscipienda, hac & suscepta finitur. Vtræque ad omnes tutores pertinent, etiam legitimos B. Huber. *Prælect. instit. hoc tit.* §. 20.

* Alia ergo notione jureconsulti hoc vocabulum accipiunt, ac grammatici. His excusare est allegare causam, cur onus suscipi non debeat. Illis excusari etiam dicuntur, qui non admittuntur L. 1. §. 3. ff. de postulando. Vnde & Græci, quum verba κριταί, ἀπολογισαί, προσηλίσαι, quasi excipere, defendere, causari, huic notioni hand quadrare viderentur, vocabulum ἐξουσιάζειν, excusare ipsum, adoptare maluerunt, Harmenop. lib. 2. tit. 5. §. 6. & lib. 1. tit. 3. §. 80. Conf. Ill. Bykersh. *Obs. lib. 4. c. 11. p. 385. seq.*

Voluntaria
ob nume-
rum libero-
rum.

§. 289. Voluntaria vel privilegio nituntur l. 12. C. hoc tit. vel ob impotentiam conceduntur, vel ob existimationis periculum admittuntur. Privilegio gaudent I. qui Romæ tres, in Italia quatuor, in Provinciis quinque liberos naturales, & legitimos habent superstites * l. 1. §. 2. seq. ff. de excus. pr. inst. h. t. Qui enim adhuc in ventre sunt, liberi non magis prosunt, quam

quam adoptivi, illegitimi, & mortui, nisi quod bello amissi in perpetuum per gloriam vivere intelliguntur *pr. instit. h. t. l. 76. ff. de cond. & dem. l. ult. ff. de vacat. & excus. mun.*

* Privilegium hoc πολυκαιρίας, plurium liberorum, ex lege Papia Poppæa est anno V. C. DecLXII. (Dio Cass. lib. 56. pag. 662.) sobolis procreandæ causâ lata L. 64. §. 1. ff. de cond. & dem. Conf. Jac. Gothofr. de Lege Pap. Popp. cap. 8. p. 285.

§. 290. Simili privilegio excusantur II. Ob administrationem rei fiscalis.
qui rem fiscalem, rem dominicam, vel patrimonium Principis, tributa item & vectigalia administrant, immo & conductores fundi principalis * §. 1. *inst. hoc tit. l. 41. pr. ff. eod. l. 10. C. eod. l. ult. C. qui dar. tutor poss.*

* An etiam administratores, & conductores rerum civitatis? Diserte id negatur L. 15. §. 7. & 10. ff. h. t. L. 10. ff. de jur. fisci L. 2. de jur. reip. quia civitatibus jus fisci haud competit. Et eo jure in Frisia utimur B. Huber. *Præl. ad ff. tit. de jur. fisci* §. 2. Sed ob hanc ipsam rationem pluribus German. locis, ubi jus Saxonicum, & Lubecense viget, etiam administratores civitatum excusantur, quia jurbus fisci ibi etiam civitates, immo & nobiles, qui mero imperio gaudent perfruantur *Mev. ad jus Lubec. part. 2. tit. 2. art. 14. num. 64.* Ceterum hæc excusandi causâ hodie fere necessaria est, quia omnia horum administratorum bona jam fisco, vel civitati oppignorata sunt.

§. 291. Eodem modo excusantur III. Ob absentiam reip. causâ.
absentes reip. causâ non modo a suscepta, & suscipienda tutela, dum absunt, verum etiam a suscipienda intra annum, ex quo reverterunt §. 2. *inst. h. t. l. 10. pr. & 22. ff. eod.* Iis, qui trans mare absunt reip. causâ,

sa, vel qui domicilium Principis jussu mutarunt, & susceptam tutelam deponere licet *l. 11. §. 2. ff. de min. l. 12. §. 1. ff. h. t.*

Ob Magi- §. 292. Excusantur ob privilegium IV. stratus, & Magistratus, qui cum potestate sunt §. 3. professiones *inst. h. t.* id est, majores. Vnde non excusat ædilitas *l. 17. §. 4. ff. h. t.* Simile tamen privilegium datum Senatoribus *l. 15. §. 3. ff. hoc tit. & τοῖς ἀρχαῖοις τῶν πόλεων*, id est, duumviris *l. 6. §. 16. ff. h. t.* Denique & V. litteratores, rhetores, sophistæ, medici, jureconsulti, omnesque artium professores, qui intra numerum sunt, excusantur *l. 6. Cod. de prof. & med. modo in patria doceant sedulo l. 6. §. 6. & 9. ff. h. t.**

* Sunt & alia privilegia hujus generis, veluti ob victoriam athleticam *L. 6. §. 13. b. t. l. un. C. de athlet.* ob collegium fabrorum & pistorum *L. 17. §. 2. 3. l. 4. §. ult. ff. h. t.* ob officium mensorum frumenti *l. 28. ff. h. t.* Sed hæc nostris temporibus vix quadrant.

Ob impo- §. 293. Ob impotentiam excusant VI. tentiam. tria onera tutelæ in una domo, modo nec affectata sint, nec tenues §. 5. *Instit. hoc tit. l. 5. l. 15. §. 15. h. t.* Ponderandas enim magis esse tutelæ, quam numerandas, vel hoc indicio est, quod & una tutela paullo diffusior excusat *l. 31. §. 4. ff. hoc tit.* VII. Paupertas §. 6. *Inst. hoc tit.* VIII. Morbus, ob quem quis rebus superesse non potest §. 7. *inst. eod.* IX. Imperitia litterarum §. 8. *Inst. eod.* modo tutela non ita tenuis sit, ut & ἀναλίσθηται, elementarum litterarum ignarus, ad negotia

tia alioquin paullo solertior, ei administrandæ sufficere videatur l. 6. §. fin. ff. hoc tit. X. Senectus septuagenaria * l. 3. ff. de jur. immun. §. 15. inst. h. t. cui ne dies quidem desit l. 2. pr. ff. h. t.

* In mendo ergo cubat l. 3. Cod. qui etate, vel prof. ubi anni LV. excusare dicuntur. Vid. Cujac. ad illam legem.

§. 294. Denique ob existimationis periculum excusantur XI. qui cum patre pupilli inimicitias capitales exercuerunt §. 9. Ob inimicitias cum patre pupilli. Et II. Instit. hoc tit. non quod indulgendum sit odiis eorum, quos ne mors quidem inimicorum placat, sed quod, ut eleganter notat Vinnius, ignoscendum videatur eis, qui suspicionem sinistram hoc obrentu vitare, & antevenire remotionem cupiunt.

§. 295. Hæ sunt excusationes voluntariæ. Necessariæ Necessariis vel prohibitoriis accensentur I. Excusationes. furor, dementia, furdities, cæcitas leg. 1. §. 2. Et 3. ff. de tut. l. 3. Cod. qui dar. tut. l. un. C. qui morb. se excus. II. minorennitas §. 13. Instit. l. 10. §. 7. ff. h. t. III. militia §. 14. Instit. h. t. l. 4. C. qui dar. tut. IV. Lis cum pupillo super omnibus bonis, vel maxima eorum parte §. 4. Instit. h. t. immo hodie & quævis lis imminens ob Nov. 72. cap. 1. 2. 4. Nov. 94. pref. V. Sacerdotium, & monachatus Nov. 123. c. 3. excepta tutela legitima, quæ presbyteris tantum, & diaconis permittitur. VI. Matrimonium, quod non permittit, ut vir uxoris curam suscipiat l. 2. C. qui dari tut. l. 14. C. de cur. furios.

Tutor non
cogitur cu-
rator fieri.

§. 296. Speciatim a cura excusat tutela antea gesta [§. 274.] §. 15. *Instit. hoc tit. l. 20. Cod. eodem.* Liberto tamen, quem patronus liberorum suorum tutorem, & curatorem elegit, ea excusatio non prodest *l. 5. C. hoc tit. l. 14. §. 3. & l. 24. ff. eod.*

Excusatio-
nes allegan-
dæ.

§. 297. Quum ergo prioris generis excusationes nonnisi oppositæ profint (§. 288): consequens est, I. ut antequam opponantur, is, qui datus est, ipso jure tutor sit *l. 31. pr. ff. hoc tit.* II. Vt ad eum a tempore, quo datus est, omne periculum pertineat, si allegationes, causæ cognita, tamquam falsæ rejiciantur *leg. 1. C. si tut. vel cur. fals. alleg. excus. leg. 39. §. 6. ff. de administr. tut.* III. Vt rectissime sibi consu'at tutor, qui, simulac datus est, administrationem in se suscipit, interposita protestatione, id excusationibus fraudi non futurum.

Quomodo
allegandæ
sint?

§. 298. Quia denique excusatio est species exceptionis (§. 288.) *leg. 5. l. 8. ff. de except. l. 43. ff. de regul. jur.* consequens est, I. ut tutor datus pluribus excusationibus uti possit §. 16. *instit. hoc tit.* II. Vt tamen easdem una & simul allegare teneatur *l. 13. §. 8. ff. hoc tit.* & quidem coram tribunali *l. 25. ff. eod.* intra quinquaginta dies continuos, si intra centesimum ab urbe lapidem habitet. Alias enim 20. milliaria singulos dies dant tutori sese excusaturo, iisque adjiciuntur dies triginta, dum ne pauciores inde emergant, quam dies 50. §. 16. *Instit. hoc tit. l. 13. §. 1. ff. h. t.* III. Vt adpellatione prius uti non

non liceat, quam sequutum sit decretum refectionis * d. §. 16. *Inst. h. tit. l. 1. §. 2. ff. quando adpell.*

* Quod secus se habet in aliis muneribus publicis. *L. 1. ff. quando adpell.*

§. 299. Excusationes necessariæ hodie-
num fere omnes receptæ sunt, non item Vfus ho-
diernus.
omnes voluntariæ ubique eodem modo
admittuntur. Consulendæ ergo singularum
civitatum leges, & statuta, quæ si defi-
ciant, jus Romanum servatur. Maritus
fere omnium locorum moribus est curator
uxoris. In Saxoniâ tamen femina etiam
innuptæ subsunt curatoribus. Quæ de tem-
pore circa excusationes observando (§. 298)
dicta sunt, pene extra usum sunt, quia
raro tantum est Magistratuum nostrorum
tutelarium territorium, ut ultra centum
lapides porrigatur.

T I T. XXVI.

De suspectis tutoribus, & curatoribus.

§. 300. **Q**Uum tutela & excusatione, & Connexio-
remotione finiatur (§. 262. 6.) nis ratio.
& de illa hætenus dictum
sit, de hac dicendum erit hoc titulo.

§. 301. Removentur tutores *suspecti*. Ita Quinam tu-
vero vocantur, qui non ex fide gerunt §. 5. tores suspe-
Inst. h. t. Ex fide non gerere censentur, qui cti?
vel dolo malo, vel culpa, & negligentia
non satisfaciunt officio, licet alias solven-
do sint d. §. 5. Vnde nec paupertas quem-
quam suspectum facit, nec divitiæ a su-
spicione absolvunt *l. 8. ff. h. t. §. ult. Inst.*
epd. L 2 §. 302.

Quid crimen suspecti?

§. 302. Quum ergo inter sit reip. res pupilli salvas esse, proditum est crimen suspecti, id est, accusatio quasi publica tutoris vel curatoris, non ex fide gerentis, ad remotionem ejus, pœnamque arbitrariam infligendam comparata.

Cur dicatur quasi publicum?

§. 303. Dicitur accusatio * quasi publica §. 3. *Instit. l. 1. §. 6. ff. h. t.* quia omnibus patet. Alioquin enim nec publica est, nec coram eo, cui merum imperium est, instituitur, sed coram prætore, præside, aliisque, qui ordinariam exercent jurisdictionem, sive propriam, sive mandatam *l. 4. pr. ff. de off. ejus cui mand. jurisd.*

* Solebant Stoici uti particula *ὡσανν*, quasi, quoties aliquid non proprie, sed κατ' ἀναλογίαν, proportionem, ita dici posse innuebant. Sic animantia *ἐκ θυμίσθαι*, ἀλλ' ὡσανν θυμίσθαι *ἐκ φοβίσθαι*, ἀλλ' ὡσανν φοβίσθαι, *ὃ βλεπῖν*, ἀλλ' ὡσανν βλεπῖν, *ἀκρεῖν*, φωνεῖν, *ἐσθ*, non irasci, sed quasi irasci, non metuerē, sed quasi metuerē, non videre, sed quasi videre, audire, solum edere, & vivere, dicebant Plutarch. *de solert. animal.* Eodem exemplo jureconsulti stoicis innutriti dogmatibus (§. 18. *) non modo senatorum filios, sed & quasi senatorum filios *l. 6. §. 2. & l. 7. pr. ff. de senator.* non modo res consecratas, sed & quasi consecratas *Cic. Lib. 12. ad Attic. Epist. 19. & 35.* non tantum contractus, delicta, possessionem, traditiones, accusationes publicas, remedia possessoria, sed & quasi contractus, quasi delicta, quasi possessionem, quasi traditionem, accusationes quasi publicas, remedia quasi possessoria statuebant.

Quinam suspectos accusare possunt?

§. 304. Quum ergo hæc accusatio sit quasi publica [302.] consequens est, ut omnes possint accusare, veluti contutores *l. 3. pr. ff. h. t.* liberi *l. 3. §. 1. eodem*, immo & mulieres, quæ alias accusare nequeunt *l. 1. §. 7. ff. eod. juncta l. 1. l. 2. ff.*

de

de accus. & quidem non modo conjunctæ, sed & aliæ sexus verecundiam non egredientes * §. 3. *Instit. cod.* non tamen ipse pupillus, quamvis pubes curatorem suum ex consilio necessariorum recte accuset l. 7. ff. pr. & §. 4. *Instit. cod.*

* Immo & ex officio magistratus suspectos persequitur, quippe qui in malos homines inquirere debet L. 3. l. 13. ff. de offic. pref. Et hinc ille tutorem suspectum, quem nemo accusat, removeere potest L. 3. §. 4. ff. *cod.* Quod & hodie frequentissime fieri solet.

§. 305. Quumque reip. inter sit, rem pupilli salvam esse [§. 302.] consequens est, ut omnes tutores accusari possint l. 1. §. 5. ff. §. 2. *Instit. h. t.* etiam qui satis offerunt l. 5. l. 6. ff. & §. ult. *Instit. h. tit.* immo & legitimi; quamvis ob necessitudinem, qua pupillo juncti sunt, plerumque eorum famæ consulatur, & loco remotionis eis adjungatur curator, ne, si sanguini honor non haberetur, infamia in ipsum pupillum quodammodo redundet leg. 9. ff. *codem.*

Quinam suspecti possulentur?

§. 306. Quum porro ea accusatio ten-Modus pro-
dat ad tutoris suspecti remotionem (§. 302.) cedendi.
consequens est, I. ut accusato statim interdicens sit administratione, quoad finiatur cognitio §. 7. *Instit. h. t.* II. Ut condemnatus removeatur vel cum infamia, si vel doli §. 6. *Instit. l. ult. C. h. t.* vel culpæ latæ reus sit l. 7. §. 1. *h. t.* vel sine ignominia, si culpæ levis l. 3. §. ult. ff. l. ult. *C. h. t.* III. Ut si tutor latitet, neque alimenta decernat, pupillus in tutoris bona mitti possit * §. 9. *Instit. l. 3. §. 14. l. 7. §. 2. ff. h. t.*

Quid crimen suspecti?

§. 302. Quum ergo inter sit reip. res pupilli salvas esse, proditum est crimen suspecti, id est, accusatio quasi publica tutoris vel curatoris, non ex fide gerentis, ad remotionem ejus, pœnamque arbitrariam infligendam comparata.

Cur dicatur quasi publicum?

§. 303. Dicitur accusatio * quasi publica §. 3. *Instit. l. 1. §. 6. ff. h. t.* quia omnibus patet. Alioquin enim nec publica est, nec coram eo, cui merum imperium est, instituitur, sed coram prætore, præside, aliisque, qui ordinariam exercent jurisdictionem, sive propriam, sive mandaram *l. 4. pr. ff. de off. ejus cui mand. jurisd.*

* Solebant Stoici uti particula *ὡσανη*, quasi, quoties aliquid non proprie, sed κατ' ἀναλογίαν, proportionem, ita dici posse innuebant. Sic animantia *ἐκ θυμίσθαι, ἀλλ' ὡσανη θυμωσθαι ἐκ φοβίσθαι, ἀλλ' ὡσανη φοβισθαι, ὃ βλέπειν, ἀλλ' ὡσανη βλέπειν, ἀκρῆν, φωνῆν, ἕλω, non irasci, sed quasi irasci, non metuerē, sed quasi metuerē, non videre, sed quasi videre, audire, sonum edere, & vivere*, dicebant Plutarch. *de solert. animal.* Eodem exemplo jureconsulti stoicis innutriti dogmatibus (§. 18. *) non modo senatorum filios, sed & quasi senatorum filios *L. 6. §. 2. & l. 7. pr. ff. de senator.* non modo res consecratas, sed & quasi consecratas *Cic. Lib. 12. ad Attic. Epist. 19. & 35.* non tantum contractus, delicta, possessionem, traditiones, accusationes publicas, remedia possessoria, sed & quasi contractus, quasi delicta, quasi possessionem, quasi traditionem, accusationes quasi publicas, remedia quasi possessoria statuebant.

Quinam suspectos accusare possunt?

§. 304. Quum ergo hæc accusatio sit quasi publica [§. 302.] consequens est, ut omnes possint accusare, veluti contutores *l. 3. pr. ff. h. t. liberi l. 3. §. 1. eodem*, immo & mulieres, quæ alias accusare nequeunt *l. 1. §. 7. ff. eod. juncta l. 1. l. 2. ff.*

de

de accus. & quidem non modo conjunctæ, sed & aliæ sexus verecundiam non egredientes * §. 3. *Instit. eod.* non tamen ipse pupillus, quamvis pubes curatorem suum ex consilio necessariorum recte accuset l. 7. ff. pr. & §. 4. *Instit. eod.*

* Immo & ex officio magistratus suspectos persequitur, quippe qui in malos homines inquirere debet l. 3. l. 13. ff. de offic. pref. Et hinc ille tutorem suspectum, quem nemo accusat, remove potest l. 3. §. 4. ff. eod. Quod & hodie frequentissime fieri solet.

§. 305. Quumque reip. intersit, rem pupilli salvam esse [§. 302.] consequens est, ut omnes tutores accusari possint l. 1. §. 5. ff. §. 2. *Instit. h. t.* etiam qui satis offerunt l. 5. l. 6. ff. & §. ult. *Instit. h. tit.* immo & legitimi; quamvis ob necessitudinem, qua pupillo juncti sunt, plerumque eorum famæ consulatur, & loco remotionis eis adjungatur curator, ne, si sanguini honor non haberetur, infamia in ipsum pupillum quodammodo redundet leg. 9. ff. eod.

Quinam suspecti possuntur?

§. 306. Quum porro ea accusatio ten-Modus procedendi.
dat ad tutoris suspecti remotionem (§. 302.) consequens est, I. ut accusato statim interdicensum sit administratione, quoad finiatur cognitio §. 7. *Instit. h. t.* II. Ut condemnatus removeatur vel cum infamia, si vel doli §. 6. *Instit. l. ult. C. h. t.* vel culpæ latæ reus sit l. 7. §. 1. h. t. vel sine ignominia, si culpæ levis l. 3. §. ult. ff. l. ult. C. h. t. III. Ut si tutor latitet, neque alimenta decernat, pupillus in tutoris bona mitti possit * §. 9. *Instit. l. 3. §. 14. l. 7. §. 2. ff. h. t.*

* Et quidem non solum custodiæ causa, sed & ut alimenta pupillo inde decernantur. Inde enim est, quod, quæ mora deteriora fierent, distrahi a prætore jubentur *d. §. 9. inst. & dd. ll. ff. h. t.*

Tutor non-
numquam
extra ordi-
nem puni-
tur.

§. 307. Quum & ad poenam arbitrariam tutori infligendam agi possit (§. 302.) sequitur, IV. ut si factum atrocius in tutela, vel cura admissum sit, tutor vel curator ad præfectum urbi, id est ad magistratum, cui merum imperium est, remittatur, ut is extra ordinem pro modo delicti in hominem animadvertat §. 10. & 11. *Inst. l. 1. §. ult. ff. h. t.*

Quando
hæc accusa-
tio expiret.

§. 308. Denique quia hæc actio, quamvis in se civilis, publica tamen judicia quodammodo imitatur (§. 302.) id quoque inde sequitur, V. ut mortuo ante sententiam reo, vel tutela interea quocumque modo finita, id crimen extinguatur §. 8. *Inst. l. pen. ff. l. 1. C. h. t.* Neque enim finita tutela, opus est hoc remedio, quum per actionem tutelæ pupillo satis prospectum sit (§. 263.)

Vfus ho-
diernus.

§. 309. Quia vero hodie quotannis rationes exiguntur, & hinc etiam ante tutelam finitam tutor ad eas reddendas adigi potest (§. 264.) hinc non tam quotidianæ sunt suspectorum accusationes, ac tempore Vlpiani *l. 1. pr. ff. hoc tit.* Vide Mynsing. *ad pr. Inst. h. t.*

**JVS NEAPOLITANVM SCRIPTVM AC NON
SCRIPTVM DE PVPILLIS, ET MINORI-
BUS PARTICVLATIM EXPLICATVR.**

I. Nunc e re est, conferre capi-
ta omnia nostri Juris Neapolitani de Pu-
pillis, & Minoribus. Verum recte se-
habeat oratio, si I. paucis perstrin-
gam, quæ Tituli præcedentes Institu-
tionum Juris Romani late exhibent de
Tutoribus, & Curatoribus, II. quæ de
iisdem caver Jus Neapolitanum, III. quæ
ad restitutionem in integrum pertinent
pro eo ac a nostris Legislatores mi-
norum utilitati prospectum.

II. Ac sane summam eorum, quæ præ-
cedentibus Titulis de Tutelis, & Cura-
tionibus explicantur, in hunc modum com-
prehendi posse ajo. I. tene tutelam defi-
niri, ejusque triplex genus designari, nem-
pe *Testamentariam*, *Legitimam*, & *Dati-
vam*, cujusque jura, ac nomina proponi,
atque his subnecti modos, quibus aucto-
ritas tutorum, & tutela ipsa finitur. II.
de Curatoribus agi, quos leges Romanæ
statuerunt, ut prodigorum, furiosorum,
dementium, eorumque, qui minores essent
annis xxv. commodo, utilitatique con-
suleretur. III. Communia tutelarum, &
curationum exhiberi, quibus ea adsequi-
mur, quæ scitu necessaria sunt, ut con-
stet Jus omne de satisfactionibus, excu-
sationibus, ac suspicionibus tutorum, aut

personali excusant, etiam excusant a tutela, & curatione. *

* Aliud de immunitate dicendum; Immunitas enim a reliquis muneribus publicis ad tutelam non porrigitur *L. 17. §. 3. l. 15. §. 12. ff. b. t.*

Excusatio
quid, & quo-
tuplex?

§. 288. Excusatio in sensu juridico * est exceptio vel caussa, ob quam quis munus publicum, adeoque & tutelam suscipere vel non cogitur, vel prohibetur. Adeoque excusatio alia voluntaria, alia necessaria est. Illa opposita prodest, hæc etiam non opposita prohibet. Illa liberat a tutela suscipienda, hac & suscepta finitur. Vtræque ad omnes tutores pertinent, etiam legitimos *B. Huber. Praelect. instit. hoc tit. §. 20.*

* Alia ergo notione jureconsulti hoc vocabulum accipiunt, ac grammatici. His excusare est allegare causam, cur onus suscipi non debeat. Illis excusari etiam dicuntur, qui non admittuntur *L. 1. §. 3. ff. de postulando*. Unde & Græci, quum verba *κρυπταίσα, ἀποδυνάται, προφυλάττειν*, quasi excipere, defendere, caussari, huic notioni haud quadrare viderentur, vocabulum *ἐκκυσσάμεν*, excusare ipsum, adoptare maluerunt, *Harmenop. lib. 2. tit. 5. §. 6. & lib. 1. tit. 3. §. 80. Conf. Ill. Bynkersh. Obs. lib. 4. c. 11. p. 385. seq.*

Voluntaria
ob nume-
rum libero-
rum.

§. 289. Voluntaria vel privilegio nituntur *l. 12. C. hoc tit.* vel ob impotentiam conceduntur, vel ob existimationis periculum admittuntur. Privilegio gaudent I. qui Romæ tres, in Italia quatuor, in Provinciis quinque liberos naturales, & legitimos habent superstites * *l. 1. §. 2. seq. ff. de excus. pr. inst. h. t.* Qui enim adhuc in ventre sunt, liberi non magis prosunt, quam

quam adoptivi, illegitimi, & mortui, nisi quod bello amissi in perpetuum per gloriam vivere intelliguntur *pr. instit. h. t. l. 76. ff. de cond. & dem. l. ult. ff. de vacat. & excus. mun.*

* Privilegium hoc πολυπικιδιαις, plurium liberorum, ex lege Papia Poppæa est anno V. C. DCLXII. (Dio Cass. lib. 56. pag. 662.) sobolis procreandæ causâ lata L. 64. §. 1. ff. de cond. & dem. Conf. Jac. Gothofr. de Lege Pap. Popp. cap. 8. p. 285.

§. 290. Simili privilegio excusantur II. Ob administrationem rei fiscalis. qui rem fiscalem, rem dominicam, vel patrimonium Principis, tributa item & vectigalia administrant, immo & conductores fundi principalis * §. 1. *inst. hoc tit. l. 41. pr. ff. eod. l. 10. C. eod. l. ult. C. qui dar. tutor poss.*

* An etiam administratores, & conductores rerum civitatis? Diserte id negatur L. 15. §. 7. & 10. ff. h. t. L. 10. ff. de jur. fisci L. 2. de jur. reip. quia civitatibus jus fisci haud competit. Et eo jure in Frisia utimur B. Huber. *Præl. ad ff. tit. de jur. fisci* §. 2. Sed ob hanc ipsam rationem pluribus German. locis, ubi jus Saxonicum, & Lubecense viget, etiam administratores civitatum excusantur, quia jûribus fisci ibi etiam civitates, immo & nobiles, qui mero imperio gaudent perfruuntur *Mev. ad jus Lubec. part. 2. tit. 2. art. 14. num. 64.* Ceterum hæc excusandi causâ hodie fere necessaria est, quia omnia horum administratorum bona jam fisco, vel civitati oppignorata sunt.

§. 291. Eodem modo excusantur III. Ob absentiam reip. causâ. & suscipienda tutela, dum absunt, verum etiam a suscipienda intra annum, ex quo reverterunt §. 2. *inst. h. t. l. 10. pr. & 22. ff. eod. l. 15.* Iis, qui trans mare absunt reip. causâ,

sa, vel qui domicilium Principis jussu mutarunt, & susceptam tutelam deponere licet *l. 11. §. 2. ff. de min. l. 12. §. 1. ff. h. t.*

Ob Magi- §. 292. Excusantur ob privilegium IV.
stratus, & Magistratus, qui cum potestate sunt §. 3.
professiones *inst. h. t.* id est, majores. Vnde non excu-

sat ædilitas *l. 17. §. 4. ff. h. t.* Simile tamen privilegium datum Senatoribus *l. 15. §. 3. ff. hoc tit. & τοις ἀρχαῖσι τῶν πολιτῶν*, id est, *duumviris l. 6. §. 16. ff. h. t.* Denique & V. litteratores, rhetores, sophistæ, medici, jureconsulti, omnesque artium professores, qui intra numerum sunt, excusantur *l. 6. Cod. de prof. & med. modo in patria doceant sedulo l. 6. §. 6. & 9. ff. h. t. **

* Sunt & alia privilegia hujus generis, veluti ob victoriam athleticam *L. 6. §. 13. h. t. l. un. C. de athlet.* ob collegium fabrorum & pistorum *L. 17. §. 2. 3. l. 4. §. ult. ff. h. t.* ob officium mensorum frumenti *l. 18. ff. h. t.* Sed hæc nostris temporibus vix quadrant.

Ob impo- §. 293. Ob impotentiam excusant VI.
tentiam. tria onera tutelæ in una domo, modo nec affectata sint, nec tenues §. 5. *Instit. hoc tit. l. 5. l. 15. §. 15. h. t.* Ponderandas enim magis esse tutelæ, quam numerandas, vel hoc indicio est, quod & una tutela paullo diffusior excusat *l. 31. §. 4. ff. hoc tit.* VII. Paupertas §. 6. *Instit. hoc tit.* VIII. Morbus, ob quem quis rebus superesse non potest §. 7. *inst. eod.* IX. Imperitia litterarum §. 8. *Inst. eod.* modo tutela non ita tenuis sit, ut & ἀναλυσθησῇ, *elementariarum litterarum ignarus*, ad negotia
tia

tia alioquin paullo solertior, ei administrandæ sufficere videatur l. 6. §. fin. ff. hoc tit. X. Senectus septuagenaria * l. 3. ff. de jur. immun. §. 15. inst. h. t. cui ne dies quidem desit l. 2. pr. ff. h. t.

* In mendo ergo cubat l. 3. Cod. qui etate, vel prof. ubi anni LV. excusare dicuntur. Vid. Cujac. ad illam legem.

§. 294. Denique ob existimationis periculum excusantur XI. qui cum patre pupilli inimicitias capitales exercuerunt §. 9. Ob inimicitias cum patre pupilli. *Instit. hoc tit.* non quod indulgendum sit odiis eorum, quos ne mors quidem inimicorum placat, sed quod, ut eleganter notat Vinnius, ignoscendum videatur eis, qui suspicionem sinistram hoc obtentu vitare, & antevenire remotionem cupiunt.

§. 295. Hæ sunt excusationes voluntariæ. *Necessariis vel prohibitoriis* accensentur I. Excusationes. furor, dementia, surditates, cæcitas leg. l. 1. §. 2. & 3. ff. de tut. l. 3. Cod. qui dar. tut. l. un. C. qui morb. se excus. II. minorennitas §. 13. *Instit.* l. 10. §. 7. ff. h. t. III. militia §. 14. *Instit.* h. t. l. 4. C. qui dar. tut. IV. Lis cum pupillo super omnibus bonis, vel maxima eorum parte §. 4. *Instit.* h. t. immo hodie & quævis lis imminens ob Nov. 72. cap. 1. 2. 4. Nov. 94. præf. V. Sacerdotium, & monachatus Nov. 123. c. 5. excepta tutela legitima, quæ presbyteris tantum, & diaconis permittitur. VI. Matrimonium, quod non permittit, ut vir uxoris curam suscipiat l. 2. C. qui dari tut. l. 14. C. de cur. furios.

Tutor non cogitur curatorem fieri. §. 296. Speciatim a cura excusat tutela antea gesta [§. 274.] §. 15. *Instit. hoc tit. l. 20. Cod. eodem.* Liberto tamen, quem patronus liberorum suorum tutorem, & curatorem elegit, ea excusatio non prodest *l. 5. C. hoc tit. l. 14. §. 3. & l. 24. ff. eod.*

Excusationes alleganda. §. 297. Quum ergo prioris generis excusationes nonnisi oppositæ profint (§. 288): consequens est, I. ut antequam opponantur, is, qui datus est, ipso jure tutor sit *l. 31. pr. ff. hoc tit.* II. Ut ad eum a tempore, quo datus est, omne periculum pertineat, si allegationes, causæ cognita, tamquam falsæ rejiciantur *leg. 1. C. si tut. vel cur. fals. alleg. excus. leg. 39. §. 6. ff. de administr. tut.* III. Ut rectissime sibi consu'at tutor, qui, simulac datus est, administrationem in se suscipit, interposita protestatione, id excusationibus fraudi non futurum.

Quomodo allegandæ sint? §. 298. Quia denique excusatio est species exceptionis (§. 288.) *leg. 5. l. 8. ff. de except. l. 43. ff. de regul. jur.* consequens est, I. ut tutor datus pluribus excusationibus uti possit §. 16. *instit. hoc tit.* II. Ut tamen easdem una & simul allegare teneatur *l. 13. §. 8. ff. hoc tit.* & quidem coram tribunali *l. 25. ff. eod.* intra quinquaginta dies continuos, si intra centesimum ab urbe lapidem habitet. Alias enim 20. milliaria singulos dies dant tutori sese excusaturo, iisque adjiciuntur dies triginta, dum ne pauciores inde emergant, quam dies 50. §. 16. *Instit. hoc tit. l. 13. §. 1. ff. h. t.* III. Ut adpellatione prius uti non

non liceat, quam sequutum sit decretum refectionis * d. §. 16. *Inst. h. tit. l. 1. §. 2. ff. quando adpell.*

* Quod secus se habet in aliis muneribus publicis L. 1. ff. *quando adpell.*

§. 299. Excusationes necessariae hodie-
num fere omnes receptae sunt, non item Vfus ho-
diernus.
omnes voluntariae ubique eodem modo
admittuntur. Consulendae ergo singularum
civitatum leges, & statuta, quae si defi-
ciant, jus Romanum servatur. Maritus
fere omnium locorum moribus est curator
uxoris. In Saxonia tamen feminae etiam
innuptae subsunt curatoribus. Quae de tem-
pore circa excusationes observando (§. 298)
dicta sunt, pene extra usum sunt, quia
raro tantum est Magistratuum nostrorum
tutelarium territorium, ut ultra centum
lapides porrigatur.

T I T. XXVI.

De suspectis tutoribus, & curatoribus.

§. 300. **Q**Uum tutela & excusatione, & Connexio-
remotione finiatur (§. 262. 6.) nis ratio.
& de illa haec dictum
sit, de hac dicendum erit hoc titulo.

§. 301. Removentur tutores *suspecti*. Ita Quinam tu-
vero vocantur, qui non ex fide gerunt §. 5. tores suspe-
Inst. h. t. Ex fide non gerere censentur, qui et?
vel dolo malo, vel culpa, & negligentia
non satisfaciunt officio, licet alias solven-
do sint d. §. 5. Vnde nec paupertas quem-
quam suspectum facit, nec divitiae a su-
spicione absolvunt l. 8. ff. h. t. §. ult. *Inst.*
eqd. L 2 §. 302.

Quid cri-
men suspe-
cti?

§. 302. Quum ergo inter sit reip. res pu-
illi salvas esse, proditum est crimen su-
specti, id est, accusatio quasi publica tuto-
ris vel curatoris, non ex fide gerentis, ad
remotionem ejus, pœnamque arbitrariam in-
figendam comparata.

Cur dicatur
quasi publi-
cum?

§. 303. Dicitur accusatio * quasi publica
§. 3. *Instit. l. 1. §. 6. ff. h. t.* quia omnibus
patet. Alioquin enim nec publica est,
nec coram eo, cui merum imperium est,
instituitur, sed coram prætore, præside,
aliisque, qui ordinariam exercent jurisdic-
tionem, sive propriam, sive mandaram
l. 4. pr. ff. de off. ejus cui mand. jurisd.

* Solebant Stoici uti particula *ὡσανν*, quasi, quo-
ties aliquid non proprie, sed κατ' ἀναλογίαν, pro-
portione, ita dici posse innuebant. Sic animantia
ἐκ θυμίσσσαι, ἀλλ' ὡσανν θυμίσσσαι ἐκ φοβίσσσαι,
ἀλλ' ὡσανν φοβίσσσαι, ἢ βλέπειν, ἀλλ' ὡσανν
βλέπειν, ἀκούειν, φωνεῖν, ἔλω, non irasci,
sed quasi irasci, non metuerе, sed quasi metue-
re, non videre, sed quasi videre, audire, so-
num edere, & vivere, dicebant Plutarch. *de solert.*
animal. Eodem exemplo jureconsulti stoicis innu-
triti dogmatibus (§. 18. *) non modo senatorum
filios, sed & quasi senatorum filios *l. 6. §. 2. & l.*
7. pr. ff. de senator. non modo res consecratas, sed
& quasi consecratas *Cic. Lib. 12. ad Attic. Epist. 19.*
& 35. non tantum contractus, delicta, possessio-
nem, traditiones, accusationes publicas, remedia
possessoria, sed & quasi contractus, quasi delicta,
quasi possessionem, quasi traditionem, accusationes
quasi publicas, remedia quasi possessoria statuebant.

Quinam su-
spectos ac-
cusare pos-
sunt?

§. 304. Quum ergo hæc accusatio sit
quasi publica [302.] consequens est, ut
omnes possint accusare, veluti contuto-
res *l. 3. pr. ff. h. t.* liberi *l. 3. §. 1. eodem,*
immo & mulieres, quæ alias accusare ne-
queunt *l. 1. §. 7. ff. eod. juncta l. 1. l. 2. ff.*

de accus. & quidem non modo conjunctæ, sed & aliæ sexus verecundiam non egredientes * §. 3. *Instit. cod.* non tamen ipse pupillus, quamvis pubes curatorem suum ex consilio necessariorum recte accuset l. 7. ff. pr. & §. 4. *Instit. cod.*

* Immo & ex officio magistratus suspectos persequitur, quippe qui in malos homines inquirere debet L. 3. l. 13. ff. de offic. pref. Et hinc ille tutorem suspectum, quem nemo accusat, removeere potest L. 3. §. 4. ff. *cod.* Quod & hodie frequentissime fieri solet.

§. 305. Quumque reip. intersit, rem pupilli salvam esse [§. 302.] consequens est, ut omnes tutores accusari possint l. 1. §. 5. ff. §. 2. *Instit. h. t.* etiam qui satis offerunt l. 5. l. 6. ff. & §. ult. *Instit. h. tit.* immo & legitimi; quamvis ob necessitudinem, qua pupillo juncti sunt, plerumque eorum famæ consulatur, & loco remotionis eis adjungatur curator, ne, si sanguini honor non haberetur, infamia in ipsum pupillum quodammodo redundet leg. 9. ff. *codem.*

Quinam suspecti possulentur?

§. 306. Quum porro ea accusatio ten-
dat ad tutoris suspecti remotionem (§. 302.)
consequens est, I. ut accusato statim interdicens sit administratione, quoad finiatur cognitio §. 7. *Instit. h. t.* II. Ut condemnatus removeatur vel cum infamia, si vel doli §. 6. *Instit. l. ult. C. h. t.* vel culpæ latæ reus sit l. 7. §. 1. *h. t.* vel sine ignominia, si culpæ levis l. 3. §. ult. ff. l. ult. *C. h. t.* III. Ut si tutor latitet, neque alimenta decernat, pupillus in tutoris bona mitti possit * §. 9. *Instit. l. 3. §. 14. l. 7. §. 2. ff. h. t.*

Modus procedendi.

* Et quidem non solum custodiæ causa, sed & ut alimenta pupillo inde decernantur. Inde enim est, quod, quæ mora deteriora fierent, distrahi a prætore jubentur *d. §. 9. inst. & dd. ll. ff. h. t.*

Tutor non-
numquam
extra ordi-
nem puni-
tur.

§. 307. Quum & ad pœnam arbitrariam tutori infligendam agi possit (§. 302.) sequitur, IV. ut si factum atrocius in tutela, vel cura admissum sit, tutor vel curator ad præfectum urbi, id est ad magistratum, cui merum imperium est, remittatur, ut is extra ordinem pro modo delicti in hominem animadvertat §. 10. & 11. *Inst. l. 1. §. ult. ff. h. t.*

Quando
hæc accusa-
tio expiret.

§. 308. Denique quia hæc actio, quamvis in se civilis, publica tamen judicia quodammodo imitatur (§. 302.) id quoque inde sequitur, V. ut mortuo ante sententiam reo, vel tutela interea quocumque modo finita, id crimen extinguatur §. 8. *Inst. l. pen. ff. l. 1. C. h. t.* Neque enim finita tutela, opus est hoc remedio, quum per actionem tutelæ pupillo satis prospectum sit (§. 263.)

Vfus ho-
diernus.

§. 309. Quia vero hodie quotannis rationes exiguntur, & hinc etiam ante tutelam finitam tutor ad eas reddendas adigi potest (§. 264.) hinc non tam quotidianæ sunt suspectorum accusationes, ac tempore Vlpiani *l. 1. pr. ff. hoc tit.* Vide Mynsing. *ad pr. Inst. h. t.*

JUS NEAPOLITANVM SCRIPTVM AC NON
SCRIPTVM DE PVPILLIS, ET MINORI-
BUS PARTICVLATIM EXPLICATVR.

I. Nunc e re est, conferre capi-
ta omnia nostri Juris Neapolitani de Pu-
pillis, & Minoribus. Verum recte se
habeat oratio, si I. paucis perstrin-
gam, quæ Tituli præcedentes Institu-
tionum Juris Romani late exhibent de
Tutoribus, & Curatoribus, II. quæ de
iisdem cavet Jus Neapolitanum, III. quæ
ad restitutionem in integrum pertinent
pro eo ac a nostris Legislatoribus mi-
norum utilitati prospectum.

II. Ac sane summam eorum, quæ præ-
cedentibus Titulis de Tutelis, & Cura-
tionibus explicantur, in hunc modum com-
prehendi posse ajo. I. tene tutelam defi-
niri, ejusque triplex genus designari, nem-
pe *Testamentariam*, *Legitimam*, & *Dati-
vam*, cujusque jura, ac nomina proponi,
atque his subnecti modos, quibus aucto-
ritas tutorum, & tutela ipsa finitur. II.
de Curatoribus agi, quos leges Romanæ
statuerunt, ut prodigorum, furiosorum,
dementium, eorumque, qui minores essent
annis xxv. commodo, utilitatique con-
suleretur. III. Communia tutelarum, &
curationum exhiberi, quibus ea adsequi-
mur, quæ scitu necessaria sunt, ut con-
stet Jus omne de satisfactionibus, excu-
sationibus, ac suspicionibus tutorum, aut

curatorum. His omnibus de tutoribus, & curatoribus oratio continetur. At quæres heic, an eadem apud nos servantur? Equidem ferme omnia servari repono, ferme inquam, quandoquidem excipiendæ sunt paucæ quædam peculiæ nostræ Juris sententiæ, quas mox pedetentim enarrabo.

III. Et primum quidem animadvertito, hodie quasvis tutelas, & curationes legitimas dici, easque deficere, ubi pro regulis juris infirmantur nullo adhibito vocum *Capitis deminutionis, fiducia &c.* discrimine, cum jamdiu exsoleverint. Accedit differentia nostræ juris a Romano haud levis momenti in minorum ætate definienda. Nam Jus Romanum majores definit esse, qui vigesimum quintum annum exceßerunt; At Fridericus Imperator in *Constitutione Minorum Jura De Restitutione Minorum* ætatem minorum cum masculis tum feminis statuit esse annorum XVIII. *Minores autem* (sunt Friderici verba) *tam masculos, quam feminas intelligimus eos, easve, qui vel quæ nondum ætatis suæ decimum octavum annum exceßerint; quo completo ipsos tam in contractibus, quam in judiciis, & in omnibus perfectæ ætatis volumus reputari.* Quæ in re secutus Fridericus Jus Langobardorum; Langobardi enim, qui diu in nostris regionibus imperarunt, induxerunt, ut minor ætas tam in masculis, quam in feminis anno decimo octavo terminaretur, uti liquet ex Titulo *Leg. Lang. De prohibita alienatione Minorum.* En quid de Minorum ætate differat Jus
Nca-

Neapolitanum a Romano. Atqui consonat utrumque Jus in eo, quod apud nos servatur etiam regula illa Juris Romani, in ætate definienda a momento in momentum tempus spectari *l. 3. §. minorem ff. de minoribus*. Quamobrem locus non est ei regulæ, diem captum haberi pro pleno, quod in honoribus favoris causa constitutum esse scribit Jctus in *l. 6. de Muneribus, & honoribus*. Igitur maiores dici putata eos, qui anni deciminoni dies numerare incipiunt. Quoniam vero Fridericus Imp. in citata Constitutione minorum nomine videtur intelligere cum majores, tum etiam pupillos, quod tutorum, & curatorum mentionem nullo discrimine is faciat, haud abs re colligere est, Jure Neapolitano tanti non haberi in nominibus pupillorum, & minorum discrimen, quemadmodum in usu fuit apud Romanos. Quod profecto adnotatione mihi dignum videtur, ut causam intelligas, eccur Interpretes, qui Fridericum sunt secuti, Tutorum, ac Curatorum nomina non adeo distinxerunt, ut teneri nunc opus sit, tutores pupillis; minoribus curatores omnino respondere, itemque minores eos nominari oportere, qui pupillarem ætatem excesserunt, cum & pupilli minores nuncupentur.

IV. Habent etiam suos tutores, & curatores in hoc Regno Minores Feudatarii, de quibus heic agendum. Sed feudatariorum tutores, ac curatores Bajuli in constitutionibus nostris appellantur, veluti in Cap. Regni in aliquibus, item statui-

mus,

mus, *feudatarius*, & in Constitutione *si quando*. Ac plane antiquissimus est *bajulorum* usus. Etenim ex Scriptoribus Byzantinis colligitur, Constantinopoli dignitatem *Magni Bajuli* extitisse, cui filiorum Imperatoris curam mandari moris fuit. Idem vocabulum sibi a Græcis fortasse arripuerunt Langobardi, uti recte sibi persuasisse videntur Meursius in *Glossario*, Fabrotus ad *Cedrenum*, & Gangius in *Glossar. ad Wilhel.* atque ab his ad nos translatum. Vt scilicet minorum feudatiorum dignitas ab illa eorum, qui feudis carerent vel vocabulorum istorum Tutoris, ac Bajuli adhibita differentia luculenter appareret. Scio tamen hodie nequaquam Bajulos minorum feudatiorum tutores, & curatores vocari, cum proprie Balii dicantur. Idque potissimum profectum putant nonnulli ab ingenio posterioris ævi Scriptorum, ac nostrorum Principum, quibus porro placuit Bajulos, sive Balios appellare inferiores Judices, Balios tutores, uti patet in libris *Constitutionum Sicularum*.

V. De Baliis tres leges habent Codices Juris Neapolitani. At equidem antiquiorem tantum describam; quamvis duarum aliarum sententias, ubi oportebit, complectar. Antiquior plane lex de Baliis est illa Friderici Imperatoris, quæ incipit *Minoribus* sub Tit. *De Jure Balii*, cujus hæc sunt verba: *Minoribus, qui atatis suæ suffragio juvari non possunt, imperiali remedio providentes statuimus, si quando Balium impuberum masculorum, aut seminarum geren-*

rendum alicui serenitas nostra concesserit. Hi qui balium gesserint pupillorum, postquam balium ipsum pubertate superveniente dimiserit, de administratione balii reddere debeant rationem presente Justitiario regionum, aut alio, cui hoc specialiter dixerimus delegandum: Ita videlicet, quod deducto eo, quod Curia pro ipso Balio, prout moris est, dederit, necnon deductis justis, & moderatis expensis, quas pro victu, & vestitu suo, & quas in persona, aut rebus pueri, vel pro servitio debito Curie nostrae de his, quæ minor tenet, ipsum Balium fecisse constabit: Reliqua pupillo integra reddere teneatur. Quod si fraudulenter cum res minoris administrasse fuerit manifeste compertum, omne damnum quandocumque per fraudem ipsam pupillo contigerit, eidem de rebus suis resarcire cogatur, & tantumdem sacris nostris largitionibus inferre, prava consuetudine, quæ hætenus balios a rationciniis eximebat, in posterum quiescente. Hæc Friderici Constitutio de Baliis perbelle exponit & quæ ad balios pertinent, & quid distent a Tutoribus Balii. Ac sane I. Tutores recipiunt privatorum, & inferioris gradus hominum filii, Balios filii Comitum, Baronum, & Militum. Hinc uti tutor pupillo datur, & per accessionem bonis omnibus, ita Balius pupillo, & per accessionem bonis feudalibus. Quinimmo si quis *burgensatica* simul, & feudalibus bona habeat, solus balius datur, cum *burgensatica* in accessionem veniant. Nimirum quæ digniora sunt minus digna ad se trahunt. Ne vero dicas tale onus baliis

liis imponi nulla legis auctoritate, ad-
 vertas volo in Friderici Constitutione *res*
minoris haud semel nominari; quo nomi-
 ne tum *burgensatica*, tum feudalia bona
 comprehendi omnino tene, modo feuda-
 libus accedant, cum rei appellatio latif-
 sima in Jure sit. Idque plenissime probat
 Afflictus ad *laud. constit.* quandoquidem
 ita servatum suo tempore scribit, ut Ba-
 lius feudalia, & non feudalia bona curaret.
 Atque ab his baliis Jure Langobardorum
 feminas inferioris gradus immunes fuisse
 constat; Nam hæ sive pupillæ, sive a-
 dultæ, sive sexagenariæ Mundualdos ac-
 cipiebant, qui tutorum, & curatorum
 loco illis erant, quibus ne inficeris tu-
 tores, sive curatores successisse, ut nem-
 pe essent, qui secundum veterum Roma-
 norum instituta res minorum curarent. II.
 Tutores, si non sint testamento dari, a
 quolibet ordinario Judice dari posse civi-
 les leges statuunt, secus vero id esse no-
 stro Jure de Baliis existimato, quando-
 quidem Balii non nisi a Rege dari debent.
 Sed ex verbis illis *si quando balium serenitas*
nostra concesserit, bene infert Afflictus,
 non semper a Rege Balium designari, sed
 posse etiã a Comite ipso, vel Barone
 testamento dari; Quod diserte expres-
 sit Carolus II. in Capitulo *Feudatariis*.
 Quo casu nulla est opus venia, aut Regis
 confirmatione, tanti enim est judicium
 paternum. Quid si Comes intestatus dece-
 dat? Et *Curiam* balium eligere debere de
 proximis, & defuncto conjunctis magis i-
 doneum cavet Carolus II. Verum his sem-

per

per præferenda honesta, & sobria mater, modo a secundis nuptiis eadem sese abstineat. Igitur facultas est patri, imo & patruo testamento balium filio, vel nepoti designare. Sin autem is desit, Regis erit Balium nominare. Verum matris ne quoq. erit filio balium dare, si umquam feudi novi hereditatem filio suo deferat? Non desunt, qui negant. Sunt tamen, qui affirmant. Et recte hi quidem. Nam si rem transigere velimus secundum regulas Juris Romani, profecto habetur, Romanos concessisse Matribus filiis tutores dare, quos sc. heredes instituebant hac lege, ut iidem a Magistratu confirmarentur. Hinc incongruum, atque a recto jure absonum videri non debet, ut apud nos mater feudataria det balium minori filio, cui feudum, quod ipsamet adquisivit, testamento relinquat. Quamobrem est, cur commendes morem, qui hodieum servatur. Etenim permittitur matri administratorem constituere, ubi relinquit minorem filium heredem, quamvis ceteris præferatur in hujusmodi administratione pater, si supersit, uti receptum quoque fuit apud Romanos; modo ulla non adsit causa, qua pro jure pater ab ejusmodi administratione abstinetur. Adi omnino *De Franchis Decif. 10. & Afflictis ad Constitut. Minoribus. III.* Si Balii cum fraude in administratione versati sint, non solum debent pupillis, quantum detrimenti ex eorum fraude pupilli ceperint; uti Jus Romanum statuit, sed & tantumdem inferre Regiæ Curia, ac finito demum baliatu reddere admi-

ministrationis suis rationem . Ita habet laudata Constitutio Friderici . Quæ illud porro addit , deducendas esse expensas , quas balius pro victu , & vestitu suo fecit . Immo ex verbis Constitutionis colligunt optimi Interpretes , certum *salarium* constitui a Judice posse , nisi ab eo , qui balium dat , decernatur . Atqui id nequaquam obtinet Jure civili , cum leges Romanæ non sinant quid a tutore *pro victu* recipi posse ; Nam vix tantum inopi , ac probo tutori tribui ex Tit. *De Excusat. Tutorum, vel Curatorum* compertum est annuam alimentorum causa quantitatem excipere causa a Judice cognita . IV. Ait Constitutio , dimitti Balium pubertate superveniente . Id ita intelligit post Iserniam Afflictus , ut non modo marium , sed & seminarum baliatus anno xiv. exacto finiatur , quemadmodum de tutela dicitur . Verum successit Pragmatica II. *De Minoribus* , qua cautum , ut minores usque ad 18. annum Balios haberent exceptis feminis ante eum annum nubentibus . Verum si feudataria adhuc minor vidua evadat , iterum curæ balii suberit , uti advertit Andreas de Isernia ad *Constit. Minorum* , & Grammaticus *Decis. LIV.* V. Jure Romano plures tutores dari nequeunt , cum bona existent intra centum lapides ; At ex *Capit. Imperialem Tit. De Prohibita Feudi alienatione §. si quis* docent interpretes , ac præsertim Capycius posse plures balios constitui , si umquam feuda tum numero , tum latissimis finibus ab uno administrari nequeant . Immo ob hanc cau-

causam Auctore de Curte ad laud. cap. lex minime vetat, duos balios admitti, quorum alter *Allodialium*, alter feudaliū bonorum curam gerat, si unius tantum opera minoris bona isthæc omnia rite administrari possint. Ad ultimum si quis aut morte, aut alio legitimo modo, nempe ob justam suspicionem balius esse desinit, per eum gesta successor rata habere debet, ne majoris detrimenti sit res minori feudatario futura. Qua de re vide-sis De Marinis *Lib. 1. Resol.* En quæ Baliis Constitutione Friderici, Caroli Capitulo, & Pragmatica *De Minoribus* comprehenduntur. Jam dicam de satisfactione tutorum sive curatorum, ac baliorum, atque minorum in integrum restitutione. Ac de satisfactione breviter, de Restitutione fufius agam.

- VI. Et quod quidem ad satisfactionem pertinet, illud constat tutores, ac balios cogi, antequam tutelam, aut baliatum suscipiant inventarium conficere, atque post finem sui muneris susceptæ administrationis rationes reddere. Hinc si quis negligat inventarium facere, profecto in fraude esse præsumitur. Itaque ubi recte sese gesserit tutor, aut balius, liber quisque erit a quacumque actione, sin secus a tutore, aut balio, eorumve heredibus, si iidem defuncti sint, erit pro jure Romano satisfaciendum ei, cujus tutelam, aut baliatum gesserunt. Ne autem inutile sit post finem tutelæ peti, quidquid debetur, inquisitiones apud nos adhibentur, & quandoque etiā satisfactiones, ut scilicet

fa.

facile sit Magistratui efficere , ut satisfaciat ei , qui damnum ex dolo , vel fraude tutoris passus sit . Idque servatur etiamnum , immo & leges , ubi opus est , ex corpore Juris Civilis pro more repetuntur , atque ad peculiare controversias , quæ solent de re tanta agitari , dirimendas rite comparantur . Huc confer verba Friderici , quæ ex Constitutione *Minorum* paulo supra descripta sunt .

VII. De Restitutione autem exstat antiquissima Friderici Constitutio , quæ incipit *Minorum Jura* sub Tit. *De Restitutione Minorum* . Ejus duplex caput est . I. restituuntur minores adversus eos , qui cum iisdem contraxerunt . II. in delictis . Vtrumque caput breviter persequamur . Atque ut primum recte intelligatur , animadvertas rogo ipsamet Friderici verba : *Minorum Jura* , inquit Imp. *qui in judiciis , vel extra judicia in modico læsi probantur , precipimus inviolata servari , quibus in illis casibus tantum succurrimus beneficio in integrum restitutionis indulto , in quibus eisdem leges veteres succurrebant , videlicet si facilitate sui , tutorum , curatorum , seu etiam Procuratorum fraude , vel negligentia , aut dolo adversariorum suorum læsi probantur* . Ex his verbis nemo non videt , Fridericum concedere Minoribus restitutionem in integrum , ut obviam iret eorum fraudibus , qui cum minoribus contrahebant , ut plus justo suis commodis indulgerent . Restitutio autem isthæc peti potest a minore & cum minor sit , & postquam factus est major . Si petatur minori

minori ætate, poterit minor eam probare integro minoris ætatis tempore. Sin autem post minorem ætatem velit minor uti beneficio restitutionis, opus erit, ut eam opponat intra certum tempus. Olim apud Romanos tempus restitutionis erat annus utilis. At quoniam, uti doctè Cujacius animadvertit de anno utili, ejusque initio, ac fine nonnullæ agitabantur controversiæ non sine calliditate litigatorum, quibus cordi erat lites pro arbitrio ad longissimum tempus protrahere, Justinianus annum utilem ad quadriennium continuum produxit *l. ult. Cod. de Temporib. in integrum restitutionis*. Igitur minor habebit post decimumoctavum annum beneficium restitutionis, quo uti quadriennio continuo poterit, sive sit feudatarius, sive non, cum hodie ex *Pragm. 2. de Minoribus* tutela, ac curatione post decimum octavum annum liberi quivis dicantur. Verum mihi satis nota est nonnullorum Doctorum quæstio, puta eorum, qui hac de re disputare opportunum crediderunt, ex quoniam tempore initium pro muliere restitutionis in integrum fieret, si unquam ante decimumoctavum annum nuberet. Ne te intricar conjiciam, tene meo periculò omnino valere hac in re sententiam Afflicti ad *Pragm. 2. de Min.* & Andreæ de Isernia, qui rectissime senserunt, quadriennium pro muliere incipere statim ac nubat, cum baliorum, aut tutorum auctoritati post matrimonium mulieres nequaquam subsint, ac remitti eo tantum casu, si mulier ante
 Tom. I. M an-

annum decimumoctavum vidua viri morte evadat. Exinde fit, ut maxime curent necesse est, qui cum minoribus contrahunt, contractus cum ipsis perficere, uti leges jubent; Nam si secus fiat, sive *in modico sit lusus minor*, sive non, habebit sibi beneficium quadriennale restitutionis in integrum.

VIII. Porro Fridericus admittit minores ad beneficium restitutionis in integrum, etiamsi crimen aliquod committant in hunc maxime modum: *Eis autem delinquentibus (Minoribus) si delictum procedat ex animo, nisi quatenus misratio atatis iudicem moverit, minime subvenimus.* Illud etiam expressim constitutione presenti duximus admittendum, ut in causis non tantum civilibus, verum etiam criminalibus, & publicis tutorum, vel curatorum, seu bajulorum auctoritas ipsas adsistat. Abundantior etiam providentiam de sinu gratiæ nostræ pupillis volumus impartiri, ut causas criminales, & publicas etiam per tutores, aut curatores eorum ad lites datos in iudicium deducere valeant, dum suam, vel suorum injuriam persequuntur, sive accusent, sive ab aliis accusentur pœnis ex accusationibus debitis constitutionibus nostris, & antiquo jure statutis personis principalibus infligendis. Vides, duo heic cavere Fridericum, quorum alterum complectitur casus restitutionis in integrum, si a minoribus crimen aliquod committatur, alterum dat, posse criminales minorum causas per tutores, curatores, balios tractari, sive agant, sive conveniantur. Quod

Quod secundo loco statuit Imperator, præclare intelligitur. Hinc tantum te morabor in iis, quæ casus ejusmodi restitutionis complectuntur. Ait Fridericus restitutionem concedi minoribus, *si delictum ex animo minime procedat*. Nimirum negat beneficium restitutionis minoribus, qui scientes vel omni adhibito dolo criminis alicujus rei fiant. Ne tamen existimes minores omnes in hunc censum venire, quandoquidem eos puniendos voluit Fridericus, qui non solum data opera maleficium admitterent, verum & ejus essent ætatis, ut doli pro jure capaces haberentur. Tales sunt, qui proximi pubertati dicuntur ex *l. impuberem ff. de furtis §. in summa Instit. De Oblig. quæ ex Delicto*. Ergo beneficio restitutionis frui concedendum est iis ex Friderici constitutione, qui vel proximi non sunt pubertati, vel absque dolo criminis alicujus rei sint. Verum cum revera negetur restitutio minoribus ex dolo peccantibus a Friderico, dices fortasse, vel saltem *pœna extraordinaria* esse puniendos. Sed cave ita sentias. Etenim *Pragmat. l. de Minoribus statutum*, minores *ordinaria* pœna puniri posse, siquidem crimen atrox sit, animique pravitatem delinquens tanta pœna dignus videatur. Consule *De Franchis Decis. 230*. Atqui restituendus ne erit minor, si non dolo, sed culpa deliquerit? Certe id Fridericus non explicat. Age igitur, Rem nos ex Jure civili repetamus. Duæ exstant leges in Corpore Legum Romanarum, quæ huc spectant. Earum altera auctorem

habet Vlpianum, altera Impp. Severum, & Antoninum. Et quidem Vlpianus in *l. si ex causa §. nunc videndum de Minoribus* vult, non subveniendum esse minoribus in omnibus delictis, hisque etiam, quæ ex culpa fiunt, uti e. g. in damno ex Lege Aquilia illato. Contrarium tamen statuerunt Severus, & Antoninus in *l. 1. Cod. si adversus delictum* his verbis: *in criminibus quidem ætatis suffragio minores non juvantur; si tamen delictum non ex animo, sed extra venit, noxia non committitur, etiamsi pœnæ causa pecunia irrogetur, & ideo minoribus in hac causa integrum restitutionis auxilium competit.* Has leges, quæ inter sese omnino dissonant, componere, nostrum non est. Velim tamen id unum tibi persuadeas, Severi, & Antonini Jus stare apud nos debere. Nam Fridericus aperte visus est eorum sententiam probasse, Vlpiani contrariam rejecisse, cum ex dolo tantum beneficio restitutionis minores non juvari debere statuerit; Quare pro eo ac visum Severo, & Antonino minime voluisse, adfirmare oportet, tanto beneficio minores excludere, si umquam ex culpa delinquerent. Atque hæc ratio me movet, ut certum habeam potius Severi, & Antonini legem Constitutionum Friderici Collectores usui nostro addicere maluisse, quandoquidem dolum tantum memorarunt.

IX. Quæ hætenus dicta in Regno obri-
nent. Habent tamen Jus peculiare sibi
Cives Neapolitani, quod complectitur
consuetudo *Papillus De in integrum Re-*
sti-

stitutione Minorum. Ea cavetur, ut læsi in contractibus pupilli primum adversus tutores agant, tum excussis tutoribus adversus eos, cum quibus contraxerunt. Sed quoniam olim receptum fuit, ut ex singulis regionibus Neapolitanæ hujus Civitatis, quæ *Platæ*, *Tocci* pro antiqua Neapolitanorum locutione ibidem nominantur, certi homines designarentur, ut contractibus pupillorum adessent, iique in consuetudine *Abocatores* dicuntur, hinc idem jus stabit, si in contractu non tutor interveniat, sed actor aliquis pro pupillo accedat, sive uti in Consuetudine dicitur *Abocator*, cujus vocis etimon dabo in *Additamentis ad Vocabularium Viriusque Juris Philippi Vicat*. Plura autem doceant Interpretes ad hanc consuetudinem, quæ vide. Mihi tamen temperare heic nequeo, quin hoc unum advertam, ex quibusvis bonis satisfaciendum pupillo, si tutor sese fraudulenter gesserit, vel *Abocator*, sive bona tutoris intra *Districum* sint, sive, extra; Nam actio, qua gaudet pupillus non solum *personalis* est; sed sequitur quoque naturam illius, quam tribuerunt olim Romani pupillis adversus Magistratus omnes sive urbanos, sive Provinciales, si umquam minus recte optimo pupillorum prospexissent. Atque hæc sunt Juris Neapolitani variantia capita de Tutelis, & Curationibus.

LIBER SECUNDUS.

T I T. I.

De rerum divisione & acquirendo earum dominio.

Ratio
connexio-
nis.

§. 310. **H**Actenus *de personis*, tamquam de primo juris objecto, actum, (§. 74.) sequitur jam alterum, puta *res*, in quarum jure explicando libri secundus, & tertius cum initio quarti versantur.

De rerum divisione.

Differentia
rei, & pe-
cuniæ.

§. 311. **U**Ti jureconsulti *hominem*, & *personam* distinguere solent, (§. 75.) ita accurate discernunt *rem*, & *pecuniam*, quarum illa hac latius pater, siquidem *res* etiam ea, quæ extra computationem patrimonii nostri sunt, continet, *pecunia* significatio ad ea, quæ in patrimonio nostro sunt, refertur *L. 5. pr. ff. de V. S.*

Utriusque
definitio.

§. 312. *Res* ergo jureconsultis vocantur, quæ ejus sunt nature, ut in bonis esse possint. *Pecunia* contra, quidquid vere & actu est in patrimonio. B. Huber. *Prel. ad Inst. h. t. §. 1.*

Rerum
divisio pri-
ma.

§. 313. *Res*, quod ad primam earum divisionem attinet, vel *divini*, vel *humani juris* esse dicuntur, illæ denuo vel *sacra*, vel *religiosa*. *Sanctæ* enim quodammodo divini juris habentur *Leg. 1. pr. ff. h. t.*

h. t. * quamvis hæ partitiones, paganam superstitionem sapere videantur.

* Paullo aliter Justinianus *pr. inst. h. t.* Res vel sunt communes, vel publicæ, vel universitatis, vel nullius; vel singulorum. Res nullius vel sacræ, vel religiose, vel sanctæ. Sed nos Cajum sequi maluimus.

§. 314. *Sacræ erant publicæ * consecratæ* (Dis superis) *a pontificibus, vel principe* (tamquam pontifice maximo.) §. 8. *Inst. h. t. l. 6. §. 3. l. 9. pr. & §. 1. 2. ff. h. t.* Res sacra.

* Publice fieri debebat consecratio, id est publica auctoritate, ne quid peregrinæ religionis invehiretur, a qua maximopere abhorrebant Romani. Ill. Bynkersh. *de Relig. Peregr. cap. 1. & 2.* Hinc si quis privatum sibi sacrum constitueret, sacrum id non erat, sed profanum *L. 4. §. 3. ff. h. t.* æque ac apud Athenienses, quibus nefas videbatur, *domi facere mysteria*. Corn. Nep. *Alcib. c. 3.* Cave tamen confundas *sacræ privatim constituta, & sacræ privata* deorum Penatium. Hæc enim non privatim constituebantur, sed auctoritate pontificum. Unde etiam hi in confarreationibus, adrogationibus, iuribus ædium auctoritatem interponebant (§. 146. * 179.) Cicero *pro domo cap. 13.* Macrobi. *Lib. 1. Saturn. cap. 16.*

§. 315. Ex quo inferebant Romani. I. Jus eir- res sacras in nullius bonis esse *l. 1. pr. l. ca illas. 6. §. 2. ff. h. t.* adeoque II. nec æstimationem recipere, nec obligari alienarique posse * *L. 9. §. 5. ff. eod. §. 8. Inst. h. t.* quin potius III. loca sacra manere etiam diruto ædificio *l. 6. §. 3. ff. eod. Plin. Lib. 10. epist. 76.* nisi vel ab hostibus capta *l. 36. ff. de relig. vel sacris evocatis religione liberata* sint *L. 9. §. 2. eod.*

* Exceptiones quasdam addiderunt Principes Christiani, veluti quod alienari possint ad redimendo captivos §. 8. *Instir. h. t. Nov. 120. cap. 9. alen-*

dos pauperes in fame publica l. 21. C. de SS. Eccl. & res alienum ecclesiæ dissolvendum. Nov. 120. cap. 10.

Res religiosæ.

§. 316. *Res religiosæ* erant sepulcra dedicata diis Manibus. Guther. de jure Man. l. 3. cap. 1. Locum vero religiosum unusquisque faciebat, dum mortuum inferebat in locum suum L. 6. §. 4. ff. eod. & purum L. 2. §. 4. l. 8. §. 3. ff. de relig.

Jura earum.

§. 317. Ex quibus principiis inferebant, I. cenotaphium, id est, sepulcrum honorarium non esse religiosum l. 42. ff. de religiof. siquidem ita contra Marciani sententiam l. 6. §. ult. ff. h. t. diserte rescripserunt divi Fratres l. 7. ff. eod. Conf. V. I. Corn. van Bynkersh. *Obs. lib. 1. cap. 5. II. Sepulcra commercio hominum eximi.* * L. 12. §. 1. ff. de religiof. l. 14. C. de legat. III. Dummodo membra principalia, veluti caput, illata fuerint, religione locum occupari L. 44. ff. de religiof. IV. Eum, qui in locum alienum mortuum intulerit, actione in factum pulsari posse, ad tollendum cadaver, aut solvendum loci pretium L. 7. pr. l. 8. §. 2. ff. de religiof. IV. Etiam sepulcra manere religiosa, nisi reliquæ auctoritate Pontificum transferantur L. 44. §. 1. ff. de relig. Plin. Lib. 10. Epist. 73. Gruter. *Inscr. p. 578.*

* Sepulcra ipsa nec in bonis erant, nec in commercio, at jus inferendi mortuum omnino: Hinc & legari poterat, quum monumenta legari non possent L. 14. C. de legat. Et ita intelligenda formula in marmoribus frequentissima *Hoc monumentum heredes sequitur* l. 5. l. 6. ff. de religiof.

Res sanctæ.

§. 318. *Sanctæ* denique res dicebantur bisariam, * vel quatenus sollemni ritu diis me-

me-

medioxumis, vel geniis tradebantur, Gisb. Cuper. *Obs. l. 3. c. 16. p. 332.* vel quatenus sanctione poenali defenduntur, ut, qui ibi aliquid commiserit, capite puniatur *L. 8. pr. ff. h. t. cuius sanctitatis signum credebantur sagmina*, id est, herbae sacrae in pomœriis frondescentes *L. 8. §. 1. ff. eod. quas & feciales praeferebant, ut unusquisque eos esse sacrosanctos, & inviolabiles perspiceret. Liv. lib. XXX. cap. 43.*

* Unde facile patet, cur non solum in muris, verum etiam portis sanctitas tribuatur *§. 10. Instit. h. t. quum portis illam diserte adimat Phylarch. Quæst. Rom. cap. 87.* Priore sensu soli muri, & poëmæria sancta sunt, posteriore non solum muri, & poëmæria, sed & portæ, vallum, & muri castrorum *l. 3. §. 17. ff. de re milit. portæ d. §. 8. immo & personæ, parentes, & patroni l. 9. ff. de obseq. par. & patr. tribuni plebis Liv. lib. 2. cap. 32. Dion. Hal. lib. 6. p. 470. legati L. ult. ff. de legation.*

§. 319. Unde expediti juris videbatur, Earumque I. nihil immitti posse in muris, & portis jura. *l. 8. §. 1. ff. h. t.* II. Neque reficere eas cuiquam licere sine principe, vel praesidis consensu, nec aliquid eis conjungere, vel superponere *l. 9. §. 4. ff. eod.* III. Capite esse plectendos, qui muros transcenderint, vel violarint *L. ult. ff. & §. 10. Instit. h. t.* Quale exemplum factum in Remo, veteres referunt, *d. l. ult. eod.*

§. 320. Quamvis vero hæc omnia pagana Principia nam superstitionem sapiant, (§. 313.) a de conse- Constantini tamen temporibus etiam in- cratione & ter Christianos creditum, res ita sacras Christiani fieri per consecrationem, ut dominium perperam earum DEO offeratur, & religio quædam receperunt. res illas videatur occupare. Quare prin- ci-

cipium hoc cum conclusionibus §. 315. explicatis in titulo C. de SS. Ecclesiis, nec non in universo jure Canonico regnant. Blondell. *Apolog. de Episc. & Presb. Sect. 3. pag. 265. seq.* Ziegler. *de Episc. Lib. 3. cap. 7.* Pictetus in libello Gallice scripto *De Templis.*

Res ec-
clesiasticæ
a sacris di-
stinguendæ. §. 321. Distinguuntur tamen a rebus sa-
cris ecclesiasticæ, quæ non quidem æque
immediate, sed mediate cultui divino
sine consecratione inserviunt. Unde & faci-
lius ad tempus, vel in perpetuum alie-
nantur, quando id expedit Ecclesiæ L.
14. §. 5. l. 17. §. 1. C. de SS. Eccl. Nov. 120.
cap. 7. accedente tamen, uti in aliena-
tione rerum minoris, causæ cognitione,
& decreto. Stryk. *Causel. Contr. Sect. 1. Cap.*
3. §. 7.

Quænam
canonistis
res religio-
sæ. §. 322. Canonistæ rebus religiosis accen-
sent non solum sepulcra, & cœmeteria, ve-
rum etiam xenodochia, orphanotropha,
ptochotropha. Lancell. *inst. jur. can. lib.*
2. tit. 17. Hinc & cœmeteriis benedicunt,
& benedicta subjiciunt jurisdictioni eccle-
siasticæ, quin eorum communione privant
hæreticos, paganos, excommunicatos.

Ufus do-
ctrinæ de
rebus divi-
ni juris ho-
diernus. §. 323. Nobis templa, et cœmeteria ve-
re sunt res universitatis, muri et portæ,
ob jus præsidii principi vel reip. compe-
tens, res publicæ 4. Feud. 56. Nullæ ergo
nobis res sacre præter verbum, et sacra-
menta, dum ea dispensantur. Nullæ fe-
pulturæ religiose, nullæ res sanctæ, nisi
quatenus sanctione adversus hominum in-
jurias munitæ sunt. (§. 218.) Res ta-
men sacro cultui destinatas, et ecclesia-
sticas

stias non temere aliis adplicamus usibus, neque eas facile alienamus, nisi urgente necessitate, et suadente utilitate ecclesiæ. Sepulcra sunt in commercio vel universitatis, vel ecclesiæ, vel singulorum. Qui muros, vel portas, vel palatia Principum violant, iis pœna pro modo delicti statuitur arbitraria.

De rebus pro instituto agendum a nobis quoque est. Quod vero attinet ad res divini juris, earum in re civili, qua de agimus, nulla habenda est ratio. Sane Christiani Imperii Politia apud nos servatur, qua sacræ res ab iis, quæ humani sunt juris, ita distinguuntur, ut res sacræ Episcopis, quibus datum, esse *Dispensatores Ministeriorum Dei*, ut ait Paullus, commendentur, quæ sacræ non sunt, Principis jurisdictioni atque imperio. Hinc sacræ res, quo nomine potissimum apud nos veniunt Preces, Jejunia, Sacramenta in *Institutionibus Ecclesiastici juris* explicantur, civiles res tantum huc spectant. Religiosarum autem rerum jura quoque pendent ab ecclesiasticis institutis, secus sanctarum, quæ si violentur, Principis majestate earum violatores puniuntur. Quoniam vero rerum sacrarum jura reges Christiani, prout decet, servant, inde fit, ut suis legibus pro canonum indole vetent et ipsi rerum sacrarum alienationes, ceteraque confirment, quæ rerum sacrarum causa a canonibus statuta sunt

Jus Neapolitanum.

sunt, religiosas porro a commercio minime excludant, sanctas, quippe quæ omni religione prorsus nunc vacant, suis legibus submittant. In hac sententiam Doctores nostri non secus ac exterarum Christianarum gentium rerum sacrarum Religiosarum, et Sanctarum jura exponunt. Quodnam vero jus fervetur de rebus religiosis, ac de violatoribus rerum sanctarum, ubi oportebit, proponetur.

Res hu-
mani juris
quotupli-
ces.

§. 324. Hacenus de rebus, *divini juris*, sequuntur, quæ *humani juris* habentur, (§. 312.) quæque vel *communes* sunt, vel *publicæ*, vel *universitatis*, vel *singulorum* *pr. inst. l. 2. pr. ff. h. t.*

Res com-
munes, pu-
blicæ, uni-
versitatis.

§. 325. *Communes* sunt, quæ, quod ad proprietatem, nullius, quod ad usum, omnium hominum sunt *L. 2. §. 1. ff. h. t. publicæ*, quæ quoad proprietatem populi sunt, quoad usum singulorum ex populo. *Res universitatis*, quæ quoad proprietatem sunt universitatis, quod ad usum singulorum ex ea universitate. * *L. 6. §. 1. ff. h. tit. l. 14. ff. de acquir. rer. dom.*

* Etiam hæc Stoam redolent (§. 18.) Hæc duplicem statuebat rempublicam, maximam alteram, qua dii & homines continentur, alteram minorem, cui quemque adscripserit conditio nascendi. *Sen. de otio sap. cap. 31.* In minoribus illis, in quas populus quisque coaluit, denuo veluti minimas res publicas, quas universitas vocamus, reperiri, res ipsa docet. Quum ergo singulis rebus publicis sint sua patrimonialia; quæ in maxima reip. patrimonio erant, res communes, quæ in minoris, publicæ, quæ in minima, universitatis dicebantur. *Conf. Ger. Nood.*
Pro-

Probabil. lib. 1. cap. 8. Notes Ger. Noodt. l. c. cap. 7. p. 14. opp. §. 2. probare nullam intercedere differentiam inter res communes & publicas.

§. 326. *Communes* ergo ex his principiis sunt aer, aqua profluens, mare, & per hoc littora maris l. 2. §. 1. ff. h. t. §. 1. *Inst. h. t. Publicæ* flumina, portus, ripæ, adeoque & piscatio in flumine, navis ad ripam adpulsus, exsiccatio retium, oneris in ripa expositio L. 5. pr. ff. h. t. nisi qui jus piscandi in fluminis diverticulo non interrupto longi temporis exercitio præscripserit. L. 7. ff. de div. & temp. præscr. *Res universitatis* sunt theatra, stadia, curiæ, senacula L. 6. §. 1. eod.

Eorum

exempla.

I. Partitio rerum humani Juris in *Communes, Publicas, Universitatis, ac singulorum*, quæ supra producitur, satis antiqua est. Verum plura advertas opus est, quæ probant Jus nostrum de singulis hisce rebus variare ab antiquo. *Communes res* eas habes dici, quæ quoad proprietatem nullius sunt, quoad usum omnium hominum. Hujusmodi dicuntur esse Aer, Aqua profluens, mare, & Littora maris. Certe quod ad aerem spectat, idem jus nunc stat, quod semper pro jure obtinuit. Ac merito nimie avaritiæ accusandus Constantinus ille Paphlagonius Imperator, de quo vide, quæ narrat Wilhelmus Schickardus *Ad Jus Regium Hebræorum*, quippe qui pro aeris usu novum vectigal instituit, quod *aereum* dictum. Atqui de Aquæ profluentis, ac de maris usu posteriorum gentium

Jus Neapolitanum.

tium leges in diversa abeunt; Nam maris (intelligito illud, quod certis finibus circumscribitur, vel triginta miliaribus à litore protenditur, uti visum nonnullis Doctoribus) aquæ profluentis, ac Littorum usum concedere nonnisi Regibus datum. Scio tamen de Maris usu contendiſſe haud diu viros plane doctiſſimos Grotium, & Seldenum, quorum alter *Mari Libero* Liberrimum usum Maris probare conatus est, alter ab ejus usus libertate discessit in *Mari clauſo*. Verum nihil novi definiviſſe ambo viſi ſunt, cum alteri minime negaveris liberum usum maris, ſi priſtinum rerum ſtatum attenderis, contra vero adfirmaveris cum altero mare Imperio ſubſiſte, ſi commoda, utilitatesque Societatum, quæ deinceps ſunt ſecutæ poſt hominum incrementum. Itaque hodie cuſtodix causa inter Principatus Jura usum maris recte recenſeri puta. Quamobrem vix ad rerum communium hodiernum usum recitari valet locus ille Ciceronis in de officiis ibi: *Quid tam commune, quam terra mortuis, mare fluctuantibus, Littus ejectis?* quod ſcilicet res iſtæ communes ob cauſas hæc hodie comparari queunt. Olim redditus ex maris, atque aquæ profluentis usu provenientes ſibi Romani Imperatores tribuerunt, atque inter Imperiales proventus recensuerunt. Verum cum poſt Imperii Romani ruinam novæ gentes, quæ per Italiam graſſari cæperunt, quæ ſibi vindicarunt, adjecto altero vocabulo *Regalia* nominarunt, hinc factum, ut ab ea uſque ætate inter Regalia mare, aqua

aqua profluens, & Littora, quæ Regiis Juribus eadem addixerunt, haberi caperint. In hanc sententiam profecto scriptæ a nostris Legislatoribus leges Neapolitanæ; passim enim sive pro Langobardorum, sive pro Nortmandorum instituto (quamvis hos ex præscriptione sibi isthæc jura quæsisisse non pauci DD. ajunt) Regalia ejusmodi Jura nuncupantur, immo & aliquando Regaliæ.

II. Quod vero Regaliarum id proprium sit, ut nemini pateat earum usus, nisi Regis vel Reip. consensus, aut venia accedat, idcirco cavendum nunc est, ne quis pro arbitrio ejusmodi rebus utatur, majestatisque Jura minus juste in hunc modum turbet. Atque ob hanc causam cum de jure communi feudorum, tum ex antiquissima consuetudine receptum apud nos est, aqua profluente ex flumine sive *navigabili*, sive *non navigabili* nonnisi eos uti posse, qui ad ejus usum admittuntur publica auctoritate. Adisis Montanum de Feudis V. 5. Iserniam *cap. vn. tit. Quæ sint Regaliæ, & De Franchis decis. 183.* Neque vim habet in hoc Regno Lex *quominus ff. de fluminibus*, qua permittitur cuique ducere aquam ex flumine publico *non navigabili*, modo Senatus non vetet; Nam ex quovis flumine aquam duci omnino prohibetur.

III. Verum non ita posteriores Principes aquam profluentem, Littora, ceteraque regalia sibi tribuerunt, ut subditis suis omnem earum rerum usum denegarint; conceditur enim usus, ubi solvatur Regi, quod sibi pendendum statuit. Sed longe ex Principum

cipum liberalitate hac in re post Feudorum substitutionem donari ceperunt Feudatarii, cum Principes sapissime abdicarint a se jura navigandi, piscandi, aquas ducendi, aliaque hujusgeneris regalia, atque Feudatariis concefferint. Id quod plane probandum est, ubi in investitura Rex Regalia isthæc se concedere palam testatur; Investituræ enim feudorum pacta complectuntur, quibus possessio quælibet feudalis definitur. Ne pures tamen intelligi heic fontes, qui ex privato solo dimanant, quod privatorum jura Princeps violari numquam sinit, sed tantum aquas ex fontibus publicis profluentes, quorum dominium penes Principem est, uti docte animadverterunt Capycius in *Investitura v. Fontibus*, De Franchis decis. 183. & Isernia in cap. unic. *Quæ sint Regaliæ*. Atque hinc nata est celeberrima illa inter Doctores quæstio, an subditi valeant præscribere e. g. Jus aquam ducendi; quæ quidem quæstione, & tractant potiore alteram, nimirum an Regalia ipsa possint præscribi. Non pauci moti auctoritate Lucæ de Penna ad l. *usum aquæ Cod. de aquæ ductu* sibi persuaserunt præscriptionem induci posse adversus Regalia a Baronibus quæsitæ, secus illa, quæ Principis sunt. Contra vero nasutiores præscribi posse docuerunt tum Regalia, quæ a Principe in Baronem translata tum ea, quæ apud se Princeps retinet, idque fieri ajunt præscriptione illa, quæ in jure *immemorabilis* dicitur. Et quidem his suffragantur Diocletianus & Maximianus

Im-

Imperatores, ac Pomponius; Nam Imperatores in *l. si manifeste* Cod. de servitutibus, & aqua ajunt, *jus deducendi aquas ad irrigandos agros veteri more, vel observatione adquiri legitime posse*, Pomponius autem in *l. hoc jure* §. *ductus aquæ* Cod. de aqua quotidiana, & æstiva, sic habet *Ductus aquæ, cujus origo memoriam excuserit, jure constituti loco habetur*. An vero præscriptio eadem sit probanda, ubi adversus Baronem, cui *Regale* aliquod jus sit a Rege concessum, induci velit, dubium videtur nonnullis. Neque desunt, qui ex Rescripto D. Antonini in *l. 2. Cod. de servitutibus*, & aqua his verbis concepto *Si aquam per possessionem Martialis eo sciente duxisti, servitutem exemplo rerum immobilium per longum tempus quasiavisti*, malunt longi temporis lapsum satis esse ad Regalia Baronum præscribenda. Sed hercle, mihi crede, falluntur. Sane Antoninus cavet de Jure ducendi aquam non ex Flumine publico, sed ex loco privato; explorati enim Juris jam est, rerum publicarum dominium præsumi, ubi *inmemorable* tempus præterlabatur, privatarum vero longi temporis lapsu. Accedit, quod Regalia etiamsi ad Barones transmittuntur, censenda semper sunt eodem jure, quo cènseri debent, si *antiquæ* penes Principem sint, quæ revera præscribi dicuntur post id tempus, cujus initii memoria non exstet, quemadmodum a Feudistis omnibus probatum est ad caput *Quæ sint Regaliæ*. Ac de re ista satis.

IV. Venio ad res Publicas. Publicæ

Tom. I.

N

res

res definiuntur, quæ quoad proprietatem Populi sunt, quoad usum singulorum ex populo. Tales dicuntur Portus, & Flumina. Verum jamdiu hæ res inter Regales recensitæ. Habet præ ceteris Corpus Legum Romanarum binas leges, quæ ad rem faciunt. Earum altera est l. 1. §. deinde ff. de Fluminibus, qua tribuitur Prætori vetare, ne quid in Flumine, ripave fieret, immittereturve, altera est l. ult. C. Quæ res adsportari non possint, qua caveatur, Littora custodienda esse, ne merces, vel arma ad hostes deferrentur. Cui addeſis l. cotem ff. de Publicanis, qua aperte Paulus Cotem, inquit, ferro subigendo necessarium hostibus quoque venumdari, ut ferrum, & frumentum, & sales non sine periculo capitis licet, ubi vides Imperatores jure pœnam capitis inflixisse in eos, qui frumentum, salem, ceteraque hujusmodi vendere, atque extrahere auderent hostium utilitati indulgentes. Igitur oportebat Principes sibi loca illa vindicare, ac custodire, ex quibus id mali pessimo publico proficisci vel facile poterat. Quod equidem nescio, cur non adverterit Tribonianus, qui oscitanter aliam rerum publicarum notionem in Institutionibus intulit. Atque in hanc sententiam ubi primi Régés Neapolitani venerunt, continuo idem sanciverunt, uti patet ex Cap. Caroli I. Ut illorum fraudibus, Roberti Perpenſa Deliberatione, & ex Pragmaticis sub Tit. De Extræctione Animalium. Immo certis Magistratibus mandatur apud nos Jurisdicção, naves e Portu

Portu exeuntes , atque ad Littora nostra appellentes lustrare , qui vulgo Portulani dicuntur , de quibus tu nunc vide Regentem Tappiam *De Jure Regni Neapolitani Lib. vii. Tit. de Portulanis, & Extrahione Animalium* ; Luculentiora enim tibi dabo in *De Jure Publico Neapolitano*. Verum quod sciam passim a non paucis Doctoribus vias publicas inter res publicas describi , breviter tene , quid de iisdem in nostris legibus decernatur . Et quidem in hac Civitate Regii *Portulani* est , præesse viis publicis , atque commodis viarum inspicere , uti olim *Ædilibus* a Romanis mandatum fuit : quamvis non ignorem *Josephum de Rosa Prælect. feud. iv.* sibi persuadere , *Ædilis Romanorum* jurisdictionem ex lege apud Roman. invaluisse , *Portulani* nostri ex consuetudine antiquissima (quandoquidem *Portulani* munus est decernere , num novæ viæ sint sternendæ , an vero antiquæ immutandæ , vel occludendæ , etiamsi Regis consensus desit) cum peculiaris aliqua lex non exstet hac de re , sed tantum consuetudo munia omnia *Portulani* confirmet . In Regno autem Neapolitano custodia viarum publicarum primum addicta iis , qui Regis nomine a viatoribus repetebant , quæ pro custodiendis viis publicis , ne in manus Latronum inciderent , a viatoribus pendenda . Hinc Constitutione Regni *Si damna clandestina* cautum , ut ab incolis Civitatum , vel Oppidorum viæ essent propriis expensis custodiendæ , ac quarumcumque damno gederet , si quid mali viatoribus ex ne-

gligentia inferretur . Quod vero incolarum in hoc negotio persequendo satis luculenter innotescere cepit oscitantia , factum inde , uti ad rem monet Antonius de Nigris ad Capitul. Regni *Glandestin.* ut Reges obligarint incolas universos ob eam causam annuis quantitatibus præstandis, sibi tamen Libertatem reservarint designandi certos homines ad recte vias publicas custodiendas . Verum hac custodia viarum in nonnullis Regni locis pro tutissima rerum transvectione, hominumque securitate , qui vel negotiationis causa per Regnum peragrarentur, ædes constructæ, ac datum quoque onus transeuntibus causa rerum, quas transveherent, pecuniam solvere iis, qui in ædibus morarentur ; ut inde *Ærario* grave onus minime injiceretur ad tutelam viarum servandam . En *Pedagii* origo . Quod vocabulum plane barbarum est, antiquitatemque maximam præfert, etenim nisi ad tempora antiquiora ascendere velis , *Andegavensium* ævo commune fuisse compertum est . Atque hac in re etiam præcellere est, cur ad ultimum heic animadvertas Baronum Jurisdictionem ; Non pauci enim *Pedagii* jus ex Investituræ lege in suis Feudis habent . Quamobrem rite in viatores animadvertunt , tum si nequaquam solvant , quod *Pedagii* causa debent, tum si crimen aliquod in viis publicis intra fines cuiusque Feudi positis committant . Vide Capiblancum ad Pragmat. xiv. De Baronibus , Rosenthalium De Feudis cap. v. conclus. x., & Capycium
De-

Decif. ix. Excipias tamen velim ea crimina, quæ a graſſatoribus viarum publicarum committuntur. Quo caſu Barones tunc jus dicent in eos, cum ad ſuos carceres opera ſuorum Miniſtrorum ducantur, ſecus vero ſi a Regiis capiantur, quemadmodum deducitur ex Pragmat. v. Tit. *Ubi de Delicto quis conveniri debeat.* Atque hæc de Rebus Communibus, ac Publicis.

§. 327. Bona, quæ univerſitas ita adquiret, ut uſus non pateat ſingulis ex iſta univerſitate, non res *univerſitatis*, ſed *patrimonium univerſitatis* vocantur propter definitionem rerum univerſitatis ſupra datam. §. 325. Patrimonium univerſitatis.

§. 328. Sed hæc principia hodie tantum non ubique deferuntur, quum pleræque, quæ publica dicuntur, jure Romano imperantes ſibi vindicent, iique earum rerum uſui modum præſcribere ſoleant. Quæ de rebus communibus diſputantur, commodius reſervabimus Pandectis. Uſus hujus doctrinæ hodiernus.

I. Rerum, quæ *Univerſitatis* eſſe dicuntur, duplex eſt Jure civili: uti jam paulo ſupra Hein. docet, acceptio, aliæ enim dicuntur quoad uſum civium omnium communes, aliæ propriæ Univerſitatis, ac vulgo *Patrimonia Univerſitatis* nuncupantur. Eadem particio apud nos

viget . Quare rem pro instituto nostro tractemus oportet . Verum ne rerum dicendarum varietas te obruat , tibi in hunc modum dabo , quæ ad Res *Universitatis* pertinent , I. Agam De Rebus illis *Universitatis* , a quibus cives , quique inter cives habentur , abstineri nequeunt . II. De Patrimoniis *Universitatis* , ubi de *Fida* , & *Diffida* erit sermo ; atque his passim adjiciam Baronum Jura ad *Universitatum* res spectantia , ubi scilicet eadem Baronibus subsint .

II. Et quidem Res *Universitatis* nominat Jus civile Theatra , Stadia , Curias , Senacula . At hodie Theatris adesse iis permittitur , qui certum æs solvunt , Stadiorum nullus usus , cum Athletæ cessarint , immo & Senaculorum , ac Curiarum , cum non amplius pro sua auctoritate Magistratum Senacula , neque conventus populi celebrentur ; Nam in Principem ratio omnis publici consilii fluxit . Igitur dic meo periculo Res *Universitatis* pro nostri Regni Jure Pascua , Nemora , Sylvas , ceteraque hujusmodi civium omnium usui comparata , quæ quidem vulgo *Demania Universitatum* appellantur . *Demaniarum* autem origo repetenda est ab antiqua agrorum divisione , quam homines decreverunt , ubi unius imperium ferre cœperunt . Sane addixerunt iis , quibus sponte sese dediderunt , fundos intra certi agri limites positos a se fortasse antea occupatione , vel uti postea factum , vi belli adquisitos , sed partem illorum liberam ab omni jure maluerunt , ne
deef-

deessent posteris veluti communia quædam bona, ex quibus, si necesse foret, ali. possent, omniumque usui paterent. Hoc pacto res stetit ad nostra usque tempora; Nam siue Universitates dominio Regis subsint, siue ad Barones ex Regum beneficio translatae, retinent tamen sibi locorum certorum usum, quibus uti nullus civis prohibetur. Atque ex his penitus intelligis causam, cur bona hujusmodi primum patrimonialia, tum vero Demanialia dicta; Patrimonium enim dicimus, quidquid alicujus proprium est, cui Demanium profecto respondet, quævis sit ejus origo vel a Gallico verbo *Demaine*, vel si barbare a latino *Dominium* deductum dicatur, cujus plane frequentissima mentio in nostris Constitutionibus. E re igitur esto, bona Universitatum Demanialia deinceps appellare, ne vitio detur Jus nostrum alieni vocabulis explicare.

III. His de Demaniorum Universitatum origine, ac civium quorumque ad ea Jure delibatis, nunc persequar peculiaris legum nostrarum capita, quibus agitur de Demanialium bonorum usu. Ac primum cives omnes possunt sibi comparare pascuorum, vel nemorum demanialium usum, prout consuetudine varia locorum receptum est, qua omnino præscribatur ratio, qua pascuis, vel nemoribus uti debent cives. Sed inter cives heic numerari Barones, qui auctoritate Bartoli in *l. 1. ff. ad Municipal.* primi cives a nostris DD. passim adpellantur. Me tamen non fugit, lege Caroli V. opus fuisse,

se, ut nimia hac in re veterum Baronum petulantia arceretur, quippe qui pro lubitu subditis usum bonorum demanialium adimebant, sibi que integra adscribebant: *Volumus* (en Caroli Sanctio) *ut ipsi Barones, & alii utiles Domini suis terris, atque nemoribus, vel de Demanio utantur moderate, ut suis satisfiat commoditatibus, & Vassalli pascuis, & cultura non arceantur.* Plura vide hac de re apud Capiblan- cum ad *Pragm. XII. & XIV. de Baronibus*. Quinimmo si velint subditi, vel eorum plerique puta, ut ajunt, *due partes* fructus nemoris, vel pascuorum vendere, ut fortasse publicæ rei, ac commodo consulatur, nequeunt Barones obstare, cum semper præferatur plurium consensus, uti rectè DD. duce de Franchis *Decis. CXCVII.* Neque refragatur rescriptum D. Antonini in *l. 2. C. de commun. rerum alienatione*, quo prohibetur rei alienatio sine consensu unius ex *condominis*; Nam hæc lex loquitur de bonis privatis, in quibus contraria unius voluntas sufficit ad impediendam rei communis alienationem; Demanialia autem bona omnino differunt a bonis privatis, cum hæc minime sint obnoxia dominationi singulorum civium, sed universorum; Quare si vel alieni æris solutio, vel publica res aliud suadeat, plerique ex iis, etiamsi ceteri dissentiant, inter quos Baro tamquam primus civis, possunt perficere fructuum alienationem, eosdemque ad quemvis oblato pretio transferre. Sin autem Universitates, uti fit, bona possideant, quæ Demanialia non sint,

sint, sed aliis quovis titulo quæsitæ nequaquam eorum usum sibi vindicare posse Barones putæ, cum extra censum Demanialium bonorum sint.

IV. Quæ dicta pro Baronibus de Usu bonorum Demanialium Universitatis intelligenda quoque sunt pro subditis. Etenim si Barones bona demanialia possideant, quæ Feudis inhærent, nequeunt subditos suos eorum usu privare, dummodo honeste, ac sobrie subditi illis utantur. Apposite huc conferatur *l. usum aque* 4. *C. de Aquæductu*, quæ sic habet: *usum aque veterem singulis civibus censemus manere, nec ulla novatione turbari, ita tamen ut quantitatem singuli, quam veteri licentia percipiunt, more usque in præsentem diem perdurante percipiant, mansura poena in eos, qui ad hortorum delicias furtivis aquarum meatibus abutuntur*. Adis. Card. de Luca *De Servitutibus Discurs.* XLII. Hinc natam video quæstionem illam dimicationis, alexque plenam inter Feudistas, an intelligendum sit, Dominium bonorum huiusmodi ad Baronem pertinere, ubi in Investitura exprimitur, Feudum transferri *una cum Montibus, Pascuis, Nemoribus, &c.* Qui docte sentiunt, ajunt hæc verba Baronibus tantum dare Jurisdictionem, non vero dominium. Vide Menochium *De Præsumt.* III. 10. Sunt tamen, qui malunt, dominium hac in re Baronibus addicere. Verum hi a priori sententia non omnino abhorreere videntur, quod nequaquam plenum dominium Baronibus deferant, cum plane affirmant hæc lege

lege huiusmodi dominium a Baronibus adquiri, ne excludant subditos ab usu Demanialium bonorum, qui jure gentium satis confirmatur, publicaue civium utilitate, quam custodiendam omnino esse leges jubent.

V. En habes Jura bonorum Demanialium cum Universitatum, tum Baronum. Nunc nolim ignores, hæc bona pro lubitu ab Universitatibus alienari non posse, si desint alia bona, ex quibus civium commodo satisfieri queat, uti ad rem Afflictus in *Constit. Dubitationem De Contumacia alicujus Universitatis*, & Regens Rovitus in *Pragm. 1. De Salario*. Quinimmo vetatur Baronibus sepire Territoria Universitatum Demanialia, hoc est, uti vulgo ajunt, *Defensas*, vel *forestas construere*, quemadmodum & Universitatibus, si velint Baronum detrimento id facere. Quare cum Baronum audacia, ac conatus eo pervenerint, ut minus ^{et} juste Territoria Universitatum claudere cœperint, coerceri nonnullis legibus cœpit eorum vis, ac præsertim Constitutione *Magister Forestarum* sub Tit. *De Magistris Forestariis*, Capitulo item *De Bovis*, & *Pragmatica 1. De Salario*; Quarum legum postrema auctorem habet Regem Ferdinandum, qui præclare cavit, ne pro arbitrio *novæ defensæ* a Baronibus construerentur. Atqui si umquam fiat, ut Rege consentiente *Defensæ* decernantur vel in bonis Demanialibus Universitatum, vel Universitatum commodo in bonis Demanialibus Baronum, si fortasse ex aliis bonis

nis civium egestati consuli queat, non poterunt Animalia immitti in hujusmodi bonis sine consensu eorum, quorum interest; Nam si secus fiat, a Bajulis poterunt Animalia retineri, usquedum pœnis pro more satisfiat ab iis, qui in hujusmodi Territoriis animalia intulerint. Vide Constitutionem; cui inscribitur Titulus *De Animalibus inventis in Damno*. Hactenus de Bonis Universitatum, sive de Demaniis.

VI. Nunc Venio ad Patrimonialia Universitatum bona. Et quidem compertum habere, Universitates habere præter bona demanialia, quæ civium omnium sunt communia, bona alia, quæ minime singulorum civium usui comparata sunt, sed sibi retinent Universitates ad onera ferenda; Nam cum posteriori ætate Regibus nostris, ut Reip. commodis consuleretur, opportunum visum Universitates censui subicere, immo & permittere eisdem peculiaribus bona possidere, ut privatae etiam rei cujusque succurreretur, facta inde peculiarium bonorum, sive Patrimoniorum origo, quorum ea vel sub initium indoles fuit, ut nonnisi illis paterent, a quibus certi æris solvendi quotannis, vel alio modo obligatio iniretur. Talia vulgo habentur Molentina, Cauponæ, ceteraque hujusmodi, de quibus in *De Jurisdictione Baronum*; cum tantum mihi in animo heic sit de Patrimoniis illis agere, quæ ad Demanialia illa bona referuntur, quæ Pascuis potissimum constituuntur, atque ob hanc causam *Defensis clausa* dicuntur.

tur. Ac sane jamdiu invaluit, ut Sylva, ac Pascua patrimoniis Universitatum adscripta *defensæ* dicerentur, quasi Animalia in locis ejusmodi immissa omni periculo vacua essent. Consule Gangium in *Glossario Med. & infim. Latin. v. Defensæ*. Quoniam vero in hujusmodi defensis, quippe quæ dominio Universitatum addicta, solum datum iis ad pascendum animalia intrmittere, qui pascua hujusmodi pretio sibi compararent, ortum exinde traxerunt *Fida*, & *Diffida*; etenim *fida* proprie dicta pretium illud, quod solvi cœpit ob *fidem*, quam Domini pascuorum præstarent, ut animalia libere per pascua in locis circumseptis pascerentur, quam *Fidagiū* quoque olim nuncupatam ex Du-Gangio discimus, contra vero *diffida* pœna adversus eos statuta, qui sine consensu præter Dominorum *Fidem*, vel nulla soluta quantitate Animalia *Defensis* includerent. Ad rem igitur nunc tene, quæ caventur, ut rite ad *defensas* accedere queant cives, ne *Diffide* pœnam subeant. Velim tamen heic animadvertas, eadem intelligenda esse de bonis demanialibus, & *defensis* Baronum, quæ heic differuntur de Patrimonialibus Universitatum, ubi Baro suas *Defensas* quoque habeat. Hinc mox Jura hac in re Baronum, atque Universitatum conjunctim enarrabo.

VII. Ac primum si quæ loca possideat Baro, vel Universitas, quæ communia Subditorum, vel Civium non sint, eadem adire tantum possunt, qui *Fidam* solvunt. Verum ut eam sibi præstari Baro vel Uni-
ver-

veritas jure pronunciet, requiruntur I ut vel ex Privilegio, vel ex Regio Plácito impetraverint, uti vulgo dicitur *Territorium in Defensam*. II. ut cives non gratia depascendi Animalia, quæ alimentorum causa solent detineri, ad *Defensas* veniant, sed mercaturæ. Sane nisi hoc casu cives *immemorabilis* præscriptio, vel Privilegium juvet, *diffidam* debebunt, uti auctor est Rovitus *Conf. XIII*. Id tamen dictum tene de civibus, sive de subditis tantum; Nam si exteri in *Defensis* velint animalia immittere sive mercaturæ, sive alimentorum sibi excipiendorum causa coguntur semper Fidam solvere, ac pœna diffidæ omnino tenentur; quæ est Cl. Maradei Animadversio ad *singulare LIII*. III. Ut edictum Baronis, vel Universitatis præcedat, quo demonstrentur *Defensa* loca, *Diffidæque* palam indicatur adversus eos, qui minus julte iisdem abutantur. Fida autem non potest pro arbitrio constitui, cum aperte cautum sit constitutione Regni sub tit. *De pœna eorum, qui affidaturas infringunt* præter morem augeri non posse. Idem dic de diffida, quæ ex Consuetudine est decernenda; sin autem hæc desit, Augustalem minime excedat oportet. Adeantur Capicius Latro *Decis. CXLI*. & Capiblancus in *Pragm. VIII. de Baronibus*.

VIII. Verum fieri aliquando velim heic adnotes, ut Pascuorum usus cum civibus, tum exteris pateat nulla Fidæ ope, ac posthabita quavis diffidæ pœna. Id plane obtinet, ubi ex Regis indulgentia, aut

ex antiquissima, sive *immemorabili* præscriptione inter finitimos confinium agrorum mutuus usus constitutus sit; quæ quidem agrorum communio in hoc Regno *Promiscuitas* appellatur. Atque hæc originem antiquissimam præfert, uti doctè à nostris historicis probatur; Nam in hunc modum consulere majoribus, ac Regibus nostris placuit finitimarum Universitatum tranquillitati, immo & publicæ, quæ satis olim turbabatur ob assiduas tragædias, quæ de Finibus agrorum excitabantur, ut inde quæquæ sibi fortasse pro arbitrio eorum usum vindicaret. Videtis Capitulum Regni, cui initium *Pondus Æquum*, quo de ista agrorum *Promiscuitate* agitur, atque sapienter statuitur, eam Regio assensu constitui debere, modo *centenaria* præscriptio non opponatur. Quid autem sibi velint Capiblanco *de Baronibus cap. 8.* Rovitus *ad Pragm. I. de Pascuis*, & Ursillus *ad Afflic. Decis. CCLIV.* qui ajunt sine causa posse pro lubitu hanc *Promiscuitatem* cessare, non video. Duo profecto sunt, quæ me morantur, alterum est, communionis agrorum causam publicæ utilitatis causa constitutam desinere nequaquam posse, nisi alia causa publicæ utilitatis accedat, quæ contrarium velit, alterum est, quod satis protritum sit, quidquid legitime semel constitutum, sine causa quovis temporis lapsu dissolvi non posse. Quamobrem commendandus præ ceteris est Regens Marcianus *Disp. XXV.* quippe qui doctissime probavit communionem confinium agrorum dissolvi posse justis causis accedentibus,

bus, nempe inimicitia inter finitimos populos, incremento civium unius Universitatis, aliisque similibus, quibus rite vetus communio auferri queat. Neque contrarium persuadet ipsa Urfilli decisio, qua non pauci probare conantur, posse solo dissensu veterem communionem dissolvi, cum tota Decisio id unum probet, non posse sine Regis assensu communionem agrorum constitui; Quod satis compertum esse dictum jam est.

IX. Adhæc addamus alia, quæ ad idem collimant. Ac I tene, an abstineri queant subditi a Pascuis Baronum, II. an Jus sit animalia intramittere sine Dominorum consensu. III. an pœna, quæ Diffidæ addicitur, possit augeri, vel minui. IV. an in Territoriis apertis spicis jam collectis liceat invitis Dominis pecora e.g. introducere. Atque his adnotatio isthæc absolvetur. Et quod quidem ad primum pertinet, certum habet, Barones admittere debere ad usum Pascuorum suorum subditos, si fidam Edicto decreverint, atque id jus ex consuetudine subditi adquisiverint. Apposite facit *lex venditor § si constat ff. communia Prædior.* ubi dicitur valere consuetudinem, qua Jus alicui tributum in fundo alieno lapides incidendi. Sin autem Pascua sua Barones sibi velint, ne eadem desint suis Animalibus, tunc excludi debere subditos ne inficeris; nec quævis consuetudo obstabit. Atqui si hac sententia Baro subditos ab usu Pascuorum suorum velit alienare, ut exteris præstet, tunc certe subditi omni æquitate suadente

exteris praeferentur, uti jamdiu decisum refert De Franchis *Decis. CCCI.*

An vero animalia queant intromitti sine Dominorum consensu est, cur secundo loco inquiramus. Et sane futile esset id quærere, nisi quid peculiare apud nos servaretur. Eccui adhuc non constat, nemini licere aliena loca adire Dominis invitis? At diu quidem ex Regia auctoritate factum, ut permetteretur Pastoribus animalia ex Aprutio ad Apuliam deferentibus publicæ totius Regni utilitatis gratia adire territoria eorum, per quorum fundos in itu ac reditu transire oporteret. Ne vero detrimentum aliquod inferretur Dominis agrorum, Alphonsus I. Rex, qui hac in re sine ullo privatorum damno publicæ rei prudentissime consulere voluit cavit I. ut censum communem minime ferrent, qui agros hosce possiderent, eisdemque pretio oblato damnum in Animalium transitu refarciretur, quod vulgo *Tracturum* nuncupatur. II. ut certa loca, per quæ transire animalia possent, designarentur. III. ut spatio unius diei, ac noctis licitum esset Animalia per transitum deginere pasuorum causa. Quod caput antea caverat Fridericus optimo eorum, qui incommodum Animalium ferre cogeantur per Apuliam vagantium, ut sc. privatorum detrimento pro eo ac deceret, obviam iretur, uti patet ex *Constitut. cum per Partes Apuliae*. Consule alia hac de re apud Doctores ad *Pragm. 79. De Officio Procuratoris Caesaris*. Exinde originem fuisse habere *Tribunal Regia Dobana Mensa* pe-

pecudum, immunitatesque illas, quæ *Locatis*, uti ajunt, conceduntur. Quod satis nunc sit per transennam indigitasse, quandoquidem res tota dabitur in *De Jure Publico* &c. Si vero interim forenses in morem rem discere cupis, adi Josephum de *Rosa Consult. 70.* & Regentem Moles in *Decisionibus R. Cam. Tit. De Dobana Menapecedum.*

Ex his reor a quovis præclare deduci *Fidam* deberi, si quis uti velit pascuis alienis, poenamque pati, seu *diffidam*, qui audacter velit animalia in alienis territoriis intrittere. *Fidæ* autem constitutio, imo & *Diffidæ* nequaquam pendet ab arbitrio Baronis, vel Universitatis. Etenim pro certa lege apud nostros Doctores habetur ex consuetudine *Fidam*, atque *Diffidam* esse decernendam. Quare quidquid de *Fida*, ac *Diffida* queri solet, paucis habe. Et de *Fida* quidem illud queritur, an eadem pro ratione consuetudinis debeat, etiamsi deficiat numerus Animalium, cui *Fide* legitima quantitas addita. Finge. Edicitur a Barone, aliove, cui jus est *Fidam* indicendi, pro centum ovibus causa *Fide* duas esse præstandas. Certe bene se habebit is, qui pro centum ovibus duas Baroni præstet. Verum si fiat, ut quis habens quadraginta e. g. easdem in *Defensas* inducat, debet ne *Fidam* pro rata? & visum omnibus DD. rectissime ratam deberi, argumentumque desumptum habe ex l. *quidam ff. de Legatis 1.* & ex l. *Paula §. ult. ff. de Legatis 3.* Quod sapienter inductum arbitror; Nam fortas-

se fraudi non pauci fuissent Baronibus, vel Universitatibus, quod Fida fraudulenter sese liberassent detractis excentum vel quinquaginta duabus, vel tribus ovibus. Quod porro ad Diffidam pertinet, regulam illam servari volunt, eam pro damni æstimatione esse solvendam, modo dolus absit, secus vero si dolo sit damnum illatum, cum hoc casu ex Lege Aquilia reum teneri ajunt, hoc est pro justo arbitrio pœna est augenda secundum id, quod Lege Aquilia, de qua agetur *Lib. xv.* olim cautum fuit. Legatur Novarius *De Gravaminibus Vassallorum cap. XLII.* & Antonius de Nigris ad *Cap. Regni Gravamina*. Hinc frustra non est heic quærere & illud, an Diffidæ excipiendæ causæ possint Animalia detineri, an vero Dominis reddi debeant præstita cautione *de solvendo*, uti dicunt, *quidquid fuerit judicatum?* Rem dat doctæ Cl. Regens Tappia *Lib. vi. Tit. de Gravaminibus Vassallorum*, qui in Regno invaluisse docet detineri Animalia, si pœna præclare debeat usque ad ejusdem solutionem, dominumque animalium damnum omné præstare debere, contra vero restitui Dominis, si dubium sit, an revera peccatum sit, præstita ceteroqui obligatione *de solvendo*, quod fuerit judicatum. Ita tu quoque judica, nisi aliter peculiari locorum consuetudine receptum videris.

Ad ultimum conferam oportet, ne a proposito aberrem, an licitum sit ingredi aliena territoria spicis jam collectis, ut animalia pascantur? Non idem sensen-

sentiunt hac in re DD. Negat Freccia
De Subfeudis II. ex eo, quod nemini li-
 ceat domino nolente re aliena frui. Con-
 tra Joanni Fabro in *Tit. Institut. De*
Lege Fusia Canin. Tollenda, & Cassaneo
ad Consuetud. Burgund. rub. XIII. §. 2. vi-
sum, id esse cuivis permittendum. Ve-
 rum plerisque nostris Juris Neap. Inter-
 pretibus visum, rem esse definiendam pro
 varia locorum consuetudine. Nimirum
 docent, dari jus aliena Tertitoria adeun-
 di, si id consuetudine loci probatum sit;
 Quinimmo si hæc obtineat, negant Do-
 minis, posse fines Territoriorum sepere,
 quibus tantum tribuunt vetare, ne quis
 ad partem alicujus fundi accedat, ut pascua
 animalibus propriis fortasse uberiora sint.
 Vide *Molphestum ad Consuetud. Neapol.*
Tom. III. Rovitum ad Tit. de Baronibus
Pragm. x. & Novarium de Gravamini-
bis Vassallorum xxxiv. Hæc dictu omnino
 utiliora mihi visa sunt De Rebus, ac de
 Patrimoniis Universitatum.

§. 329. *Res privata*, vel *singulorum di-* Res *singulorum*
cuntur, quæ sunt in *singulorum patrimo-*
nio, sive vere, sive per fictionem. Quam-
 vis enim v. c. res hereditariæ, ante adi-
 tionem hereditatis, nullius in bonis sint
L. 1. pr. ff. hoc tit. in plerisque tamen
 hereditas jacens sustinet personam defun-
 cti *pr. inst. de stipul. serv.*

Jus Neapolitanum,

Addēis rebus *singulorum* res feudales, quarum nulla est mentio in jure civili, cum Feuda Romanis ignota, frequentissima tamen est in jure nostro, liquidem vel ab ipsa origine Feuda apud nos invaluerunt. Itaque res feudales eas dici nemo ambigit, quas quis in *Feudum* retinet. Sed non omnes res Feudales fieri valent. Sane immobiles res, ut prædia rustica, atque urbana, nec non eæ, quæ inter immobiles numerari solent, ut annui redditus, Feudalibus rebus accenseri queunt, secus ceteræ res mobiles; quamvis immobilium rerum possessio Regis placito accedente feudum *proprium* constituat, mobilium vero feudum *improprium*. De rerum istarum Jure data occasione agere mihi tribui, nec desinam ad calcem usque harum Institutionum. Quæ porro deerunt (deerunt fortasse multa cum non omnia quæ præsertim ad divisionem, onera Feud. &c. pertinent, ad institutiones hæc referri queant) ad Jus integrum rerum feudalium explicandum, subtilissime tradam in *Elementis Juris Feudalis*.

Res corporales, incorporeales, nec mancipi & nec mancipi §. 330. Altera rerum divisio in res mancipi & nec mancipi * sublata est a Justiniano *L. un. C. de jure Quirit. toll.* Tertia in corporales & incorporeales sequente titulo explicatur. Hinc altera tituli parte

te potius de acquirendo rerum dominio, exemplo Justiniani nostri, erit agendum.

* Res mancipi erant, quæ veteribus pretiosissimæ, Ill. Bynkersh. de reb. mancipi & nec mancipi pag. 109. ut prædia Italica, jura prædiorum rusticorum, servi, quadrupedes, quæ dorso, & collo domantur, hereditas, filii famillas, (§. 136.) margaritæ. Plin. H. N. lib. 9. cap. 35. Ulp. Fragment. tit. 19. §. 1.

De acquirendo rerum dominio.

§. 331. Quid circa res versatur jus, Ius est vel aut in re aut ad rem esse di- in re, vel ad citur. Vocabula jus cau- rem.
nicum suppeditat cap. 8. de concess. præb. in 6. & cap. 40. eod. in 6. Distinctionem ipsam jus civile non ignorat L. 19. pr. & l. 13. §. 1. ff. de damn. inf. l. 3. pr. & l. 25. ff. de obl. & action.

§. 332. Jus in re, recte cum Grotio defini- Utiusque
ente B. Hubero, est facultas homini in definitio.
rem competens sine respectu ad certam personam. Jus ad rem facultas, competens personæ in personam, ut hæc aliquid dare, vel facere teneatur. Quo pertinent obligationes, quæ adeo personam non egrediuntur. Hub. Prælect. ad inst. h. t. §. 12. De illo sequentibus titulis, de hoc libri tertii titulis postremis, & libri quarti prioribus erit agendum.

§. 333. Ex priorē definitione fluit, I. Juris in re
jus in re non esse momentaneum, nec re natura, & in-
licet surrepta, vel deperdita expirare, sed doles.
II. producere actiones in rem adversus quemcumque possidentem L. 25. ff. de obl. & act. §. 1. Inst. de act.

Ejusdem
species.

§. 334. Ex quo porro sequitur, III. ut species juris in re sint, I. *Dominium*, II. *Hereditas*, III. *Servitus* & IV. *Pignus*, VI. *Ut possessio*, quia & jus dumtaxat producit momentaneum l. 5. ff. de acquir. poss. juncta l. 5. de usurp. l. ult. Cod. qui legit. pers. stand. in jud. nec amissa actione in rem recuperatur l. 7. ff. de vi & vi arm. speciebus juris in re accenseri nequeat. * B. Huber. *Præl. ad Inst. lib. 4. tit. 15. §. 2.* V. A. Zach. Huber. *lib. 3. Diff. 5. cap. 2. §. 17. seq.* Jure canonico tamen possessio quodammodo naturam juris in re induit.

* Gaudet quidem possessor jure rem retinendi, ast in ipsa re ipsi non est jus possessionis, sed ex titulo, quo possidet, veluti pro suo, pro soluto, pro emptore, pro herede, pro donato, pro derelicto, pro legato, pro dote. Potest agere ad recuperandam possessionem amissam, verum non actione in rem, sed personali, interdicto unde vi d. l. ff. de vi. Nec interdicta retinendæ possessionis sunt actiones in rem, quia, qui possidet, in rem agere nequit §. 2. *Instit. de act.* Habet quidem & possessor amissa possessione actionem ad exhibendum L. 3. §. 12. *ad exhib.* sed ea non est actio in rem, verum personalis, quamvis in rem scripta, & competit non solum iis, qui ex jure in re experiri decreverunt, verum etiam commodatario, depositario, conductori L. 4. ff. *cod. Conf. laudatus Huber. filius l. c.*

Dominii definitio.

§. 335. *Dominium*, de quo hic agendum, est jus in re corporali, ex quo facultas de ea disponendi, eamque vindicandi nascitur, nisi vel lex, vel conventio, vel testatoris voluntas obsistat. Ita fere Mynsingerus ad *pr. inst. h. t.* Immo & leges nostræ l. 21. *C. mand. l. ult. Cod. de reb. alien. non alienand.*

§. 336.

§. 336. *Dominium hoc olim vel quiritarium erat, vel bonitarium, quorum illud a solis Romanis civibus acquirebatur modis civilibus, ut hereditate, mancipatione, in jure cessione, usucapione, sub corona emtione, auctione, adjudicatione, & lege. Varr. de re rust. Lib. 2. cap. 10. Ulpian. Fragm. tit. 19. §. 2. Conf. Antiq. nostr. Rom. h. t. §. 19. seq. bonitarium vero & ab aliis modis quibuscumque naturalibus adquiri poterat. Unde & illud *ἐννομόν*, legitimum, hoc *πρωτόν* seu naturale * adpellatur. Theoph. §. ult. Inst. de libertin. Sed hanc distinctionem Justinianus sustulit L. un. Cod. de nud. jur. Quirit. coll.*

Dominium
olim vel
Quiritar-
ium, vel
Bonitarium.

* Alio sensu hodie Doctores dominium dividunt in civile & naturale, & illud tribuunt marito in rebus dotalibus, hoc uxori. Quamvis enim ille sit dominus l. 23. C. de jure dot. & vi illius domini rem vindicet l. 9. C. de rei vind. non potest tamen alienare fundum dotalem, (§. 464.) & uxoris dominium, constante matrimonio, veluti quiescens, soluto illo reviviscit.

§. 337. Hodie Doctores dominium in *Vel plenum plenum, & minus plenum* partiuntur. In *vel minus plenum.* illo facultas de re disponendi, & facultas eandem amissam vindicandi conjunctæ, in hoc eadem secretæ ac divisæ sunt inter dominum, penes quem aliquid ex disponendi facultate remansit, quemque *directum* vocant, & eum, cui jus vindicandi, & utilitatem omnem capiendi est, quem *utilem dominum* appellant. Hujus domini minus pleni species seruntur *feudum, emphyteusis, jus superficiei*, in quibus dominium *directum* penes dominum

216 *Elem. Jur. Lib. II. Tit. I.*
feudi, dominum emphyteuscos, & dominum
superficiis, dominum utile penes vassal-
lum, emphyteutam & superficiarium esse
dicitur.

Hujus divi- §. 338. Sed *feuda* jus Romanum igno-
 fionis fun- rat. De *emphyteusi* & *superficie* alibi erit
 damentum. dicendi locus. Ipsa vocabula semel in
 artem recepta nec in libris nostris oc-
 currunt, nec admodum concinna viden-
 tur. Quum res ipsa tamen fundamento
 non destituatur, licebit elegantiae studio-
 fioribus dominium utile *jus dominio pro-*
ximum, vel *quasi dominium* adpellare.

Modus ad- §. 339. Potius ad causam domini pro-
 quirendo gre-
 minium cu- gredimur, quæ vel *remotior*, vel *proxima*
 titulo non est. Illa *titulus* dicitur ad transferendum
 confunden- *habilis*, veluti pro emto, pro legato,
 dus. pro donato, pro soluto, pro dote, pro
 suo, pro derelicto, pro permutato, pro
 transacto, pro adjudicato, * qui *quos*
immediate jus ad rem tantum, non do-
 minium operatur, ** Hæc vocatur *modus*
adquirendi, & *quos*, *immediate* aliquem
 constituit dominum.

* Habentur hi tituli plerique in ff. lib. 41. tit. 4.
 & seq. necnon in l. 17. de usuro. & usucap. ubi
 titulus pro adjudicato occurrit. Titulos pro permu-
 tato & pro transacto Doctores adjiciunt. Omisimus
 vero nos titulum pro herede, vel pro possessore, qui
 lib. 41. ff. tit. 6. describitur, quia heres tantum
 transit in jus defuncti, adeoque rem hereditariam
 non novo hereditatis titulo possidere incipit, sed
 eodem, quo possederat defunctus L. 11. ff. de di-
 vers. temp. præscr. l. ult. C. pro her. l. 4. C. de præ-
 scr. longi temp. Quo sensu possit pro titulo haberi,
 ad Pandectas dicemus.

** Nec ullum aliud jus in re solus titulus dat,
 quippe quod a traditione demum, vel quasi tradi-
 tione

tionem incipit. Excipiuntur tamen I. *jus hypothecæ*, quod solo pacto constituitur *l. 1. pr. ff. de pign. act. II. servitutes negativæ*, quæ nec quasi traditionem admittunt. III. *res judicio duplici commun. dividundo fam. ercisc. vel finium regundorum adjudicatæ §. fin. Inst. de offic. jud. Ulpian. tit. 19. §. 16. VI. adquisita per ultimam voluntatem*, quæ statim pleno jure adquiruntur, & nondum facta traditione vindicantur *L. ult. ff. de serv. leg. l. 19. §. 1. quoniam serv. amitt.*

§. 340. *Modi acquirendi duorum generum sunt. Quarundam etiam rerum dominium jure naturali vel gentium; quarundam vero jure civili nanciscimur* §. *Modi acquirendi vel naturales, vel civiles.*
II. Inst. h. t.

§. 341. *Modi acquirendi juris naturalis recte a Grotio lib. 2. cap. 3. §. 1. dividuntur in originarios & derivativos. Originariis ab initio proprietas in rem introducitur; derivativis dominium jam constitutum ab uno in alium transit. Illos Pufendorfius lib. 4. cap. 6. §. 1. denuo vel simpliciter tales esse ait, quibus ipsum corpus adquisimus, vel secundum quid, quibus incrementum aliquod ad rem nostram adjungitur. Simpliciter originarius modus est occupatio, secundum quid talis accessio, derivativus traditio.* Naturales vel originarii, vel derivativi.

§. 342. *Occupatio est adprehensio rerum corporalium nullius cum animo sibi habendi. Nullius vero hic esse censentur, quæ vel natura non sunt in dominio, vel pro derelictis habita in dominio esse desierunt, id est eo animo abjecta a domino, ut ea in numero rerum suarum amplius esse nolit §. 46. Inst. hoc tit. l. 1. l. 2. §. 1. l. 5. §. ff. pro derel.* Occupatio nis definitio

Axiomata
de occupa-
tione.

§. 343. Ex quo sequitur, ut I. ea, quæ nullius sunt, cedant occupanti. II. Ut occupatio fiat animo, & actu corporali simul, III. Ut, quæ custodia coerceri nequeunt, nec occupari possint §. 12. *Inst. hoc tit. l. 3. pr. O. §. 2. ff. de adquir. rer. dom.*

Occupatio-
nis species.

§. 344. Species occupationis feruntur *venatio*, quo & *auxupium* & *piscatio* referuntur, *occupatio bellica*, & *inventio*.

Venatio.

§. 345. *Venatio* versatur circa feras bestias *L. 1. §. 1. ff. de adq. rer. dom. §. 12. Inst. h. t. non circa mansuetas l. 5. §. 6. ff. eod. nec circa mansuefactas aliter, quam si animum revertendi deposuerint L. 4. l. 5. §. 3. ff. de adq. rer. dom. §. 15. Inst. h. t.*

* *Feræ bestię sunt, quæ libere vagantur, nec fine vi occupantur, quo jura nostra & apes, columbas, pavones referunt §. 14. 15. Inst. h. t. & quamvis magis mansuefactis accenseri posse videantur. Mansuefactę enim feræ sunt domi nostrę cicutatę, uti cervi, columbę, pavones, apes. Mansuefactę animalia domestica, ut anseres, gallinę §. 16. Inst. h. t.*

Jura circa
venationem.

§. 346. Quum ergo feræ bestię veteribus jure gentium visę sint nullius §. 12. *Inst. h. t. l. 1. §. 1. l. 3. pr. ff. de adquir. rer. dom.* consequens est I. ut captę statim nostrę fiant (§. 343. I.) adeoque II. capi possint non modo in fundis nostris, sed & alienis, dum ne dominus ingredienti non prohibeat *l. 3. §. 1. ff. de adquir. rer. dom.* III. Ut capi non possint vivariis, alveariis, vel piscinis inclusę, quia non sunt nullius (§. 142) IV. Ut, qui animalia mansueta aut mansuefacta intercipit, furtum committat, ob eandem rationem

tionem L. 5. §. 6. l. 44. ff. h. t. §. 16. Inst. h. tit. V. Ut vulneratio non sufficiat, nisi sequatur adprehensio, vel manu, vel instrumentis facta L. 5. §. 1. l. 55. ff. de adq. rer. dom. §. 13. Inst. h. t.

§. 347. Illud singulare est, quod ferae simul ac custodiam nostram evaserunt, nostrae non maneant, sed libertatem pristinam recuperare, atque hinc occupanti cedere dicantur §. 12. Inst. h. t. quum alias res amissae nostrae maneant, & a quovis recte vindicentur (§. 333.) Vid. Grot. lib. 2. cap. 8. §. 3. Ex quo inferitur, & examen apium eo usque nostrum intelligi, dum in conspectu nostro sit, nec difficilis videatur ejusdem persecutio §. 14. Inst. h. t.

Ferae quamdiu nostrae maneant?

§. 348. Occupatione bellica adquiruntur res hostium, quae capiuntur, quippe ex principiis juris Romani res nullius L. 1. §. 1. ff. de adquir. vel amitt. poss. Gl. Wessemb. Princip. jur. ff. ad tit. de adquir. rer. dom. §. 39. Ex quo principio inferitur, I. ea, quae ab hostibus capimus, jure gentium statim nostra fieri L. 5. §. ult. ff. de adquir. rer. dom. §. 17. Inst. h. tit. II. quumque & nos hostes simus, jus esse & hostibus nostris, capta recuperandi, & erepta denuo eripiendi, adeoque III. non prius res captas nostras intelligi, quam si intra praesidia nostra fuerint perlatae l. 5. §. 1. ff. de capt. & pssl. IV. Milites stipendiarios, qui res capiunt, esse in ministerio imperantium, adeoque eas res publico belli actu captas non sibi, sed reip. acquirere, & hinc peculatus reos esse, si
quid

Occupationis bellicae fundamentum.

quid sibi vindicent. *L. pen. ff. ad l. Jul. pecular. V. Immobilia non cedere militibus, sed reipublicæ L. 20. §. 1. ff. de capt. & possl. VI. Ex mobilibus ea relinqui militibus, quæ, permittente imperatore, prædam agentes ceperint L. 36. §. 1. Cod. de donat.*

Jus postliminii.

§. 349. Quumque hosti idem jus sit recuperandi, quod nobis eripiendi (§. 248. 2.) consequens est, VII. ut si personæ æque ac res captæ vel se subducant, vel recuperentur, illæ libertatem recipiant, hæ ad priores dominos revertantur *jure postliminii L. 7. l. 19. de capt. & possl. Quod jus in bello obtinet, in pace non aliter, quam si in pacis conditionibus de reddendis captivis convenerit * L. 20. pr. l. 28. ff. eod. vel si redimantur L. 12. §. 11. eod.*

* Nec obstat *l. 12. pr. ff. de capt. & possl.* Eam enim non de his, qui pace facta se subducunt, & furtum sui ipsius committunt, sed de iis, qui bello subito exorto apud hostes deprehenduntur, loqui, præclare docuit Illustr. Bynkersh. *Obs. lib. 1. cap. 20.*

Inventio.

§ 350. *Inventione* adquiruntur res, quæ vel sua natura nullius, vel pro derelictis (§. 342.) adprehenduntur (§. 343. 1.) *L. 1. §. 1. l. 3. §. 3. ff. de adqu. vel amitt. possess.* Quum ergo res sua natura nullius cedant occupanti, (§. 343. 1.) recte infertur, lapillos, gemmas, aliaque in littoribus inventa, & ab aliis nondum occupata jure gentium invenientis fieri §. 18. *Instit. h. t. l. 3. pr. ff. eod. l. 1. §. 1. ff. de adqu. vel amitt. possess.*

§. 351. Quumque & res pro derelictis habitæ occupanti cedant, (§. 340) sequitur, ut & thesaurus, * cujus non existat memoria l. 31. §. 1. ff. de adqu. rer. dom. l. un. C. de thesaur. a nobis in loco nostro sine artibus magicis inventus, nobis adquiratur §. 35. Inst. h. t. l. 63. pr. ff. de adqu. rer. dom. l. un. de thesaur. Nam in loco alieno sive privato, sive publico fortuito inventus ex dimidia parte inventori, ex dimidia domino, vel reip. jure accessionis cedit, data opera in fundo alieno quæsitus, & inventus totus Domini est, & inventor, tanquam qui rem alienam contrectavit, punitur: Artibus odiosis quæsitus atque inventus a fisco eripitur §. 39. Inst. h. t. l. 63. ff. de adqu. rer. dom. l. un. C. de thesaur.

* In jure hæc acquisitio aliquando accessionibus accensetur, ut §. 39. Inst. h. t. aliquando inventionibus, ut l. 31. §. 1. ff. de adquir. rer. dom. sed nec hæc a re-quisito, legum contrarietatem, nec disconsensum jureconsultorum arguunt. Fundi dominus partem suam acquirit jure accessionis, si alius fortuito invenerit, jure occupationis, & accessionis, si ipse invenerit. Qui in alieno fundo inventi partem accipit, eam capit solo jure occupationis. Potest ergo diverso respectu ad utramque referri.

§. 352. Et quia nemo dereliquisse rem intelligitur, nisi qui eo abjecit animo, ut eam in rerum suarum numero esse nolit (§. 340.) inferitur inde, I. occupanti non cedere res amissas, veluti de rheda currente cadentes §. 47. inst. h. t. II. Ab alio vindicari non posse oves, aliaque pecora nobis a lupis erepta L. 8. §. ult. ff. fam. erisc. III. Bona naufragorum, vel res levandæ navis causa ejectas non posse ab alio

Res pro derelictis non habitæ inventionem non adquirentur.

alio occupari L. 21. §. 1. ff. de acqu. possess. L. 8. ff. ad L. Rhod. l. 9. §. ult. ff. de acqu. rer. dom. l. 43. §. 43. seq. ff. & auth. Navigia C. de furt.

Usus doctri-
næ de occu-
patione ho-
dieraus.

§. 353. Haftenus de *Occupatione*, ejusque speciebus (§. 340. & 342.) Sed ab his principiis tantum non ubique hodie receditur. Venationes enim plerumque ad solos imperantes, eosque quibus illæ vel in feudum datæ, vel privilegio concessæ sunt, pertinent. Militibus conductitiis raro pars prædæ conceditur, sæpius iis, qui sponte castra sequuntur, ut prædatum exeant, vel qui navibus armatis hostilibus navibus infidiantur, easque intercipiunt. Res in littore maris inventas multis locis fiscus sibi vindicat. Nec ignotum, eundem in Dania, aliisque quibusdam locis occupare bona naufragorum. Aliud in Frisia nostra. Statut. Lib. 1: tit. 24. §. 14. Ampl. Zach. Hüb. Obser. Rer. jud. obs. 10.

Jus Nea-
polititanum.

I. Quæ docentur ab Heineccio de *Occupatione*, atque *Inventione*, recte se habent omnia, si antiquas regulas Juris attenderis. Quod vero pauca aliter sunt pro jure nostro exponenda, eadem nunc conferre e re esto. Ac primum de *Venationis* Jure animadvertendum est, apud nos valere omnino pro ea parte Jus Romanum, qua cavetur nemini licere venandi causa invito Domino alienum fundum ingredi. An vero permittatur cuivis venari in publicis locis, nunc vide. Atque hic distinguo,

guito inter Jus Regium, ac Baronale. Et quidem Regis esse tantum puta verare, ne ad quævis loca publica quisquis accedat ad venandum, ne scilicet aves longius avolent, vel nimio venatorum numero deficient; Interest enim quam maxime Reipub. Reges paratas habere venationes, ut exinde hilari animo iidem grave Regnorum regimen sustineant. Hinc in Regno Neap. primum *Magistro Forestarum*, tum *M. Senescalco*, ac demum *Monterio Majori* tributum, præstare ejusmodi locis, eosque punire, qui venari in locis publicis auderent. Consulatur *cap. Regni* 84. & *Marinus Freccia De Subfeudis Lib. I.* Quinimo ex eo factum teneo, ut venatoribus licitum sit venari, cum id eis expresse permittatur peculiari scheda, qua loca venationis describuntur privatorum usui addicta, ne impune esset quibusvis in illis locis venari, a quibus esset abstinendum. Verum ab eodem jure Barones arcentur; Etenim nequeunt pro jure suo decernere, ne quis loca publica in Territoriis feudalibus posita adeat ad venandum. Sane constat ex eo, quod tradit *Antonius de Nigris in Cap. Regni Magistri Forestarum*, id permitti Baronibus, cum vel Regius assensus, vel subditorum consensus accesserit, quæ duo ubi desunt, inane reddunt, quidquid ob eam causam a Baronibus decernatur. Ergo compertum tibi sit, hodie venari quemlibet posse in Fundis privatis, ac publicis, dummodo privatos quisquis non ingrediatur invitis Dominis, a Publicis vero non absti-

neatur vel a Rege, vel a Baronibus, siquidem hi legitimam habeant causam interdicens, ne subditi ad publica loca causa venandi se conferant.

II. Occupatio autem bellica apud nos nequaquam obtinet, cum id militibus cedat, quod eis Principes permittunt; Etenim stipendio suo milites contenti esse debent, & peculatum committunt, si quid retineant. Hinc quoque olim Masinissam Sophonisben captivam sibi habere cupientem Scipio compellat apud Livium lib. 30. his verbis: *Syphax Populi Romani auspiciis victus, captusque est; itaque ipse, conjux, Regnum, ager, oppida, homines, qui incolunt, quidquid denique Syphacis fuit, praeda Populi Romani est*, eodem Jure Reges nostri possunt milites suos inerepare, si sine permisso suo bona victorum sibi in bello detineant, cum quæ ab hostibus capiantur, ad Principem pertineant. Pauca hæc accipe de Occupatione bellica, quibus vides antiquum jus civile eo magis a nostris Regibus confirmatum. Ceterum si quæ res in locis publicis inveniantur, scito etiam, fiscum sibi vindicare. Vide constitutionem Gulielmi, quæ incipit *Dohana* sub Tit. *De Officio Secreti*, imo & alteram, cui initium *Pecuniam* Tit. *De Pecunia inventa in rebus alienis*. Sed cum varium fuerit jus Neapolitanum de Inventione Thesauri, res postulat, ut de variantibus Legislatorum nostrorum legibus de Thesauri inventionem heic disseram.

III. Quæ de Thesauri Inventionem Reges nostri caverunt tribus legibus comprehen-

prehenduntur, quarum primam promulgavit Gulielmus, secundam Fridericus, tertiam Carolus II. Ac primum Gulielmus instituit: *Dohana De Officio Secreti* sancivit, Thesauros fisco cedere, si dilucide eorum Domini non reperirentur. Immo præclarius idem Gulielmus in constitutione *Pecuniam Dei Pecunia inventa in rebus alienis* sic habet: *Pecuniam si quis invenerit, aurum vel argentum, lapides pretiosos, vel quaslibet res alias, quæ sue non sint, de quibus fiat, sicut præordinatum est, Inventor Justitiariis nostris, vel bajulis ipsarum partium statim ostendat, & sine dilatione ipsemet ad Magnam nostram Curiam deferat, & assignet, alioquin & ipse furti pœna tenebitur.* Contra Imperator Fridericus statuit in *Constitutione Mancipia De Mancipiis fugitivis*, Inventores Thesaurorum, ceterarumque rerum non cogendos esse, ita ut deferre omnino deberent ad M. C. res inventas, sed satis esse, si ad Bajulos deferrent, ne scilicet cogerentur, ut ipse ait, *invitus ad Curiam remotam multis locorum distantibus forsitan laborare.* Atqui cavet porro cum Inventores, tum bajulos furti pœna damnandos, si illi ad Bajulos, hi ad M. C. inventas res non transferrent. Ceterum longe alia fuit hac in re mens Caroli II. Regis in Capit. *Quia non decet De Thesauris*, quippe qui in hunc modum sancivit: *Sanciendo edicimus; Thesaurum inventum commodis inventoris in solo proprio reperientis illum accrescere: cujus medietas fisco nostro, quando in loco publico,*

vel fiscali; & Domino loci, quando in alieno non suo quis *Thesaurum* invenerit absque sceleratis puniendis magicis artibus juxta dispositionem juris veteris adplicetur. En ratio, qua Inventorum Jus transegit Carolus, fortasse quia Juris civilis studiosissimus fuit, ex quo haud pauca exceptit. Velim tamen adnotes heic ab omni lucro exemisse eos, qui aurum, argentumve, vel salem in *Fodinis*, *salinisque R. Curia* invenirent, eaque ad Fiscum spectare pro jure voluit. Atqui video Caroli Capirulum istud contrario usu abrogatum, quandoquidem Fiscus sibi hodie *Thesauros* vindicare solet. Vide, si lubet, Tappiam in *De Jure Regni Neapolitani* ad Tit. *De Inventione Theauri*. Atque hæc sunt, quæ proprie spectant ad jus nostrum de Occupatione, atque de Inventione.

Accessionis
definitio, &
divisio.

§. 354. Alter modus originarius est *accessio*, id est, jus acquirendi, quod rei nostræ adjungitur, incrementum (§. 339.) eaque recte a Doctoribus in *naturalem*, *industrialem* & *mixtam* dividitur. Quidquid enim vel naturæ beneficio, vel arte, atque industria rei nostræ accedit, nostrum fit.

Variae naturalis accessionis species.

§. 355. *Naturalis accessionis* modi sunt varii, veluti *fætura*, qua quidquid ex ventre in dominio nostro constituto nascitur, nostrum est * *L. 4. l. 6. ff. de adqu. rer. dom. Insula* in flumine nata *L. 30. §. 2. ff. eod. Alluvio*, id est incrementum bene-

neficio fluminis pedetentim, & latenter
adjectum §. 20. *Inst. hoc tit. Vis fluminis*,
incrementum semel & simul adjectum
§. 21. *inst. eod. & Alvei mutatio* §. 13. *inst.*
eod.

* Generatim enim id principium cum Stoicis
commune habebant veteres jureconsulti [§. 18. *]
foetum in utero non esse animal, sed partem ven-
tris. Uti enim Stoici embryonem vocabant *μῆτρος*
ἐκ τῆς κοιλίας, & *ζῶον*, partem ventris, non animam.
Plutarch. de placit. phil. lib. 5. cap. 25. & 26. Sen.
Epist. ult. ff. ad Leg. Falcid. sed mulieris vel vi-
scerum portio L. 1. §. 1. ff. de ventr. inspic. non ani-
mal, sed spes animantis L. 2. ff. de mort. infer. Me-
rill. Lib. 1. Obs. cap. 26.

§. 356. Ex his vero sequitur, I. ut quid- Foetura a-
quid ex animalibus nascitur, sit domini nimalium.
ventris §. 19. *inst. h. t.* II. Ut & vernæ
ex ancillis nostris nati nostri sint (§. 82.)
§. ult. *inst. de jur. pers. l. 7. Cod. de rei*
vind. III. ut liberi extra matrimonium
nati conditionem matris sequantur l. 14.
de Stat. Hom.

§. 357. Ex eodem inferebant Romani, *Insula nova*
IV. insulam in medio flumine natam
communem esse eorum, qui utrimque pro-
pe ripam prædia possidebant, pro modo
latitudinis cujusque prædii, V. alteri ripæ
propiorum eis, qui ab illa parte ripæ
possident prædia, accedere §. 22. *inst. h. t.*
L. 7. §. 3. L. 29. ff. de adq. rer. dom. VI.
Id jus non pertinere ad novas insulas in
mari natas, quæ tanquam res nullius ce-
dunt occupanti L. 7 §. 3. ff. *eod.* VII. nec ad
agros, quos flumen superius divergens, &
inferius unitum in insulæ formam redegit,
qui manent prioris domini L. 7. §. 4. L. 30.

§. 2. ff. cod. §. 2. inst. hoc tit.

Alluvio &
vis fluminis

§. 358. Porro inde inferunt jureconsulti, VIII. quidquid per alluvionem agro nostro flumini proximo adjicitur, nostrum esse §. 20. inst. h. t. L. 7. §. 1. ff. h. tit. IX. quod vero per vim fluminis adjicitur, prioris domini manere, nisi is interea, dum pars adjecta coaluit, & arbores in fundum nostrum radices egerunt, illam prædii sui partem vindicare neglexerit §. 21. inst. h. t. l. 7. §. 2. ff. de acqu. rer. dom.

* Id intelligendum de agris arcifiniis; qui non aliis inclusi sunt finibus, quam flumine publico. Ab his differunt agri limitati, qui olim ex agro publico ad certam mensuram possidendi dabantur. His enim quod accedebat publicum erat, illis si quid aceresceret, id domino agri cedere dicebatur L. 16. ff. de acqu. rer. dom. l. 1. §. 6. de flum. Qui agri arcifinii & limitati fuerint, egregie ex Aggenio & Frontino exposuerunt Connau. Lib. 3. Commun. cap. 5. Giphani. ad l. 16. ff. de acqu. rer. dom. sed accuratius Jo: Frid. Gronov. Not. ad Grot. de Jure B. & P. 11. 3.

Alvei mu-
tatio, & in-
undatio.

§. 359. Denique inde colligunt jureconsulti, X. alveum, quem flumen derelinquat, eorum similiter esse, qui utrinque prædia possident L. 7. §. 5. ff. de acqu. rer. dom. XI. inundationem autem speciem fundi non mutare, eumque aqua recedente ejus manere, cujus & antea fuerit L. 7. §. 6. ff. cod. §. 24. inst. h. t.

Usus doctri-
næ de ac-
celatione na-
turali.

§. 360. Sed & hæc non ubique eodem modo servantur. Insulæ sunt ejusdem, cujus est flumen, adeoque eas sibi princeps vel respublica vindicare solet (§. 325. seq.) Idem alicubi circa alluvionem, & alveum derelictum contingit, adeo ut in
Ger.

Germania vassalli a Principibus investiri sole. nt alveo fluminis derelicto . Immo & agris inundatis passim præscribitur decennio in utilitatem Principis. Voet. ad §. 23. *inst. h. t.*

Quo jure in Germania Insulæ, atque alvea derelicta Principibus cedunt, eodem, si umquam insulæ in nostris Fluminibus adnascantur, vel alvea derelicta appareant, a nostris Principibus vindicantur. Sin autem vi fluminis ager vicinus inundetur, nostris Doctoribus visum Fisco addicere, ac præscribi omnino pro fisco, si per longum tempus inundatio persistat.

§. 361. Haftenus de *accessione naturali*, Accessionis sequitur *industrialis* (§. 354.) Cujus species sunt *adjunctio*, *specificatio*, *commixtio*. variz species.

§. 362. *Adjunctio* est, quando aliena res materiæ nostræ adjungitur, veluti per *inclusionem*, *adserruminationem*, *intexturam*, *inædificationem*, *scripturam*, *picturam*. Ubi semper accessorium sequitur suum principale L. 26. ff. de adq. rer. dom. Adjunctio ejusque species.

§. 363. Ex eo ergo generali principio *Inclusio*. I. gemma aliena, auro meo inclusa, *adserruminatione*, *intextura*, *inædificatione*, *scriptura*, *pictura*, *pi-* hi cedit L. 19. §. 13. *sequ. ff. de aur. arg. leg.* II. res per *adserruminationem* rei meæ *ficatio*, *scri-* adjuncta, tanquam pars integralis, mea *ptura*, *pi-* fit L. 27. pr. ff. h. t. III. *Purpura vesti no-* *ctura.*

stræ intexta accessionis vice cedit vesti-
mento §. 26. *inst. h. t.* IV. Quod solo inæ-
dificatur ; solo cedit , sive nos materia
nostra in alieno solo , sive aliena mate-
ria in nostro solo ædificemus L. 7. §. 12.
& 10. ff. de *adqu. rer. dom.* §. 29. *Inst. h. t.*
V. Quod chartæ inscriptum , chartæ ce-
dit L. 9. §. 1. ff. *cod.* §. 30. *inst. h. t.* & pi-
ctura postremo ex subtiliorum sententia
tabulæ cedebat L. 23. §. 3. ff. de *rei vind.*
quamvis id ob artis dignitatem mutarit
Justinianus §. 34. *inst. h. t.*

§. 364. Quia tamen iniquum est, alterum cum alterius damno fieri locupletior, dominium non exstinguitur, & hinc casibus primo, secundo, & tertio domino gemmæ, metalli, purpuræ adversus bonæ fidei possessorem datur actio ad exhibendum *L. 23. §. 5. ff. de rei vind.* & conditio sine causa §. 26. *inst. hoc tit.* adversus malæ fidei possessorem, præterea actio furti, & conditio furtiva *dict. §. 26. inst. h. t.*

Adversus
eum, qui a-
liena mate-
ria in suo
ædificat.

§. 365. Similiter is, cui materiam alter
solo suo inædificavit, dominus quidem
manet §. 29. *inst. h. t. l. 7. §. 10. ff. de adq.
rer. dom.* ast eam stante ædificio ob legem
XII. tabularum vindicare nequit, ne urbs
ruinis deformetur *d. l. 7. §. 10. ff. eod.* Da-
tur tamen illi actio de tigno juncto ad-
versus possessorem in duplum. Quin di-
ruto ædificio, si duplum nondum conse-
cutus sit, materiam vel vindicare, vel
ad exhibendum agere potest §. 29. *instit.
h. t.*

§. 366. Contra si quis in alieno solo sua materia ædificavit, ædificator in possessione bona fide constitutus exceptione doli mali repellit dominum soli, pretio nondum soluto petentem ædificium, malæ fidei possessor dominium materiæ amittit §. 30. *inst. h. t. l. 7. §. 12. ff. de adq. rer. dom.* Non possidenti nulla prodita est actio. *

Adversus ædificantē in alieno solo.

* Quia tamen æquitas pro ædificante militat, facile in foris nostris ei dabitur actio in factum. Vid. B. Huber. *Prælect. Inst. §. 40.*

§. 367. Denique & scribenti contra dominum chartæ, & domino tabulæ contra pingentem, si in bona fide sint, datur actio in factum L. 23. §. 5. *ff. de rei vind. l. 1. §. 2. ff. de adq. rer. dom.* sin in mala, actio furti, & condictio furtiva, & actio in rem utilis §. 34. *Instit. hoc tit. l. 9. §. 2. ff. de adq. rer. dom.*

Adversus eum qui nostram scripturam, vel tabulam retinet.

§. 368. *Specificatio* (§. 361.) est modus acquirendi, quum quis ex aliena materia suo nomine novam speciem facit. Accessio ergo hic sit formæ ad materiam. Quumque ambiguum veteribus videretur, forma ne materia, an materia forma sit præstantior, ea de re in diversa abiire diversarum sectarum jureconsulti. * (§. 7.)

* Sabiniani enim plus materiæ tribuebant, Proculianj formam, tamquam quæ rei det essentiam, præferebant, adeoque illi domino materiæ, hi specificanti novam speciem adjudicabant L. 7. §. 7. *ff. de adq. rer. dom. §. 25. Inst. h. t.* Mediam sententiam elegere plerique, postquam sectæ studium paulatim deferbuerit L. 7. §. 7. 12. §. 1. l. 24. l. 26. *pr. ff. de adq. rer. dom.*

§. 369. Sed Justinianus decisione sua (§. 7.) ita finivit, ut si res reduci posset

Quid circa eam justum sit

set ad priorem materiam, dominus materię, sin reduci haud posset, specificans novam speciem retineret §. 25. *inst. h. t.* & hic domino materię, si in mala fide sit, ad æstimationem, sin in bona fide, in tantum teneretur, quantum factus esset locupletior L. 23. §. 5. *ff. de rei vindicat.*

Commixtio
& confusio.

§. 370. *Commixtione* (§. 361.) aut res aridę duorum, vel plurium commiscuntur §. 28. *inst. h. t.* aut res liquidę. Prior stri-
cte *commixtio*, posterior *confusio* adpellatur §. 27. *inst. h. t.* Priore casu singulę res suam substantiam, & corpora discreta retinent, posteriore non æque.

Quid circa
utramque
justum.

§. 371. Quum vero res liquidę non man-
neant in priore substantia, aridę man-
neant, consequens est, I. ut utręque qui-
dem materię, sive confusę, sive commi-
xtę, communes sint, si voluntate utrius-
que facta sit confusio, vel commixtio L. 7.
§. 8. *ff. de acqu. rer. dom.* sed II. si vo-
luntate unius facta, res confusę fiant
confundentis L. 5. §. 1. *ff. de rei vind.* ex
commixtis unusquisque suam possit vindic-
care materiam L. 5. *pr. ff. de rei vindic.*
III. Ut denique res fortuito confusę iti-
dem sint communes l. 7. §. 9. *ff. de acqu.*
rer. dom. §. 27. *inst. h. t.* res fortuito com-
mixtę a suo quęque domino vindicentur
§. 24. *inst. h. t.*

Accessio
mixta.

§. 372. Hęc de accessione *industriali*,
proxima est *mixta* (§. 354.) quando & na-
turę beneficio, & industria hominum rei
nostrę aliquid accedit, quo *plantatio*, *sa-*
tio, & *fructuum perceptio* referuntur.

§. 373.

§. 373. De plantatione, & satione observanda axiomata: *Quidquid solo implanta-* Axiomata
tur, vel inseritur, solo cedit L. 9. pr. ff. de de planta-
adquir. rer. dom. §. 32. *inst. h. t.* II. Arboris tione, & sa-
dominium jure Romano ex radice æstimatur §. 36. *inst. h. t.*

§. 374. Ex priore axiomate insertur, Quid ju-
I. frumenta, sive aliena in meo agro, si- stum circa
ve mea in alieno agro sata sint, agri do- plantationē,
mino cedere, deductis impensis L. 9. pr. & sationem.
ff. de *adq. rer. dom.* §. 3. *inst. h. t.* Ex poste-
riore II. arborem; in confinio positam,
ejus esse, cujus in fundum radices ege-
rit, & III. si in utriusque fundum radi-
ces egerit, communem haberi L. 7. §. ult.
L. 8. pr. ff. *cod.* §. 31. *inst. h. t.* Ex utroque
IV. plantam nostram in alieno solo, vel
alienam in nostro solo positam, solo ce-
dere, si radices egerit, antea vero posse
a domino vindicari d. L. 7. §. ult. ff. *cod.* &
d. §. 31. *inst. cod.*

§. 375. Sed quod ad arbores, hodie tam Usus ho-
subtiliter plerisque locis non philosophan- diernus.
tur, sed earum dominium ex stipite po-
tius, & ramis in fundum nostrum, vel a-
lienum propendentibus, quam ex radici-
bus judicant. Ita Saxones, ita Germani,
& Belgæ plerique. B. Huber. *pr. elect. inst.*
h. t. §. 41.

Quæ de Accessione Industriali, & Mi- Jus Neapo-
xta Jure civili statuuntur, a nostris mo- litanum.
ribus non dissonant; Nam bona vel ma-
la fides quoque obtinet pro iis, atque
ad-

adversus eos, qui vel ex bona fide, vel ex dolo alienas res sibi in eum modum addicunt. Id unum tamen antiquissima consuetudine receptum apud nos est, ut arborum confinium fructus spectare quoque ad eos dicantur, qui ramos in proprios fundos propendentes patiuntur. Hinc solent, qui vicinorum commodis obstare hac in re volunt, uti equidem non semel factum novi, ramos in alienis fundis pendentes incidere, ut omnis actio fructus percipiendi vicinis auferatur.

Fructuum perceptio a bonæ fidei possessore.

§. 376. *Fructuum perceptio* est species accessionis, quæ is, qui rem alienam bona fide non interrupta, & justo titulo possidet; fructus percipiendo suos facit §. 48. pr. L. 23. §. 1. ff. de acqu. rer. dom. §. 35. inst. h. t. Bona fide possidere videtur, qui ignorat, rem alienam esse, putatque eum, a quo causam habet, tamquam dominum, procuratorem, vel tutorem jus alienandi habuisse L. 109. ff. de V. S. Justo titulo possidet, qui ex causa ad transferendum dominium habili possidet (§. 339.) Possidere denique non est rem detinere, sed detinere animo dominii, vel rem sibi habendi, quæ possessio strikte civilis dicitur, & naturali opponitur in jure nostro L. 1. §. 9. ff. de vi & vi arm. L. 2. §. 1. ff. pro herede L. 38. §. 7. ff. de verb. obl.

Quos fructus bonæ fidei possessor lucratur

§. 377. Quum ergo bona fides, & justa causa efficiant, ut loco domini sit possessor L. 48. pr. ff. de acqu. rer. dom. sequitur,

tur, I. ut fructus percipiendo suos faciat, id est, simul ac a solo, vel arbore separati sunt *d. l. 48. pr. ff. cod.* II. Ut & industriales & naturales percipiat *d. l. 48. ff. cod.* uti oleum, quod teste Plin. *lib. 15. cap. 1.* sine omni cultura provenit, & fœnum *L. 13. ff. quibus mod. ususfr. amitt.* Conf. Vinn. ad §. 35. *inst. h. t.* III. Ut malæ fidei possessor nihil lucretur, & non modo perceptos, sed & percipiendos fructus restituere teneatur *l. 33. l. 62. §. 1. ff. de rei vind. §. 35. inst. h. t.*

§. 378. Quum tamen b. f. non faciat Quos restituat.
verum dominum, consequens est, IV. ut hoc superveniente bonæ fidei possessor non quidem consumptos restituat, licet iis locupletior factus *l. 4. §. 2. ff. finium regund.* sed tamen exstantes *l. 22. C. de rei vind.*

§. 379. Postquam de modis acquirendi Modus ad-juris gentium originariis actum; sequitur quirendi de-derivativus, qualis unus est, puta tradi-derivativus.
tio (§. 341.)

§. 380. *Translatio* est modus acquirendi Traditionis
derivativus, quo dominus, qui jus, & a- definitio.
nimum alienandi habet, rem corporalem ex justa causa in accipientem transfert.

§. 381. Ex qua definitione fluunt axio- Axiomata
mata. I. Tradi res posse corporales. II. de traditio-
Tradi eas debere a domino jus alienan- ne.
di habente. III. Non transferri domi-
nium, nisi traditio fiat animo alienandi.
IV. Nec ea adquiri dominium nisi caus-
sa ad transferendum dominium habilis
(§. 339.) præcedat. B. Hub. *prælect. ad inst. h. tit. §. 52.*

Traditio
quomodo.

§. 382. Quum ergo traditio sit rerum corporalium (§. 181. 1.) sequitur, I. ut rerum incorporalium nulla sit traditio, sed quasi traditio, cujus loco est ex parte concedentis patientia, ex parte accipientis usus, vel exercitium l. 1. §. ult. ff. de serv. rust. pred. l. ult. ff. de serv. II. Ut ea fieri debeat vel translatione rei naturali, veluti datione rei mobilis e manu in manum, aut exhibitione immobilis presentis l. 1. §. pen. ff. de acqu. poss. vel signo quodam, v. c. traditione clavium, instrumentorum, &c. quæ traditio alias dicitur *Symbolica* d. l. 1. §. pen. ff. de acqu. possess. vel demonstratione e longinquo l. 18. §. 2. ff. cod. quæ traditio dicitur *longa manu facta* l. 79. ff. de solut. vel denique fictione rem tradi, quam jam accipiens ex alia causa possidet §. 34. inst. l. t. quam vulgo traditionem *brevi manu factam* adpellant.

Quis tradere possit.

§. 383. Quumque traditio fieri debeat a domino jus alienandi habente §. 381. 2.) sequitur, III. ut traditio a non domino facta in eum, qui a domino se accipere putat, non transferat dominium, quamvis bonæ fidei possessorem faciat accipientem l. 20. ff. hoc tit. IV. Ut nec pupillus recte tradat sine auctoritate tutoris (§. 252.)

Quando traditio transferatur dominium.

§. 384. Quia etiam in tradente requiruntur animus alienandi, & *justa causa*, ex qua fiat traditio (§. 381. 3. 4.) consequens est, V. ut non transferatur dominium, si ejusmodi causa desit. Quin in emptione venditione ne sufficit quidem causa.

caussa, nisi vel pretium solutum sit, vel venditor fidem de eo habuerit §. 51. *inst. h. t. l. 19. ff. de contr. empt. VI.* Ut traditio fieri possit & in personas incertas, modo indefinite certæ sint. Quo pertinet *jaclus missilium* * §. 45. *inst. h. t.*

* Potest tamen commodius etiam ad occupationem referri. Qui enim missilia jactat, id facit animo ea sibi non amplius habendi, adeoque ea pro derelictis habet (§. 342.) Res pro derelictis habitæ sunt nullius, adeoque cedunt occupantibus. Missilium ab Imperatoribus sparsorum exempla sunt apud Sueton. *Aug. cap. 98. Calig. cap. 18. Neron. cap. 11. a Magistratibus d. §. 45. Instit. hoc tit. l. 2. C. de consul. & non sparg. pec. lib. XII. Nov. cr. cap. 2. §. 1.*

T I T. II.

De rebus corporalibus, & incorporalibus.

§. 385. **S**UPEREST & altera divisio rerum Altera rerum divisio
in corporales, & incorporales (§. 330.) quam in hunc titulum rejecit Imperator.

§. 386. Corporales iureconsultis sunt, quæ Corporaliū, & incorporalium definitio.
tangi possunt, Incorporales, quæ tangi non possunt. * Cujus generis sunt ea, quæ in jure consistunt, ut hereditas, usufructus, obligationes *l. 1. §. 2. ff. de rer. divis. §. un. inst. h. t.*

* Hæc quoque Stoica sunt. Hi enim philosophi quum omnes sensus ad tactum reducerent, corpus definiebant, quod tangi possit. Sen. *Epist. 106.* Iidem corpora sola esse affirmabant, incorporales res non esse, sed intelligi. Cic. *Topic. cap. 5.* Illas res vocabant, has jura, Quinstit. *lib. 5. inst. cap. 10.*

Et

Et inde verba Pauli, servitutes nec in bonis, nec extra bona esse, interpretatur V. C. Ger. Noodt. *Probab. lib. 2. cap. 3.*

Incorporales in quantitatibus, vel qualitatibus consistunt. §. 387. Ergo pecunia, quatenus ex auro argentoque flata est, corporalis, quatenus in quantitate consistit, incorporalis est. Quantitates enim æque, ac qualitates non tanguntur; & hinc recte res incorporales in quantitates, & qualitates dividit Vultejus in *Jurispr. Rom. lib. 1. cap. 62. pag. 345.*

Earumdem indoles. §. 388. Quum itaque hæ incorporales tangi nequeant, (§. 386.) consequens est, ut proprie nec possideantur, (§. 303. *) nec tradantur, (§. 382.) nec in dominio sint; (§. 335.) sed tamen quasi possideantur, quasi tradantur, & in bonis esse intelligantur l. 1. §. 2. ff. de nov. op. nunc.

Res corporales vel mobiles, vel immobiles. §. 389. Res corporales in mobiles, & immobiles dividuntur. Mobiles sunt, quæ vel se ipsæ virtute interna movent, vel saltem de loco in locum moventur. Immobiles, quæ vel citra corruptionem de loco in locum moveri nequeunt, ut res soli, vel quæ immobilium partem constituunt, vel perpetui usus causa certo loco sunt destinatae l. 13. §. fin. l. 14. l. 15. l. 17. pr. ff. de act. emt. l. 242. §. ult. ff. de V. S.

Ea divisio ad res incorporales non pertinet. §. 390. Proinde obligationes, jura, & actiones rerum mobilium, & immobilium vocabulo non continentur l. 7. §. 3. ff. de pecul.

T I T. III.

De Servitutibus prædiorum rusticorum,
& urbanorum.

§. 391. **Q**uum res incorporales in jure consistant (§. 386.) & talia jura etiam sint *servitutes*, de iis agitur titulis sequentibus.

Connexio.

§. 392. *Servitus* est jus in re aliena constitutum, quo dominus in re sua aliquid pati, vel non facere tenetur in alterius utilitatem. Ergo hic non servit homo, uti supra (§. 89.) sed res, & quidem vel prædio vicino, vel homini. Prior *servitus realis*, vel *prædialis*, posterior *personalis* dicitur, eoque pertinent *ususfructus*, *usus*, *habitatio*, *opera servorum*. Jam de realibus agendum.

Servitutis definitio & divisio.

§. 393. *Servitus realis* est, quando prædium servit prædio §. 3. *inst. h. t. l. 1. §. 1. ff. commun. præd.*

Servitutes prædiales.

§. 394. Quum vero prædia vel soli habitationi, vel usui æconomico destinata sint, illa, sive ruri, sive in urbe sita, urbana, hæc itidem sine situs discrimine rustica a jureconsultis vocantur §. 1. *inst. h. t. l. 1. ff. commu. præd. l. 198. & l. 211. ff. de V. S.* Unde servitutes dominante prædio vel urbanorum, vel rusticorum prædiorum dicuntur.

Eæque vel rusticorum, vel urbanorum prædiorum.

* Magna olim inter has servitutes differentia, quia quæ rusticis prædiis hærebant, res Mancipi, quæ urbanis, nec Mancipi erant; (§. 330. *) sed abolita hac distinctione ipsum quoque servitutum harum discrimen hodie perquam est exiguum.

§. 395.

Axiomata
de servitu-
tibus.

§. 395. De omnibus servitutibus obser-
vanda axiomata I. Omnem servitutem
esse in re aliena (§. 392.) neque rem suam
cuiquam servire *l. 5. pr. ff. si usufr. petat.*
II. Nullam servitutem in faciendo, sed
vel in patiando, vel in non faciendo con-
sistere. * III. Omnes servitutes esse indi-
viduas *l. 2. §. 2. ff. de verb. obl.* IV. Ser-
vitutum causam esse debere perpetuam *l. 38.*
ff. de serv. præd. urb.

* Quæ in patiando consistunt, affirmativæ, quæ
in non faciendo Negativæ adpellantur. Illæ qua-
si traduntur, hæ nec tradi, nec quasi tradi pos-
sunt (§. 339. **)

Quomodo
servitutes
constituan-
tur.

§. 396. Quum ergo servitus sit jus in
re, & quidem in re aliena (§. 395.) se-
quitur I. ut constituatur quidem pactio-
nibus, stipulationibus §. 4. *inst. h. t. ul-
timis voluntatibus §. ult. inst. h. t. l. 16. ff.*
*commun. præd. præscriptione decem anno-
rum inter præsentēs, viginti inter absen-
tes l. ult. in fin. C. de præscr. longi temporis:*
ipsum tamen jus in re non ex pactio-
ne, sed ex quasi traditione *apud nos, immediate*
nascatur, si servitus sit affirmativa. *
(§. 339. **) II. Ut si prædium serviens
a dominantis domina, vel dominans a
servientis domino acquiritur, servitus ex-
tinguatur *l. 1. ff. quemadm. serv. amitt. l. 30.*
ff. de serv. urb. præd.

* Ergo servitus promissa petitur actione ex sti-
pulatu, legata autem vel actione personali ex te-
stamento, vel reali confessoria, jam constituta
sola actione reali Confessoria. Ratio cur & reali
actione peti possit servitus ex testamento relicta,
jam supra occupata est (§. 339. **) quia videlicet
legata & sine traditione pleno jure adquiruntur.

Inter

Inter modos Servitutum constituenda- Jus Nea-
rum maxime obinet, ut vides Jure civili, politanum.
prescriptio, qua fit, ut longo tempore qua-
vis servitus præscribatur. Ab hoc Jure
nostrum nequaquam abhorret. Id unum
ex Neapolitana consuetudine servatur,
uti in calce hujus Tituli dicitur, ut
si domus e. g., cujus plures sint Domini,
dividatur, ac pro parte quisque ejus do-
minium adipiscatur, non poterit alter
adversus alterum quamvis servitutum præ-
scribere, etiamsi ex iis aliquis longissimo
tempore Jure suo non utatur. Id fusius
infra explicabitur.

§. 397. Quumque vel in patiendo, vel Quis tenea-
in non faciendo consistat, insertur, III. tur ad refi-
servientis prædii dominum non teneri ad ciendum.
reficiendum id, quo prædium suum ido-
neum sit, præstandæ servituti l. 13. §. 1. ff.
de servit.

§. 398. Denique quum omnes servitutes An pro par-
sint individuae, consequens est, ut nec te constitui
per partes constitui, nec adquiri possint possint.
l. 8. §. 1. l. 9. l. 11. §. 1. l. 17. ff. de servit.
Quamvis hæc non impendant, quo minus
modus servituti adici queat l. 4. §. 1. ff.
eod.

§. 399. Servitutes prædiorum urbanorum, Servitutes
(§. 394.) variae sunt, veluti oneris seren- urbanorum
di, signi immittendi, projiciendi, prote- prædiorum.

gendi, stillicidii vel fluminis recipiendi, vel non recipiendi, altius tollendi, vel non tollendi, luminum, & ne luminibus officiatur, prospectus, & ne prospectui officiatur l. 2. l. 3. l. 4. ff. de serv. urb. præd. §. 1. instit. de servit.

Oneris ferendi.

§. 400. Oneris ferendi servitus in eo consistit, quod columna vicini, vel ejusdem paries onus ædium nostrarum sustinere tenetur §. 1. *inst. h. t. l. 33. ff. de serv. urb. præd.*

An sit anomala.

§. 401. Quum ergo servitus in faciendo non consistat, nec serviens ad refectio- nem ordinarie teneatur (§. 397.) facile patet, dominantem & hic ordinarie parietem, vel columnam vicini, cui ædes suæ incumbunt, reficere debere l. 6. §. 2. *ff. si serv. vind.* adeoque non esse, cur hic statuamus servitutem anomalam.

* Equidem lis fuit inter veteres, sed non de questione, an prædii servientis dominus columnam reficere teneatur? sed an ejusmodi pactum iniuri possit, ut reficiat? Negabat id Aquilius Gallus, quia id contra naturam servitutum esse videbatur: sed affirmabat Servius, cujus sententia prævaluit, ita explicata a Labeone, ut quia non homo, sed res serviat, licere dixerit domino columnam derelinquere l. 6. §. 2. *ff. si serv. vind.* Et de ejusmodi pactione manifeste loquitur Paulus l. 33. *ff. de serv. præd. urb.* quia alter ab altero fuerat stipulatus: *Pariet oneri ferendo, uti nunc est, ita sit.* Si quis sibi itaque hoc modo non fuisset stipulatus, non servientis, sed dominantis prædii dominus reficere parietem proculdubio tenebatur.

Tigni immittendi.

§. 402. Tigni immittendi servitus est jus, quo vicinus pati cogitur, ut vicini tignum suo parieti immissum in eo requiescat l. 242. §. 1. *ff. de V. S.*

§. 403.

§. 403. *Projiciendi* servitus est jus in prædio vicini, ut tignum nostrum super fundum suum provehi patiatur, quamquam in nulla parte ædium suarum requiescat * l. 242. §. 1. ff. de V. S. *Protegend* servitus *ius protectum super alienum solum habendi* l. 2. ff. de serv. præd. urb.

* Talia mæniana, & suggrundia. Mæniana erant projecta spectandi causa facta, in quibus insisterent spectatores. Quæ utrum a Mænio censore, an a juvene ejus nominis prodigo dicta sint, non adeo expeditum. Vid. Festum *hac voce*, & Isidor. Orig. lib. XV. cap. 3. Reliqua projecta, quæ vel in tectis, vel in quacumque ædium parte vel prospiciendi, vel stillicidii avertendi causa fiunt, a suggrediendo suggrundia vocantur. Vitruv. lib. II. cap. 9. lib. III. cap. 2.

§. 404. *Stillicidii vel fluminis recipiendi* servitus est jus, quo vicinum prædium tenetur recipere stillicidium, vel flumen nostrum in tectum, vel aream suam l. 2. ff. eod. *Non recipiendi* jus, quo vicinus stillicidium, vel flumen ex ædibus suis in aream vel tectum vicini avertere prohibetur, quum id per statutum liceat. Ita rem exponunt Vinn. ad §. 1. inst. hoc tit. B. Huber. Prælect. ad inst. h. t. §. 9. Differunt vero *flumen & stillicidium*, quod per illud aqua pluvia in canales collecta continuo ruit, per hoc stillatim ex tecto cadit. Varro de Lat. Lingua lib. 4. cap. 5.

§. 405. *Servitus altius non tollendi* est jus, quo vicinus in commodum vicinarum ædium suas altius tollere prohibetur l. 2. hoc tit. *Servitus altius tollendi* est jus, quo quis pati cogitur, ut vicinus ædes suas altius tollat, quam per statutum

Stillicidii vel fluminis recipiendi, vel non recipiendi.

Altius non tollendi, & tollendi.

licet . * Unde ponendum , exstare statutum , quo vicinus , inconsulto vicino , ultra modum lege definitum ædificare nequeat .

* Elegans quidem est conjectura A. A. Pagenstecheri in *Sicilim Manip.* 3. pag. 70. servitutem altius tollendi fuisse constitutam , quoties vicinus a vicino sibi stipularetur jus, contignationem imponendi ejus ædibus . Cujusmodi quid aliquando factum esse , ex l. 2. pr. de serv. rust. præd. & l. 24. ff. de serv. urb. præd. colligit . Sed & hanc conjecturam , ut fere reliquas Doctorum explicationes incommoda haud levia premunt . Nam 1. dominus prædii dominantis tunc confessoriam actionem instituere non potuisset hac formula *Ajo mihi jus esse ades meas altius tollendi* §. 2. *instis. de act.* 2. Servitus altius tollendi hoc modo non discreparet a servitute oneris . Denique 3. ex l. 1. pr. ff. de serv. urb. præd. constat , si intercedat solum publicum , vel via publica , neque itineris , actusve , neque altius tollendi servitutes impediri . Cui usui vero qui alienis ædibus imposeret contignationem , ad quam ex suis ædibus accessus haud pateret ? Fa- teor tamen non multo minoribus incommodis hanc , quam nos securi sumus Jo. Fabri , Donelli , Duareni , Corasii , Vinnii , aliorumque sententiam premiti .

Luminum,
& ne lumi-
nibus offi-
ciatur.

§. 406. *Luminum* servitus est jus cogen-
di vicinum , ut fenestras nostras in suo ,
vel communi pariete excipiat l. 4. l. 40.
ff. de serv. præd. urb. *Ne luminibus officia-*
tur servitus est jus prohibendi vicinum ,
quo minus quidquam in suo ad minuen-
da , vel obscuranda lumina nostra facere
possit l. 4. li 15. l. 18. pr. §. 1. l. 23. ff. *cod.*

Prospectus
& ne prospe-
ctui officia-
tur.

§. 407. *Servitus prospectus* est jus in
prædium vicini prospiciendi l. 12. l. 16. ff.
cod. *Servitus ne prospectui officiat* jus
prohibendi vicinum , quo minus quidquam
ad impediendum hunc prospectum facere
possit

possit l. 3. l. 15. ff. loc. tit. *

* Unde hujusmodi constituta servitute nequidem viridarium supra ædes habere potest vicinus, quod tamen potest in servitute altius tollendi l. 12. ff. eod.

§. 408. Rusticorum prædiorum servitutes denuo sunt variae, uti iter, actus, via, aqueductus, & similes. Iter est jus eundi, ambulandi hominis, non etiam jumentum agendi vel vehiculum l. 1. pr. de serv. rust. præd. pr. inst. h. t. Actus est jus agendi jumentum, vel vehiculum * l. 1. pr. ff. eod. pr. Inst. h. t. Via est jus vehundi, agendi, & ambulandi d. l. pr.

Servitus rusticorum prædiorum. Iter, actus, via.

* At quale? Sic sane non differret actus a via. At rem expedit Bynk. Observat. IV, 7. ad totum hunc Paragraphum intelligendum hic omnino conferendus.

§. 409. Sed quum paullo obscuriores viderentur hæc definitiones, alios has servitutes ex spatio aestimasse, arbitror. Via nimirum erat jus ea agendi vehundi, ferendique, quæ intra spatium octo pedes in porrectum, sedecim in anfractum extensum fieri possent l. 8. ff. de serv. rust. præd. Eodem modo actus quatuor pedum in latitudine esse solebat, iter forsan duorum.

§. 410. Inde vero facile intelligitur, cur I. qui actum habet, & iter habeat l. 1. pr. ff. de servit. rust. præd. curque II. via actum, & iter complecti videatur l. 1. pr. ff. de serv. rust. præd. *

Quid circa eas iustum.

* In pactionibus tamen utramque Servitutem distincte exprimi consuevisse patet ex marmore apud Gruterum Inscrip. p. 201. num. 3.

Aquædu-
ctus, aquæ
haustus, &
aliæ.

§. 411. Servitus *aquæductus* est jus aquam ducendi per fundum alienum. Quumque eodem modo constitui possit jus aquam hauriendi ex fonte alieno, (non tamen ex cisterna ob axioma 4. §. 495. l. 1. §. 4. §. *de fonte*,) pecus ad alterius rivum aquandi causa adducendi, idve pascendi in alterius pascuis, lapides, arenas, cretam, pedamenta ex alieno fundo sumendi, facile patet, esse etiam servitutes *aquæ hauritus*, *pecoris ad aquam adpulsus*, *jus pascendi*, *calcis coquende*, *arena fodiende*, *creta eximende*, & similes.

An omnium
meminerit
jus Roma-
num.

§. 412. Quin & multæ aliæ servitutes rusticorum prædiorum pro diversa rei rusticæ indole & fingi, & constitui possunt, quarum non meminit jus Romanum.

Quomodo
servitutes
finiantur.

§. 413. Quia eodem fere modo, quo res constituitur, eodem solvi, & finiri solet, finitur servitus I. consolidatione (§. 395. 1.) II. remissione l. 14. §. 1. ff. *de serv.* quia uti pactis & stipulationibus constituitur (§. 396. 1.) ita eisdem solvitur. Quin sufficit remissio tacita, quando quid fieri conceditur, quod usum servitutis impedit l. 8. *pr. quemadm. serv. amitt.* III. Non utendo per decem annos inter præsentis, vel viginti inter absentes * l. 18. §. 1. ff. *quemadm. serv. amitt.* Ejusdem enim temporis præscriptione constituitur (§. 396. 1.) IV. Interitu prædii alterutrius l. 14. ff. *eod.* sine quo jus prædii non intelligitur §. 393.

* In servitutibus prædiorum rusticorum solus ille non usus domini prædii dominatis extinguit. In urbanorum prædiorum servitutibus ille non usus non sufficit, nisi servientis prædii dominus simul usuceperit libertatem l. 6. 7. ff. *de serv. præd.*

præd. urb. id est, factum servituti constitutæ contrarium continuo exercuerit, veluti foramina quibus immissa fuerant tigna, obturando, obturatumque per legitimum tempus habendo *d. l. 6. Rationem jam reddidit B. Huber. Prælekt. ff. Lib. 8. tit. 6. §. 6.*

I. De Servitutibus prædialibus agendum heic quoque est pro jure nostro. At primum recte discito regulas juris Romani de Natura, ac Speciebus Servitutum, tum ad hæc mecum descendito. Et extant quidem de Servitutibus nonnullæ Neap. consuetudines, quæ sunt omnino explicandæ. Ac primum de Servitute itineris, de qua quid peculiare statuitur. Etenim in Consuetudine *Si quis habens* sub Tit. *De Servitutibus*, qua de necessaria Servitute agitur, in hunc modum cavetur: *Si quis habens terram non tamen viam, cui terra circum circa sunt terra aliorum vicinorum, nec apparet, unde viam, iter, vel actum habet ad terram ipsam, potest petere sibi concedi iter, viam, vel actum per terram vicini, per quam propinquus ire possit ad viam publicam, vel viam carrariam, seu qua breviori spatio distet a via publica, ad terram ipsam, quæ viam, iter, vel actum habere non apparet ex constitutione, vel usu longo.* Ubi vides eum, qui ad prædium suum iter non habet, puta quia circa illud sunt prædia aliorum sic posita, ut nullus Domino pateat aditus ad fundum suum, posse pretio oblato vicinum cogere, ut sibi Servitutem itineris ad præ-

Jus Neapolitanum.

dium constituat. Quod si plures sint Domini, potest ejus prædii Dominum cogere, quod a via publica minus distat. At quod primo loco in hac consuetudine interpretandum occurrit, illud est, quomodo intelligi queat, ad prædium, quod privati juris est, aditum non patere? Si fingas ex non usu iter deperditum, est ea species perquam rara, cum raro contingat, Dominos in rebus suis tam negligenter agere. Præstat igitur speciem fingere ex Scævola in l. ult. De Servitutibus Prædiorum Urbanorum: Olimpico habitationem horreum, quod in ea domo erat, quoad viveret, legavit, juxta eandem domum hortos, & cœnaculum, quod olimpico legatum non est, fecerunt: ad hortum autem, & cœnaculum semper per domum, cujus habitatio relicta erat, aditum sunt. Quasitum est, an Olympicus aditum præstare deberet. Respondit, heredem transire per domum posse. Secundum hanc sententiam recte explicari consuetudo potest. At enim Scævola differte addit, heredis transitum servitutem non esse. Verum in specie Scævola sola domus habitatio legata est, ut proinde proprietas sit penes heredem, cui tamquam Domino res sua servire non potest l. 23. ff. eodem. Quod si duo prædia duobus legata proponantur, per quorum unum sit aditus ad alterum, erit hæc species consuetudinis nostræ. Porro in hac consuetudine inquirendum est, ecquid statuator, ubi dicitur viam, iter, vel actum præstandum esse vicino, quandoquidem differre inter sese ejusmodi servitutes se-

secundum Juris civilis regulas constat. Ajo hanc consuetudinem & secundum ipsius Juris Romani regulas explicandam esse. Et quidem Ulpianus in *l. si quis sepulchrum De Religios. & sumt. funerum* docet Judicis partes esse debere commodi vicini consulere, ut iter, via, vel actus decernatur pro eo ac opus est, pro itu ac reditu ad prædium *dominans*. Sic est consuetudo intelligenda: Nimirum arbitrio boni viri definiendum erit, an amplior patere debeat vicino aditus, a quo pretium majus minusve erit solvendum pro varia itineris, viæ, vel actus amplitudine.

II. Sequitur consuetudo *Si quis habet in hæc verba: Si quis habet parietem, in quo sit fenestra doffitia* (hanc vocem apud Neapolitanos frequentissimam fuisse tene, & significasse *Fenestram* aptam ad lumen, non ad adspectum) *vel quelibet alia apertura pro aspectu, vel lumine ingrediendo, qui paries sit juxta curtim, domum, vel hortum alicujus vicini, & vicinus vult ex opposito ad aperturas, que sint in dicto pariete adificare in horto, curti, vel domo sua debet per palmas canna duodecim elongare se, & eatenus distare debet adificium, quod construit a dicto pariete, ita tamen quatenus adificium novum, quod fit, fieret ex opposito ad dictas doffitias, vel etiam aperturas.* Loquitur consuetudo de edificio, ac proinde non est ad arbores contra parietes positas producenda; Quo casu locus est iuri communi in *l. ult. ff. Fin. Reg.* ubi Cajus Græcam Solonis legem describit, quæ

quæ intelligenda est de arboribus positis juxta agros. Præterea inquit consuetudo ex opposito ad aperturas, ut intelligas consuetudini locum non esse, si ædificium exstruatur non contra *Fenestras*, sed contra parietem, qui *Fenestras* habeat in capite, & in fine. Demum consuetudo ait, qui *paries sit juxta curtim, domum, vel hortum*, ut hinc illud etiam colligas, consuetudinem non obtinere, cum juxta parietem vicini sit via publica; Etenim descripta verba, nec non ea, quæ mox sequuntur *adificare in horto, vel domo sua* dominium in solo denotant, uti bene *Napodanius*. Atque hæc est consuetudo illa, qua vides impediri naturalem in solo suo ædificandi libertatem; Quo fit, ut nemo possit ædificare, nisi jure servitutis. Idque fecit utilitas sive publica, sive privata. Et Romæ quidem ex constitutione *Arcadii in l. 9. Cod. de Ædific. priv.* non poterant privata ædificia prope publica exstrui nisi interposito ex omni latere quindecim pedum spatium, ne ex privatorum ædificiorum propinquitate publicis ædificiis incendii periculum immineret. Contra consuetudini nostræ privata vicinorum utilitas causam dedit, ne ex nimia ædificiorum propinquitate luminibus officeretur. Interponendum est igitur duodecim palmorum spatium; quæ sorte fuit ædificandi forma apud recentiores Græcos usurpata, eorumque exemplo a Neapolitanis civibus recepta. Quæ cum ita sint mentione digna ad ultimum heic videntur, quæ docet *Antonius Capycius* ad hanc

hanc consuetudinem. Sane duo sapienter proponit, quorum alterum est, posse vicinum id prohibere vicino ædificanti, modo habeat fenestras cum cantonibus, non vero si fenestræ sint sine cantonibus, quippe quæ novæ habentur; Quamobrem jamdiu pro Tabulariorum ingenio maxime decerni solet, ut ejusmodi *Fenestra* claudantur, neque vicinis ædificantibus novas *Fenestras* aperire interdicatur; alterum est, spatium duodecim palmorum consuetudine præscriptum obtinere, modo vicinus velit fenestras in sua domo aperire, secus vero si foramen aliquod efficere cogatur, ne omnino domus sine lumine remaneat; nam si tanta urgeatur necessitate vicinus poterit foramine aliquo lumen excipere, etiamsi non intersit spatium 12. palmorum. Cujus rei argumentum desumptum habe ex *l. qui binas 9. ff. de servit. Urb. prad.* quam consule.

III. Nunc vide, quid de prospectu Maris dicendum sit. Ac sane in Codice existat *l. 12. §. 4.* qua Zeno Imperator constituit, in omnibus omnino domibus, quas ædificantur, si centum pedum spatium relinquatur inter circumjacentia loca omni impedimento cessante fieri ædificia, etiamsi aliis domibus prospectum in mari adimant. En tenes ex constitutione Zenonis, centum pedum spatium requiri, ut vicinis prospectus maris adimatur, nempe directus, non vero si obliquus; Nam idem Imperator duodecim pedum spatium pro obliquo maris prospectu adimendo defini- vit. Quumque post Zenonem dubitari cœperit,

perit, utrum Zenonis constitutio ad Urbis Constantinopolitanæ Præfectum scripta *localis* esset, Justinianum eam ad Provincias omnes Imperii Romani extendisse, nescio qua causa, quidam volunt in *l. 13. eod. tit.* Id unum equidem certum habeo, Justinianum Nov. 63. spatium 100. pedum servari statuisse, etiamsi obliquus prospectus maris auferretur. At quoniam vel ipsa Zenonis ætate eidem constitutioni fraus fieri cœpit in hunc modum, si quis vellet prope mare fortasse ædificium attollere, idemque distaret a vicino intervallo minori centum ped. sibi tribuebat *murum altissimum* exstruere intermisso spatio centum pedum, ex quo vicino prospectus auferretur, ut diruto muro ædificium ex fraude factum intra centum pedes maneret, hanc fraudem coercuit ipse Justinianus, cavique Nov. 63. ut hoc casu non solum solvendæ essent Præfecto Urbi decem auri Libræ, sed etiam ut totum ædificium dirueretur. Verum ut ad Zenonis constitutionem redeamus, ea quidem de solo prospectu maris scripta est, sed eam tamen ad prospectum montium ex Græcis Harmenopulus, & ex Latinis Cujacius protulerunt. At qua ratione sic senserint, non video, cum satis exploratum sit, constitutiones naturalem libertatem impediētes stricte esse accipiendas.

*Brevis disputatio, an Constitutio Zenonis
de Prospectu Maris in Regno Neap.
obtineri debeat.*

I. „ **Q**UOD de Maris prospectu secundum Zenonis Constitutionem
„ disputare oportuit, age inquiramus, an revera in Regno Neap.
„ obtineri debeat. Non pauci DD. sibi persuaserunt obtinere, quod in Libris Juris
„ Civilis, quibus utimur, inserta sit.
„ Verum cum mihi profus non persuadeam, eam servari debere, legas rogo,
„ quæ ut id demonstrem, mox conferam.

II. „ Ac primum nolim credas, me
„ communi Doctorum quorundam de vi
„ Constitutionis Zenonianæ sententiæ refragari velle hoc uno argumento, quod
„ eadem abfuerit a multis veteribus
„ Codicibus. Sane Cl. Cardinalis de Luca *De Servitutibus Disc. 1.* ex eo nullam
„ rationem Constitutionis Zenonianæ habendam esse scribit, quod primum Antonius Contius Codici privatâ auctoritate adscripserit. Certe hæc Cardinalis
„ de Luca sententia infirmatur omnino,
„ si apposite animadvertatur, Zenonis
„ Constitutionem Sæculo X. in Basilicis
„ prolata, atque antea proditam, ac satis
„ probatam Novellis LXIII. & CLXV.
„ Imperatoris Justiniani. Hinc vitio vertendum est antiquis libraribus, qui Græcæ
„ Linguae imperiti Græcam Zenonis
„ Constitutionem consulto omiserunt; ac
„ di-

„ diligentia Contii reliquerint , ut de-
 „ mum eadem in Codice, uti vel sub ip-
 „ so Justiniano jacebat , describeretur .
 „ Igitur luculentiora argumenta ad no-
 „ stram rem probandam sunt exhiben-
 „ da .

III. „ Et quidem duo , mihi crede ,
 „ valent plurimum in hac re probanda .
 „ I. est , quod Zeno spatium centum pe-
 „ dum pro ædificiis in Urbe Constanti-
 „ nopolitana tantum positis decreverit .
 „ II. ex sententia ipsa Neap. Consuetudinis
 „ nascitur , quæ omnino infirmat , quod
 „ nonnulli crediderunt de vi Constitutio-
 „ nis Zenoniana : Ut igitur utrumque ar-
 „ gumentum recte constet , paucis primum
 „ probare aggrediar . Ac sane Constitutio-
 „ nem Zenonis perlegenti satis pater Ze-
 „ nonem aperte de solo prospectu ma-
 „ ris Urbem Constantinopolitanam al-
 „ luentis loqui , atque de aliis Servi-
 „ tutibus , quæ Constantinopoli , atque in
 „ ceteris Romani Imperii Provinciis va-
 „ lere debebant ; Hinc spatium centum
 „ pedum intelligas opus est de ædificiis
 „ solius Urbis Constantinopolitanæ . Sin
 „ autem Justiniani proponas legem , qua
 „ probata eadem Zenonis Constitutio ,
 „ atque ad omnes Imperii Provincias pro-
 „ ducta , opus omnino est , dicas eadem
 „ confirmata jura aliarum Servitutum ,
 „ de quibus agit Constitutio , non vero
 „ prospectus maris , cum nihil peculiare
 „ de Maris prospectu ibidem caveatur .
 „ In hanc sententiam scripsit Gothofre-
 „ dus ad laud. l. 13. ibi : *ubique terrarum* ,

„ *hos*

„ hoc est non modo in Urbe , sed etiam in
 „ Provinciis , quæ de edificiis superius di-
 „ cta sunt , obtinent excepto prospectu in ma-
 „ re ; Nam is Constantinopoli dumtaxat ,
 „ & in ejus continentibus dumtaxat locum
 „ habet . Gothofredum secutus ipse Card.
 „ de Luca De Servitutibus Disc. 1. num. 8.
 „ quem vide . Sed quid opus est Interpre-
 „ tum auctoritate , rem ipse Justinianus
 „ explicat , dum Novella LXIII. Longino
 „ Præfecto Urbis Constantinopolitanæ
 „ inscripta , qua coercet fraudem illorum ,
 „ qui non intermisso centum pedum spa-
 „ tio ædificare solebant , aperte sese oppo-
 „ nit iis , qui Constantinopoli tantum com-
 „ modo privatorum obviam ire in eum
 „ modum auderent . Sic sub initium scri-
 „ ptum est : *Causam , quæ dolo se fit*
 „ *in hac regia CIVITATE circa domuum*
 „ *ædificia cohibere , & emendare justum*
 „ *credimus : Sic porro sub finem : Quæ igitur*
 „ *placuerunt nobis & per hanc sacram*
 „ *declarata sunt legem , tua celsitudo in*
 „ *HAC FELICISSIMA CIVITATE operi,*
 „ *terminoque contrahere , & in perpetuum*
 „ *servari festinet . Ex his nemo non videt,*
 „ *Zenonianam de prospectu Maris Con-*
 „ *stitutionem vix pro commodo Civium*
 „ *Constantinopolitanorum conceptam . Ut*
 „ *merito & Glossatores Basilicorum sint*
 „ *commendandi , & Harmenopulus , qui*
 „ *non alio modo Zenonis , ac Justiniani*
 „ *Constitutionem interpretati sunt . Ergo*
 „ *est , cur ctedas vel hoc argumento ,*
 „ *Constitutionem Zenonis nequaquam a-*
 „ *pud nos vigere debere , quod optimo*

corum, qui Constantinopolim incol-
bant, fuerit edita. Sed ad alterum ar-
gumentum venio, quod longe priori
præcellit.

IV. „Habe consuetudines nostras de
„Servitutibus maximam partem exceptas
„vel ex Constitutione Zenonis, vel ex
„aliis legibus Imperatorum Græcorum,
„quæ Zenonianam sunt secutæ. Ad præ-
„sertim patet, si nostræ consuetudinis. Si
„quis habet verba cum verbis Zenonia-
„næ Constitutionis, ubi scilicet de reli-
„quis Servitutibus præter prospectum ma-
„ris differitur, conferantur: Jubemus,
„Zenonis sunt verba, duodecim pedes re-
„linqui intermedios inter utramque domum
„incipientes a supposita fundamentis adifi-
„cii parte, eademque observatione perse-
„verante ad summum usque altitudinis cul-
„men: & ei qui hoc in posterum observa-
„verit, licere domum in quantum voluerit
„altitudinem excitare, & attollere, & se-
„nestras fabricare tam quæ prospectiva de-
„cuntur, quam quæ lucifera. Quam miræ
„hæc Zenonis verba cum descriptis con-
„suetudinis verbis respondeant vel luscio-
„siosus quisque videt. Igitur cum res
„ita sese habeat, velim nunc mihi repo-
„nas, eccur factum, ut eadem Constitu-
„tio prope ad verbum descripta sit a no-
„strarum Consuetudinibus collectoribus?
„Certe vel hoc unum fatearis, ne-
„cesse est, eandem probatam omnino
„fuisse a majoribus nostris. Sin autem
„hi probarunt pro ea tantum parte
„quæ actum de Jure ceterarum Servitutum

„ non

„ non vero de maris prospectu, conjicien-
„ dum est, vel sibi habuisse majores no-
„ stros, Zenonem de prospectu maris
„ cavisse, ut solum commodis Constanti-
„ nopolitanorum consuleretur, quod præ-
„ cedenti §. probavimus, vel pro ea parte
„ infirmare ejus legem maluisse. In hanc
„ sententiam vel quovis deposito pigno-
„ re quoque trahor I. ex nostræ Urbis æ-
„ dificiorum forma, quæ ita sunt inter
„ sese conjuncta, ut alterum alteri om-
„ nem prospectum auferat. Ut credere
„ necesse sit, olim posthabitam a nostris
„ legem Zenonis de maris prospectu,
„ quandoquidem si aliud obtinisset vel
„ Civitas hæc tanta ædificiorum multitu-
„ dine tale incrementum non accepisset,
„ vel ædificia ita necesse fuisset disponere,
„ ut vicinis pateret maris prospectus. II.
„ ex sententia Collectorum Consuetudi-
„ num Neapolitanarum, earumque inter-
„ pretum; Nam illi cum non contulerint,
„ quidquid de prospectu maris sancivit Ze-
„ no, hi quod nequaquam in sexcentis
„ accuratissimis glossis, quas ediderunt,
„ exceptionem ullam prodiderunt de spa-
„ tio duodecim palmorum, ubi de pro-
„ spectu maris controversia esset, facile
„ demonstrant Zenonianam Constitutio-
„ nem pro hac parte infirmatam. III. ex
„ auctoritate nonnullorum exemplorum,
„ quibus patet in foro ejusmodi impedi-
„ mentum nihili habitum, quorum unum
„ referrem, si mei Instituti esset, Deci-
„ siones nostrorum Tribunalium referre.
„ At satis sit monere vix ætate Capycii
Tom. I. R „ La-

„ Latro dubium moveri coepisse, an spa-
 „ tium centum pedum vigere deberet,
 „ ubi prospectum maris auferre quis vel-
 „ let: *Discusso plane articulo* (sic idem
 „ testatur Decis. L.) *fuit visum aliquibus*
 „ *ex Dominis, quod Decisio illius poterat*
 „ *esse valde prejudicialis, ex quo numquam*
 „ *fuerat in hac Civitate practicum.* Quæ
 „ Capycii verba luculenter ostendunt,
 „ novum ea ætate visum querere, de no-
 „ vo spatio centum pedum, quod scilicet
 „ antea nullius auctoritatis habita Zeno-
 „ nis lex.

V. „ Hæc mihi persuadent, Zenonis
 „ Constitutionem de maris prospectu,
 „ nullam vim obtinere debere neque in
 „ Regni Neapolitani Provinciis, cum tan-
 „ tum pro Constantinopolitanæ Urbis æ-
 „ dificiis fuerit a Zenone condita, atque
 „ a Justiniano in eam sententiam plenissi-
 „ me probata, neque in hac Urbe, quod
 „ caput est, cum constet a majoribus no-
 „ stris posthabitu omne impedimentum,
 „ quod prospectus maris causa ex Consti-
 „ tutione Zenonis nasceretur. Si hæc duo
 „ probaveris, certe idem mecum senseris,
 „ sin secus, oportebit contrarium sentire,
 „ quod equidem inverisimile, atque a rei
 „ veritate alienum semper putavi.

Jus Neapo-
 litanum.

IV. Atque hæc Zeno de Maris prospectu
 constituit, cujus Constitutio num obtinere
 debeat in Regno Neap. demonstratum jam
 est. Nunc res ipsa postulat, ut proponatur
 Prag-

Pragmatica 2. De Monialibus, cuius sententia hæc est: *Fenestra & pavimenta superiorum domorum; unde immitti possit oculis in Monasteria monialium, claudantur, & regulis cooperiantur, etiamsi via publica intercedat.* Pragmaticæ hujus ratio duplex est, altera quod non sit ferendus in sacra loca clausa privatorum adspectus, altera quod nimis durum videatur, Moniales quæ a sæculo secretæ vitam dure agunt cancellis inclusæ, illud quoque incommodum sentire, ut vicinis eorum facta conspicua sint. Sed quoniam apud nos pleræque domus a parte superiori sub patente cælo sunt, disputatum fuit in Sacro Consilio, num posset vicinus intercedente etiam via publica cogi parietem tollere? Deficiunt quidem Pragmaticæ verba, ex cuius tamen sententia affirmavit De Franchis *Decis. CXXIII.* eo argumento, quod possit Monasterium pro domo extruenda, vel amplificanda vicinum cogere, ut contra naturalem libertatem proprias ades vendat ex *l. si quis ff. de Religiosis*; Quod multo plus est, quam cogere, ut parietem tollat. Me tamen non fugit, quod De Franchis, & Forenses non pauci tradunt ex *d. l. si quis*, notæ melioris interpretibus omnino non arridere; Nam loquitur ibi Ictus de necessaria itineris servitute ad sepulcrum per alienum fundum, quod longe aliud est ab eo, quod Forenses obtrudunt. Et licet quodammodo ferendum videatur, ut in gratiam ecclesiæ debeat vicinus domum vendere, tamen ferendum non est, ut eccle-

fix Privilegia ad Monasteria etiam producantur. Quod igitur spectat ad propositam quæstionem, magis est, ut ad iudicis officium pertineat videre, num vicinorum adspectus magno sit monialibus incommodo, an magis expediat, ut moniales suos ipsæ parietes altius tollant, sicque sint a vicinorum oculis tutæ. De eo etiam disputatum, num eadem Pragmatica accipienda sit De Monasteriis prope antiquas Privatorum domus recens exstructis, an de privatorum domibus prope antiqua Monasteria ædificatis? Mihi quæstio hæc vix digna videtur sano interprete. Namque ex verbis, & sententia Pragmaticæ satis liquet sic fuisse cautum de novis Privatorum domibus, in hac ædium specie verum est privatorum factis Monialibus incommodum inferri; ubi vero Monasteria prope antiquas privatorum domos ita exstruantur, ut privatis pateat in Monasteria adspectus, nullum est privatorum vitium, quod puniri debeat; sed id sibi vitio vertere debent Moniales ipsæ, quæ certe secundum ecclesiasticas Constitutiones ita debent ædificium ponere, ut nullus pateat vicinis adspectus. Accedit illud, quod si Monialibus liceret novis ædificiis facere, ut privati Fenestras claudere cogerentur, facile possent lumen urbis intercipere. In hanc sententiam judicasse S. Consilium auctor est Novarius ad dictam Pragmaticam. Postremo quæsitum in S. C. fuit tempore Roviti, num Pragmatica, quæ de Monialibus loquitur, recte ad Monachos produ-

ducatur ? Adfirmat Rovitus *Decif. XCII.* estque hæc prope communis Doctorum sententia . Potissima ratio ejus hæc est , voluisse Pragmaticam generaliter consulere honestati locorum religiosorum ; Atque hanc rationem auctoritate rei in eadem specie per S. C. judicatæ confirmat Rovitus . Sed ut multa sit Decisionum auctoritas , me in contrariam sententiam ratio Juris adducit . Primum enim ea Pragmatica est sub Titulo *De Monialibus* , cumque ea sit contra naturalem libertatem , ad non expressas species produci nullo modo debet . Deinde ratio illa honestatis , quæ in Pragmatica adfertur non intelligenda est de qualibet honestate in genere , sed in specie de honestate illa , quæ in Monialibus potior esse debet , quippe quæ in Monasteriis suis , dum vivunt , morari , eademque tantum peragrarè coguntur .

De Novi Operis Nunciatione.

I. „ **E**St hic locus de Novi Operis
„ Nunciatione agere ; Nam si
„ quid in ædificando contra legem , aut
„ consuetudinem fiat a vicino , nunciandum id ei est . Novum opus nunciare
„ est inhibere , ne novum opus ædificando fiat , aut perficiatur ; Pertinet enim
„ edictum Prætoris ad futura opera , hoc
„ est ad ea , quæ non dum facta sunt ,
„ ne fiant ; nam si quid operis fuerit factum ,
„ etiam , quod fieri non debuit , verba sunt

„ Ulpiani in l. 1. §. 7. *De Novi Operis*
 „ *Nunciatione*, cessat edictum, & erit trans-
 „ cundum ad Interdictum, quod vi aut
 „ clam factum est. Nunciatio autem ex
 „ hoc edicto non habet necessariam Præ-
 „ toris aditionem, ait Ulp. §. 2. sed me-
 „ lius esse, idem Ulpianus docet l. 5. §. 10.
 „ eum qui novum opus facit, prohibere per
 „ Prætozem, vel per manum, idest lapilli
 „ iectum. Hic Ulpiani locus ut probe in-
 „ telligatur, animadvertendum est, po-
 „ tuisse apud Romanos novum opus nun-
 „ ciari vel nudis verbis, & privata au-
 „ ctoritate, quæ novi operis nunciatio
 „ proprie adpellatur, vel aditione Præto-
 „ ris, & auctoritate publica, vel lapilli
 „ iectu, seu jactu; mos enim Romæ erat
 „ ad novum opus prohibendum manum
 „ adponere, & lapillum jacere in ædes
 „ vicini, quo hic admoneretur, futurum,
 „ ut nisi a novo opere desisteret, judicio
 „ conveniretur, licet hæc postrema nun-
 „ ciationis species tandem desuevit.

II. „ Verum quoniam in hac Civitate,
 „ atque in hoc Regno Neapolitano non
 „ sine fraude nova opera vicini nuncia-
 „ re cœperunt, primum huic malo me-
 „ dicinam fecere Sapientiores majores no-
 „ stri, qui consuetudinem optimam in-
 „ troduxerunt, quam habemus in Codice
 „ Consuetudinum Neap. sub Tit. *De No-
 „ vi Operis Nunciatione*, ac dein Inviētifi-
 „ simus Carolus Borbonius celeberrima
 „ Pragmatica Anni 1738. Sic consuetudi-
 „ ne cautum, ut ubi quis vicino ædifican-
 „ ti novum opus nunciaret, antea deberet

„ Ju-

„ Judicis auctoritate cogi intra certum
 „ tempus ad probandam nunciationis causam,
 „ sam, quod si non fecerit, ædificanti
 „ nullum deinde impedimentum obstare.
 „ Hinc vides novo opere nunciato ex vi
 „ consuetudinis hujus ædificari non posse,
 „ nisi ubi jam fuit delapsum tempus a
 „ Judice constitutum. Quod si vicinus
 „ ædificare prohibitus contra prohibitionem
 „ ædificaverit, ad hunc modum distinguit
 „ Napodanus. Si vicinus de opere demoliendo
 „ cavit, jure eum ædificasse ait: Si non cavit,
 „ quidquid fuit post prohibitionem extructum,
 „ destrui debere vult. Hæc Napodani distinctio
 „ non solum mihi videtur ad rationem juris
 „ exactissima, verum secundum eam definitum
 „ teneo pro more judiciorum nostrorum.
 „ Imo testis est de Rosa permitti jamdiu
 „ cœpisse a nostris Judicibus, ædificia
 „ extrui post nunciationem præstita de
 „ demoliendo cautione, maxime si ad ædificandum
 „ necessaria essent parata. Sed eadem
 „ Napodani distinctio cum effecerit, ut minus
 „ juste res omnis pro Judicum arbitrio transigi
 „ cœperit non sine totius Reipublicæ Neapolitanæ
 „ incommodo, aliquid novi sancitum de eadem
 „ re a Sapientissimo Rege Carolo Borbonio in
 „ Constitutione Anni 1738. §. 1. num. 10. ubi
 „ scriptum est in omnibus causis nunciationum
 „ novi operis, quæ in hac Urbe agitantur,
 „ debere eum, qui nunciat novum opus, primum
 „ aureos decem deponere, tum de cerni a
 „ judice posse in hanc formam

„ *Fabricatores desistant* , eodem decreto
 „ jubere Judicem debere tabularium no-
 „ vum opus recognoscere, deque impedi-
 „ mento referre, atque intra dies trigin-
 „ ta a diē ejus decreti interpositi decur-
 „ rendos *de momento ad momentum* ei, qui
 „ nunciavit, onus incumbere relationis
 „ procurandæ, eoque spatio exacto inhi-
 „ bitionem jure ipso, hoc est sine novo
 „ decreto sublatam intelligi. Illud porro
 „ expressum est in ea Constitutione, ad-
 „ versus decreta in iisdem caussis inter-
 „ posita sive in Sacro Consilio, sive in
 „ Magna Curia per Sacrum Consilium
 „ confirmata, sive in quolibet alio *Col-
 „ legiato* Tribunali nullum juris reme-
 „ dium suppetere, nisi solum remedium
 „ nullitatum. Quod si vero eadem caussæ
 „ agantur in Regiis Audientiis, aliisve
 „ inferioribus hujus Regni Curiiis, eadem
 „ Constitutione comprehensum est, depo-
 „ ni debere aureos sex, plus minusve,
 „ uti Judicibus fuerit visum, pro varia rei
 „ estimatione, de qua quæstio est. Quem-
 „ admodum autem in Urbe Tabularium,
 „ ita extra Urbem expertos viros, vulgo
 „ *Peritos* recognoscere, ac referre jubere
 „ Judicem debere statutum est. Ubi a
 „ nunciante fuerit impedimentum rite
 „ probatum, ædificium cesset necesse est,
 „ sin secus amittet depositum, qui novum
 „ opus male nunciavit, illudque pro me-
 „ dietate vicino cedit, cui nunciatum est,
 „ eidemque dabitur jus ædificandi. Hæc
 „ habet Constitutio Caroli. Mihi tamen,
 „ priusquam hinc abeam, impedimento
 „ est

„ est altera consuetudo, quæ incipit *Idem*
 „ est sub eodem Titulo, qua idem statui-
 „ tur de eo, qui velit vicino impedire
 „ novam defensionem, qua sibi prohibeatur
 „ iter per fundum, quod de eo, qui ædi-
 „ ficare velit, statui altera consuetudine,
 „ supra dictum est. Et quidem ubi id a
 „ vicino velit opponi, non est hodie a
 „ Iudice temporis spatium pro arbitrio
 „ decernendum, quo probandum sit impe-
 „ dimentum ab eo, qui nunciat, uti olim
 „ ex eadem Consuetudine fuit receptum,
 „ sed id omne faciendum, quod novella
 „ Constitutione Caroli Regis expressum est
 „ de iis, qui ædificiorum causa novum
 „ opus nunciare velint. Id omnino erat
 „ animadvertendum, ne omni officio
 „ prorsus vacarem.

III. „ Expositis his, quæ spectant ad
 „ Jura, quibus explicatum, quid factu opus
 „ sit, ut rite novum opus nuncietur; nunc
 „ persequamur, quæ secundum regulas Juris
 „ Romani apud nos hac in re servantur,
 „ Ac primum tres occurrunt causæ, quibus
 „ a quovis novum opus nunciari valet, vel
 „ sui juris conservandi, vel publici juris
 „ tuendi, vel damni depellendi gratia
 „ l. 1. §. *Nunciatio fit de Novi Operis Nun-*
 „ *ciatione*. Juris sui conservandi causa
 „ nunciat, qui quid in re sua pati nolit;
 „ Juris publici tuendi gratia, qui in lo-
 „ co Sacro, Religioso, Publico ædifican-
 „ ti novum opus nunciat, vel etiam ei,
 „ qui contra leges ædificare audeat: ac
 „ demum damni depellendi causa nun-
 „ ciare valet is, qui periculum ruinæ vi-
 „ cini

„ cini fundi a se velit avertere. Ut au-
 „ tem quævis nunciatio valeat, opus non
 „ est, ut vicinus suo nomine nunciet,
 „ cum satis sit, si id fiat alieno nomine,
 „ puta *procuratorio*, modo Procurator fa-
 „ tisdet, Dominum rem ratam habitu-
 „ rum; Nam si secus fiat, nunciatio
 „ alieno nomine facta nullius erit mo-
 „ menti ex *l. servum de Procuratoribus*,
 „ & *l. cum Procurator §. ult. ff. hoc tit.*
 „ Ubi igitur id rite factum, necesse non
 „ erit in personam, nempe Dominum nun-
 „ ciari, cum vim habeat nunciatio, et-
 „ iam si in rem fiat, quivis adsit eo loci,
 „ ubi ædificatur. Quamobrem jure nun-
 „ ciabitur domino, custodi novi operis,
 „ fabris, immo & puero, puellæ, mulie-
 „ ri; Sane satis erit uni vel alteri ex his
 „ nunciari in re præsentis *l. 5. §. 10. ff. de*
 „ *Novi Operis Nunciatione*. Post legiti-
 „ mam nunciationem libello expositam
 „ agetur inter vicinos pro eo, ac præce-
 „ denti §. dictum est; quamvis a nostro
 „ jure variavit hac in re Jus Romanum,
 „ quod primo §. innui. Quod autem ad
 „ modos pertinet, quibus nunciatio ces-
 „ sat, duos tene, quorum primus est, si
 „ nunciatio remittatur, alter est si do-
 „ minium mutetur. Remittitur nuncia-
 „ tio aut litigatorum conventionem, aut
 „ Prætoris decreto; Nimirum possunt no-
 „ vam conventionem inire vicini, qua alter
 „ alteri cedat, quod eisdem in controversia
 „ ponere primum placuit, vel cogi Judi-
 „ cis auctoritate, qua omnis controver-
 „ sia dirimatur *l. 1. . potest & l. non so-*
 „ lum

„ lum §. sciendum hoc tit. Mutatione au-
 „ tem dominii remittitur, sive finitur nun-
 „ ciatio, I. morte ejus, qui nunciavit.
 „ II. rei alienatione; Nam nisi rei no-
 „ vus Dominus velit agere, cessabit omni-
 „ no antiqui Domini quodvis impedimen-
 „ tum. III. consolidatione, si nempe nun-
 „ cians vicini fundi, cujus causa nuncia-
 „ tum est, Dominus evadat, vel contra.
 „ Atque hæ sunt regulæ, quibus jus om-
 „ ne de Nunciatione novi operis conti-
 „ netur.

V. Hactenus exposuimus jura, quæ vim Jus Neapo-
 habent, ubi vicinus velit ex adverso æ-litanum.
 edificare, nunc differendum de ædificiis,
 quæ ex latere extrui volunt. Ac sane agi-
 tur hac de re in consuetudine *Et si ex la-*
tere eodem tit. Ea cavetur, ut qui ædifi-
 cium vult ponere ex latere parieti vicini,
 in quo sint aperturæ, debeat spatium in-
 termittere duorum palmorum, & duarum
 partium tertii palmi; Quod intervallum
 in ædificiis, quæ ex latere ponuntur, vi-
 detur satis, quia lumen e Cœlo excipitur,
 & prospectus e latere non est *l. lumen de*
servitutibus Urbanis. Præterea cavetur, ut
 e latere ædificans, si nulla sit fenestra,
 possit tignum immittere in parietem vici-
 num, aut aliud ædificii sui onus impone-
 re. Quod quidem non videtur cum jure
 Romano consonare; Nam in l. 14. eodem
 scriptum est, neminem posse supra alie-
 num parietem ædificare sine servitute. Sed
 aliud

aliud ferebat nostræ Urbis ratio, in qua omnia ferme ædificia conjuncta sunt. Cave tamen putes, fieri id apud nos jure servitutis oneris ferendi, si enim id verum esset, deberet is, qui servitutem debet, parietem reficere *l. 32. ff. eodem*; Et enim ex nostra consuetudine paries sit communis data medietate pretii parietis, & soli, sicque tignum immittitur jure communionis. Quod si vero quis velit tectum facere, quod cum pariete vicini cohæreat, si in ipso pariete est apertura pro lumine ingrediendo, consuetudo præscribit, debere eum unius palmi intervallum relinquere a tecto ad fenestram. Sin autem quis velit solarium facere, relinquere debere eadem consuetudo statuit a solario ad fenestram spatium unius cannæ; De solario enim facile potest vicinus se in domum alterius immittere, quod extructo tecto secus est.

VI. Porro sequens consuetudo *Sed si recumbat* statuit, ut cum vicinus ad vicini parietem nec tectum ponere velit, nec tignum, nec quidquam aliud non magni ponderis, tum quartam dumtaxat pretii parietis partem solvat, quia non est tam grave in hac specie incommodum, uti est in specie superiore. Monet autem hic Cl. de Rosa, nonnullos Neapolitanos Tabularios servare, ut sive magnum onus, sive modicum parieti vicini imponatur, semper dimidium solvatur, quamvis obstant verba consuetudinis. Id tamen queritur hic, num possit vicinus vi consuetudinis aquam ducere per murum alienum. Et quam-

quamquam Jure civili non possit ob textum Pomponii in l. 10. ff. eod. tamen jure nostro non scripto eum posse arbitror, quia plus est tignum, aliudve ejus generis onus imponere, quam fistulas, per quas ducitur aqua. Sed necesse est hoc casu damni infecti cavere. Atqui hæc ita sese habent, modo in vicini parietem quis non immittat, uti vulgo dicitur *centimulum*. Exstat plane consuetudo *Si velit sub Tit. De faciendo centimulo*, quæ sic statuitur: *Si velit quis in suo pistrinum, sive centimulum facere in pariete, qui ei communis est, & vicino, non licet immittere, sive affigere trabem ipsius centimuli, sive pistrini.*

VII. His consuetudinibus accedat consuetudo *Ubi aliquis prima sub Titulo sequenti De Aperturis non faciendis*, quæ fortasse librariorum ingenio a Titulo præcedenti distincta, quippe quæ in multis consuetudinum Codicibus ultima est Tituli antecedentis, uti testatur Camillus Salernus. Ejus sententia hæc est: Si quis velit in suo solo novum ædificium ponere juxta locum vicini, & in parte, quæ vicinum spectat, aperire fenestras velit, duodecim palmorum spatium debet intermittere, ne ex adspectu incommodum vicinus sentiat, nisi servitutem concedat, uti eadem de re alibi dictum est. Contra vero in consuetudine altera *Si quis habet*, quæ proxime sequitur, cavetur, eum qui habet domum juxta locum, sive hortum vicini (locus sine ædificio in Urbe dicitur Area, ruri ager l. fundi de V. S.)

si aliud solarium velit superexstruere, posse tot fenestras in solario novo aperire, quot sunt in vetere, modo ejusdem magnitudinis sint novæ fenestræ. Sed disputatum fuit tempore Afflicti, num liceret etiam in inferiori solario, quod nullas fenestras habet, novas fenestras aperire fenestris solarii superioris pares. Et ad hanc quoque speciem consuetudinem produxit S. C. apud Afflictum *Decis.* 224. quamvis decrevit, ut eadem fenestræ ferreis cancellis concluderentur, ne per eas facile pateret aditus ad solum vicini. Verum ea decisio nimis dura est; Nam per fenestras inferioris solarii gravior constituitur vicino servitus, quæ per fenestras solarii superioris longe levior est. Hinc contrarium posterioribus temporibus in S. C. decisum fuit. Vide De Marinis *Resolut.* 205. Quod si quis parietem habeat, in quo nullæ sunt fenestræ in vicini solum spectantes, ex eoque pariete ita tectum porrigatur, ut aqua pluvia in solum vicini decidat, posse soli Dominum *immediate* ad illum parietem adificare ait consuetudo interposito tamen unius palmi spatio a tecto, ne aqua pluvia impediatur. Si vero ultra tectum tollat ædificium, id quidem facere non vetatur, sed parietem tamen debet exstruere, qui saltem unius cannæ longitudinem habeat, ne ex ejus solario in vicini domum spectetur.

VIII. Verum quo piaculo præterire hic possum consuetudinem, quæ legitur sub Tit. *De Collatione expensarum*, qua in hunc mo-

modum jus definitur circa expensas in domo ad plures Dominos spectante. Nimirum cavetur, ut si plures domini sint ejusdem domus, eorumque velit quis proprium solarium reficere, suis expensis idem reficere debeat, modo de solario superiori non agatur, quod communibus expensis reficiendum esse statuitur. Huius juris non alia est ratio, quod commodum solarii superioris omnium est, inferiorum vero solariorum eorum est, qui illis utuntur; Quamobrem pro ratione commodi quisque incommodum, sive onus sentiat necesse est. Quinimmo Napodanus haud dissentit ab iis, qui sibi persuasuerunt, idem onus addicendum condomini hisce, si unus tantum velit solarium supremum domus immutare, nempe uti vulgo ajunt *ex tecto astracum facere*, quod sc. commodum commune sit. Atque hæc ratio tanti hoc casu visa est Pisanello, & Bartholomæo de Capua, ut idem docuerint judicandum esse de iis, qui ex communi fonte, vel puteo aquam ducerent; etenim omnibus onus deferendum esse voluerunt, si umquam ad communem usum putei vel fontis quid esset expendendum. En sermonem jam habui de servitutibus pro jure nostro. Nunc reliquum esset, ut agerem de Servitutum præscriptionibus. Sed de his dicam ad Titulum *de Usucapionibus*.

T I T. IV.

De Usufructu.

Connexio
& definitio
servitutum
personalium

§. 414. **H**actenus de servitutibus *praedialibus*, in quibus praedium servit praedio. His opponuntur *personales*, quando praedium servit personae (§. 392.) quarum prima est *ususfructus*.

Quid uti, frui, abuti. §. 415. *Uti* & *frui* ita differunt, ut *usus* necessitate circumscribatur, *fructio* non modo ad utilitatem, verum etiam ad voluptatem pertineat, Seneca *de vita beata* c. 10. *Usus* vero & *abusus* ita differunt, ut *utamur* salva rei substantia, *abutamur* disperdendo rem, & fructum. Donat *ad Terent.* Andr. prol. Vid. v. c. Ger. Noodt *de usufructu* L. 1. cap. 1.

Usufructus
definitio.

§. 416. Ex quibus intelligitur definitio Pauli: *Usufructus est jus, rebus alienis utendi, fruendi salva earum substantia* l. 1. ff. *de usufr.* Jus ille est ratione usufructuarii, *servitus* ratione proprietarii. Usufructus est *in rebus alienis* (§. 395.) neque enim hic intelligitur jus propriis rebus utendi, fruendi, quod Doctores vocant *usufructum causalem* l. 21. §. 2. ff. *de except. rei jud.* Salva vero rerum substantia utendum fruendum est, quia alioquin non esset usufructus, sed *abusus* (§. 415.)

Quomodo
quis utatur
fruat?

§. 417. Ex ipsa ergo vocabuli notione consequitur, I. ut usufructuarius omnes fructus civiles, & naturales, sive ad necessi-

cessitatem, sive ad voluptatem pertinent-
 res. percipiat l. 7. pr. l. 9. pr. §. 7. l. 10.
 l. 2. §. 1. l. 29. l. 59. §. 1. ff. h. t. attamen non-
 nisi ordinarios. Unde nec thesaurum ca-
 pit l. 7. §. 12. ff. salut. matrim. nec partum
 ancillæ l. 68. pr. ff. de usufruct. l. 28. §. 1.
 ff. de usur. quia absonum videbatur, ho-
 minem in fructu esse, cujus causa natu-
 ra omnes fructus comparavit * §. 37. ff. de
 rer. divis. II. Ut rem fructuariam possit
 locare, immo & usumfructum vendere
 l. 12. §. 2. ff. de usufr.

* Ratio hæc plane stoica est. Ex hypothesi e-
 nim stoicorum omnia hominum causa comparave-
 rat natura. Cic. de Offic. Lib. 1. cap. 6. de Nar. Deor.
 lib. 2. cap. 62. sequi. de Fin. lib. 3. cap. 20. Sed prior ra-
 tio est in l. 27. pr. ff. de hered. petis.

§. 418. Deinde quia utendum fruendum An usufr-
 salva rerum substantia (§. 416.) sequitur tuarius de
 III. ut usufructuarius, rem ne in formam re libere
 quidem meliorem transmutare possit l. 13. disponat.
 §. pen. l. 44. ff. h. t. IV. Ut eandem refice-
 re teneatur l. 7. §. 2. 3. ff. ead. V. Ut tam-
 quam bonus paterfamilias uti §. 38. instir.
 de rer. divis. VI. Eoque nomine & de
 restitutione futura cautionem præstare de-
 beat l. 1. ff. usufruct. quemadmodum ca-
 veat.

§. 419. Ex eodem axiomate fluit, VII. Quasi usus-
 usumfructum consistere non posse in rebus fructus.
 fungibilibus, quæ numero, pondere, &
 mensura constant, quia non abutendum,
 sed utendum, fruendum est (§. 415.) Ast
 Senatusconsulto sub Tiberio, ut videtur,
 cautum, ut & pecuniæ, aliarumque quan-
 titatum non quidem verus, sed quasi usus-
 fru-

fructus esset, dum caveret quasi usufructuarius, se mortuo, vel capite minuto rem ejusdem generis, quantitatis, & qualitatis restitutum iri §. 2. *instit. de usufr. l. 7. l. 8. ff. de usufr. earum rerum, quæ usu Galvan. de usufr. cap. 3. v. c. Noodt de usufruct. lib. 1. cap. 20.*

Onera quæ subit usufructuarius. §. 420. Quia denique utitur fruitur rebus alienis (§. 416.) consequens est, l. ut eundem & incommoda sequantur, qui percipit commoda, adeoque usufructuarius onera, & tributa, quæ rei imponuntur, sustineat *l. 7. §. 2. ff. de usufr.*

Ususfructus quomodo constituatur §. 421. Constituitur ususfructus vel I. *lege*, veluti patri in peculio adventicio filii familias * *l. 2. C. de bon. quæ lib. conjug. ad secundas nuptias transeunti*, in bonis ex liberalitate conjugis defuncti acceptis *l. 3. l. 5. & Authen. sequ. C. de sec. nupt.* Vel II. *a judice* in judiciis divisoriiis, quod tamen rarius fieri oportet *l. 6. §. 1. ff. h. t. l. 6. §. 10. commun. div. l. 16. §. 1. ff. fam. ercisc.* III. Vel *a domino* sive per ultimam voluntatem, sive per pactiones, & stipulationes, accedente quasi traditione (§. 239. **) *l. 11. ff. de serv. prad. rust. sive per voluntatem tacitam, quæ ex longi temporis præscriptione colligitur l. ult. in fin. C. de long. temp. præscr.*

* Immo etiam in emancipati bonis pater dimidium ususfructus tamquam præmium emancipationis capit ex *l. 6. §. 3. C. de bon. quæ lib. §. 2. Instit. per quas pers.* Sed id quidem hodie fit rarius ob ea, quæ diximus (§. 199.)

Idem extinguitur morte naturali, & civili. §. 422. Quum autem in usufructu prædium serviat personæ (§. 414.) sequitur, I. ut

I. ut idem extinguatur usufructus morte usufructuarii naturali §. 3. *Inst. h. t.* II. ut quia capitis deminutio maxima & media morti comparatur (§. 235.), eadem & usufructus perimatur * §. 3. *Inst. de usufr. l. 16. §. 1. sega. C. de usufr.*

* Olim etiam minima, uti auctor est Paul. *Recept. Sent. lib. 3. tit. 6.* Sed id sustulit Justinianus *d. l. pen. C. h. t. Conf. §. 1. Inst. de adquis. per arrog.*

§. 423. Et quia est jus in re aliena (§. 416.) sequitur III. ut & consolidatione desinat usufructus, quia re propria nemo uti frui potest (§. 495.) nec non IV. totius rei interitu §. 3. *Instit. h. t. l. 30. l. 31. ff. quib. mod. usufr. amitt.* immo & V. non usu decem annorum inter praesentes, viginti inter absentes *l. pen. §. 1. C. de usufr. l. 13. C. de servit.*

§. 424. Denique quia usufructus saepe pactationibus & stipulationibus constituitur (§. 421. 3.) consequens est, ut VI. & soluto jure constituentis *l. 16. l. 19. ff. quib. mod. usufructus amitt.* & VII. lapsu temporis, conventionem definiti, expiret *l. 5. C. de usufruct. l. 15. ff. quibus mod. usufr. amitt.*

Item consolidatione, & interitu, & non usu.

Denique soluto jure constituentis, & lapsu temporis.

Præter eas res, in quibus usufructus constituitur pro jure civili, cui consonat Jus Regni, habentur etiam Feudales res, quas omittit Heineccius. Quare rem a me nunc habeo ex sententia, & verbis unius Matthæi Wesebecii, qui *De Feudis*

cap. I. sic scribit : *Videtur Feudum admodum simile esse usufructui , vel alii servituti personali ; Nam & utilitas rei transit in vassallum , directo dominio quasi proprietate apud Dominum remanente , & vassallus uti pradio debet salva ejus substantia c. 1. in fin. in quib. caus. feud. amitt. quam nec alienare , nec corrumpere potest . Et initio quidem ad certum tempus , sive ad vitam durabat usufructus Ac quamvis hodie transeat ad heredes , tamen solummodo in eos transit , qui velut eadem persona sunt , & easdem operas prestare possint , nempe liberos Porro , uti idem docet , non variat feudum ab usufructu etiam in eo , quod ex peculiaribus causis feudum ad proprietarium redire dicatur . Hinc tam ratione usufructus , quam ratione proprietatis , quam semper Dominus retinet , inter res , quæ ad usumfructum pertinent , feudales merito accensentur non pro judicio tantum Wesenbecii , sed feudistarum omnium .*

T I T. V.

De Usu & Habitatione.

Connexio. §. 425. **H**Actenus de usufructu sequitur usus , tamquam altera servitutum personalium species (§. 392.)

Ufus de- §. 426. Uti fructus latius patet , quam
 finitio. usus , adeoque usufructuarius non solum pro modo necessitatis , sed & omnes rei
 pro-

proventus, ad voluptatem etiam pertinen-
tes, capit, (§. 219.) ita facile patet,
usum esse jus alienis rebus tantum ad ne-
cessitatem utendi, salva earum substantia
§. 1. *inst. h. t.*

§. 427. Inde ergo fluit, I. minus esse in Axiomata
de usu.
usu, quam in usufructu §. 1. *inst. h. t.* II.
Usum sola necessitate quotidiana definiri
L. 2. *pr. ff. h. t.*

§. 428. Ex quibus axiomatibus sequitur, Quomo-
do uten-
dum.
I. ut qui fundi usum habet, is pro modo
conditionis oleribus, pomis, floribus, fœ-
no, stramentis, lignis uti, non vero om-
nes fructus capere possit §. 1. *Inst. h. t.*
II. Ut ædium usufructus, istas quidem pro
necessitate inhabitare, sed non aliis loca-
re, & vix hospitem recipere possit §. 2.
Inst. h. t. III. ut pecorum usufructus de la-
cte, lana, stercore modicum, quo opus
est, capiat, non autem foetum §. 37. *inst.*
de rer. divis. IV. Ut usufructus jus suum aliis
locare, aut gratis concedere nequeat §. 1.
inst. h. t.

§. 429. Tertia servitutum personalium Habitatio-
nis deñi-
tio.
species, puta *habitatio*, est jus alienas ædes
inhabitandi salva earum substantia. *Inha-*
bitare autem est iis ædium partibus uti
stui, quæ habitationi sunt destinatæ.

§. 430. Proinde I. qui jus habitandi habet Quale sit
jus habi-
tandi?
non, uti usufructus, ædibus pro necessitatis
modo utitur, sed omnem fructum ex par-
tibus habitationi destinatis percipit L. 13.
C. de usufr. II. Ædes potest alteri locare ad
inhabitandum §. 3. *inst. h. t.* L. 13. C. de
usufr. III. Itaque usufructus percipit ex
partibus ædium habitationi destinatis, non

ex cellis, hortis, tabernis, &c.

Quomo- §. 431. Iisdem modis habitationis jus fi-
do illud nitur, ac usufructus, & usus (§. 422.
finiatur. seq.) præterquam quod capitis deminutio-
ne non perimitur: cujus rei subtilem hanc
rationem allegat Modestinus L. 10. ff.
de cap. min. quod habitatio in sacro
potius, quam in jure consistat.

Servorum §. 432. Quarta est species servitus ope-
operæ. rarum, (§. 392.) quæ est jus omnem uti-
litem ex operis servi alieni percipiendi.

Quomo- §. 433. Quare I. minus est in servitute
do diffe- operarum, quam in usufructu servi, quia
rat ab usu- usufructuarius omnem utilitatem capitis ex
fructu ser- servo, non solum quod servus operis suis,
vitus. sed & quod e re hujus acquirit, verum
cui operæ legatæ, is tantum ex operis
servorum lucratur §. 4. *Inst. per quas pers.*
cuique acquirit. II. Plus est in operarum
servitute, quam in usu, quia illa nec so-
la necessitate circumscribitur, & aliis lo-
cari potest L. 3. ff. de usu legat.

Ufus ho- §. 434. Sed has quidem subtilitates ho-
diernus. die fere ignoramus, nec facile contingit,
ut testator usufructum, usum, habita-
tionem, operas servorum distinguat. Si
quis autem distingueret, procul dubio se-
quenda essent juris Romani principia.

T I T. VI.

De Usucapionibus.

Conne- xio, Modi
adquirendi §. 435. **A**ctum supra de modis acqui-
civiles, vel rendi *juris gentium* (§. 341.)
universales, seq.) jam Imperator de civilibus dicere
vel singula- insti-
res.

instituit, qui vel universales sunt, quibus universum jus in nos transfertur, vel singulares, quibus rei singularis dominium adquirimus §. ult. inst. per quas pers. cuique acquir.

Univer-
siles ad-
quirendi
modi.

§. 436. Universales memorantur quinque hereditatis adquisitio, II. bonorum possessio, III. adquisitio per adrogationem, IV. addictio bonorum libertatum servandarum causa, V. Adquisitio per sectionem bonorum & ex SC. Claudiano. De prima a tit. 10. hujus libri usque ad tit. XVIII. nec non initio Libri III. de secunda ejusdem libri tertii tit. 10. de tertia tit. 11. de quarta tit. 12. de quinta, & sexta tit. 13. agitur.

* Fuerunt tamen plures, veluti VI. successio fisci in bona damnatorum, & bona vacantia L. 1. ff. de jur. fisci. VII. ingressus in monasterium. Nov. 5. cap. 4. VIII. Uxoris conventia in manum. Cic. Top. cap. 4.

§. 437. Singulares quatuor habentur. I. Singula-
Usucapio, de qua hoc titulo, II. Donatio res.
de qua titulo 7. III. Legatum, de quo tit.
2. & IV. Fideicommissum singulare, de
quo tit. 24.

§. 438. Usucapio est adjectio domini per
continuationem possessionis temporis lege de-
finita L. 3. ff. h. tit. Prescriptio contra,
illi adfinis, erat exceptio, qua is, qui lan-
go tempore rem possederat, sese adversus do-
minum tuebatur. Ergo ab usucapione olim
differebat prescriptio, quæ non dominium
adjiciebat, sed exceptionem tribuebat con-
tra quemvis: & proinde etiam in rebus
incorporalibus locum habebat. Sed Justinianus,
sublato illo discrimine, usucapionem, & prescriptionem longi temporis,

Usucapio,
& præscri-
ptio.

veluti in unum conflavit *L. un. C. de usucap. transform.* simulque introduxit prescriptionem longissimi temporis.

Ufucapionis fundamentum

§. 439. Quum ergo usucapio sit adjectio domini (§. 438.) eam I. oportet fundamento aliquo niti, quod non aliud est, quam præsumptio, rem pro derelicta esse habitam, quam dominus tanto tempore non vindicavit. *Grot. de Jure Belli, & Pac. Lib. 2. cap. 4.*

Quænam usucapi queant.

§. 440. Deinde ex eodem principio fluit, II. usucapi posse res, quæ possunt adquiri, non exemptas hominum commercio *L. 9. ff. h. t. nec vitiosas §. 2. §. inst. h. t.* aliasque quasdam, quarum usucapio speciali lege inhibita, ut res dominicas, fisci, ecclesiarum, pupillorum, & minorum, & quarumcumque alienatio vel lege, vel testamento prohibita. III. Usucapionem locum tantum habere in rebus corporalibus (§. 335.) *L. 14. pr. ff. de servitut. L. 43. §. 1. ff. de adquir. rer. dom.* siquidem res incorporeales nec in dominio esse, nec proprie possideri possunt *L. 3. pr. ff. de adq. poss.* Attamen quia & hæc quasi possidentur (§. 388.) consequens est, ut quasi usucapi, vel præscribi queant *L. ult. C. de long. temp. præscr.*

* Hinc lex Scribonia lata. Quum enim veteres juris interpretes etiam servitutum usucapionem contra principia juris civilis invexissent. *Cic. pro Cæcin. cap. 25.* lex Scribonia eam servitutum usucapionem paullo post inhibuit *L. 4. §. ult. ff. de usucap.* Postea prætor eos, qui servitutes nec vi, nec clam, nec precario longo tempore possederant, adjuvit *L. 10. ff. si servit. vind.* Denique earum prescriptionem admisit Justinianus *d. L. ult. C. de long. tem. præscrip.* Ex quo simul adparet, nec bonam

bonam fidem, nec iustum titulum, nec scientiam domini, adversus quem præscribitur, hic requiri. Ampl. Zach. Huber. Obs. rer. jud. Obs. 13. Adde tamen Pagenst. Aphor. jur. pag. 119.

§. 441. Quumque usucapio sit modus Qui pos-
adquirendi juris civilis, (§. 435.) seque-
batur, IV. ut procederet inter solos capere,
cives Romanos; *Adversus hostem enim*, & quor-
sive peregrinum ex lege XII. tabularum effectus
æterna auctoritas erat. Macrob. Saturn. Lib.
1. c. 16. Sed hoc post communicatam
cum omnibus ingenuis, in orbe Romano
viventibus, civitatem fere extra usum est.
V. Ut tribueret dominium juris Quiritium.
Ulp. tit. 19. §. 7. adeoque locum habe-
ret tantum in rebus immobilibus Italici
soli, (§. 330. *) in rebus mobilibus om-
nibus *L. un. C. de usucap. trans.* Verum
& hoc mutatum, postquam differentia in-
ter res Mancipi & nec Mancipi sublata est
a Justiniano *L. un. C. de jur. Quir. toll.*

§. 442. Ceterum usucapionis & præscri-
ptionis longi temporis, quæ sint requisi-
ta, fere ex ipsa definitione adparet. Ea-
quæ sunt I. *bona fide*, quæ est opinio possessoris, qua se
dominum credit *pr. inst. h. t. l. 109. ff. de V. S.* Et jure quidem nostro sufficit,
bonam fidem ab initio adesse, * quia
mala fides superveniens possessori fraudi
non est *L. 48. §. 1. ff. de A. R. D. L. un. de usucap. transf.* Sed jure canonico
bona fides continua exigitur *cap. fin. X. de præscr.* Quo jure plerisque locis utuntur.

* Aliud in perceptione fructuum, in qua non
sufficit bona fides, nisi nunquam interrupta (§.
376.) *L. 23. §. 1. ff. de adquir. rer. dom.*

II. Justus
titulus.

§. 443. Nec locum habet usucapio, II. si desit *justus titulus*, seu causa ad transferendum dominium habilis (§. 339.) §. 5. *inst. per quas pers. cuique adquir. L. 14. C. de rei vind.* Unde non sufficit I. opinio erronea justæ causæ L. 27. ff. h. t. §. 6. h. t. II. nec contractus simulatus & fictus L. 1. C. *plus val. quod agitur* III. nec titulus revocabilis, veluti mortis causa donatio l. 13. pr. ff. *de mortis causa donat.*

III. Rei
qualitas.

§. 444. Neque porro usucapione adquiruntur, III. nisi *res usucapionis capaces.* (§. 440. 2.) Ex quo sequitur, ut res furtivæ, & vi possessæ propter vitium rei inhærens, & possessores comitans, non possunt usucapi, nisi iis ad priorem dominum scientem reversis, vitium purgetur §. 3. *inst. h. t. l. 84. ff. de furt. l. 4. §. 6. C. 12. seq. ff. h. t. L. 6. C. pro emt.*

IV. Tem-
pus lege
definitum.

§. 445. Accedat porro necesse est IV. *tempus lege definitum*, olim quidem annus in re mobili, biennium in immobili pr. *inst. h. tit. jure novo triennium in mobili, decennium in immobili inter præsentēs, vicennium inter absentes* * L. *unic. C. de usuc. transf. pr. inst. h. t.* Plerisque locis, ubi jus Germanicum antiquum adhuc viget, res mobiles anno & die, immobiles triginta annis, anno, & die præscribuntur. Vid. R. Stryk, *Us. Hod. h. t. Grog. ad pr. inst. h. t.* Germanis enim antiquis triginta annos sæculum fuisse, observavit Plin. *Hist. nat. lib. 16. cap. 44*

* Ergo

* Ergo anni absentiae duplicantur, si quis aliquamdiu praesente, aliquamdiu absente domino rem bona fide & ex iusta causa possedit: vel, quod perinde est, alii tot anni super decennium adjiciuntur, quot ex ipso decennio absens fuit Nov. 119. cap. 8.

§. 446. Denique etiam requiritur V. V. Conti.
continua possessio & quidem non *naturalis* ^{nua pos-}
 tantum, sed *civilis*, idest cum animo do- ^{sessio.}
 minii vel sibi habendi conjuncta (§. 376.) L. 25. ff. de usucapion. Successor
 continuat possessionem auctoris sui, &
 in universali quidem (§. 436.) nil in-
 terest, siue ipse in bona, siue in mala
 fide sit, dum defunctus eam bona fide
 inceperit §. 7. inst. h. t. singularis autem,
 si & ipse & auctor * in bona fide fuerit
 L. 13. §. ult. ff. de adq. poss.

* Hinc si bona fide sit successor singularis, ei
 fraudi non est mala auctoris fides, dum ipse a sua
 persona usucapionem incohet L. 4. ff. de divers.
 & temp. praeser. L. 1. C. de praeser. long. temp.
 Ast universali mala fides defuncti semper nocet.

§. 447. Ex quo sequitur, ut si vel na- ^{Usuca-}
 turaliter vel civiliter interrumpatur usu- ^{pionis}
 capio, (quod *usurpationem* vocant jura ^{interruptio.}
 L. 2. ff. h. t.) solus lapsus temporis non
 prodest L. 2. C. de long. temp. praeser. Fit
 autem *naturalis usurpatio*, si quis e pos-
 sessione dejicitur L. 3. ff. hoc tit. L. 13.
 ff. de adquir. vel amitt. poss. civilis per
 actum judiciale, hodie per citationem
 adversarii, vel per oblationem libelli *
 L. pen. & ult. C. de ann. except.

* Quod si tamen sequuta sit sententia absolutio-
 ria, possessio etiam lite pendente continuatur L.
 2. ff. pra don. L. 1. l. 9. C. de praeser. long. temp.
 Singulare etiam privilegium fisci, & rerum domi-
 nicarum, quod qui a fisco emat, statim securus
 fiat,

fiat, fiscus autem post quadriennium conveniri nequeat *L. 2. & L. ult. C. de quadr. præscript. §. ult. inst. b. i.*

Præscriptio longissimi temporis. §. 448. Hactenus de *usucapione*, quamque cum illa pari passu ambulare voluit Justinianus, *longi temporis præscriptione*. Ab hac differunt *præscriptio longissimi temporis*, & *immemorialis præscriptio*, veluti in subsidium admissæ, si quando non procedat *usucapio*, vel *præscriptio ordinaria*.

Quotuplex. §. 449. *Præscriptio longissimi temporis* vel 30. vel 40. vel 100. annorum est.

Præscriptio 30. annorum. §. 450. *Triginta annis* præter actiones personales *L. 3. C. de præscr. 30. vel 40. ann.* præscribuntur, quæ antecessor ob malam fidem, vel defectum iusti tituli præscribere non potuit, veluti I. res vitiosæ, bona fide possessæ *L. 8. §. 1. C. eod.* II. res minorum *L. 3. C. quib. long. temp. præscr. non obst.* III. res adventitiæ filiorum familias *Nov. 122. cap. 24.* IV. res a malæ fidei possessore alienatæ *Nov. 131. cap. 6.*

Præscriptio 40. annorum. §. 451. *Quadragesima annis* præscribuntur I. res fiscales *L. 4. C. de præscr. 30. vel 40. ann. & patrimoniales principis L. fin. C. de fund. patr.* II. res Ecclesiarum mobiles *L. 24. C. de SS. Eccl. Nov. 111. cap. 1. Nov. 131.* III. res civitatum, quippe quæ iure minorum & Ecclesiarum fruantur. IV. ius hypothecæ, si ipse debitor rem oppignoratam possideat *l. 7. §. 1. C. de ann. exc.*

Præscriptio 100. annorum. §. 452. *Centum annis* præscribitur res Ecclesiæ Romanæ, quæ sola hoc 100. annorum spatio, vel privilegio gaudet *Auth. Quas actiones C. de SS. Eccl.*

§. 453. *Præscriptio immemorialis* dicitur, cujus in contrarium non exstat memoria l. 2. §. 1. 7. ff. de aqua plu. arc. Eaque adquiri dicuntur regalia, immunitates a tributis, &c. quamvis id vix procedat contra principem l. 6. C. de præscr. 30. vel 40. ann. & numquam in domanialibus cap. 33. X. de iurejur.

Præscriptio immemorialis.

I. Præscriptionum jura doctissime exhibet Heinnecius. Nunc si quid peculiare de præscriptionibus nostro jure occurrat, videamus. Et de præscriptionibus quidem exstat S. R. C. decretum die XXIII. Decembr. An. MDCCXXXVIII. editum, quod referre e re est, ut non solum ejus sententiam noscas, sed etiam capita ipsa nostri juris de præscriptionibus: *Sacrum Consilium* (en decreti verba, quod Regia auctoritate Carolus Borbonius Rex probavit) censet præscriptioni, qua actiones extinguuntur in quocumque Regni foro locum esse oportere, modo conditionibus a jure Civili, Pontificio, ac lege Municipali præstitutis plane sit confirmata, propterea neque debitorem, qui ob conscientiam debiti semper est in mala fide, neque heredem licet bonæ fidei, qui possessori malæ fidei successit, præscriptione juriari umquam posse. Ceterum in tertio possessore bonam fidem præsumendam esse, ideoque lapsu triginta annorum a die nata actionis, ac deductis temporibus de jure deducendis legitima præscriptione eum recte uti posse: ad hanc tamen

Jus Neapolitanum.

men

men excludendam licere auctori apertis argumentis probare, illam possessorem sive ab initio, sive intra prescriptionis spatium vere in mala fide fuisse probationibus præsumpta mala fidei prorsus rejectis. Vides a Rege prescriptionem aperte probari, quod antea in controversia fuit; Vult tamen Sapientissimus Rex ad eam probandam requiri conditiones Jure civili, Pontificio, & Municipali præstitutas. Jus civile pete ex Heinneccii ipsius commentario, cui hæc adnotatio subiicitur. Jus Pontificium habes Lib. 2. decretal. tit. 26. de prescriptionibus. Verum hic describenda esse puto verba cap. 5. & ult. quæ Decretum S. C. mire illustrent. In cap. 5. Alexander III. hæc habet: nulla antiqua dierum possessio juvat aliquem mala fidei possessorem, nisi resipuerit, postquam se aliena noverit possidere, quum bonæ fidei possessor dici non possit. In cap. ult. autem ex Concilio Lateranensi sub Innocentio III. ita scriptum est: Quoniam non omne, quod est ex fide peccatum est, Synodali judicio definimus, ut nulla valeat absque fide prescriptio tam canonica, quam civilis, hoc est a canonibus, sive legibus introducta, cum generaliter sit omni constitutioni, atque consuetudini derogandum, quæ absque mortali peccato non potest observari; Unde oportet, ut qui præscribit in nulla temporis parte rei habeat competentiam alienæ. Sunt hæc constitutiones juri civili contrariæ; Et jure quidem civili bona fides initio tantum necessaria est ad Usucapionem l. 15. §. 2. de Usucap. l. 2. §. 13. pro emt. nec superv-

veniens mala fides usucapionem interpel-
lat *l. pen. ff. pro emt.* Rursus jure civili
nulla bonæ, vel malæ fidei ratione ha-
bita personales actiones triginta annorum
spatio præscribuntur *l. 3. Cod. de præscrip-
tionib. triginta, vel quadraginta annorum*
exceptis nonnullis, ad quas tollendas bre-
viori spatio est opus, de quibus vide
omnino Perezium ad tit. *Cod. De præ-
scriptionibus*. Quæ vero sunt, quæ trigin-
ta annis nec præscribuntur, eas tollit
præscriptio quadraginta annorum *l. 4.
Cod. eod.* Atque id genus actiones consu-
le apud eundem Perezium. Verum &
quod de mala fide superveniente, & de
præscriptione triginta, vel quadraginta an-
norum Romanæ leges caverant, id cano-
nes abrogarunt in *d. cap. 5. & ult.* Nunc
ut ad Decretum S. C. redeamus, illud
posthabita civili ratione ex sententia ca-
nonum scriptum est de præscriptione, qua
actiones extinguuntur. At vero verba
illa Decreti *deductis temporibus de jure
deducendis* explicanda sunt ex titulo Co-
dicis *Quibus non obicitur longi temporis
præscriptio*, ubi cautum est, tempora
quædam præscriptionibus non imputari in
gratiam minorum, aliorumque, quos ju-
stæ absentiæ ratio, & necessitatis publicæ
obsequium defendit, quales sunt milites
in expeditione degentes, captivi, aliique
Reip. causa absentes. Hæc igitur sunt
tempora, quibus aut in minore ætate, aut in
expeditione, aut in captivitate, absentiæ
deduci debeat. Quæ cum ita sint, illud ad
ultimum inquirendum superest, num vi ejus
Decre-

Decreti justus titulus ad præscriptiones longissimi temporis requiratur? Jure civili ad eas præscriptiones haud requiri inter omnes constat: at vero ex sententia canonum, licet non ex verbis requiratur; sed eum præsumi est satis: Et mihi certum videtur ex sententia, licet non ex verbis Decreti, idem jus esse. Illud addam, ubi de feudalibus, aut Regalibus agitur, titulum non ante annos centum præsumi. Municipalis autem lex, cujus mentio in Decreto sunt constitutiones, quæ prostant *Lib. III. Constitutionum tit. xxxvii. xxxviii. xxxix.* Sub titulo xxxvii. qui est *de præscriptionibus* exstat constitutio *duram & diram*, quæ primum jus civile de Usucapionibus decem, aut viginti annorum inter præsentem, & absentem, ac de præscriptionibus, quæ actiones tollunt, confirmat, tum jubet servari in Regno inter Fratres bona prædecessorum dividentes inter se præscriptionem annorum quadraginta a Langobardis introductam, cujus ea vis est, ut illi elapsis quadraginta annis venire contra divisionem non possint. Sub titulo xxxviii. qui est *de rei actione, & exceptione* exstat constitutio *consuetudinem*, quæ ait, feudi possessorem per triginta *perpetuos* annos præsentem adversario, si *servitium* præstiterit Regiæ Curie, securum esse, licet auctor de suo quasi dominio probeat, quod bene subaudit Afflictus. Denique sub tit. 39. qui est *de prerogatione præscriptionis* exstat constitutio *Quadragenalem*, qua statuitur, solam præscriptionem centum annorum

norum habere locum contra fiscum, sive bona fisco quæsitæ sint *stabilia feudalia*, sive *stabilia burgensatica*. His mihi videntur satis explicata ea, quæ ad Præscriptiones spectant, prout eas Jus Neap. scriptum admittit.

II. Jure Neapolitano non scripto nonnulla etiam de servitutum Præscriptione caventur. Sane sub titulo *de Aperturis non faciendis* est consuetudo *ubi reperitur*, itemque consuetudo *amplius*, quæ consuetudines dici possunt *fugitivæ*, quemadmodum Cujacius leges, quæ titulo subjiçuntur non suo, fugitivas appellat. Et prioris quidem consuetudinis sententiam in hunc modum accipe. Finge, socios divisisse inter se domum, & in publico *divisionis* instrumento constitutam alicui in re divisa servitutem. Certe Jure civili si servitus usum continuum, & quotidianum habet, per non usum decem, aut viginti annorum amittitur, si vero usum continuum non habet, puta quia alternis annis, aut mensibus constituta est, per non usum viginti, aut quadraginta annorum cessat *l. 3. cod. de servitutib.* Sed jure nostro non scripto per non usum etiam longissimi temporis non amittitur. Quoniam autem consuetudo longissimi temporis, hoc est triginta annorum præscriptionem excludit, recte colligit Napodanus locum non esse consuetudini, ubi temporis immemorabilis præscriptio probatur. Posterioris consuetudinis sententiam præclare explicant ipsa verba consuetudinis: *Amplius si in instrumento ipso non continetur*

expresse, quod alicui ipsorum consortium ab altero servitus debeat, licet alter inveniat in possessione, vel quasi alicujus servitutis, talis possessio, vel quasi non prodest possidenti vel quasi, etiam si per longissima tempora sine inquietitudine consortis, vel heredum, ejusque etiam singulorum successorum illud possederit, vel quasi possederit. Igitur id mihi videtur velle consuetudo, ut si in instrumento divisionis non sit expressa servitus, *consors*, vel heres, etiam si in possessione reperiatur, numquam præscribit; Unde agi contra eum potest negatoria actione.

T I T. VII.

De Donationibus.

Donatio
an mo-
dus ad-
quirendi
civilis.

§. 454. **A**lter modus acquirendi domini juris civilis dicitur *donatio*. (§. 337.) At ea non est modus acquirendi domini, sed titulus (§. 337.) nec tam jure civili auctoritatem obtinuit, quam jure gentium, nisi forte donationes mortis causa, & propter nuptias huc referre velis. Vid. B. Huber. *Prel. ad Inst. h. t.* §. 1. Sequendus tamen ordo Imperatoris * qui Cajum sequutus videtur.

* Cui enim temporibus donatio omnino fuit modus acquirendi domini, quia donatio tum sine traditione non intelligebatur, adeo ex lege Cincia etiam æs, & libram intercedere oporteret. Quod sensim constitutionibus mutatum. Diximus ad Vinn. Comment. h. tit., & ante nos exposuit Jo. Petr. a Ludewig Dissertat. *De Donatione, ejusque barbara annexu, acceptance*.

§. 455.

§. 455. *Donatio* est liberalitas in accipientem nullo jure cogente collata: ea-
que fit vel *mortis causa*, vel *inter vivos*,
seu non *mortis causa*. *pr. inst. h. t.*

§. 456. Non *mortis causa*, vel *inter vivos* donatio est, quæ sine respectu ad casum mortis celebratur, *Mortis causa donatio* est, quæ propter mortis fit suspicionem, sive quod immineat periculum, sive quod donator de mortalitate cogitet *L. 2. seq. ff. de donat. mort. caus.* Illa pactum, hæc & pacto quodammodo, & ultimæ voluntati similis est.

§. 457. Ergo I. utraque fieri potest a domino, & inter vivos quidem ab eo, cui libera est administratio rerum suarum
§. 40. *inst. de ver. div. l. 21. L. mand. mortis causa* ab eo, qui potest testamentum facere *l. 15. ff. de mort. caus. don.* nec non a filiofamilias, si pater permiserit *l. 25. §. 1. ff. eod.*

§. 458. Ergo II. donari potest inter vivos omnibus, qui donationem acceptant. *Cic. Topic. cap. 8.* modo non obstat unitas personæ. Ex quo principio donatio non valet inter patrem, & liberos *l. 1. §. 1. ff. pro don. (§. 139.)* nec inter conjuges. ** tit. ff. de don. inter vir. & ux.* Mortis vero causa donari potest omnibus, quibus legari potest *L. 33. pr. ff. de mort. caus. don. §. 24. Inst. de legat.*

* Ratio reddenda ex jure antiquo. Uxores olim in manum conveniebant, eodemque loco erant viris, quo heredes suæ & filiofamilias. (§. 146. *) Ergo non magis inter se donare poterant conjuges, ac pater & filiofamilias. Postea quum conventio in manum fere obsolevisset, & donationes tamen

Ejus definitio,

Donatio inter vivos, & mortis causa.

Qui possit donare?

Cui?

inter conjuges prohibita manerent, alias rationes excogitarunt jureconsulti, veluti ne mutuo amore se invicem spoliarent conjuges, ut potius esset studium educendi liberos, ne venalitia veluti essent matrimonia &c. L. 1. l. 2. ff. de don. inter vir. & uxor.

Quænam
res dona-
ri queant?

§. 459. Porro III. utroque modo donari possunt res omnes, quæ sunt in commercio, etiam incorporales l. 9. pr. l. 27. l. 28. ff. h. t. etiam alienæ, eatenus, ut possint usucapi l. 9. §. ult. l. 18. §. ult. pro donat. §. 4. inst. de legat. l. 12. pr. ff. de mort. caus. don. etiam omnia bona præsentia, & futura L. 35. §. 4. C. h. t.

Differen-
tia inter
donatio-
nem in-
ter vivos
& mortis
caussa.

§. 460. Sed hætenus tamen differunt inter vivos & mortis causa donatio. I. quod illa & remotis arbitris, hæc non nisi coram quinque testibus fieri potest l. ult. §. fin. C. de codicill. II. quod illa actis intervenientibus insinuanda, si 50. folios excedat l. 36. §. ult. C. §. 2. inst. hæc tit. hæc insinuatione non indiget L. ult. C. de mort. caus. don. III. quod illa sua natura irrevocabilis, hæc revocabilis est §. 1. inst. h. t. l. 2. l. 29. ff. de mort. caus. don. IV. quod illa traditione demum transfert dominium Tit. inst. de ver. dis. hæc etiam sine traditione l. 2. ff. de Publ. in rem. att. (§. 339. **) dummodo decesserit donator, neque cum donationis penituerit §. 1. inst. h. t. l. 16. l. 20. ff. de mort. caus. don. V. quod illa beneficio competentia l. 12. l. 23. ff. h. t. hæc quartæ Falcidia subest L. 2. C. de mort. caus. don.

Qualis
ex dona-
tione de-
tur actio.

§. 461. Ergo rei donatio inter vivos, nondum tradita, si stipulatio intercesserit, petitur actione ex stipulatu pr. inst. de verb.

verb. obl. sin pactum conditione ex lege 355. §. 4. 5. C. hoc tit. Donatarius cui mortis causa donatum, easdem habet actiones, quas legatarius, (§. 356.) nempe rei vindicationem, actionem hypothecariam, & personalem ex testamento L. 1. comm. leg. §. 2. inst. de legat.

§. 462. Quamvis donatio vero inter vivos sua natura sit irrevocabilis, (§. 460.) rescinditur tamen, I. quatenus est inofficiosa L. 5. l. 7. C. de inoffic. don. II. quatenus modum, vel summam excedens 500. solidorum non insinuata L. 21. ff. de donat. l. 34. pr. l. 36. §. ult. C. de donat. III. ob ingratitudinem §. 2. inst. h. t. l. 10. de revoc. don. IV. ob supervenientiam liberorum L. 8. C. de revoc. don. quæ lex tamen soli patrono jus donationem revocandi concedit, quemadmodum ex causa tertia, tanquam delictum vindicante, tantum donatori, non heredibus actio nascitur L. 10. C. de revoc. don.

De rescindenda donatione.

§. 463. Donationis inter vivos species etiam est donatio propter nuptias, seu av-
cipium, quam maritus uxori, vel sponsus sponsæ facit in securitatem dotis §. 3. inst. h. t. Quæ donatio I. doti quoad quantitatem & pacta fere similis l. ult. Cod. de donat. ante nupt. Nov. 97. II. uxori constante matrimonio nec dominium tribuit, nec jus capiendi fructus, sed tantum pignus tacitum in bonis mariti L. 39. C. de jur. dot. Nov. 61. cap. 1.

Donatio propter nuptias.

Jus Nea-
ro.itanum.

Nolim me carpas, quod titulo præcedenti, ubi sermo est de donationibus propter nuptias, non subnectam, quæ de dote, dotis dominio, ac de antefato disputantur; Nam de his omnibus agendum opportunius arbitror ad Titulum *De actionibus*, ubi *De dotis actione* differitur.

T I T. VIII.

Quibus alienare licet vel non.

Dominii
effectus
jus alie-
nandi.

§. 464. **D**ominii effectus est jus de re sua disponendi, adeoque & eandem alienandi §. 40. *inst. de rer. divis.* Contra non dominus, quod non habet, dominium in alterum transferre, adeoque & alienare nequit l. 54. ff. de reg. jur. §. 40. *inst. de rer. divis.* Quia tamen in definitione dominii (§. 335.) expressimus limitationem, nisi vel lex, vel conventio, vel testatoris voluntas obstat, & præter dominium alix quoque sunt juris in re species, (§. 334.) hinc aliquando evenit, I. ut dominus alienare nequeat. II. ut non dominus recte alienet. Quæ *ex adō a deputata incredibilia argumenta*, uti Theophilus vocat, tractantur hoc titulo.

Maritus
non po-
test alie-
nare fun-
dum do-
talem.

§. 465. Nonnumquam primo dominus rem suam jure non alienat. Nam I. maritus est dominus dotis. (§. 336. *) Est enim dos
pe

pecunia (§. 311.) data marito ad sustinenda matrimonii onera L. 56. §. 1. ff. L. 20. C. de jur. dot. Nec tamen per legem Juliam de adulteriis alienare ei licebat fundum dotalem Italicum, invita uxore, nec eundem consentiente ea obligare Paull. lib. 2. Sent. recept. tit. 24. Quin Justinianus ne consentiente quidem uxore alienationem fundi cujuscunque permisit L. un. §. 15. C. de rei ux. act. pr. inst. h. r. nisi alienatio vel sit necessaria L. 1. ff. de fund. dot. L. ult. C. eod. vel in utilitatem uxoris facta L. 26. L. ult. ff. de jur. dot. Quæ tamen prohibitio non pertinet ad res mobiles, nec ad immobiles æstimate datas, quarum dominium omnimodò nanciscitur maritus L. 10. §. 4. ff. L. 5. L. 10. C. de jur. dot.

§. 466. Deinde II. pupillus est dominus rerum suarum, & tamen eas non alienat, nec mutuum recte dat, adeo ut si dederit, nummi exstantes vindicentur, bona fide consumpti condicantur, de mala fide consumptis ad exhibendum agatur §. ult. inst. hoc tit. Immo pupillo, licet domino, non recte solvitur, nisi auctoritate tutoris & interposito decreto §. ult. hoc tit. exceptis usuris intra biennium debitis, & non excedentibus centum solidorum quantitatem L. 25. C. 27. C. de admin. tut. Multo minus ergo pupillus recte solvit, & hinc, quod solutum, si existat, vindicatur, sin consumptum, contingit liberatio L. 13. §. ult. ff. de solution.

§. 467. Deinde aliquando, qui dominus non est, recte tamen alienat. Sic enim

Pupillus
an alienet?

Quando
creditor pignus alienare queat?

I. creditor recte alienat pignus, nulla præmissa denunciatione, si ita convenerit, ut liceret pignus distrahere. * Nam si convenerit, ne vendatur, nonnisi trina præmissa denunciatione recte distrahit creditor. *L. 4. ff. de pign. act. L. 4. C. de distr. pign.* Denique si nihil conventum, post denunciationem, & biennium elapsum permittitur distractio *L. ult. C. de jur. dom. imp.* Si res emptorem non invenerit pretio tolerabili, reperitur denunciatio, vel iudex debitori absenti præfigit diem, intra quem solvat: quod ni faciat, creditor a Principe impetrat dominium, relicta debitori facultate, pignus luendi intra biennium *L. ult. C. eod.*

* Cave vero hoc pactum de distrabendo pignore confundas cum pacto commissorio, quo convenit, ut debito justo tempore non soluto pignus pleno jure creditori cedat: Illud enim pactum licitum *L. 7. §. ult. ff. de distr. pign.* hoc illicitum est *L. ult. C. de part. pign.*

Tutor
quando
alienet.

§. 468. Deinde II. tutor non est dominus rerum pupilli, & tamen ei licet alienare res pupillares, urgente necessitate, vel suadente utilitate pupilli, & pretiosas quidem maxime immobiles, cum decreto magistratus, reliquas & sine eo *L. 1. ff. de reb. cor. qui sub tut. vel cur.*

T I T. IX.

Per quas personas cuique acquiritur.

Adqui-
ritur no-
bis per
res no-
stras.

§. 469. **A**dquiritur nobis non solum per nos ipsos, sed & per res nostras. (§. 354.)

§. 470.

§. 470. Quum ergo & filii familias, Ergo &
 (§. 135. seq.) & servi Romanorum [§. 77.] per ser-
 tamquam res mancipi essent in dominio vos.
 Quiritario parentum & dominorum, con-
 sequens erat, I. ut quidquid acquirerent
 servi, ejus proprietatem acquirerent do-
 minis etiam ignorantibus & invitis * §.
 3. *inst. h. t.* possessionem, extra peculium,
 scientibus & volentibus L. 34. §. *ult. l.* 44.
 §. 1. *ff. de adquir. poss.* hereditatem tantum
 jubentibus §. 3. *inst. h. t.* & quidem, si do-
 mini essent plures singulis pro rata domi-
 nii, nisi uni speciatim stipulatus esset ser-
 vus **

* Quamvis enim & servis concederetur peculium;
 id tamen profectitium erat indistincte, quia domi-
 nus omnia eripere potuisset. Itaque hoc peculium
 semper erat in dominio heri, qui vel liberio-
 rem, vel adstrictiorem ejus administrationem servo per-
 mittebat pro lubitu L. 7. §. 1. *ff. de pecul. l.* 20. *ff.*
de jurejur.

** Quid hodie obtineat in hominibus propriis,
 supra occupavimus §. 85.

§. 471. Quamvis vero servi fructuarii An & per
 non sint nostri, nec ingenui bona fide pos- servos
 sessi servi sint, (§. 91. 4. §.) tamen & hi fructua-
 nobis adquirunt operis suis, & e re no- rios.
 stra. Reliqua enim proprietario, vel sibi
 adquirunt, nisi quædam contemplatione
 fructuarii, aut bonæ fidei possessoris relicta
 censeantur §. 4. *inst. h. t.* L. 21. 22. 23. *ff. de*
usufr.

§. 472. Ex eodem principio fuit II. Per filios
 quidquid a filio filiave familias adquiri- familias.
 tur, id omne adquiri patri. Et eo jure
 indistincte utebantur veteres Sext. Empir.
Pyrrhon. Hypoth. 3. 24. Seneca *de benef.* 7.
 Dio-

Quid ad-
questus
restrin-
gitur pe-
culiis.

§. 473. Quemadmodum vero reliqua pa-
rentum jura sensim imminuta esse novi-
mus, (§. 140.) ita idem circa jus acqui-
rendi per liberos contigit, introductis pe-
culiis. *Peculium* vero est *pusillum patrimonium*, quod filius familias a rationibus
paternis, vel *dominiciis separatim habet* L. 5. §. 3. & 4. de pecul. idque in *militare*, &
paganum, illudque iterum in *castrense*, &
quasi castrense, hoc in *profectitium*, & *ad-*
ventitium dividitur.

Peculium
castrense.

§. 474. *Peculium castrense*, [cujus origo
eadem videtur, ac testamenti militaris
L. 1. ff. de test. mil.] complectitur omnia,
quæ filius familias occasione militiæ saga-
tæ adquisivit L. 11. ff. de cast. pecul. eoque
pertinet, quod pater filio in militiam eun-
ti donat, hereditas a commilitone relicta,
etiam a fratre in iisdem castris militante,
quidquid porro captum ab hostibus, vel
ex pecunia castrensi emtum * L. 4. pr. ff.
l. 4. C. eod.

* *Peculium* enim est universitas L. 20. §. 10. ff.
de hered. petis. In universitate vero res succedit in
locum pretii.

Quasi ca-
strense.

§. 475. *Quasi castrense*, quod filius fa-
miliæ occasione militiæ togatæ acquirit
L. 14. C. de advoc. l. 6. ff. de re jud. l. fin. C.
de inoff. test. Quo referuntur sumtus a pa-
tre in studia filii facti, adquisita ex advo-
catione, vel aliarum artium liberalium ex-
ercitio d. L. ult. C. de inoff. test. itemque
donata a Principe vel Augusto L. 7. C. de
bon. que lib.

Profecti-
tium.

§. 476. *Peculium profectitium* est, quod
e re

e re patris proficiscitur, vel occasione patris filio obvenit §. 1. *inst. h. t.*

§. 477. *Adventitium* denique est, quod ex alia causa, veluti liberalitate matris, aliorumve, vel proprio labore, vel prospera fortuna filio acquiritur §. 1. *inst. h. t.* Adventitium.

§. 478. Peculium *castrense* & quasi *castrense* pleno jure est filii *pr. inst. quib. non est perm. sac. test. L. 6. C. de bon. que lib. adeoque I. in eo pro patre familias habetur l. 2. ff. de SC. Maced. & II. de eo inter vivos, & mortis causa libere disponit l. 3. C. de cast. pecul.* Quid juris filio in castrensi, & quasi castrensi.

§. 479. *Profectitium* pleno jure patris est * §. 1. *inst. h. t.* adeoque sola filio relinquatur administratio, Attamen id retinet filius, I. bonis paternis publicatis l. 3. §. 4. *ff. de min. & II. post emancipationem, si pater non ademerit L. 31. §. 2. ff. de donat.* Quid in Profectitio.

* Ratio hujus juris arcessenda ex unitate personæ. Quum enim pater & filius una persona habeantur (§. 136. 6.) consequens est, ut pater filio donare nequeat (§. 458.) Ideoque, quidquid a patre in filium proficiscitur, patris manet.

§. 480. Peculii denique *adventitii* proprietas ordinarie est penes filium, usufructus & administratio penes patrem §. 1. *inst. h. t. l. 6. l. ult. §. 5. C. de bon. que lib.* Quid in adventitio ordinario.

§. 481. *Ordinarie*, inquam. Nam nonnumquam peculium *adventitium* pleno jure fit filii, I. ut si filius renuente patre hereditatem adierit l. ult. §. 1. *C. de bon. que lib. II. si filio ea conditione quid donatum relictumque sit, ne pater usufructum habeat Nov. 117. cap. 1. III. si filius una cum patre succedit fratri germano Nov.* Quid in extraordinario.

Nov. 128. cap. 2. IV. si pater in bonis filio restituendis dolose versatus sit L. 50. ff. ad SC. Trebell. Hinc id peculium adventitium doctoribus *irregulare*, *extraordinarium*, *plenum*, alterum, de quo §. 480. *regulare*, *ordinarium*, *minus plenum* appellatur.

An & per
extraneos
adquiramus.

§. 482. Quia ergo tantum per filios familias & servos nostros nobis acquiritur, (§. 469. sequ.) de ceteris valet axioma *Alii per alium adquiri nequit*. Attamen ex mandato nostro per procuratorem nobis & dominium & possessio adquiri potest §. 5. *inst. hoc tit.*

T I T. X.

De Testamentis ordinandis.

Connexio.

§. 483. **R**eliquis modis acquirendi singularibus per legata, & fideicommissa (§. 497.) ad finem libri hujus secundi rejeclis, Imperator transit ad civiles universales, (436.) quorum primus est *hereditas*.

Hereditas
quod
duplex.

§. 484. Hereditatum duplex conditio est. Nam ex jure civili Romano vel *ex testamento*, vel *ab intestato* ad nos pertinent §. 6. *inst. per quas pers. cuique adquir.*

Testamentum
mutat
successionem
legitimam.

§. 485. Quum vero præcipua sit successio testamentaria, & quamdiu successor ex testamento speratur, ab intestato heredibus locus non detur §. 9. ff. *de adq. her.* merito ejus rei causa ab origine arcessenda est, maxime quum alioquin expediti juris sit, jus publicum privatorum voluntate

tate mutari non posse L. 38. ff. de pact. L. ult. ff. de suis & legit. hered.

§. 386. Successio omnis jure Romano erat legitima; & hinc nonnisi nova lege mutari poterat. Nihil enim tam naturale est, quam eo genere quidvis dissolvi, quo erat colligatum L. 35. ff. de reg. jur. Itaque & leges de successione intestatorum nova lege tollebantur, dum in comitiis calatis rogabatur populus, velitne jubeatne, ut Lucius Titius Lucio Valerio tam jure legeque heres sit, quam si filius ejus proximive heres esset? Gell. Noct. Att. lib. 15. cap. 27. Et hæc sunt testamenta in comitiis calatis facta, de quibus §. 2. Inst. hoc t.

Cur testamenta olim facta in comitiis.

§. 487. Postea legibus XII. tabularum cautum fuerat: *Paterfamilias uti legasset de pecunia, tutelave sua rei, ita jus esto.* (§. 208.) Quum vero privata voluntas leges de successione tollere non posset, hinc fingebant jureconsulti, hereditatem veluti inter vivos alienari. Illustr. Bynkersh. Obs. lib. 1. cap. 2.

Cur postea per æs & libram?

§. 488. Quum itaque hereditas esset res Mancipi, (§. 330. *) res Mancipi vero Mancipatione transferrentur (§. 336.) testamenta condi cœperunt per æs & libram. Constituebatur ergo familiæ emtor, cui testator, presentibus quinque testibus civibus Romanis, antestato, & libripende familiam, vel hereditatem venderet. Gell. lib. 15. cap. 26. addita nuncupatione sollemni. *Hæc uti in his tabulis scripta sunt, ita do, ita lego, ita testor, itaque vos, Quirites, testimonium præbitote.* Ulpian. Fragm. tit. 20. §. 9.

Ritus hic qualis?

Testamen-
tum præ-
torium.

§. 489. Quemadmodum vero Prætor sæpe jus civile æquitatis specie mutabat; (§. 65.) ita & secundum tabulas dabat bonorum possessionem, dum septem testes eas signassent * §. 2. *Inst. h. t.*

* Quinque enim testes adhibebantur more in mancipationibus recepto, (§. 488.) reliqui duo libripendens & antestatum repræsentabant.

Jus circa
testamen-
ta novis-
simum.

§. 490. Usu demum & constitutionibus Principum invaluit nova testandi ratio, quæ tamen fere veteribus nititur principiis, adeoque testamentum jam nihil aliud est, quam voluntatis nostræ justa sententia de eo, quod quis post mortem suam fieri velit L. 1. ff. *qui testam. fac. poss.*

Testamen-
tum vel
scriptum,
vel nuncupativum.

§. 491. Quum ergo testamentum sit voluntatis nostræ sententia de eo, quod quis post mortem suam fieri velit, vel, ut imperator, stoicam allusionem (§. 92. *) pro etymologia sequutus ait, *testatio mentis pr. Inst. h. t.* sequitur, I. ut quis vel scripto testari possit, vel per nuncupationem. Unde distinctio testamenti in *scriptum*, & *nuncupativum*. II. Ut de universitate omnium bonorum testari, adeoque III. nec pro parte testatus, pro parte intestatus L. 7. ff. *de reg. jur.* §. 3. *Inst. de hered. inst.* nec IV. cum duobus pluribusve testamentis decedere possit L. 19. C. *de test. mil.* & V. integritas mentis exigatur in eo, qui testamentum condit L. 2. ff. & L. 3. C. *qui test. fac. poss.*

Debet
fieri sol-
lemniter.

§. 492. Quumque deinde sit *justa*, id est, sollemnis voluntatis nostræ sententia, consequens est VI. ut sollemnitates omnes observari oporteat, nullaque sine periculo nullitatis possit prætermitti L. 17. L. 23. C. *de fideicomm.*

§. 493. Sollemnitates vel *internæ* sunt, *Sollem-*
 vel *externæ*. Interna est heredis idonei le- *nitas in-*
 gitima institutio §. 34. *Inst. de leg. L. 1. §.*
3. ff. de hered. inst. Ea fit verbis directis, vel
 imperativis, * veluti *Titius heres esto*,
 precativa enim, vel obliqua ad fideicom-
 missa pertinent.

* Quia enim testamenta vetustissimis temporibus
 erant leges in comitiis calatis latæ, (§. 486.)
 hanc legum indolem testamenta etiam sequiore ævo
 retinuerunt, nec nisi verbis imperativis facta sunt.
 Cujac. *Observ. lib. II. cap. 25.* Hinc testamentum di-
 citur, *populus, lex.* Excerpt. de *Legation. p. 62.* testari
populus, legem ferre. Chrysostom. *serm. 2. in Act.*
Apost. pagin. 615. Nov. 22. *cap. 2.* Quin legare, quo
 vocabulo decemviri usi, ab Ulp. *Fragm. tit. 24. §. 1.*
 exponitur, *legis modo, id est imperativo, testamento*
relinquere.

§. 494. Sollemnitates *externæ* exiguntur *Externæ,*
 plures, veluti I. ut testamenta fiant uno *veluti*
 contextu, * id est, actu testandi continuo *unitas*
 & non interrupto *L. 28. C. de testam. nec* *context-*
quoquam, quod ad testandi actum non *tus.*
pertinet, veluti contractu, intermixto L.
20. ff. de V. S.

* Quia enim testamenta olim condita in comi-
 tiis calatis (§. 486.) in comitiis autem interrup-
 ptis nihil actum credebatur. Cic. *ad Quint. frat.*
lib. 3. Ep. 3. Idem mos etiam in testamentis videba-
 tur observandus.

§. 495. II. Ut septem adsint testes (§. *Septem*
 489.) specialiter rogati * *L. 21. §. per. ff.* *testes.*
qui test. fac. poss. testatorem videntes L. 9.
C. de test. quibuscum est testamenti factio
 §. 6. *Inst. de test.* Unde nec mulier (*d. §. 6.*
Gell. Lib. 3. cap. 14.) nec impubes, nec ser-
 vus (*L. 20. §. 6. 7. ff. qui test. fac.*) nec fu-
 riosus, nec mutus, nec surdus, nec cæcus,

nec

nec prodigus, nec improbus & intestabilis, id est, ob crimen famosum damnatus L. 21. ff. de testam. L. 18. §. 1. ff. qui testam. fac. poss. testamento tamquam testes adesse possunt d. §. 6. Inst. h. t. Oportet etiam testes, nec heredes, nec in potestate testatoris, nec in potestate heredis, vel eidem conjunctos esse §. 9. & 10. Inst. h. t. L. 20. pr. & §. 1. ff. qui test. fac. poss. Ipsorum testium inter se conjunctio non nocet §. 8. Inst. h. t. L. 17. ff. de test.

* Quia & in comitiis calatis sollemnis præmirtebatur rogatio, *Velitis jubetis Quirites* (§. 486.)

** Cave hic intelligas vel testamenti factionem activam, vel passivam, vel utramque simul. Non activam, quia filiusfamilias testis esse, nec tamen testari potest: non passivam, quia impubes heres institui, nec tamen testamento testis adesse potest, nec utramque, quia mulier & testamentum condit, & heres recte instituitur, nec tamen testimonium perhibet. Tu dixeris, cui non licebat interesse comitiis calatis, cum eo non erat testamenti factio, nec is testis esse poterat in testamento. Unde male Theophilus: αἱ τινες ὅψ' ἡμεῶν δύνανται ἀληθινῶς γράψασθαι, αἱ γὰρ οὐκ ἔστιν ἡμεῖς. Quis & a nobis heredes institui, & nos instituere possunt.

Subscri-
ptio testa-
toris.

§. 496. Hæ sollemnitates testamento nuncupativo & scripto communes sunt. In scripto præterea requiritur III. Ut testator vel ipse scribat tabulas, (quod testamentum *holographum* vocatur,) vel iisdem subscribat, * vel si scribere nesciat, octavum testem cum in finem adhibeat pro testatore subscripturum L. 28. §. 1. C. de test.

* Addiderat Justinianus, ut & testator vel testes nomen heredis sua manu exprimerent §. 4. Inst. h. t. L. 29. C. de testam. sed eam sollemnitatem ipse postea sustulit Justinianus Nov. 119. cap. 9.

§. 497.

§. 497. Denique IV. requiritur, ut & Subscriptio
 testes subscribant, & tabulis signacula, testium.

(§. 489.) sive suo, sive alieno annulo,
 aliove instrumento expressa * adponant §.
 3. *Inst. h. t. L. 22. §. 2. §. 7. & L. 30. ff. qui*
testam. fac. poss. L. 22. C. de testam.

* Ita sane hodie. Signacula enim testium mori-
 bus hodiernis penitus ubique in desuetudinem abiis-
 se, uti visum Gudelino *de jure noviss.* 2. 5. expe-
 rientiz adversatur. Perinde vero habetur in univer-
 sa Germania, sive quis annulo, sive typario signet,
 anodo *Χαρακτήρ*, notam expressam habeat: quam-
 vis *L. 22. §. 5. ff. qui test. fac. poss.* subtili juris ratio-
 ne annulum præcise exigit, nec emendatione mu-
 tanda videatur.

§. 498. Parum vero interest, qua lin- An & alia
 gua, quibusve verbis quis testatur *L. 21.* requirantur.

§. ult. L. 15. C. de test. quave in materia,
 (cera, charta, an membrana) scribat
§. 12. Inst. de test. ord. l. 1. l. 4. ff. de bon. poss.
sec. tab. dummodo litteris, non notis te-
 stamentum præscribatur *l. 4. §. ult. ff. de*
bon. poss. nec charta deletitia vel *ὀπισθογραφός*,
adversaria, quibus alioquin ultima
 voluntas inscribi potest, (*l. 4. ff. de bon.*
poss. sec. tab.) litteras confundant.

* Charta *deletitia* est, e qua, quod antea inscri-
 ptum, deinde erasum est. Brisson, *de V. S. deletitia*
Opisthographos, charta, cujus jam litteris impletæ
 tergo aliud quid inscribitur. Voss, *etymol. h. t.* non
 cujus utraque pagina conscripta, uti Guido Pancir.
Var. Lect. Lib. 2. cap. 109.

§. 499. In Nuncupativo testamento (§. Quid in te-
 491.) requisita a §. 496. exposita exulant, stamento
 sufficitque, si testator coram septem testi- nuncupati-
 bus idoneis, & rogatis, testatoremque vi- vo.
 dentibus, & intelligentibus ultimam vo-
 luntatem viva voce eloquatur §. 4. *Inst.*
Tom. I. V h. t.

h. t. l. 21. pr. §. pen. ff. qui test. fac. poss. l. 21. §. 2. l. 26. C. de test. Nec mutatur testamentum nuncupativum in scriptum; si vel maxime ea nuncupatio postea in scripturam memorie causa redacta fuerit.

Ufus hodiernus.

§. 500. Testamenta sollemnia etiamnum in Germania, immo & in Frisia nostra fiunt. Sed rarius tamen ea fiunt privatim, sæpius vel iudice cum scabinis & scriba, vel tabellione cum testibus adhibito. Sæpiissime testamenta domi scripta offeruntur principi vel magistratui *L. 19. C. de test.* Alicubi etiam valent testamenta secundum jus canonicum condita coram paroco, & duobus testibus *cap. 10. X. de test.* Secundum consuetudinem ergo singulorum locorum rite facta testamenta, ubique valent, etiam ubi diversæ sollemnitates receptæ sunt. *Sand. lib. 4. tit. 1. defens. 14.*

Jus Neapolitanum.

Quæ Testamentorum sollemnia Romanum jus statuit, ea servantur omnia apud nos, modo pauca quædam excipias, quæ præter jus illud Leges Regni Neap. induxerunt. Et quidem ut apud nos Testamentis vis omnis tribuatur, publica sint necesse est. Hinc fit, ut *Prægm. 2. De contractibus* jubeat, contractus, Testamenta, Codicillos celebrari per Regios Notarios, Judicesque ad contractus, de quibus dicam in *De Jure Publico*. Quod vero suspecta est fides ejus, qui metu agit, quodque facile possunt Barones Notariis suis *Vassallis* metum inferre, a Rege Ladislao san-

Encitum est in Capit. Regni *Ladislaus*,
 instrumenta, & scripturas, quæ ad ali-
 quem Baronem pertinent, si a Notario
 ejus *Vassallo*, sive mavis dicere *subdito* con-
 ficiantur in judicio, vel extra, nullius
 esse momenti. Et quamquam nulla ibi
 mentio fiat testamentorum, tamen non est
 saniorum interpretum judicio ambigendum,
 ea nomine instrumentorum comprehendî.
 Vide *Briſſonium* in *de Verb. signif.* Quem-
 admodum autem per Regios Notarios, ju-
 dicesque ad contractus celebrantur, ita
 tunc sunt aperienda publica testamenta,
 ubi iidem adsint, quæ Romæ olim *mysti-*
ca, apud nos *clausa* adpellantur. Idque
 apud nos peculiare jus est. Ceterum cogi
 signatores convenire, & signa sua reco-
 gnoscere, aut omnino omnes, si existent,
 aut plerosque eorum, sicque majore signa-
 torum parte interveniente recte posse resi-
 gnari testamentum, & recitari, id com-
 mune jus est in *l. 4. ff. Quemadm. Testam.*
aperiantur, quod leges nostræ haud muta-
 runt. Quod si quo tempore aperiendæ sunt
 Tabulæ [aperiri autem antiquo Romano-
 rum Jure debebant a die tertio ad quin-
 tum ab obitu Testatoris, si heres aderat
 Paulo teste *Sent. IV. 6.* jure novo ante exé-
 quias, adeoque ante diem novum *Auth.*
neque Cod. de sep. viol.] si eo inquam tem-
 pore diem suum obierint Notarii, ac Ju-
 dices ad contractus, in more positum est,
 ut *S. C. Præses*, qui vice fungitur Proto-
 notarii, alios Regios Notarios, Judicesque
 substituât in locum defunctorum. Hacten-
 us dicta intelligito etiam de Nuncupati-
 vis

vis Testamentis; Nam nuncupativa Testamenta recepto more per Regios Notarios quoque conficiuntur.

T I T. XI.

De Militari Testamento.

Testamenta minus sollemnia vel privilegiata.

§. 501. **S**upra jam observavimus (§. 492.) nullam sollemnitatem in testamento posse prætermitti sine periculo nullitatis. Sunt tamen quædam testamenta, quibus vel omnes, vel quædam sollemnitates remissæ, quæ ideo *privilegiata*, vel *minus sollemnia* dicuntur.

Quale est militum.

§. 502. Omnes sollemnitates remissæ sunt I. *militibus* ob imminens vitæ periculum *L. 1. l. 34. §. 2. l. 35. l. 40. ff. h. t. l. 15. C. pr. inst. h. t.* Quemadmodum enim olim, etiam ante XII. tabulas, milites *in procinctu* testari poterant, ita ut imminente acie sagis induti, & scutis inferentes manus, tribus aut quatuor audientibus, heredem suum nuncuparent Plutarch. *In Coriolan. pag. 198.* Vellej. Paterc. *Lib. 2. cap. 5.* ita & postea liberam testamenti factionem militibus reddidit * primum Jul. Cæsar, deinde Titus, postea Domitianus, hinc Nerva; ac postremo Trajanus *L. 1. pr. ff. h. t.* Unde testamentum militare ex constitutionibus Principum derivat. Ulpian. *Fragm. tit. 23. §. 1.*

* Testamentum enim in procinctu ab usu recesserat, teste Justiniano §. 1. *inst. de test. ord. & quidem*

dena jani tempore Ciceronis (*de Nat. Deor. Lib. 2. cap. 3.*) Postea ea privilegia restitui militibus placuit, postquam & in bellis civilibus, & ab Augusti temporibus mercenarium militem scribi placuit. Intererat enim principum, homines compluribus hujusmodi privilegiis pellici ad militiam.

§. 503. Quum ergo omnibus sollemnitatibus, adeoque & interna, (493) soluti sint milites (§. 502. consequens est, I. ut heredes instituere possint quoscunque, etiam quibuscum non est testamenti factio L. 13. §. 2. ff. l. 5. C. h. t. II. Ut possint & liberos facite exheredare, vel preterire §. 6. *inst. de exh. lib. l. 9. l. 10. C. hoc tit.* adeoque nec agnatione subrum hæredum eorum testamenta rumpantur, nec adversus ea valeat querela inofficiosi L. 7. l. 8. l. 9. pr. l. 29. §. ult. ff. *hoc tit.* III. Ut possint pro parte testati, pro parte intestati, (L. 6. l. 15. §. 4. l. 37. ff. h. t.) IV. & cum pluribus testamentis decedere L. 19. pr. ff. h. t. V. & codicillis heredes instituere L. 36. pr. ff. h. t. VI. Ut quocunque modo substituere (L. 5. l. 15. §. 5. l. 28. ff. h. t.) immo & VII. plus, quam lex Falcidia patitur, legare queant L. 17. §. ult. ff. l. 12. C. h. t.

Soluti sunt milites sollemnitatibus.

§. 504. Quumque & externæ sollemnitates remissæ sint, sequitur I. ut si testamentum militis sit scriptum, nulli testes requirantur, adeoque omnes sollemnitates, de quibus a §. 495. ad §. 497. actum, ab eo recte omittantur l. 15. C. h. t. modo militem scripsisse, satis constat L. 40. pr. ff. h. t. II. Ut si nuncupativum testamentum condar, etiam duo testes sufficiant 12. ff. *de test.* etiam non rogati L. ult. §. ult. ff. C. *de Codicill.* III. ut unicum sit hu-

Itemque externis.

jus testamenti fundamentum requisitum, puta ut constet, militem animo deliberato, non fortuito sermone heredem sibi nuncupasse §. 1. *Inst. C. l. 24. ff. h. t.*

Quinam hoc privilegio gaudeant?

§. 505. Ita ergo jure testantur milites non modo, qui intra numerum sunt, sed & reliqui in hostico deprehensi, iisdemque expositi periculis (§. 502.) *L. 44. ff. h. t.* etiam surdi, & muti nondum missi *L. 4. ff. h. t.* & de statu suo dubitantes *L. 11. §. 1. ff. h. t.*

Quando?

§. 506. Sed quum causa privilegii sit periculum vitæ imminens, (§. 502.) sequitur, I. ut ita jure testentur milites in expeditione tantum, & castris degentes §. 3. *inst. l. 1. l. 15. l. pen. C. h. t.* adeoque in hibernis iidem jure communi obstringantur, II. Ut missione impetrata, & depulso veluti periculo testamentum jure militari factum expiret, quamvis veteranis missionem honestam, vel causariam impetrantibus id privilegium concessum sit, ut eorum testamenta adhuc intra annum valeant §. 3. *inst. C. l. 26. pr. §. 1. ff. h. t.* & conditio, elapso illo anno existens, retrahatur §. 3. *inst. h. t. l. 26. ff. de condit. Inst.*

Filius familias ut testetur de peculio Castrensi.

§. 507. Quia etiam supra monuimus de peculio castrensi libere disponere filium familias (§. 478. 2.) jam addendum, cum quidem idem de illis testandi jus habere, ac militem, sed ob periculum haud imminens non eodem modo testari, sed requisita juris civilis observare teneri §. 6. *Inst. h. t. l. ult. C. de inoff. test.*

Ufus hodiernus.

§. 508. Et hoc jure haftenus explicato utimur; præterquam quod leges Germanicæ

nicae inter militem in acie, & in castris constitutum distinguunt, & illius testamentum quocumque modo conditum, hujus, si duo testes adhibiti fuerint, ratum esse jubent *Constit. Maximil. ann. 1552. de testam. §. Und. sollen.*

§. 509. Quaedam sollemnitates externae etiam remissae sunt II. *parentibus* inter liberos. * Nam si in scriptura testantur, tabulasque vel ipsi scribunt, vel subscribunt iisdem, anno, mense, die, unciisque, in quibus liberos instituunt, perspicue expressis, testes non sunt necessarii *L. 21. §. 1. C. de testam. Nov. 107. cap. 1.* Sin per nuncupationem, duo testes sufficiunt *arg. l. 12. ff. de testam.*

Testamentum parentum inter liberos.

* Eosque solos. Quod ad extraneam enim personam attinet, ejus contemplatione testamentum non valet, nisi justus adfuerit testium numerus, & reliquae adhibita sint sollemnitates. Quamvis enim alia colligi posse videantur *ex authent. Quod sine C. de testam.* tamen quia ab auctoritate sua, id est, *Nov. 107. cap. 1.* recedit, ei nihil tribuendum (§. 16.)

Stryk. Caus. testament. cap. 10. §. 24.

§. 510. Quodammodo etiam sollemnitatibus soluti III. *Tempore pestis* testantes, quibus sola unitas contextus, id est simultanea testium praesentia ob contagionis periculum remissa est *L. 8. C. de test.*

Testamentum tempore pestis factum.

§. 511. Simile privilegium tributum IV. *Aliis testantibus*, quorum testamenta subsistunt quinque testium subscriptione, vel signaculis munita, si vel plures, vel litterarum periti, ut fit in agris, haberi nequeant *L. ult. C. de test.* quod in dubio, donec probetur contrarium, praesumitur.

Alia testamenta privilegiata.

§. 512. Eodem referunt V. testamenta

Principi oblata VI. vel actis insinuata, quæ nullas sollemnitates exigunt L. 19. C. de testam. (§. 501.) VII. testamentum posterius imperfectum, quo heredes ab intestato priore præteriti ad successionem vocantur, in quo quinque testes sufficiunt L. 21. §. pen. C. de testam. VIII. testamenta, quibus pia causæ consulitur, quæ omnibus sollemnitatibus solvit Pontifex cap. 11. X. de testam.

T I T. XII.

Quibus non est permixsum facere Testamentum.

Qui testari possint? §. 513.

Testamenta condere possunt omnes, qui non prohibentur. Qui vero prohibeantur hoc titulo traditur.

Non testantur, qui non sunt cives.

§. 514. Quum nimirum testamenti factio sit juris publici Romani (§. 486.) L. 3. ff. qui test. fac. poss. consequens est, ut eatenus testari non possint I. servi L. 19. ff. eod. II. qui apud hostes sunt (§. 82. sequ.) quorum testamenta in captivitate facta, ne quidem si redierint, rata sunt * L. 8. pr. ff. eod. §. ult. Inst. h. t. III. peregrini, aut quibus aqua & igni interdictum, aut deportati (§. 227.) L. 8. §. 1. ff. eod.

* Capti enim ab hoste in iusta servitute sunt. (§. 82.) Contra testamentum recte condunt a latronibus capti (§. 91.) L. 13. pr. ff. de iis qui testam. fac. poss. Quum enim ratio, cur testamentum in captivitate factum non valeat, sit regula Catoniana L. 1. pr. ff. de reg. Caton. l. pen. ff. de reg. jur. facile patet, testamentum in civitate ante captivi-

tatem factum jure postliminii valere, si redierit (§. 348.) ex L. Cornelia, si ibidem decesserit §. ult. Inst. h. t. l. 12. ff. qui test. fac. poss.

Nec filii
familias.

§. 515. Quia etiam testamenti factio concessa tantum patribus familias (§. 487.) IV. nec filii familias testamentum condunt l. 6. l. 19. ff. qui test. fac. ne quidem permit- tente patre pr. inst. h. t. d. l. 6. pr. ff. eod. nisi de bonis castrensibus, & quasi castren- sibus (§. 478. 2.) Quod adeo verum est, ut & testamentum patrisfamilias per adroga- tionem irritum fiat, nisi miles sit §. 5. inst. de milit. test. & testamentum a filiofa- milias factum ne tunc quidem valeat, si sui juris factus decesserit pr. inst. h. t. l. 19. ff. qui test. fac. poss. (§. 515. *)

Nec furiosi
& prodigi.

§. 516. Quia porro testamentum est ju- sta voluntaris sententia, (§. 490.) Illud condere nequeunt V. furiosi, & mente ca- pti, nisi dilucidum sit furoris, vel demen- tiæ intervallum §. 1. instit. h. t. VI. prodigi, tamquam civiliter furiosi, iisque simillimi §. 269. §. 2. inst. eod. l. 18. ff. qui test. fac. poss. nisi vel ante interdictionem testamen- tum fecerint d. §. 2. l. 18. vel bene po- steritati consulant Nov. Leon. 39. quæ non ubique recepta. VII. impuberibus §. 1. inst. hoc tit. l. 5. ff. eod.

Nec surdi
& muti.

§. 517. Quum præterea vitium corporis sæpe cum animi debilitate conjunctum sit, non possunt testari VIII. surdi & muti si- mul, nec quibus alterutrum vitium hæret, nisi vel lingua, vel scriptura voluntatem ex- ponere possint L. 10. C. qui test. fac. poss.

Quidam ob
pœnam sunt
intestabiles:

§. 518. Quod impedimentum quum non obstat cæcis, ii testari possunt, dum here- dem

dem nuncupent, & vel tabellionem, qui nuncupationem excipiat, præter septem testes adhibeant, vel octavum testem, omnesque subscribant, & signent L. 8. C. *cod.* §. 519. Denique in poenam quibusdam non permittitur facere testamentum, veluti IX. reis læsæ majestatis L. 5. C. *ad l. Jul. maj.* X. Apostatis & hæreticis improbis L. 3. C. *de adopt.* l. 4. C. *de heret.* XI. incesto matrimonio pollutis, nisi legitimos instituant L. 6. C. *Auth. incestas Cod. de inc. nup.* XII. ob crimen famosum damnatis l. 18. §. 1. l. 26. ff. *qui test. fac.* XIII. capitis damnatis * L. 8. §. ult. l. 18. §. ult. ff. *cod.*

* Quamvis enim capitis damnati non amplius fiant servi poenæ, (§. 83. *) honorum tamen publicatio non sublata, nisi in favorem propinquorum Nov. 134. cap. ult. Itaque si propinqui existant, nulla est capitis damnato testandi facultas. Sin defunt, bona publicantur. Usus tamen maxime in Germania hæc principia deserit, & damnatis etiam testamenti factionem permittit.

I. De his, quibus testamenta facere permissum est, existat celeberrima Neapolitana consuetudo sub Tit. *De Filiisfamilias volentibus testari, & de quibus bonis, cujus hæc sunt verba: Filiusfamilias & filiasfamilias possunt de bonis adventitiis tantum sibi a matre premortua, vel aliis ex linea materna obvenientibus testari: ac si pater, vel materfamilias essent, ita quod non teneatur aliquid patri, vel avo paterno, vel alii qui sit in linea ascendente paterna relinquere, si velit salvo debito bonorum*

rum subsidio. In aliis bonis adventitiis, & undecumque sibi obvenientibus jura communia observantur. Hæc consuetudo omnem difficultatem amovet de Testamentis filiorumfamilias Neapolitanorum de bonis adventitiis disponentium; Ac sane Jure Romano præclare datum filiisfam. de bonis castrensis vel quasi testari. Num vero idem jus tributum filiisfamilias de bonis adventitiis testari volentibus, quæstionis jamdiu fuit inter Doctores. Jacobus Cujacius *ad Nov. cxvii. & Donellus Commentar. Jur. Civ. lib. vi. cap. 1.* fuse probarunt adversus Decium, aliosque antiquos interpretes ejusmodi Testamenta non valere. Atqui Jure consuetudinario difficultas omnis sublata est, quandoquidem permittitur filiisfamilias de bonis adventitiis testari. Sed nonnulla occurrunt in hac consuetudine, quæ omnino interpretanda. Ac primum vide, nomine bonorum adventitiorum ibi venire bona per matrem, vel per alias personas per lineam maternam quæsitæ, secus alia, quæ adventitia quoque dicuntur; etenim ubi agitur de eorum successione, servatur Jus commune, uti scite De Franchis *Decis. lxxi.* Idque jus valere puta, quavis civitate testetur filiusfamilias, etiamsi extra Regnum facere testamentum velit fortasse periculo mortis, atque bona relinquat in Territorio Neap. posita, nam consuetudines Neap. uti suo loco dictum, cum bona potissimum respiciant, omnino efficiunt, ut secundum earum sententiam testamenta condi debeant ab iis, qui ubivis velint testari de bo-

bonis quæ in Neap. *Districtu* exstant. Vide Carolum de Rosa in Notis ad cit. *Consuetud.* Atqui ut in eum modum testanti filio quid non obiciatur, quo testamentum concidat, nullumque fiat, cogi omnino filium tene, ex bonis maternis relinquere Patri *debitum bonorum subsidium*, uti ad rem Napodanus animadvertit *vers. quod si filius*. Verum agitari solet heic quæstio, an filius inter vivos possit alienare bona adventitia sine consensu patris, quandoquidem eidem permittitur de iisdem pro jure suo testari? Certe jure Civili nequit filius usufructum bonorum adventitiorum patri adimere sine Patris consensu. Igitur difficultas in eo est, an eadem consuetudo, quæ filio patre non adsistente permittit Testamentum facere de bonis adventitiis, deferat filio facultatem inter vivos eadem alienandi. Hæc quæstio quamvis a nonnullis maximi habita, tamen a doctioribus interpretibus paucis sapienter definita est. Et quidem cum certum sit, consuetudines stricte esse accipiendas, pro-
no veluti alveo fluit, filio numquam per-
mitti bona inter vivos alienare, cum con-
suetudo solum designet casum, quo filius de hujusmodi bonis velit testari. Sic in re hac a PP. nostris definitum scribit Præ-
ses de Franchis *decif. iv.*

II. Habes jam, quid de iis, qui Testa-
menta facere velint, cautum sit Neap.
consuetudine, cum ceteroqui in aliis ca-
sibus jus Romanum vigeat. Nunç velim
mecum breviter persequaris leges, quæ
sunt ab iis servandæ, qui feuda possident.

At

Ac plane totus in eo erit hic sermo, an feudatarii vel sint filiusfamilias, vel sint Patresfamilias pro arbitrio suo de Feudis in hoc Regno testari valeant. Rem equidem secundum Juris Feudalis regulas heic tantum expendam; Nam quod ad historiam tantæ rei spectat, conferam in *De Jure Feudali*. Et primo quidem nequit sine ullo discrimine affirmari, posse filium familias feudatarium de Feudo testari. Sane duos modos distinguere opus est, quibus filiusfamilias Feudum acquirere potest. I. est si sua virtute, atque erga Principem constanti Fide Feudum a Principe habeat. II. est, si ex successione dominium feudi adipiscatur. Ex primo capite valet de feudo filiusfamilias testari, cum peculii Castrensis loco sit, de quo quovis filiosfamilias tamquam Patresfamilias testari posse nemini dubium est. Verum ex altero capite dubitatio emergit ex eo, quod pauci crediderunt concedendam filiusfamilias liberam de Feudis a se non quaeritis, sed fortasse ab aliquo materno adscendente sibi relictis testandi facultatem, quod iidem milites pro feudorum jure dicantur, quandoquidem Feudatiorum est militiae onera subire, ut ratio ipsa Feudorum vult. Sed hæc ratio levis est duplici ex capite, quorum primum est, quod filiusfamilias, qui Feudum sive novum sive antiquum acquirit, non eximatur e Patria potestate, alterum est, quod Feudum ubi non bello, sed successione adquiritur, ejus juris regulas servat, quæ ad generalem succedendi morem per-

tinent. Neque valet militiæ onus referre; Nam id peculiare est, ut qui feuda accipiunt, pro Principe cum ob fidem præstitam, tum ob Feudi naturam militare teneantur. Igitur cum meri adventitii peculii speciem induat ejusmodi Feudum a filiosam. acquisitum, de eo nullo pacto valet testari. Vide Præsid. de Franchis cit. Decis.

T. I. T. XIII.

De Liberis exheredandis.

Exheredationis origo

§. 520. Patria potestas olim tam late patuit, ut pater liberos nepotesque testamento præterire & sine justa causa exheredes scribere posset Liv. Lib. 1. c. 34. Cic. de orat. lib. 1. cap. 38. l. 11. ff. de lib. & posthum.

Jus exheredandi postea restrictum.

§. 521. Deinde, quum hoc jure abuterentur parentes, maligne circa sanguinem suum inferentes judicium l. 4. de inoffic. test. necessitatem legis imposuerunt parentibus liberos vel instituendi, vel exheredandi, ita tamen, ut magnum esset discrimen inter suos & emancipatos; inter legitimos & illegitimos, inter naturales & adoptivos, inter filios & filias, inter liberos primi & ulteriorum graduum, ac denique inter natos & posthumos.

Circa filios suos naturales.

§. 522. Sui naturales filii primi gradus aut instituendi, aut nominatim exheredandi erant, alioquin testamentum ipso

so jure nullum erat pr. *Inst. de exhered. lib.*
 30. ff. de lib. posthum. Sux naturales filias
 & liberi omnes ulteriorum graduum ex-
 heredes scribi poterant inter ceteros; neque
 opus erat, ut nominatim exheredarentur.
 Præteriti quoque testamentum non infir-
 mabant, sed accrescebant suis institutis ad
 portionem virilem; extraneis ad partem
 dimidiam. Ulp. *Fragm. tit. 22. §. 17. pr.*
inst. h. tit.

Circa filias
 suas natura-
 les.

§. 523. *Posthumi*, * tamquam personæ in-
 certæ, ne heredes quidem institui pote-
 rant §. 25. *inst. de legat.* tantum abest ut
 nominatim exheredari debuerint. Sufficie-
 bat ergo, eos præteritos esse. Postea ta-
 men invaluit, ut & hi vel instituerentur,
 vel exheredarentur L. 10. ff. de lib. &
post. i. inst. h. t. & masculi quidem nomi-
 natim; feminæ inter ceteros; dum his
 pater aliquid legasset, ne præteriti vide-
 rentur §. 1. *inst. h. t.* Alias testamentum
 in quo præteriti, agnoscendo rumpebant §.
 1. *inst. cod.*

Circa post-
 humos.

* Idque intelligendum non modo de posthumis
 veris, qui patre defuncto nascuntur l. 3. §. 1. ff.
 de injust. rupt. irr. test. verum etiam de quasi post-
 humis, quales sunt Aquiliani, id est nepotes,
 præmortuo filio, post mortem avi nati, instituendi
 vel exheredandi ex formula Aquilii Galli L. 29.
 ff. de lib. & post. II. Vellejani, id est nepotes, vi-
 vo testatore avo, præmortuo patre nati, institu-
 di vel exheredandi ex legis Julię Vellejæ capite
 1. l. 29. §. 11. 12. ff. *cod.* nec non nepotes, qui
 ante testamentum avi nati in locum patris mortui
 avo sui heredes agnascuntur, instituendi vel exhe-
 redandi ex legis Julię Vellejæ cap. 2. L. 29. §.
 13. 14. ff. *cod.* III. nepotes qui post testamentum
 avi nati, mox patre decedente in ejus locum suc-
 cedunt L. 29. §. 15. ff. *cod.* IV. Corneliani, qui
 ante

ante captivitatem patris concepti, eodem capto, in civitate nati sunt *L. 15. ff. de injust. rupt. irr. test.*

Circa emancipatos.

§. 524. *Emancipatos* nec institui nec exheredari oportebat §. 3. *inst. de exh. lib.* Prætor tamen (§. 65.) postea eis dedie bonorum possessionem contra tabulas, nisi vel instituti, vel masculi nominatim, femine inter ceteros exheredati essent *d. §. 3. h. t. L. 7. §. 1. 6. ff. de bon. poss. contra tab.*

Quid circa illegitimos & adoptivos?

§. 525. *Illegitimi* jure præteribantur a patre, adoptivi quamdiu in potestate patris, adoptantis erant, eodem gaudebant jure ac sui naturales (§. 51.) §. §. *inst. h. t. l. 1. ff. de adopt.*

Jus novum de exh. liber.

§. 526. Sed jure novo omnes liberi cujuscumque sexus, siue sui, siue emancipati, siue nati, siue posthumi, vel instituendi, vel nominatim exheredandi sunt §. 5. *Inst. h. t. l. 4. C. de lib. prat.* Præteriti enim a patre vel avo paterno testamentum nullum reddunt: a matre vel avo materno idem possunt rescindere *Nov. 125. cap. 3.* emancipati contra illud petunt bonorum possessionem *L. 4. C. de lib. prat.* Quod & de adrogatis, & plene adoptatis intelligendum, non de adoptatis ab extraneo (§. 186.) §. 5. *inst. h. t. L. pen. C. de adop.*

De exheredatione parentum, fratrum, & sororum.

§. 527. Eodem modo & reliquæ personæ, quibus portio legitima debetur, vel instituendæ, vel exheredandæ. Legitima autem est portio hereditatis, ex præscripto legum certis personis reliquenda: eaque debetur præter I. liberos, II. parentibus, &

III.

III. fratribus, sororibusque germanis, & consanguineis, eo casu, si turpis iis persona præferatur l. 27. C. de inoff. test. Nov. 125. cap. 3. & jure vetere fuit quarta portionis ab intestato debitæ §. ult. Inst. de querel. inoff. postea pro numero personarum modo triens, si quatuor vel pauciores, modo semis, si quinque vel plures essent Nov. 18. cap. 1.

§. 528. Exhereditatio est ab legitima hereditate exclusio, eaque fieri debet. I. nominatim. II. pure, non sub conditione l. 3. §. 1. ff. de lib. & posthum. III. a tota hereditate. l. 19. ff. eod. IV. ab omnibus heredibus, & ab omni gradu l. 3. §. 2. 3. 6. ff. eod. V. ex justa causa, in testamento exprimenda. * Nov. 125. cap. 3.

* Si liberi vel parentes exheredes scripti ex causa injusta & Nov. 125. non probata, testamentum fit nullum. Si ex justa quidem causa, sed testamento non expressa, rescinditur querela inofficiosa. Nov. 125. cap. 3. §. ult. cap. 4. §. ult. Conf. B. Huber. Præl. ad inst. Lib. 2. tit. 13. §. 13.

§. 529. Justæ causæ, ob quas liberi exheredes scribi possunt, sunt quatuordecim. I. si gravis injuria patri illata, II. si manus ei illatæ, III. si insidiæ vitæ structæ, IV. si filius cum maleficio (juxta caput 2. cap. 2. ver) versetur cœu maleficus, VI. si patrem furiosum neglexerit, VIII. si captum ab hoste non redemerit, IX. si factus hæreticus X. si patrem accuset capitalis criminis excepto crimine majestatis, XI. si cum noverca vel patris concubina rem habuerit, XII. si mimos invitato patre sequatur, XIII. si patrem carceri inclusum fidejussione liberare nolit,

Exhereditatio quid & quomodo fieri debeat,

Justæ causæ ob quas liberi exheredes fiant.

XIV. si filia minorennis, quam pater, dote oblata, elocare voluit, corpore quæstum faciat: * *Nov. 115. c. 3.*

* Hæc causa, æque ac decima ad solos filios pertinet, quia filiae, tanquam mulieres, nec intercedere pro alio possunt, nec accusare *L. 2. §. 1. 2. ff. ad S. C. Vell. l. 8. ff. de accusat.*

Justæ causæ exheredat. parentum.

§. 530. Ita & parentes ex octo causis justè exheredantur. I. si capitis accusarint liberos, II. si insidiati sint vitæ liberorum, III. ob stuprum nurui vel concubinae filii illatum, IV. si testari liberos prohibuerint, V. si non redemerint captivos, VI. si furiosos neglexerint, VII. ob hæresim, VIII. si pater matri, vel hæc patri venenum præbuerit, *Nov. 115. cap. 4.*

Justæ causæ exheredat. fratris & sororum.

§. 531. Frater sororque, fratres sororesve testamento præterire potest, nisi turpem instituat personam (§. 523.) Eo enim casu illos aut instituere, aut exheredare teneretur. Et exheredationis quidem tunc tres prodita sunt causæ, si frater vel soror aut 1. vitæ insidias, aut 2. criminis accusationem, aut 3. bonis jacturam inferre sit ausus, *Nov. 22. cap. 47.*

An & alia admittantur.

§. 532. Quamvis vero hæ causæ aliis diversi generis augeri nequeant *Nov. 115. c. 3.* non excluduntur tamen similes, vel atrociores in eodem genere. B. Huber *Præl. inst. h. t. §. 10. seq.*

T I T. XIV.

De Heredibus instituendis.

Connexio. §. 533. **H**eredis institutio est sollemnitatis interna testamenti, si-

ne

ne qua illud subsistere nequit. (§. 493.)
Hinc de ea agitur hoc titulo.

§. 534. *Heres* est successor in universum Heres quid.
jus, quod defunctus habuit L. 24. ff. de
V. S. L. 62. ff. de R. I.

§. 535. Ex quo sequitur, ut qui tem- Axioma
quis heres
esse possit.
pore testamenti facti, mortis testatoris,
& aditionis ejus conditionis est l. 49. §.
1. ff. h. t. §. 4. *inst. de hered. qual. & dif-*
fer. ut in universum jus civis Romani suc-
cedere possit, is & possit institui, adeo-
que cum eo sit testamenti factio.

§. 536. Heredes ergo institui possunt An & servi?
I. tam servi, quam liberi; Et servi qui-
dem alieni ex persona dominorum, etiam
sine libertate, quia hereditatem adquirunt
dominis jubentibus: * (§. 470.) proprii
cum libertate, quam tamen datam esse;
ex ipsa institutione præsumitur *pr. Inst.*
h. t. l. pen. C. de serv. necess. her. instit.

* Sed quid si servus institutus hereditarius non-
dum adita hereditate? Tunc hereditas jacens de-
functi vicem sustinet L. 31. §. 1. l. 52. ff. & §.
2. *Inst. h. t.* (§. 329.)

§. 537. Institui possunt II. cives, non An & pere-
grini & ca-
ptivi.
peregrini L. 6. §. 2. ff. h. tit. Cic. *pro Ca-*
cin. cap. 35. adeoque nec maximam me-
diamve passi capitis deminutionem L. 1.
C. h. t. quamvis & peregrinos hoc benefi-
cio ornarit Fridericus Imp. *Auth. omnes*
peregrini C. comm. success.

§. 538. Institui etiam possunt III. per- An personæ
incertæ, pau-
peres eccle-
siæ, civita-
tes?
sonæ incertæ, (quas jure antiquo non po-
tuisse, jam §. 523. observavimus,) modo
eventu, vel alia ratione certæ fieri possint.
§. 26. 27. *Inst. de legat. L. 24. C. de episc.*

Or cleric., IV. *Pauperos* l. 24. *C. de Episc.*
Or cleric. V. *Ecclesiæ* L. 1. *C. de SS. Eccl.*
 VI. *civitates* L. 26. ff. *ad S. C. Treb. L.*
22. ff. de legat. 1. L. 12. C. h. t. l. 1. §. 15.
 ff. *ad S. C. Treb.* Quæ omnia contra ra-
 tiones juris antiqui sensim recepta. *

* Nimirum jure antiquo nec personæ incertæ,
 nec municipia, nec municipales institui poterant,
 quia corpus videbatur incertum, ut nec cernere
 universi, nec pro herede gerere possent. Ulp.
Fragm. tit. 22. §. 3. seq. Quæ ratio & Diis heredi-
 tibus institutis, & collegiis quadrabat. Id. *ibid.*
 §. 6. Postea S. C. concessum, ut municipia a liber-
 tis institui possent, nec non ut fideicommissa ca-
 perent. Ulp. *ibid.* §. 5. L. 26. ff. *ad S. C. Trebell.*
 Diis quoque quibusdā ridiculo S. C. Jus trium
 liberorum datum, ut heredes institui possent. Dio
 Cass. *lib. 15. princ.* Ulp. *ibid.* §. 6. Denique & ci-
 vitatibus & collegiis licitis Jus capiendi heredita-
 tes datum L. 12. *C. de her. inst. & ipsi ecclesiis a*
Constantino M. Euseb. Hist. Eccl. lib. 10. cap. 5.
L. 1. C. de SS. Eccl. L. 4. C. Theod. de episc. aud.
lib. 16. tit. 2. ubi conf. Gottofr. Comm. pag. 24.
Tom. 6.

Incapaces
simpliciter.

§. 539. In pœnam tamen quibusdā Jus
 hereditatem capiendi vel *simpliciter*, vel
secundum quid denegatum. *Simpliciter* he-
 reditatibus relictis excidunt I. filii per-
 duellium L. 5. §. 1. *C. ad L. Jul. Maj.* II.
apostatæ L. 3. *C. de apost.* III. *hæretici* l.
 4. l. 5. *C. de heret.* IV. *Judæi*, l. 1. *C. de*
Jud. V. *corpora illicita* L. 12. *C. h. t.*

Incapaces
secundum
quid.

§. 540. *Secundum quid* incapaces habentur
 I. princeps litis causa institutus. §.
ult. Inst. quib. mod. test. infirm. II. *conjug.*
 qui viduam ducit, vel quæ nubit viduo,
 quippe qui quæve non plus capere potest,
 quam unus ex liberis prioris matrimonii.
 L. 6. *C. de sec. nupt.* III. *parentes & li-*
 beri

beri incestuosi, qui inter se nihil capiunt
l. 6. de inc. nupt. Auth. ex complexu C. eod.

IV. Liberi naturales, qui a patre, nonni-
si legitimis & parentibus deficientibus,
solidum ex testamento patris capiunt l. 1.
2. C. de nat. lib. Nov. 82. cap. 12.

§. 541. Hereditas vero, ut alia tota, *as* As heredi-
vocatur jureconsultis, iisque distribuitur tarius in
in XII. *uncias*. * Unde binæ uncia here- uncias suas
divisus.

ditatis, id est $\frac{2}{12}$ ejusdem *sextans*; tres

uncia *quadrans*, quatuor uncia *triens*,
quinque *quincunx*, sex *semis*, septem *se-*
ptunx, octo *bes*, novem *dodrans*, decem
decunx vel *dextans*, undecim *deunx* ad-
pellantur §. 5. Inst. h. t. Potest tamen te-
stator vel naturalem divisionem sequi,
vel assem in quocunque uncias dividere.
L. 47. §. 1. l. 81. pr. ff. de her. §. 5. Inst. §.
Inst. h. t.

* Immo & uncia in suas partes dividitur. Di-
midia enim uncia est *semuncia*, pars ejusdem quar-
ta sicilicet l. 21. §. 2. ff. de ann. leg. Glossa vetusi
Sicilicet *αλκεας τεταρτον*, pars sexta *sextula* &c.
Duplex as vocatur *dupondium*, triplex *tripondium*.
Glossa vetus: *Dipondium διπλος χρυσινος, δι-*
ραμιον. Unde *dupondium* 24. unciarum est, *tri-*
pondium 36. unciarum.

§. 542. Quum vero nemo possit pro Quomodo
parte testatus, pro parte intestatus dece- dividenda
dere, (§. 491. 2.) consequens est, ut ita hereditas.

§. 543. Ex quo sequitur I. ut si unus Casus vari
heres sine coherede * in semisse vel in ro de asse he-
certa institutus sit, is totum assem capiat reditatio.

L. 4. §. ff. de hered. inst. II. Ut si pluribus institutis coheredibus nullæ partes adscriptæ sint, hereditas inter eos æquis partibus dividatur §. 6. inst. h. t. l. 9. 12. ff. de hered. inst. ita tamen, ut personæ plures conjunctæ pro una habeantur L. 11. l. 13. pr. h. t. III. Ut si in asse aliquid supersit, id singulis pro rata atcreascit IV. sique plures uncia factæ, istæ, quæ assem excedunt, singulis pro rata decrescant §. 7. instit. h. t. V. Ut si partes in quorundam personis expressæ, in aliorum non expressæ, hi, qui sine parte scripti sunt vacantem portionem capiant, vel si nihil supersit, ex asse fiat dupondium, vel si & dupondium exhaustum, tripondium; nisi testator addiderit: *ex reliqua parte Titius heres esto*. Eo enim casu, exhausto asse, Titius nihil capit L. 17. §. 3. h. t. (§. 541.) §. 6. 8. Inst. h. t. & l. 18. ff. h. t.

* Nam si coheredem habet, is qui in re certa institutus est, legatarii loco habetur L. 13. C. h. t. si plures in re certa instituti, singuli capiunt æquales porciones, licet eis testator res inæqualis pretii assignaverit L. 9. §. 13. ff. h. t.

Heredis institutio quoduplex.

§. 544. Ex eodem principio fluit, VI. posse quidem heredem institui vel *pure*, vel sub *conditione*, aut non in diem vel ex die. Unde dies adpositus pro non scripto habetur, nisi incertum, an exstiturus sit, quia tunc dies loco conditionis est* §. 9. inst. h. t. l. 75. ff. de condit. & demonstr.

* Si incertum sit, an sit exstiturus. Sin eum exstiturum, certum est incertum, quando non nisi eo casu pro conditione est, si adscriptus sit extra neo, non si ipsi heredi L. 9. C. de her. inst. l. 1. §. 2. l. 79. ff. de cond. & dem.

§. 545. *Conditio* est *circumstantia*, a qua actus suspenditur, tamquam ab incerto eventu, * eamque doctores, licet parum accurate, in *possibilem* & *impossibilem*. ** & illam iterum in *potestativam*, *casualem*, & *mixtam* dividunt.

Quid conditio & quod-tuplex.

* Ergo conditio in præteritum, vel præsens collata proprie non est conditio L. 10. §. 1. ff. de condit. instit. l. 120. ff. & §. 6. inst. de V. O. Unde nec hereditatem suspendit, sed vel infirmit, vel statim desert, prout conditio vel existisse intelligitur, vel non intelligitur (vid. infra §. 637. *)

** Impossibili enim conditioni vix applicari potest definitio conditionis, quia semper certum est, eam non existituram. Unde Cl. Voet. in Elem. jur. b. r. §. 8. vocabulum conditionis hic paullo latius accipi observat.

§. 546. *Potestativam* vocant, quæ est in heredis potestate, v. c. si Romam ibit, vel non ibit. * *Casualement*, quæ a fato pendet, cujus lege immobilis rerum humanarum ordo feritur, v. c. Si consul eligeretur. *Mixtam*, quæ partim ab arbitrio heredis, partim a fato pendet, veluti si Mævius consul Romam iverit L. 13. ff. de adquir. her. l. un. §. 7. C. de cad. toll.

Conditio potestativa, casualis & mixta.

* Ea ergo in *affirmativam* & *negativam* dividitur. At hæc hereditatem non suspendit, sed statim illam adire potest heres, modo caveat, se contra conditionem non facturum. Quæ est cautio Muciana, de qua l. 7. pr. ff. de cond. & dem.

§. 547. *Impossibilis* est conditio vel natura, v. c. si flumen ebiberit, vel lege, quæ id fieri non patitur, v. c. si Mævium occiderit, vel bonis moribus, quibus conditio repugnat, v. c. si nudus in foro saltarit, vel perplexitate verborum, si verba inter se ita pugnant, ut conditio exitum

Conditio impossibilis

Regulæ de
conditioni-
bus possibi-
libus.

invenire nequeat, ex c. si Sejus heres erit, Titius heres esto fin Titius, Sejus heres esto.

§. 548. De illis observandæ regulæ I. Condicio heredi suo adscribi nequit, nisi potestativa *L. ult. ff. de cond. inst. l. 4. §. 6. 86. ff. h. t. II. Conditiones possibiles qualescumque extraneo adscriptæ implendæ sunt, & quidem omnes, si copulative, alterutra si disjunctive adscriptæ sint, alias heredis institutio & legatum evanescit Paull. *L. 5. ff. de condit. inst. III. Si simul in arbitrium alterius collata conditio, & per heredem non steterit, quo minus impleatur, ea pro impleta habetur L. 3. l. 23. ff. cod. l. 5. §. 5. ff. quando dies leg. ced.**

De impossi-
bilibus.

§. 549. De his similiter observandæ regulæ IV. Condicio impossibilis, sive natura, sive lege & moribus talis pro non scripta habetur * *L. 1. l. 20. pr. ff. cod. l. 45. ff. h. t. V. Condicio perplexa institutionem reddit inutilem L. 16. ff. de cond. inst. l. 188. ff. de R. I. non præpostera L. 25. C. de testament. (§. 869.) VI. Heres ante conditionem existentem defunctus, hereditatem ad heredes non transmittit: quod & de legatario observandum *L. 4. pr. ff. quando dies leg. ced. l. un. §. 7. C. de caduc. toll. Aliud de contractibus infra observabimus (§. 834. 4.)**

* Aliud in contractibus, quos conditio impossibilis qualiscumque viciat §. 10. *instit. de inut. stipul. l. 31. ff. de obl. & act.* Ratio discriminis non obscura est. Contrahentes enim dum in conditionem impossibilem consentiunt, aut jocari videntur aut insanire. Heres autem in conditionem hujusmodi non consensit: & testator, dum testamentum condidit, voluisse censetur, ut voluntas exitum haberet.

I. En

Jus Neapolitanum.

I. En vides Heineccium totum esse in commentario ad præcedentem Titulum, ut explicet nomina heredum, & partes, quibus quævis hereditas tribui valet. Sic rem nostram nunc persequamur. Putes tamen velim a divisione partium hereditatis Jus nostrum nequaquam discedere, cum testatori liberum sit tot partes hered. facere, quot vult. Hinc tantum te paucis morabor, ut noscas variantia quædam capita de heredibus instituendis, & de Jure, quo ex Consuetudinibus Neapolitanis successiones decernuntur.

II. Et quidem nihil certius, exploratiusque est jure civili, quam pro jure suo testari posse eos omnes, qui bonorum suorum aut a semet, aut ab aliis quæstorum alios dominos testamento facere velint, vel sint filii naturales & legitimi, vel legitimi tantum vel extranei. Atqui id non constat de Feudatariis. Quare ut res hæc plenissime intelligatur, diversæ Feudorum species sunt enarrandæ. Ac sane Feuda sunt, quæ *Feuda ex pacto, & providentia* dicuntur. Hæc ita nominantur, quod Princeps peculiari pacto *pro sua providentia* nulla adjecta qualitate hereditaria, nec facta de heredibus mentione alios ejusmodi feudorum possessores facit, ut non solum ipsi, sed descendentes quoque ad successionem veniant. Feuda autem isthæc *ex pacto, & providentia* in nova, & antiqua dividuntur. Quæ non a proxi-

mo

mo possessore, sed ab alio adscendente proficiuntur antiqua, quæ a primo possessore habentur, nova nuncupantur. De Feudo antiquo ex pacto & providentia pro lubitu Feudatarius testari nequit, cum jam proximiores adgnati suo jure ad ejus possessionem vocentur. Idque adeo viget, ut idem facere Feudatarius nequeat, etiam si Princeps assensum præstet; Nam nunquam damno eorum, qui suo jure veniunt, alios Principem admittere velle censendum est. Me tamen non latet, fieri posse, ut Feudatarius, qui feudum antiquum ex pacto & providentia possideat, possit pro arbitrio suo alium præter adgnatum heredem facere, modo accedat adgnati proximioris, eorumque, quorum jam jus est in succedendo, ac Principis assensus. Vide plura, si cupis, apud Josephum de Rosa in *Prelud. Feud. Pralect.* 1. Rosenthalium de *Feudis cap. vii.* & Feudistas ad *cap. 1. de successione Feudi*. Contra verò de Feudo ex pacto & Providentia novo valet ipse Feudatarius Principe assentiente testari exclusis proximioribus adgnatis; Etenim injuriam facere non videtur, uti recte Isernia ad *cap. 1. §. etsi libellum De Alienatione Feudi Pat.* qui re sua pro ingenio suo disponit. Sed & alia occurrit Feudorum species, quæ est, ubi Princeps cum libera facultate disponendi pro quovis herede feuda donat, eaque pure & mere hereditaria dicuntur. In hoc Regno Neap. Feuda, quippe quæ ut plurimum suam vim desumunt cum ex Feudis hereditariis, tum ex illis, quæ ex pacto & Pro-

Providentia nuncupantur, mixta passim appellantur. Unde fit, I. ut qui testantur, nonnisi debeant ad successionem vocare eos, qui proximiores agnati sunt, atque intra gradum sunt lege feudali definitum vel consensus Principis impetretur, vel non, idque ex *Pactō & Providentia* descendit. II. ut heredes agnati onera hereditaria subire teneantur. Quare si legatum sit feudum, vel feudum sit ære alieno obrutum, debet heres pretium feudi causa legati legatario præstare, ac creditoribus, quidquid eis a defuncto debebatur. Id tamen præstandum esse ab herede puta actione *personali*, non vero *reali*, cum feuda quoad proprietatem semper Principis sint, modo Princeps non permiserit Feudatario fortasse ex iusta causa feudum creditoribus obligare; Nam hoc casu vindicabunt ipsi creditores feudum ipsum actione reali. Consule omnino Marinum Freccia *De Subfeudis lib. 3. Tit. De Differentia inter Feudum ex Pacto, & Providentia & Hereditarium*. Atque velim hic teneas id permitti Patribus feudatariis sive sit feudum ex Pacto & Providentia, sive sit hereditarium, vel mixtum, filios ex causa ingratitude exheredare, uti ad rem præ ceteris Andreas de Isernia in *cap. omnes filii Tit. si de feudo fuerit controversia*. Quod nunc adnotato, ne paucis hisce verbis te morari cogar ad Tit. *De exheredatione Liberosum*.

III. Nunc venio ad Consuetudines Neap. de *Successionibus*. Atque hic tantum proferam, quæ de successionibus bonorum scri-

ptæ sunt . Exstat primo loco consuetudo si aliquis moriens sub Tit. De successioneibus ex Testamento , qua cavetur , ut pater filios habens de bonis suis pro arbitrio testetur , modo eisdem debitum bonorum subsidium relinquat , medietatem vero eisdem debeat relinquere , si de bonis antiquis testetur ; Sin autem quid amplius pro uno filio quam pro altero Pater expenderit , datur Patri a consuetudine facultas adequandi , si velit , ac demum excludendi etiam a quavis successione , si ingritudinis vitio filius fuerit affectus . Si aliquis moriens (perlegito hæc consuetudinis verba) fecerit testamentum habens filios , seu liberos , potest de bonis suis acquisitis per eum disponere pro suo arbitrio voluntatis debito bonorum subsidio in dictis bonis acquisitis liberis reservato . De bonis autem paternis , & maternis ipsius defuncti , & aliis bonis sibi a consanguineis ex quocumque latere obvenientibus usque ad medietatem tenetur liberis relinquere . Ita tamen quod defunctus ipse uni ex filiis plusquam alii non potest de ipsa medietate relinquere . De reliqua medietate potest disponere pro suo arbitrio voluntatis ; quod si testator in vita sua expensas aliquas fecerit pro uno filiorum potest alios in testamento suo adequare , si vult . Verum potest pater & mater filios exheredare , in totum a sua successione excludere , si iusta causa exheredationis fuerit . Hæc consuetudinis verba ubi attente perlegeris , præclare habebis , quæ paucis indicavi .

IV. Succedit consuetudo si testator sub Tit.

Tit. De successione morientis sine filiis ex Testamento : Quæ consuetudo speciem tractat diversam ab ea , quam tractat superior consuetudo , quæ est de successione morientis existentibus filiis . Ait consuetudo etsi testator filios , seu liberos , & descendentes in infinitum non habeat ; potest de bonis paternis , & maternis , & aliis ab agnatis , & cognatis sibi obvenientibus disponere juxta velle (hoc est pro arbitrio suo) usque ad medietatem ipsorum bonorum : reliqua autem medietas perveniat ad proximiores agnatos , & cognatos , prout in capitulis de successione ab intestato dictum est (in libro enim consuetudinum successio ab intestato successionem ex testamento præcedit contra methodum juris civilis ; præscripta autem verba eo spectant , ut teneatur testator medietatem relinquere proximioribus ex linea , unde bona profecta sunt) de bonis vero per eum acquisitis potest disponere pro arbitrio voluntatis . Utitur consuetudo verbo *disponere* , quod proprium est morientium . Hinc recte Napodanus docet , cessare consuetudinem inter vivos , ac proinde non prohiberi agnatum , vel cognatum antiqua bona quovis titulo inter vivos alienare . Accedit , quod consuetudo dicit *Testator potest disponere* ; Unde evidenter apparet , consuetudinem præscriptam voluisse voluntatem solum testatorum , & pecuniam ex bonis venditis redactam , si aliis bonis emendis impendatur , bonis novis accenseri , adeoque extra consuetudinem posita existimari . Dixi *impendatur* , nam

si pecunia adhuc exstet, magis est, ut inter antiqua bona numeretur, cum ex antiquis bonis proxime redacta sit. Neque obstat, quod pecunia sit res mobilis; consuetudo enim de bonis generaliter loquitur, quorum nomine veniunt res mobiles, & res soli. Aliud dicendum est de fructibus ab adgnato jam exactis, si ex antiquis bonis obvenerunt; namque hi sunt inter bona propria: sicque in Neap. consilio judicatum scribit de Franchis decis. DL. At contrarium tradit De Marinis *Resolut. lib. 11. cap. 7.* de fructibus in hereditate alterius adgnati pramortui inventis, & non exactis, quod potius ad bona antiqua accedere videantur. Quid si de pecunia in bonis antiquis relicta emtio annuorum introituum facta sit, aut res antiqua cum alia re sit permutata, num. emta, vel permutata efficitur antiqua? Negant plerique ea ratione, quod annuorum reddituum emtio, & res permutata non vere, sed fide sint eadem pecunia, & eadem res antiqua; consuetudines autem in casu vero locum habent, non in ficto. Ita corpus antiquum alienatum, ac redemptum & facultate luendi, quæ in hereditate non erat, antiquum esse negant, quod in S. C. decisum scribit De Rosa ad hanc consuetudinem.

V. Jam quod de bonorum antiquorum inter vivos alienatione dictum est, id intellige, nisi fiat in fraudem adgnatorum, cujus fraudis multa suppetunt argumenta. Primum est, si nulla urgente necessitate alienatio omnium bonorum, aut maxime eorum partis facta sit arg. textus in l. 17.

§. 1. ff. *quæ in fraud. Cred.* Secundum est, si quis filios non habens in extrema senectute alienavit, quod monet hic Napodanus n. 14. quodque recte potest ad primum argumentum referri. Tertium est, si alienatis jam bonis in eorum possessione remansit; hinc enim præsumitur *collusio* cum emptore arg. textus in l. 8. *quibus modis pignus*. Quartum est, si alienatio facta sit reservato ad vitam alienantis usufructu, vel si ea lege sit facta, ut post alienantis obitum habeat effectum? Quæ est communis interpretum sententia ad legem *quod sponsa Cod. de Donationibus ante nuptias*. Verum & illud video heic in quæstione poni, num antiquorum bonorum dimidia liberis, vel adgnatis, cognatisque jure hereditario debeatur, an ex providentia legis? Controversia hæc non ad solam ingenii exercitationem, sed ad utilitatem agitur; Nam si succedit ex providentia consuetudinis, nullum hereditarium onus sequitur successorem, quod secus est, si jure hereditario succeditur. Nonnullorum opinio fert, adgnatum succedere ex providentia legis, contra Napodanus, & Afflictus eum succedere jure hereditario contendunt ea ratione haud quidem contemnenda, quia in consuetudine expressum est verbum *succedere*, quod onus hereditarium includit. Exinde sequitur, eam portionem ad suos non transmitti, nisi fuerit per illos aditione acquisita. Item sequitur, quod si defunctus onera contraxit, quæ ex libera portione solvi non possunt, ex ea dimidia detrahi debere, modo tamen

bona fide per defunctum contracta sint; non enim vocatis debet fraus defuncti nocere. Idque etiam intellige de oneribus a defuncto inter vivos contractis; Nam si defunctus testamento suo onera imponat, hæc non debent legitimam portionem minuire, quia id esset de bonorum antiquorum dimidia testamento disponere, quod diserte vetat consuetudo.

VI. Postremo loco obiicit sese nobis consuetudo si qua moriens de muliere habente filios. Verba sunt: Si qua moriens habeat filios, seu liberos potest de dotibus suis, & aliis sibi obvenientibus ab agnatis, vel cognatis jure successionis, vel titulo lucrativo in sua ultima voluntate relinquere de decem partibus unam tantum: Paratum autem (parati nomine veniunt hic, quæ vir parat in uxoris usum: ex veteri vero Civitatis Neapolitanæ usu paratum proprie erat ornamentum capitis, quo sensu consuetudo hæc initio accipiebatur: Sed tandem hæc interpretatio desuetudine ipsa sublata est) pro eadem muliere sive ad usum ipsius mulieris durante matrimonio, necnon donatum a marito presente ipsi mulieri tempore contracti matrimonii, & quartam, si quam habet ab aliquo alio marito defuncto, a quo liberos non habuerit, potest relinquere, & de iis disponere pro suo (hoc est tamquam de re sua) arbitrio voluntatis salvo liberis utriusque matrimonii, & parentibus debito bonorum subsidio. Ait consuetudo filios, vel liberos, hoc est descendentes cujuscunque gradus secundum l. liberorum de V. S. Ut proinde consuetudo non

non solum de matre intelligenda sit, sed etiam de Avia, & Proavia, quæ ex Filio habeant nepotes, & pronepotes. Præterea consuetudo de filiis accipi debet ex eodem matrimonio procreatis, non de filiabus, quibus nihil relinqui potest incommodo masculorum, uti tradit de Luca ad decis. CCCXVI. Vincentii de Franchis. Quid vero dicendum de bonis a muliere quæsitis ex hereditate alicujus filii præmortui? Certe quoniam consuetudo de paternis, & maternis bonis, ac de bonis consanguineorum ex latere loquitur, optima ratione duci potest, posse mulierem de bonis ex hereditate filii quæsitis disponere jure communi. At vero Napodanus ea quoque bona ad consuetudinem pertinere contendit, ac Napodano subscribit De Franchis Decis. CCXCVI. Idem de Franchis tradit Decis. CCCCLXXII. hanc consuetudinem complecti etiam bona extra territorium posita ea ratione, quod cum sit nomen juris, reliquorum bonorum jure non debeat censer. Porro quid juris est, si pater, vel mater defuncti in medio existat? In tit. *De Hereditatibus, quæ ab intestat. Des.* ostendunt, consuetudines circa successiones cessare, cum pater, vel mater defuncti in medio existat? At in specie consuetudinis nostræ licet pater vel mater testatæ mulieris in medio existat, locus est consuetudini; namque in specie nostra mater filios habet, quorum præcipua est causa, ut non jure parentes se excludi querantur; sicque in S. C. decisum refert de Franchis decis. CCCCLXXII. Jam si

mater filios in novem partibus heredes scribat, extraneumque in decimam, forensium pene omnium sententia est, non esse inter se ius accrescendi. Et merito; nam diverso jure veniunt; quod satis constat ex principiis juris accrescendi; atque hinc filius hereditatem repudiantibus eorum partes heredibus ab intestato deferantur. Ad hæc cum ex consuetudine debeat mater novem partes filiis relinquere, consecutaneum est, non licere matri plus uni relinquere, quam alteri; nam filii ad partes veniunt ex providentia, ut ajunt, consuetudinis, non ex judicio testatricis. Quumque consuetudo omnes filios ad novem partes vocat, sane hi vocantur ad partes viriles arg. textus in *l. reos ff. de duobus reis*; Unde etiam consequitur illud, matrem imponere onus non posse. Arque hoc est vulgatum forensium dictum, filios venire *sine qualitate hereditaria*. Idque verum est, etiam si mater decimam quoque partem reliquerit filiis suis; namque id non facit, ut in novem aliis partibus filii diverso jure censeantur. Neque est opus, quod putant nonnulli, ut liberi ad amovenda onera protestentur, se ad hereditatis onera non teneri, non enim videtur esse necessaria protestatio hominis, ubi ipsum ius pro homine protestatur. Recte etiam Napodanus ex verbo illo consuetudinis *relinquere* infert, non posse mulierem aut fideicommissi, aut legati titulo aliquid ultra decimam partem relinquere, nam verbum illud ad quamlibet ultimam voluntatem pertinet *Auth. novis Cod. de inoff.*

inoff. testam. Scite etiam *Rovitus Consil.* *sevari* tradit, non licere matri de novem partibus disponere sub conditione *si filii moriantur sine filiis*, nam ubi de *validitate actus* agitur, tempus ipsum spectatur, quo res fit. Demum infert *Napodanus*, posse talem mulierem ad secunda vota transeuntem cum secundo viro pacisci de dote lucranda, cum hoc sit contrahere, non relinquere. Ita se habet ius non scriptum *Neap. de successione bonorum ex testamento*.

T I T. XV.

De Vulgari Substitutione.

§. 550. **Q**Uum heres succederet in omne jus defuncti, (§. 554.) adeoque & omne as alienum solvere teneretur, I. facile contingebat, ut institutus heres adire noller. Nec minus saepe eveniebat, ut heres vel ante testatorem mortuus, vel capitis deminutionem passus adire non posset. Denique saepe parentes, qui liberos impuberes, vel dementes instituerant, verebantur, ne hi intra pubertatem properante lato extincti vel furore non remittente intestati decederent. Eum ergo in finem repertæ sunt *substitutiones*, ne vel destitueretur testamentum, vel impubes demensve filius intestatus decedat.

Origo & causæ substitutionum

§. 551. *Substitutio* vero est institutio heredis substitutio

directa &
fideicom-
missaria.

redis secundi (tertii , quarti , &c.) in
lo-um deficientis primi. l. 1. pr. l. 36. pr.
l. 43. §. 2. ff. de vulg. & pup. subst.

§. 552. Quum ergo verba directa, & im-
perativa ad hereditatem , precativa ad
fideicommissa pertineant , (493.) sequi-
tur , ut si quis substituerit verbis directis,
substitutio directa sit , si obliquis , fidei-
commissaria * L. 7. l. 15. ff. l. 5. l. 7. C.
h. t. l. 64. l. 77. ff. ad SC. Trebell. Jam
de directa loquimur.

* Unde facile patet , quid inter utramque inter-
sit. Directe enim substituitur in eum casum , si
institutus heres non fuerit , Fideicommissaria vero
supponit , institutum heredem factum , eidemque
injungit , ut hereditatem restituat . Unde hic , de-
tractioni quartæ Trebellianicæ locus est . Sæpe ta-
men verborum compendio utraque substitutio con-
jungitur . Exemplum elegans tractat Ampl. Zach.
Huber. *Obser. rer. jud. Obs.* 83.

Vulgaris &
pupillaris.

§. 553. Ea quum ob duplicem causam
fiat , (§. 550.) duplex est , vel vulgaris ,
vel pupillaris , quarum altera alteri taci-
te inesse censetur L. 4. ff. de vulg. vel pu-
pill. subst. Unde utraque a doctoribus in
expressam & *tacitam* dividi solet . Reliquæ
enim species , quas addunt doctores com-
mode ad binas istas reducuntur . De vul-
gari hoc , de pupillari sequente titulo a-
gendum .

Quid vul-
garis.

§. 554. Vulgaris est , quando quilibet
testator heredi substituit in casum , si he-
res institutus heres non fuerit *pr. inst. h. t.*

In quem ca-
sum vulga-
riter substi-
tuatur.

§. 555. Quumque id duobus casibus con-
tingere possit , si institutus vel *non sit* , vel
non possit heres esse , (§. 550. 1.) sequi-
tur , l. ut ad utrumque casum pertineant

ver-

verba, si heres non erit, II. Ut si alteruter casus expressus sit, alter non expressus altero expresso contineatur l. 3. C. de her. instit. l. 4. ff. h. t.

§. 556. Quia ergo substitutio est institutio heredis secundi, (§. 551.) sequitur fiat. Quomodo fiat.

I. ut iidem substitui possint, qui institui (§. 536. seq.) II. Ut & plures in locum unius, vel unus in locum plurium, vel singuli in locum singulorum recte substituantur §. inst. h. t. l. 36. §. 1. ff. h. t. III. Ut & coheredes sibi invicem substitui queant, quam substitutionem vocamus reciprocam, vel mutuam * L. 4. §. 1. ff. h. t. l. 64. ff. de legat. 2.

* Doctores barbare breviloquam adpellant; & inde fingunt tertiam speciem substitutionis, sed revera ea vulgaris, & plerumque hodie frustranea est, quia coheredes inter se gaudent iure accrescendi, etiamsi sibi invicem non sint substituti.

§. 557. Et quoniam secundus heres substituitur in locum deficientis primi (§. 501.) IV. substitutus in dubio in eandem partem vocatus esse intelligitur, quam accepisset institutus §. 2. inst. l. 24. ff. h. t. V. Substituto ante institutum mortuo, vel instituto hereditatem adeunte * substitutio expirat, quamvis qui hereditatem adiit, minor restitutus sit contra aditionem L. 7. §. 10. ff. de min. Quo effectus.

* Excepitur casus in §. ult. inst. h. t. & l. 40. ff. de hered. instit. Nam si servus alienus, quem testator patremfamilias esse arbitrabatur, heres scriptus, eique vulgariter substitutus est Mævius, servo iussu domini hereditatem adeunte, Mævius nihilominus in partem admittitur. Sed in quantam? In d. §. ult. & l. 41. de dimidia videtur sermo esse. In l. 40. contra legitur. Igitur in hoc casu solum.

raisset fens, ita ut alter semis inter eum, qui dominus instituit heredis fuerit, & substitutum divideretur. Unde Cujacius acute pro alter semis legit, ac quasi scriba inde sibi notas, vel litteras singulares sinnerit. Sed salva res videtur. Lex enim 40. manifesto duas species tractat. Prior hæc est: Paterfamilias instituerat Titium, servum, quem ingenuum putabat, eique substituebat Sempronium. Titio jussu domini adeunte hereditatem, quærebatur, an Sempronius in partem admittendus sit? Respondet Julianus d. l. 40. *Potest dici Sempronium in partem hereditatis (scilicet dimidiam) admitti.* Altera species hæc est: Paterfamilias instituerat Titium, tum ingenuum, sed postea deductum in servitutem, eique substituerat Sempronium. Titio jussu domini adeunte, quærebatur, an & in quam partem admittendus esset Sempronius? Respondet Julianus: *Qua adjectio ad eos pertinet, qui paterfamilias heredes scriptis, postea in servitutem deducti fuerint.* Igitur in hoc casu semisses fens, ita ut alter semis inter eum, qui dominus instituit heredis fuerit, & substitutum equis portionibus divideretur, alter vero penes dominum maneat: cujus hoc casu vel ideo melior erat conditio quod testator non, uti in priore, circa statum, heredis instituti erraverat: Ita nec opus emendatione, nec causa est, cur Juliano, *improprietas sermonis*, tribuatur.

Substitutus
substituto.

§. 557. Quia denique substitutiones inventæ, ne testamenta destituantur (§. 504.) porro inde inferebant iureconsulti VI. substitutum etiam instituto videri §. 1. inst. b. 1.

T. I. T. XVI.

De Pupillari substitutione.

Substitutio
pupillaris.

§. 558. **H**ACtenus de substitutione vulgaris, sequitur pupillaris, cujus quum is finis sit, ut ne liberi im-
pu-

puberes intestati moriantur (§. 301.) facile intelligetur ejus definitio, quod sit substitutio facta liberis impuberibus, in potestate testatoris constitutis, & in alterius potestatem, eo mortuo, non recasuris, in eum casum, si liberi insituti intra pubertatem decesserint *pr. inst. h. t. l. 8. C. de impub. & al. subst.*

§. 559. Ex ea definitione fiunt axiomata I. Fundamentum substitutionis pupillaris est patria potestas II. Eius causa est ætas immatura, intra quam testamentum condi nequit (§. 116. 7.) III. Substitutio pupillaris non quidem ratione sollemnitatum externarum, sed ratione heredis institutionis, duplex testamentum complectitur §. 2. *inst. h. t. l. 2. §. 4. l. 16. §. 1. l. 20. §. 1. ff. h. t.*

Axiomata
de hac substitutione.

§. 560. Quam ergo fundamentum substitutionis hujus sit patria potestas (§. 559.) sequitur, I. ut pater dumtaxat hoc modo substituatur, quum mater tantum vulgariter substituere possit (§. 136.) *pr. inst. de pup. subst.* II. Ut substituatur tantum suis non emancipatis, (§. 194.) nec III. nepotibus in patriam potestatem recusatis, nisi ex formula legis Junie Vellejæ L. 2. *pr. ff. h. t.* IV. Ut substituere possit etiam exheredatis L. 1. §. 2. l. 10. §. 5. h. t. tamen ab eodem, vel ejus substituto legata relinqui non possint * L. 41. §. 3. *ff. h. tit. & l. 41. §. 3. ff. de test. mil.* V. Ut evanescat substitutio, si filius a testatore ante mortem emancipatus, vel post ejus mortem adrogatus sit, quod tamen sine accurata causæ cognitione haud

A quibus &
quibus substitutione.

permittendum (§. 181.) L. 17. §. 1. de
adopt.

* Generalis enim ea regula est: Neminem esse
magis venerandum, quam sit orator. De qua suo
loco.

Quamdiu
daretur sub-
stitutio.

§. 561. Quumque hujus substitutionis
caussa sit ætas immatura, intra quam li-
beri testamentum condere nequeunt, (§.
559.) consequens est, V. ut filio sub-
stitui non possit, nisi ad annos pubertatis
l. 14. ff. h. t. quamvis ad brevius tempus
id fieri queat L. 21. ff. h. t. VI. Ut si
ad pubertatem pervenerit pupillus, sub-
stitutio evanescat L. 14. ff. eod. nec non,
si tempus, ad quod substitutum, elapsum
L. 21. ff. eod.

Quomodo
fiat, & quo
effectus?

§. 562. Denique quum substitutio pupil-
laris duplex testamentum complectatur,
(§. 559.) recte inde inferitur, VII. patrem
non substituere posse filio, nisi sibi prius
testamentum faciat, & primo sibi, dein-
de filio heredem scribat L. 2. §. 4. §. ult.
ff. h. t. §. 2. inst. hoc. tit. VIII. Casu ex-
istente substitutum non modo bona a pa-
tre profecta, sed & reliqua omnia adven-
titia (§. 491. 3.) accipere, adeoque om-
nes alios, ipsamque matrem excludere l.
8. §. 5. ff. de inoff. test. quippe ne legiti-
mam quidem petere potest * L. 8. §. 5.
ff. eod. IX. Unde & infirmato patris te-
stamento ** substitutio, que ejus seque-
la est, corrumpitur §. 5. inst. l. 2. pr. inst. ff.
h. t.

* Equitas tamen, & argumentum ex l. 2. & l.
30. & l. 32. ff. de inoff. test. ductum suadere
videtur, ut matri salva esse judicetur legitima ex
bonis filii adventitiis. Cf. Vvestenberg. Præc. Jur.
sec.

sec. ord. Dig. b. 1. §. 40. & Dissert. 2. de peri. leg. cap. 3. §. 6.

** Præterquam si paternum testamentum rescindatur querela inofficiosi. Nam tunc capita omnia, præter heredis institutionem, salva manent. Nov. 115. cap. 3. §. ult.

§. 563. Ad exemplum pupillaris substitutionis & alia inuenta l. 9. C. de imp. & al. subst. quam exemplarem, quasi pupillarem, itemque Justinianeam vocant. Quin enim nec furiosi nec mente capti vel senibus orbi testari possint, (§. 516. 5.) Justinianus concessit parentibus, tamquam qui naturali amore inducti optime de sanguine suo judicare censentur, ut ejusmodi liberis substituere possint, in eum casum, si in eo statu decesserint.

§. 564. Ergo hujus substitutionis fundamentum non est patria potestas, sed amor. Ex eoque sequitur, I. ut ita recte substituant parentes utriusque sexus. II. Ut substituant liberis dementibus institutis saltim in legitima, non exheredatis §. 1. inst. b. tit. d. l. 9. Cod. de impub. & al. subst. III. Ut bene consulerent teneantur posteritati suæ, adeoque primo substituant furiosi vel mente capti liberos, deinde, his non exstantibus, ejusdem fratres & sorores, & his denique deficientibus, quem iubet d. l. 9.

§. 565. Quumque ob eam causam inventa hæc substitutio, quod hujusmodi liberi testari ipsi nequeunt, (§. 563.) inde inferendum, I. quod substitui possit non solum furiosis & mente captis, verum etiam prodigis, surdis, & mutis (§. 516.) etiam puberibus: & II. quod ea substitu-

tio

Substitutio exemplaris.

Ejus fundamentum.

Quomodo fiat.

toris (§. 514. seq.) L. 4. §. 8. ff. de bon. poss. secund. tab.

* Nam emancipati & postumi præteriti testamentum patris non nullum reddunt, siquidem id jure factum initio l. 3. 4. ff. eod. sed illi bonorum poss. perunt, hi agnatione rumpunt, Idem dicendum de præteritis a matre vel avo paterno, quia nec ipsi testamentum querela nullitatis, sed querela inofficiosi impugnant. Vid. B. Hub. Prælect. ad inst. lib. 2. tit. 13. §. 2. seq.

§. 570. II. *Injustum* dicitur, quod itidem ab initio non subsistit, quia non rite & jure factum, atque omissa in eo sunt sollemnitates externæ (494. seq.) l. 1. ff. de injust. rupt. irr. test.

§. 571. Et ejusmodi testamenta nulla & injusta tota corrumpi, & ne legata quidem aliaque capita subsistere, satis adparet ex eo, quod Nov. 115. cap. 3. non de querela nullitatis, sed inofficiosi agit B. Huber. Prælect. ad Inst. lib. 2. tit. 13. §. 2. Injusta tamen aliquando sustinentur per clausulam codicillarem, de qua paullo post.

Nulla & injusta, aliando corrumpunt.

§. 572. III. *Rumpitur* testamentum, quum in eodem statu manente testatore ipsius testamenti jus vitatur §. 1. inst. h. t. Idque fit I. per agnationem postumi, vel naturalem, si heres suus post testamenti factionem nascitur, vel civilem, si testator vel arrogat, vel descendantem adoptat, vel naturalem legitimat, vel nepos succedit in locum sui heredis §. 1. 2. inst. de her. qui ab intest.

Testamentum ruptum per agnationem postumum.

§. 573. Idem fit II. mutata testatoris voluntate, sive ipse nov. testam. jure perfectum condit (§. 491. n.) §. 2. inst. hoc sit.

Per testamentum posterius,

status testatoris mutatur, id est, si is vel tum irriti.
 maximam, vel mediam, vel minimam
 capitis deminutionem patitur §. 4. *inst. h.*
t. l. 6. §. 5. de injust. rupt. irr. Quum enim
 per capitis deminutionem maximam fiat
 servus, per mediam peregrinus, per mini-
 mam filiusfamilias, (§. 225.) & nec ser-
 vus, (§. 514. 1.) nec peregrinus, (§. 515.
 2.) nec filiusfamilias (§. 515. 4.) testa-
 mentum condere possit; facile patet testa-
 mentum ita incidere in casum, a quo in-
 cipere non possit; adeoque totum corruere.

§. 576. Et hoc tamen testamentum non-
 nunquam sustinet prætor; & scripto here-
 di dat bonorum possessionem secundum
 tabulas, dum testator tempore mortis ci-
 vis Romanus & suæ potestatis fuerit §.
 6. *inst. hoc. t. l. 12. pr. ff. de injust. rupt.*
irr.

Quærenus
 id corruat.

§. 577. V. *Destitutum* dicitur testamen-
 tum, ex quo heres non existit, sive ob
 mortem vel deficientem conditionem non
 potuerit §. 7. *inst. de hered. qui ab intest.*
 Omnibus ergo his casibus res ad causam
 intestati redit *pr. Inst. eod. l. 181. ff. de R. I.*

Testamen-
 tum desti-
 tutum.

§. 578. Postremo VI. *rescinditur* testa-
 mentum facto iudicis post *querelam inoffi-*
ciosæ, de quo titulo sequente.

Rescissum
 per quere-
 lam inoffi-
 ciosæ.

T I T. XVIII.

De Inofficioso Testamento.

§. 579. PARENTES olim suo libitu libe-
 ros exheredes scribere potuis-
 se, observatum est (§. 520.) Sed quum
 id

Querelæ
 inofficiosæ
 occasio.

id saepe inique fieret, sensim ejusmodi testamenta impugnari coeperunt *querela inofficiosa*, quam nec ex constitutionibus principum, nec ex edicto prætoris, nec ex lege quadam Glicia, sed ex moribus & interpretatione prudentum esse, docui in *Antiq. Rom. hoc tit. §. 5. edit. postler.*

Ejusdem
origo.

§. 380. Quum enim injuste exheredatis nec lex nec prætor succurreret, callide juriconsulti uti eos jubebant colore furoris ac si pater integræ mentis non fuisset, qui eam maligne de sanguine suo judicasset. *Illustr. Bynkersh. Obs. Lib. 2. cap. 12.* Hanc ergo actionem vocabant *querelam*, quia cognati proprie non accusare & litigare, sed *conqueri* inter se dicebantur. *Voss. inst. Ora. Lib. 1. cap. 6. §. 2.* vocabant *querelam inofficiosam*, quia quemadmodum *beneficia alienorum sunt*, ita *officio eorum*, quos *necessitudo suscitât*, *et opem ferre jubet.* *Senec. Lib. 3. de Benef. cap. 18.*

Quid testamen-
tum in-
officiosum.

§. 381. Quemadmodum ergo *testamentum inofficiosum* est, quod recte quidem, sed non ex officio pietatis factum *l. 2. §. 3. ff. h. t.* id est, in quo ii, quibus debetur portio hereditatis legitima, * sine iusta causa vel exheredes scripti, vel præteriti sunt: ita *querela inofficiosa* est actio, qua ii, quibus debetur portio legitima, injuste exheredati, vel præteriti agunt contra heredes institutos, ut testamentum eo colore, quod testator non sanæ mentis fuerit, rescindatur.

* Olim quidem dabatur omnibus cognatis, immo etiam amicis extraneis. *Valer. Maxim. L. 7. cap. 24.* Posteaquam autem legitima inventa, id remedium ad

ad eos, quibus illa portio debetur, restricta est. Ex quo obiter colligimus non ejusdem esse originis hanc querelam & portionem legitimam, sed hanc multo recentiorē esse, & procul dubio ex legis Falcidiae demum rationibus inductam. Conf. *Antiq. nostr. Rom. h. r. §. 7.*

§. 582. Quum ergo detur injuste exheredatis vel prateritis, (§. 581.) sequitur I. ut ea opus non sit liberis prateritis, vel exheredatis quidem, sed non nominatim, nec ex justa causa in Nov. 115. expressa, (§. 528.) quippe qui querela utilitatis experiri possunt (§. 569.) l. 1. pr. ff. de injust. rupt. irr. II. Ut nec illi ea indigeant, qui vel in minima parte instituti, quia ipsis competit *condictio ex lege*, ad explendum id, quod legitimae deest, quamque doctores *actionem expletoriam* vocare solent §. 3. *inst. de l. 30. C. h. tit. Nov. 115. cap. 5.* III. Ut ea solum locum habeat, 1. si ob justam quidem causam, sed falsam, exhereditatio facta, vel 2. si parentes a liberis, liberi nepotesve a matre avove materno, emancipati a patre, vel denique fratres a fratre, turpi persona praelata, prateriti sint §. 5. *inst. de exh. lib. l. 14. ff. h. r.* (§. 526. §. 527.) 3. si causa exheredationis justa quidem, sed in testamento non expressa (§. 528.)

§. 583. Quumque detur iis, quibus legitima debetur, consequens est, (§. 527.) ut ea experiri possint I. liberi legitimi, (non illegitimi nisi ratione matris l. 29. §. 1. ff. h. r.) etiam emancipati, postumi, injuste exheredati, a matre avove materno prateriti II. parentes utriusque sexus, sive exheredati, sive prateriti l. 1. l. 30. ff. h.

Quando ea opus sit?

A quibus instituat?

ff. h. t. III. fratres & sorores germani & consanguinei, exheredati aut præteriti, si ipsis persona infamis, vel levis notæ macula laborans prælata sit *l. 27. C. h. t.* Proximis non urgentibus, sequentes admittuntur secundum edictum successorium *l. pen. ff. h. t.*

Quando
esset, &
quis ejus ef-
fectus?

§. 584. Quum porro agi consueverit eo colore, ac si testator emotæ mentis fuisset, (§. 580.) haud parum odiosa habebatur hæc querela. Et inde est, I. quod non detur, nisi in subsidium, si aliud remedium desit §. 2. *Inst. h. t.* II. quod non detur exheredati heredibus, nisi preparata *l. 6. §. fin. ff. l. §. C. h. t.* III. quod non detur elapso quinquennio *l. 8. §. ult. ff. l. 34. ff. C. h. t.* IV. nec si exheredatio bona mente facta *l. 18. ff. de lib. & postum.* V. nec si voluntas testatoris ab exheredato vel expresse, vel tacite agnita fuerit *l. 17 pr. l. 10. ff. h. t.* VI. Quod qui in hac querela succumbit, legata relicta amittat *l. 8. §. 14. ff. h. t.* VII. Quod heredis quidem institutio rescindatur, sed legata aliaque capita salva sint jure novo *Nov. 115. cap. 3. §. ult. & cap. 4. §. ult.*

Jus Neapo-
litani.

Huc velim putes spectare illam Rogerii constitutionem verbis hisce conceptam: *si quis Patris testamentum obsoleverit, & quasi ab intestato succedat, Patris hereditate privetur.* Hac constitutione cum cavetur in eos, qui testamentum Patris delere conantur, ut sine ullo onere succedant, tum
etiam

etiam in eos, qui quovis modo Patris testamentum infirmare atque inofficiosum dicere audeant ex communi DD. nostrorum interpretatione, quos vide.

T I T. XIX.

De Heredum qualitate & differentia.

§. 585. **Q**uia testamenta ex principiis Romanorum sunt veluti leges, (§. 493. *) leges autem nonnisi subditos tenent, sequitur, ut huic ultimæ voluntati simpliciter teneantur parere, qui sunt in testatoris potestate, extranei nonnisi si sua sponte se illi submittant.

§. 586. Potestati testatoris dominicæ sub sunt servi, patriæ liberi, reliqui omnes extranei sunt. Servos ergo jura nostra vocant heredes necessarios, liberos in potestate constitutos suos & necessarios, extraneos voluntarios pr. Inst. h. t. l. 15. l. 16. ff. de acqu. vel omitt. her.

§. 587. Necessarii heredes sunt servi proprii, sive cum libertate, sive sine ea (§. 536.) instituti: qui sive velint, sive nolint, a morte testatoris, & liberi sunt, & ipso jure heredes §. 1. Inst. h. t. L. 57. §. 2. ff. de acquir. vel omitt. her. Rationem hujus juris jam reddidimus supra (§. 119.)

§. 588. Sui & necessarii sunt liberi in potestate testatoris tempore mortis ita constituti, ut postea in alterius potestatem recasuri non sint * §. 2. Inst. h. t. L. 33. §. 1. ff. de test. nihil. Sui ergo dicuntur partim, quia in potestate ac dominio parentis sunt

(§. 136.) partim, quod vivo patre quodammodo domini habentur, ** & hinc sibi ipsis veluti succedere & αὐτοκληρονόμοι, *sibimet ipsi heredes esse censentur* §. 2. *Inst. h. t. Necessarii* autem, quia & ipsi jure civili sive velint, sive nolint, heredes parentum ex testamento & ab intestato fiunt §. 2. *Inst. h. t.*

* Si enim recidunt in potestatem patris, adveniunt hereditatem jussu patris, adeoque non sunt ipso jure heredes.

** Hinc & *heri minores* dicuntur. Eleganter apud Plautum *Trinum*. *Act. 2. scen. 2. v. 48.* *Lyfiteles* patris querenti, an de suo benefacturus sit *Lesbónico*? responder:

De MEO, nam quod tuum est, meum est, omne meum autem tuum.

Beneficium abstinendi. §. 589. Quia tamen heres succedit in jura omnia defuncti testatoris, (§. 354.) adeoque filius ita omne æs alienum patris dissolvere, vel ignominiam illam, ut bona hereditaria suo nomine a creditoribus possideantur, subire tenetur (§. 119.) prætor & suis dedit *beneficium abstinendi*, impuberibus, etiam si se immiscuerint, puberibus, si se non immiscuerint; nec per eos factum fuerit, quoquid ex ea hereditate amoveretur §. 2. *Inst. h. t. l. 57. pr. l. 11. l. 12. l. 71. §. 3. ff. de acqu. vel om. her.*

Sui sunt heredes ipso jure. §. 590. Inde ergo fluit axioma. *Heredes sui hereditatem ipso jure adquirunt* §. 2. *Instit. de hered. quæ ab intest.*

Ejus juris effectus. §. 591. Ex quo inferendum, I. ut non adeant hereditatem, sed statim a morte testatoris in ejus jus succedant. II. Ut non

non dicantur pro herede genere, sed se immiscere. III. Ut hereditatem non repudiassent dicantur, sed ab eadem abstinuisse. IV. Ut hereditatem etiam non aditam ad quoslibet heredes suos, & extraneos transmittant L. 19. C. de jure delib. L. 7. §. 1. ff. de adqu. vel om. her.

§. 592. *Voluntarii* sunt quivis extranei. Heredes voluntarii.
Qui quum voluntati ultimæ testatoris parere non teneantur, nisi se illi sua sponte submittant (§. 585.) hereditatem testamento sibi delatam suo arbitrio & *adquirere* vel *adire*, & *remittere* possunt.

§. 593. *Adquirunt* ergo vel *adeunt* hereditatem, vel expresse hanc voluntatem suam declarando, vel eandem tacite factis & reipsa significando. Prior, modus stricte *aditio*, posterior *pro herede gestio* vocatur §. 6. *inst. h. t.* Prior est actus legitimus (§. 70.) l. 77. ff. de reg. jur. posterior nullam sollemnitatem exigit. *Pro herede equum gerere* dicitur, qui aliquid quasi heres & animo heredis facit, v. c. agros colens; pecuniam fœnori locans, credita exigens §. ult. *inst. h. t.* nisi vel ex restitutione vel aliis argumentis adpareat, eum id non animo heredis, sed pietatis & custodiæ causa fecisse L. 20. pr. ff. de adqu. vel om. her.

§. 594. Quum ergo uterque modus sit voluntatis significatio, (§. 593.) sequitur, I. ut *adire* hereditatem non possint furiosi, mente capti, infantes L. 93. ff. eod. l. 40. ff. de R. I. §. 9. *inst. de inut. stip.* pro quibus parentes vel tutores curatoresve *adeunt* L. 18. pr. §. 1. 2. C. de jur. delib. L. ult. §. 3. C.

de curat. fur. II. Ut pupilli infantiae puerbertative proximi, & minores nonnisi auctore tutore vel consentiente curatore adeant *L. 18. §. fin. C. de jure delib.* III. Ut filii familias hereditatem adeant jussu patris, quamvis jure novo filius jussu patris & invito patre hereditatem adire possit, & eo casu plenam hujus peculii adventitii proprietatem sibi adquirat (§. 481.) *L. ult. pr. §. 1. 2. C. de bon. quæ lib.*

Quomodo
adeunda he-
reditas.

§. 595. Ex eodem sequitur, IV. ut aditio ultro fieri, adeoque vis & coactio abesse debeat *L. 6. §. ult. ff. de adqu. vel om. her. l. 16. C. de jur. delib.* V. Ut adiri debeat hereditas tota, non pars [§. 491. 5.] *L. 1. l. 2. l. 55. ff. eod.* VI. Ut quidem ea declaratione institutus fiat heres, sed possessionem non adquirat, nisi naturaliter adprehensam *L. 23. pr. ff. eod.*

Cur adiri
non possit
per procura-
torem &
sub condi-
tione?

§. 596. Quumque aditio sit actus legitimus, (§. 593.) porro inferendum, VII. hereditatem adiri non posse per procuratorem *l. 90. ff. eod. l. 123. ff. de R. l.* VIII. nec sub conditione *l. 51. §. ult. ff. de adquir. vel omitt. her. l. 77. ff. de R. l.*

Additionis
effectus.

§. 597. Postremo quum utroque modo hereditas adquiratur, (§. 593.) consequens est, IX. ut hereditas non adita non transmittatur *l. un. §. 5. C. de caduc. toll.* nisi a liberis sui juris, qui ad descendentes tantum eam transmittunt *l. un. C. qui ante apert. tab. hered. transmitt.* X. Ut heres post aditam hereditatem in universum jus defuncti succedat, adeoque & jure accrescendi gaudeat *l. 31. l. 33. §. 1. l. 80. ff. de adqu. vel omitt. her.* & res alienum quantum-

tuncumque solvere teneatur pro portione hereditaria, licet hereditas solvendo non sit *l. 8. l. 10. de jur. delib. XI.* Ut is qui hereditatem adiit, cum legatariis & fideicommissariis quasi contraxisse censeatur, atque inde hi legata & fideicommissa actione personali ex testamento ab eo petere possint §. 5. *Inst. de act. quæ quasi ex contr.*

§. 598. Quia vero paullo durior hæc est heredis conditio, hinc duplex proditum est beneficium, alterum a prætore, quod *jus deliberandi*, alterum a Justiniano, quod *beneficium inventarii* dicitur. Beneficia heredi concessa.

§. 599. *Jus deliberandi* est spatium heredi instituto concessum ad deliberandum, utrum adire hereditatem, an eandem repudiare consultius sit *L. 9. C. de jur. delib.* Idque spatium olim, instantibus creditoribus, erat arbitrium, jure novo a principe annus, a judice novem menses conceduntur *L. ult. §. 13. C. cod.* Si nemo urget, heres etiam intra triginta annos adire potest *L. 8. C. de jur. delib. l. 7. C. de pet. her.* Jus deliberandi.

§. 600. *Beneficium Inventarii* est jus, quo heres, rite confecto inventario, post aditam hereditatem ultra vires hereditatis non tenetur §. 15. *inst. hoc tit. l. ult. §. 4. C. de jur. deliber.* Rite autem fit inventarium, I. si intra triginta dies a momento notitiæ inchoetur, II. si intra alios LX. dies, vel in locis diffitis intra annum perficiatur, III. adhibitis tabellionibus, IV. citatis iis, quorum interest, veluti legatariis & creditoribus, V. aut istis absenti-

tibus, convocatis tribus testibus, VI. si repertorio perfecto, heres vel ipse subscribat, & rerum summam exprimat, vel scribendi imperitus tabellionem subscribere jubeat *d. L. ult. §. 23. Cod. de jur. deliber. Nov. 1. cap. 2. §. 1.*

**Hereditatis
repudiatio.**

§. 601. Hæc de acquirenda hereditate Eamdem extraneus suo arbitrio potest repudiare, [§. 591.] eamque in rem denuo vel expressis verbis significat voluntatem, vel tacite reipsa & factis §. 95. *L. 77. fin. ff. de adquir. vel omitt. her.* Unde eadem hic observanda, quæ observavimus [§. 593. sequ.]

T I T. XX.

De Legatis.

Connexio.

§. 602. **H**Astenus de hereditate per testamentum delata. Quandoquidem vero & legata testamentis relinqui solent, tractationem de his intermiscet doctrinæ de testamentis, quum tamen de illis, tamquam modo acquirendi singulari, statim post titulum de donatione agi debuisset (§. 483.)

**Legatum
quid? &
quomodo
differat a fi-
deicommis-
so.**

§. 603. Est verò *legatum deliberatio hereditatis, qua testator ex eo, quod universum heredis foret, alicui quid collatum vult, verbis directis* * *L. 116. pr. ff. de legat. I.* Unde magna erat inter legata & fideicommissa *particularia* differentia. Nam I. Illa verbis directis, hæc obliquis II. illa testamento vel codicillis testamento confirmatis, hæc codicillis etiam non con-
fir-

firmatis, immo nutu Ulp. lib. 25. §. 3. 8. III. illa nonnisi Latine; hæc & Græce relinquebantur Ulp. tit. 25. 8. 9. IV. illorum strictior, horum benignior erat interpretatio L. 16. Cod. de fideic.

* Unde eleganter Ulp. tit. 24. §. 1. Legatum est, quod legis modo; id est, imperative, testamento relinquitur.

§. 604. Legata erant quadruplicia. Alia Legata quod-
enim I. per vindicationem relinquebantur, tuplicata.
verbis *Do, lego, sumito, capito, habeto*.
Alia II. per damnationem verbis *Heres*
damnas esto dare, dato, facito, cum dare
facere jubeo. Alia III. per præceptionem,
verbis *Heres præcipito, præcipuam rem*
accipito. Hujusmodi enim legatum tantum
uni ex coheredibus relinquitur. Alia IV.
sinendi modo, verbis heres finito legata-
rium sumere, vel habere §. 2. inst. h. t. Ulp.
tit. 24. §. 11. seq.

§. 605. Inter hæc quoque magna olim
erat differentia. Nam legatum per vindi-
cationem legatarii dominum Quiritari-
um * faciebat a tempore aditæ heredi-
tatis, adeoque is legatum petebat actione
in rem, legata per damnationem, & si-
nendi modo actione ex testamento, lega-
ta per præceptionem iudicio familiæ erci-
scundæ petebant. Theoph. §. 2. inst. h. t.

Differentia
inter legata
jure vetere.

* Nec etiam omnes res eodem modo legati po-
terant. Per vindicationem enim & præceptionem le-
gabatur res, quæ erant in dominio juris Quiri-
tum, per damnationem res quælibet, etiam quæ
non erant testatoris, sinendi modo res propriæ te-
statoris, & heredis Ulp. tit. 24. §. 7. seq.

§. 606. Sed jure novo discrimen non
modo legatorum & fideicommissorum §.

Hæc diffe-
rentia sub-
lata.

3. *inst. h. t. L. de legat. & fideic.* sed & ipsorum legatorum per vindicationem, damnationem, præceptionem & sinendi modo relictorum, quo ad effectum, prorsus sublatum est §. 2. *inst. h. t. L. 15. C. de test. l. 1. C. comm. de legat. & fideic.*

Axiomata
de legatis.

§. 607. Unde observanda axiomata, I. *Omnia legata & fideicommissa, quibuscunque relictæ verbis & formulis, ejusdem hodie effectus sunt d. §. 2. inst. h. t. & l. 1. C. comm. de leg. II. Legata quoque & fideicommissa ita, per omnia exæquata sunt, ut, quod deest legatis, replantur ex natura fideicommissorum, & si quid amplius est in legato, per hoc fideicommissorum natura crescat §. 3. inst. h. tit. l. 1. ff. de leg. 1. L. 2. C. Comm. de leg. & fideic. III. Legato speciei dominium sine traditione (§. 339.) ad legatarium transit statim a morte testatoris, adeoque & dies omnis legati ab eodem tempore cedit L. 20. ff. de legat. 2. l. 64. ff. de furt. IV. sine sollemnitate, adeoque etiam in codicillis relinquuntur l. 8. §. 1. §. 6. adhibitis modo quinque testibus L. ult. §. ult. Cod. de jur. codicill.*

Quis possit
legare?

§. 608. Quum ergo legatum sit deliberatio hereditatis, qua testator aliquid collatum velit, (§. 603.) sequitur, I. ut legare & fideicommittere possit, qui potest testari L. 2. l. 114. princ. §. 1. ff. de legat. 1. II. Ut eo jure destituantur omnes, quos testamenta facere non posse diximus, (§. 514. sequ.)

Quibus?

§. 609. Hinc & legata & fideicommissa relinqui possunt III. omnibus, qui jure capiunt ex testamento [§. 536. sequ.]

non

non incapacibus, excepto legato alimentorum *L. 11. de alim. leg.* Ergo etiam recte relinquuntur IV. personis incertis (§. 538.) §. 25. *inst. h. t.* V. pauperibus, (§. eod.) *L. 24. C. de episc.* VI. Ecclesiis [§. eod.] *L. 1. od. tit.* VII. civitatibus (§. eod.) *L. 117. ff. de leg. 1.* VIII. collegiis licitis (§. eod.) *L. 1. §. 15. ff. ad SC. Trebell.* IX. postumo alieno §. 27. *inst. h. t.* Ergo X. inutiliter legatur servo heredis, * nisi sub conditione §. 32. *inst. h. t. arg. l. 116. ff. de leg. 1.*

* Legatum est deliberatio hereditatis, qua quid in alium voluntate testatoris conferendum (§. 603.) Atqui si servo heredis legatum præstaretur, illud servus acquireret heredi, (§. 480.) adeoque nulla fieret hereditatis deliberatio. Nec convalet legatum, si servus vivo testatore potestate heredis exierit, ob regulam Catonianam, in legatis & hereditatibus receptam, de qua supra (§. 514.) Ad conditionales autem dispositiones regula Catoniana non pertinet *L. 4. ff. de reg. Caton.*

§. 619. Quia deinde omnium legatorum & fideicommissorum hodie eadem natura est, (§. 606.) sequitur, I. ut legari possit ab omnibus, ad quos quidquam a testatore pervenit *L. 92. §. ult. ff. de legat. 1.* adeoque non solum ab herede, sed a legatario, & fideicommissario, eorumve heredibus *pr. inst. de sing. reb. per fideic. redict.* dum ne onerentur ultra quam onerati, §. 1. *inst. eod.* aut legatario res sua legetur, quod legatum est inutile, etiamsi vivo testatore eam alienaverit, ob eandem regulam Catonianam, (§. 514.) nisi sub eadem conditione rem legatario legaverit *L. 1. §. ult. ff. de reg. Caton.* (§. 609.)

§. 611.

Quænam
res.

§. 611. Ex eodem axioma sequitur. II. ut legari possint res omnes, quæ in rerum natura existunt, vel existere possunt, tum corporales, tum incorporales, modo sint in commercio saltem legatarii L. 49. §. 2. 3. ff. de legat. 2. arg. l. 34. ff. de verb. obl.

Etiā futu-
ræ.

§. 612. Ergo legari possunt III. res non solum præsentēs, verum etiā futuræ, veluti fructus in fundo nascituri * §. 7. inst. h. t. l. 24. pr. ff. de legat. 1. & l. 17. pr. ff. de legat. 3.

* Tunc vero si fundus adjectus demonstrationis causa, in diversa propositione, veluti *Amphoram vini do lego, quæ ex vinea Tusculana sumetur*, legatum, etiamsi nihil nascatur, debetur L. 12. ff. de alim. leg. l. 13. ff. de tris. vin. ol. sin. taxationis causa in una eademque propositione, veluti *Amphoram vini ex vinea Tusculana do lego*, si nihil natum, nihil debetur L. 5. ff. de tris. vin. ol. l. 8. §. 2. ff. de leg. 2.

Et alienæ.

§. 613. Legari possunt IV. non solum propriæ testatoris res, sed & alienæ, eo effectu, ut heres aut eas redimat, aut, si non possit, æstimationem præstet arbitrio judicis, nisi testator eas alienas esse ignoraverit §. 4. inst. h. t. aut eadem, vivo testatore, jam tum a legatario titulo lucrativo sint acquisitæ. Duæ enim lucrativæ causæ in eundem hominem, & eandem rem concurrere non possunt §. 6. inst. eod. l. 108. §. 4. ff. de legat. 1.

* Satis itaque patet, pontificem ignarum fuisse juris Romani, dum legatum rei alienæ veluti ini-
quum exagitavit cap. ult. X. de test.

Quid juris si
legatarius
jam rem sibi
legatam ha-
beat.

§. 614. Ex quo porro sequitur, I. ut si titulo oneroso rem sibi legatam adquisi-
verit legatarius, pretium is ab herede
jure repetat §. 6. h. t. II. Ut, si ex duo-
bus

bus testamentis eadem res eidem debeatur, ac ex priore legatarius jam consequutus sit rem, ex altero æstimationem petere nequeat: sin ex priore æstimationem consequutus, ex posteriore rem petere possit *d. §. 6. Inst. h. tit. III.* Ut si legatarius partem titulo oneroso, partem lucrativo adquisiverit, partis prioris tantum æstimationem petere possit *L. 82. pr. seq. ff. de leg. i. IV.* Ut si rei proprietatem sine usufructu titulo oneroso adquisiverit legatarius, finito usufructu, rem petens nonnisi proprietatis æstimationem, deducto usufructu, officio judicis consequatur *§. 9. inst. h. t.*

§. 615. Recte legantur V. res oppignorate, quas tunc heres luere tenetur, nisi testator ignoraverit, esse oppignoras, aut expresserit, legatarium debere luere *§. 5. h. tit.* quod præsumitur, si universitas, veluti dos, legata, ejusque res singularis oppignorata *L. 15. ff. de dot. preleg.*

§. 616. Ergo & VI. non perit legatum rei, quam postea testator alienavit, modo id non fecerit consilio adimendi legatum, quod ex eo præsumitur, si alienatio non necessaria, sed voluntaria fuerit *§. 12. inst. h. t. l. 11. §. 12. ff. de legat. 3. l. 18. ff. de adim. vel. trans. leg.*

§. 617. Quumque & res incorporales recte legantur, (§. 611.) nemo dubitat, quin VII. & legatum nominis & VIII. liberationis utile sit. Illo enim testator in legatarium confert, quod sibi a tertio debetur, & heredem obstringit, ut legatario actiones cedat * *§. 21. inst. hoc tit. l. 44.*

§. 6. l. 75. §. 2. ff. de leg. 1. hoc heredem obligat ad reddendum chirographum, & quamvis actio heredis non extinguatur, legatarius tamen exceptione doli tutus est L. 3. §. 2. ff. de liber. legat. **

* Non ergo exigit legatarius jure sibi ab herede cesso, quia actio hæc personalis soli heredi, defunctum representanti, directe competit; non legatario, qui non succedit in jura testatoris. Sed hanc subtilitatem quodammodo sustulit jus novum, quo & legatario huic immediate actiones utiles adversus debitorem dantur L. 18. C. h. t.

** Quid vero si testator debitum vel exegerit, vel sponte solutum acceperit? an hæc legata nominis & liberationis extinguuntur? Negatur utroque casu, nisi consilio adimendi id fecerit: quod nec posteriore casu præsumitur, nec priore, si causa exigendi fuerit necessaria L. 11. §. 12. 13. ff. de leg. 3.

Legatum
debiti.

§. 618. Utile quoque est IX. legatum debiti, id est, quo testator creditori suo legat, quod ei debet, dummodo plus sit in legato, quam in debito: v. c. si pure legatum, quod sub conditione, vel ex die debebatur §. 14. inst. h. t. Ita & creditor chirographarius hoc legato jus hypothecæ consequitur: vel si ei probationes desint, rem ex testamento petere potest.

Prælegatum
dotis.

§. 619. Eiusdem naturæ est X. prælegatum dotis, partim quia sic uxor eam statim petere potest, quum alias annum expectare teneatur §. 15. h. t. l. un. C. de rei ux. act. partim quod non obstricta est uxor legataria ad probationem illatæ dotis, dummodo maritus testator certam quantitatem expresserit d. §. 15. l. 1. §. 8. seq. ff. de dot. præl.

Speciei,

§. 620. Recte etiam legatur XI. non
fo.

solum *species*, sed & XII. *quantitas*, & *quantitatis*
 XIII. *genus*. *Species* jureconsultis est in- & *generis*.
 dividuum, v. c. *Tusculanum*, *Stichus*, *bu-*
cephalus. *Genus* iis est, quod philosophis
species, uti *prædium*, *servus equus*. *Quan-*
titas *genus* numero definitum, uti *qua-*
driga, *centum aurei*.

§. 621. Et legatum quidem *speciei* id Circa le-
 habet, I. quod ea non heredi, sed lega- gatum spe-
 tario perit (§. 607. 3.) nisi illius culpa le- ciei quid ju-
 vissima intercedat §. 16. *inst. b. t. l. 47. §.*
pen. ff. de leg. 1. II. quod duabus speciebus
 legatis, si utraque res principalis sit, una
 extincta, altera debeatur, sin altera prin-
 cipalis, altera sit accessoria, illa extincta,
 hæc non debeatur §. 17. *inst. b. t. l. 111.* Quod
 universitate legata & incrementum & de-
 crementum legatario in lucrum & dam-
 num cedat (§. 607. 3.) adeoque, grege le-
 gato, & una ovis superstes debeatur * §.
 18. 19. 20. *inst. b. t. l. 22. ff. de leg. 1.*

* Quod secus in usufructu gregis, siquidem una
 ove superstite usufructus non constat *L. ult. ff. quib.*
mod. usufr. antiq.

§. 622. De legato generis observandum, Quid circa
 I. illud utile esse, si genus non summum, legatum ge-
 sed infinitum sit, & hoc certos ab ipsa neris.
 natura terminos habet, quum, contra, si
 ab arbitrio hominum pendet, & testator
 tale quid non reliquit, derisorium magis
 videatur *L. 71. pr. ff. de legat. 1.* II. Electio-
 nem tunc esse penes legatarium, nisi aliud
 testator sanxerit, dummodo non optimum
 eligat §. 22. *inst. b. t. l. 37. pr. §. 1. ff. de*
leg. 1.

§. 623. Unde adparet, quid intersit in- Et legatum
ter

optionis.

ter legatum *generis* & *optionis* vel *electionis*, quum testator legatarium aliquem ex servis vel equis suis discrete eligere jubet: tunc enim legatarius (ejusve heres *l. ult. C. comm. de leg.*) etiam optimum §. 23. *inst. b. t. L. 2. §. 1. ff. de opt. leg. l. 9. §. 1. ff. de dol.* nec tamen, quod semel elegit, repudiare, aliudque præferre potest *L. 20. ff. de opt. leg.*

Quid legatum generis & quantitatis communis habeant?

§. 624. Commune id est legatis *generis* & *quantitatis*, quod nec genus, nec quantitas perire intelligantur.

An & facta legentur?

§. 625. Denique & XIV. *facta* recte legantur, ad quorum præstationem heredem damnavit testator *L. 112. ff. §. 3. de leg. 1.*

Jus accrescendi.

§. 626. Uti inter heredes, ita & inter legatarios conjunctos valet *jus accrescendi*. Quum enim legatum sit delibatio hereditatis, (§. 603.) præsumitur sane, testatorem noluisse, ut res legata pluribus penes heredem maneat, sed uno legatario deficiente, illam totam collegatario relinqui maluisse.

* Ergo diversa hujus juris est ratio in hereditatibus & legatis. In hereditatibus illud obtinet ex juris necessitate, quia nemo pro parte testatus, pro parte intestatus decedere potest (§. 542. *seq.*) In legatis contra ex præsumpta testatoris voluntate, qui deficientem partem creditur ad eum potius, cui rem eandem legavit, quam ad heredem, a quo legavit, voluisse devolvi. B. Hub. *Præl. b. t. §. 23. extr.*

Requisita ut locum habeat.

§. 627. Ut ergo locum habeat jus istud subtilissimum, requiritur I. ut collegatarius deficiat. II. Ut legatarii sint conjuncti, id est ad eandem rem vocati *L. 1. l. 11. ff. de usufr. accresc.* Alias enim de-

deficientis personæ legatum extinguitur L. un. §. 2. C. de caduc. toll.

§. 628. Deficere intelligitur collegatarius, si vel spreverit legatum, vel vivo testatore decesserit, vel alio modo factus sit incapax §. 8. *inst. h. t.* Nam si vel momento testatorem supervixit, legatum transmittit ad heredes, adeoque nihil accrescit collegatariis L. un. §. 5. C. de caduc. toll. l. 5. *pr. ff. quand. dies leg. ced.*

Quando pars dicatur deficere.

§. 629. Conjuncti autem legatarii censentur tripliciter, vel I. *re tantum*, si ad eandem rem, sed diversis propositionibus vocati sunt, unde & *disjuncti* solent vocari §. 8. *inst. h. t. v. c. Titio aedes meas do lego, Sempronio easdem aedes do lego* L. 89. *ff. de legat. 3.* II. *Verbis tantum*, qui ad eandem rem, eadem propositione, sed adjectis partibus * vocantur v. c. *Titio & Sempronio aedes meas do lego aquis partibus d. l. 89.* III. *Re & verbis simul seu mixtim*, qui ad eandem rem eadem propositione simpliciter & indivisim vocantur v. c. *Titio & Sempronio aedes meas do lego d. l. 89. & l. 142. ff. de V. S.*

Conjuncti qui & quotuplices.

* Intellectualibus puta, & quæ mente tantum concipiuntur. Nam si re ipsa legatam rem inter legatarios divisit testator, hi plane non sunt conjuncti, adeoque & jus accrescendi inter eos nullum est L. 1. *pr. ff. de usufr. accresc. v. c. Titio & Sempronio do lego fundum illi cis, huic altera flumen.*

§. 630. Jam observande regulæ. I Si qui legatarii vel *verbis tantum* vel *mixtim* conjuncti sunt, portio alterius deficientis adcrefcit collegatario. II. Si quis re

Regulæ de jure adcrefcendi.

re tantum conjunctus deficit, ejus portio accrescit omnibus; ita tamen ut verbis & mixtim conjuncti unius vice fungantur L. 34. pr. ff. de leg. 1. l. un. §. 10. C. de saduc. toll. III. Conjunctis mixtim & verbis tantum accrescit volentibus, & cum onere, re tantum conjunctis & nolentibus, sine onere d. l. un. §. 10. C. de sad. toll.

* Hinc si v. c. testator scripserit: *Primo fundum Tusc. do lego; Secundo eundem do lego; Tertio & Quarto eundem do lego aequis partibus; Quinto & Sexto eundem do lego*; deficiente Quinto, portio ejus Sexto accrescit volenti cum onere: deficiente Quarti portio accrescit Tertio itidem volenti cum onere: deficiente Primo, portio ejus omnibus accrescit etiam invitis, ita tamen, ut trientem Secundus, alterum trientem Tertius & Quartus, tertium Quintus & Sextus sine onere accipiant.

Quotupliciter possit legari.

§. 631. Potest porro legari vel pure, vel *in diem seu ex die*, vel *sub conditione*, vel *sub demonstratione*, vel *sub modo* L. 1. pr. ff. de cond. & dem.

Pure.

§. 632. Pure legatur, quum a nullo eventu legatum suspenditur: & tunc statim a morte testatoris & cedit dies, & venit (§. 626. 3.) * L. 5. §. 1. ff. *quand. dies leg. ced.* excepto legato ususfructus, usus, habitationis, libertatis, & olim optionis, quorum dies a tempore aditæ hereditatis cedit L. un. §. 1. ff. *quand. dies ususfr. leg. ced.* l. 8. ff. *quand. dies leg. ced.* l. 16. ff. de opt. leg.

* Cedere dicitur dies, ex quo deberi incipit, venire, ex quo peti potest.

In diem & ex die.

§. 633. Legatum etiam relinqui potest tum *in diem v. c. Marcio lego ades per de-*

decennium ; tum *ex die* sive certo , sive incerto : v. c. *Sempronio lego hortum post decennium a morte mea , vel a tempore , quo liberos susceperit .* Priore casu dies itidem & cedit statim a morte testatoris & venit , posteriore , si dies certus , dies quidem cedit , sed non venit , nisi existat *L. 5. §. 1. l. 21. ff. quand. dies leg. ced.* sin incertus , nec cedit nec venit , antequam existat *l. 21. §. 22. ff. eod.* quia dies incertus pro conditione est *L. 75. ff. de condit. & demonstr.*

Sub conditione.

§. 634. De *conditionali* legato eadem observanda , quæ diximus supra (§. 545. seq.) Jam addimus , diem in ejusmodi legato nec cedere , nec venire , nisi extiterit conditio *l. 5. §. 2. quand. dies leg. ced.* adeoque nec hujusmodi legatum ad heredes transmitti , si legatarius ante existentem conditionem decesserit (§. 649. 6.) Aliud de contractibus observandum , (§. 8334.) nec legatum adquiri patri , si conditio emancipato filio extiterit *L. 18. ff. de R. I. l. 5. §. 2. ff. quando dies leg. ced.*

§. 635. *Sub demonstratione* legatur , quod Sub demonstratione. *ties vel personæ vel rei legatæ additur descriptio , qua ea tanto certius designatur , v. c. Stichum , quem a Mevio emi , do lego L. 34. pr. ff. de cond. & dem.* De ea notandum , quod falsa demonstratio non magis legatum perimat *l. 17. pr. l. 33. pr. l. 40. §. 4. ff. eod.* quam error admissus in nomine §. 30. *inst. h. t. l. 4. ff. de legat. 1.* quippe cujus vice demonstratio fungitur *L. 34. pr. ff. eod.*

Sub causa.

§. 636. *Sub causa* legatur, quoties testator causam impulsivam adscribit, e. c. *Titio, quia negotia mea gessit, do, lego* §. 31. *inst. hoc tit. l. 12. ff. de cond. & dem.* Etiam hæc, tametsi falsa, non vitiat legatum *d. §. 31. inst. h. t.* nisi ab herede possit probari, testatorem, si causam falsam scivisset, non fuisse legaturum, tunc enim doli exceptio locum habet *L. 72. §. 6. ff. de cond. & dem.*

* Legatum enim instar legis est (§. 603. *) Lex vero ideo non definit obligare, si causa, quam legislator interserit, falsa adpareat. Et ita intelligendum, quod ait Papinianus, rationem legandi legato non coherere *L. 72. §. 6. ff. de cond. & dem.*

Sub modo.

§. 637. *Sub modo* denique legatur, quoties finis, in quem legatur, exprimitur, v. c. *Titio do lego, ut ades suas reficiat* *L. 17. §. ult. ff. eod.*

Quid circa hoc legatum juris.

§. 638. In hoc legato dies & cedit statim & venit, dum caveat legatarius, se modum impleturum * *L. 40. §. ult. l. 80. ff. eod.*

* Simile quid obtinet, si cui sub conditione negativa vel hereditas relicta, vel legatum sit. Nam & hæc hereditatem suspendit, dum caveat heres vel legatarius, se conditioni paritutum. Quæ cautio ab inventore vocatur Muciana *L. 7. pr. ff. de cond. & dem.* Aliud in stipulationibus sub conditione negativa obtinet; siquidem conditio negativa illas suspendit ad mortem usque, ac si stipulatus quis esset, quum moreretur alter, sibi dari §. 4. *inst. de V. O. (§. 833.)*

Legata capitalia & legata pecunie nomine.

§. 639. Ita jure legatur. Non autem leges nostræ sustinent legata *captatoria*: v. c. *Titio, si mihi totidem legaverit, lego mille* *L. 64. ff. de leg. 1.* sustinent tamen legata, *pæne nomine relicta*, nisi turpe quid

quid heredi injungatur , v. e. *Heres meus , nisi Sejum occiderit , Mavio mille dare damnas esto .* Nam alias ex Justiniani voluntate tanquam conditionalia valent §. ult. *inst. hoc tit.* Sed confer illustr. Corn. van. Bynkersh. *Exerc. de legatis pœne nomine relict. & Antiq. nostr. Rom. Lib. 2. tit. 20. §. 14.*

Quibus actionibus legata petantur.

§. 640. Quum denique legatorum pure relictorum dies statim cedat , [§. 607. 3.] consequens est , ut ea cum fructibus , accessionibus , & usuris a tempore moræ l. 39. §. 2. ff. de leg. 1. l. 42. ff. de usur. peti possint l. rei vindicatione , si species testatoris propria legata L. 23. pr. ff. de rei vind. quia hujusmodi rei legatæ dominium statim a morte testatoris ad legatarium transit (§. 607. 3.) L. 80. ff. de leg. 2. II. actione in personam ex testamento l. 33. ff. de leg. 2. quia heres ad eundo hereditatem cum legatariis quasi contraxisse censetur , [§. 597. 11.] §. 5. *inst. de obl. quæ quasi ex contr.* III. actione hypothecaria , quia bona hereditaria legatariis , & fideicommissariis tacite obligantur pignore L. 1. Cod. *Comm. de legat.*

T I T. XXI.

De Ademptione & translatione .

Legatorum .

§. 641. **Q**UÆ voluntas hominis ambulatoria est usque ad mortem (§. 573. *) facile patet , legata ac fideicommissa & adimi , in aliof-

Legata adi-
muntur &
transferen-
tur.

que transferri posse. Quumque legata & sine sollemnitate relinqui possint [§. 607. 4.) sequitur ut eadem sine sollemnitate & adimantur recte, & transferantur.

Adimuntur vel ipso jure.

§. 642. *Adimuntur*, quoties testator legatario id, quod ei destinatum, conferri non vult, eaque ademptio vel ipso jure fit, vel ope exceptionis.

Verbis & factis.

§. 643. *Ipsa jure* legata adimuntur vel verbis, si vel testamento vel codicillis dicat, se, quod Titio dederit, legaverit, jam non dare, legare *pr. inst. h. tit.* vel factis, veluti si legatum induxerit L. 16. ff. h. t. rem legatam corruperit l. 8. §. 2. ff. de legat. 1. in aliam formam redegerit, ut ad priorem speciem reduci nequeat l. 88. §. 2. ff. de legat. 3. præter necessitatem distraxerit, donarit, [§. 615.] legatum nomen exegerit. (§. 616.) §. 12. C. 21. *inst. de leg.*

Per exceptionem

§. 644. Per exceptionem eadem adimuntur, quoties mutata voluntatis luculenta existant indicia, veluti si capitales inimicitia inter testatorem & legatarium intercefferint, nec reconciliatio sit sequuta L. 3. §. ult. §. 4. ff. 1. si testator coram duobus testibus, vel in schedula contrariam voluntatem significaverit L. 3. §. ult. l. 13. ff. b. t. l. 27. C. de fideic.

Transferuntur.

§. 645. *Transferuntur* legata vel I. mutato legatario, v. c. Fundum, quem Titio legaveram, Mevio do lego, vel II. mutata persona, a qua legatum, v. c. Fundum, quem Titio a Sejo herede legaveram, jam a Sempronio do lego, vel III. mutato legato, v. c. Titio pro fundo, quem legaveram,

veram, mille do lego, vel IV. mutato modo legandi, v. c. Titio, cui fundum pure legaveram, jam ea lege eundem do lego, si in hanc urbem migraverit §. 1. inst. l. 6. ff. h. t.

§. 646. Quum vero translatio, quæ sit mutata legatarii persona, simul sit ademptio, simul novi legati constitutio, facile patet, ad eam non sufficere pauciores, quam quinque testes, (§. 607. 4.) alias recte quidem ademptum esse legatum priori, sed non recte translatum in posteriorem, adeoque neutrum illud accipere.

§. 647. Exstinguntur etiam aliquando legata, præter voluntatem testatoris, veluti I. si legatarius ante testatorem mortuus collegatarium, quocum conjunctus fuerit, non habet (§. 627.) L. ult. §. 1. C. de cad. coll. II. si ante conditionem existentem decesserit (633) L. 5 §. 2. ff. quand. dies leg. ced. si res aliena legata jam ante mortem testatoris ex causa lucrativa ad legatarium pervenerit (§. 613. 4.) §. 6. inst. de leg. III. si res legata perierit sine culpa heredis [621. 1.] §. 16. inst. eod. IV. si testamentum nullum, (§. 571) ruptum, [§. 574.] irritum factum (§. 576.) l. 17. ff. de injust. rupt. irr. non si rescissum (§. 584. 6.) Nov. 115. cap. 3. §. ult. cap. 4. §. ult. V. si conditio defecerit [548. 2.] L. 2. l. 27. ff. de cond. instit.

§. 648. Aliquando etiam legata pro non scriptis habentur. Aliquando legatariis, ut indignis, a fisco eripiuntur. De causis ad ff. l. 34. tit. 8. §. 1. & seq. erit agendum.

Quot tunc opus sit testibus?

Legata quomodo exstinguantur.

Legata pro non scriptis habita, & erepta indignis.

T I T. XXII.

De Lege Falcidia.

Legis Falcidiae historia & materia.

§. 649. **A**D legata etiam pertinet *Lex Falcidia*, lata a P. Falcidio, Tribuno plebis anno ab U. C. 1000 v. C. Domitio Calvino & C. Asinio Pollione Coss. Dio Cass. lib. 48. p. 430. qua cautum, ut nemini liceret ultra dodrantem legare; &, si ultra quid legatum, heredi tantum retinere liceret, ut quartam partem hereditatis habeat salvam Caj. *inst. lib. 2. tit. 8. l. 1. §. pr. ff. h. t.*

Causa hujus legis.

§. 650. Quum enim lege XII. tabularum patrifamilias jus esset legandi pro lubitu, (§. 487.) & saepe testatores ita legatis onerarent heredes, ut iis vix quidquam lucrari superesset [*princ. inst. h. t. l. 120. ff. de V. S.*] variis quidem legibus heredi prospectum, * quarum nulla tamen praeter Falcidiam sufficere visa est coercendae testatorum licentiae *d. pr. inst. h. t.*

* Primum lata Lex Furia, a C. Furio, Trib. plebis, qua cautum, ne cui liceret ultra mille asses legare; praeterquam cognatis, aliisque quibusdam personis. Ulp. *Fragm. tit. 18. §. 7.* Quum vero ita non quidem uni ultra mille asses, sed tamen eadem summa eo pluribus legaretur, anno U. C. 1094. Q. Voconius Saxa novam rogavit legem, qua cautum, ne quis census plus legaret, quam ad heredem, heredesve perveniret. Verum quum ita quoque minima saepe pars hereditatis ad heredem perveniret, & plerique instituit recusarent pro nullo aut minimo lucro hereditatem adire, fieri non potuit, quin plurima testamenta destituta fierent, adeoque his legibus ad rei consummationem parum proficeretur *pr. inst. h. t.*

§. 651.

§. 651. Ex hac itaque lege oportet heredem quartam bonorum salvam habere, & si eam salvam non habeat, tantum cuique legatariorum detrahit, quantum quartæ deest (§. 649.).

Quid velit lex Falcidia?

Quis quartam detrahat.

§. 652. Ergo eam quartam deducit heres gravatus, (§. 650.) & ex legis quidem intentione testamentarius, sed ex interpretatione D. Plurimam legitimus l. 18. ff. de iur. her. Ex quo consequitur, I. ut si plures coheredes sint, in singulis heredibus Falcidiæ ratio ponenda sit §. 1. ff. de iur. her. l. 77. ff. eod. II. Ut si duobus institutis, quorum alterius portio legatis exhausta, altera non exhausta est, alter coheres defuncti, ejusque portio coheredi accrescat, quarta detrahi possit, si portio gravata accreverit non gravata, minime vero si non gravata gravatæ accesserit l. 78. l. 87. §. 4. ff. de iur. her. III. Ut si a legatario vel fideicommissario legatum, II, quantumvis gravati, quartam detrahere nequeant l. 47. §. 1. ff. de iur. her.

Quomodo ea computanda.

§. 653. Quumque quarta bonorum salva heredi esse debeat, (§. 650.) sequitur, I. ut in quantitate patrimonii exquirenda mortis tempus spectetur §. 2. inst. de iur. her. l. 56. pr. ff. eod. adeoque II. nec subsequens incrementum hereditatis legatariis prosit, nec decrementum iisdem obstat l. 73. pr. ff. eod. III. Ut non ponatur quartæ ratio, nisi deducto ære alieno, sine cuius deductione bona non intelliguntur §. 39. §. 1. ff. de V. S. deductisque funeris impensis, deductis pretiis servorum manumissorum, & impensis in heredi-

reditatem suscipiendam factis §. 3. *Inst. L. 29. C. h. t. l. ult. §. 9. C. de jur. delib.* IV. Ut non imputeretur in hanc quartam, nisi quod titulo institutionis ad heredem pervenit *L. 74. l. 76. ff. b. t.*

Quibus de-
trahitur?

§. 654. Detrahitur quarta I. legatariis, [§. 250.] adeoque, quum legata & fideicommissa per omnia exæquata sint (§. 606. 2.) II. etiam fideicommissariis particularibus *L. 18. ff. b. t. immo ex interpretatione* III. etiam donatariis, quibus quid mortis causa destinatum *L. 5. C. h. t. non quibus inter vivos donatum, præterquam conjugibus inter se donantibus L. 11. C. eod.*

Quando
Falcidia
cesset?

§. 655. Sed ea lex cessat I. in dote mulieri relegata, quam ipsa lex exceptit *L. 81. §. 2. ff. b. t.* II. in testamento militis, quippe plerisque legibus de testamenti factione soluto §. 502. *l. 17. l. 92. ff. l. 40. ff. l. 7. C. h. t.* III. in rebus per testatorem alienari prohibitis *Auth. sed & in ea re C. h. t.* IV. in rebus ab herede subtractis dolose *L. 24. ff. b. t.* V. in legatis ad pias causas *Nov. 131. cap. 12.* VI. in libertate legata *L. 33. l. 43. ff. b. t.* VII. si vel testator expresse prohibuerit quartam detrahi * *Nov. 1. cap. 2. §. 2. vel VIII. heres, mortuo testatore, sponderit, se integra legata præstiturum l. 46. l. 71. ff. l. ult. C. h. t. vel ea sciens, vel ex ignorantia integra præstiterit L. 9. Cod. eod.* IX. si heres id egerit, ut fideicommissum intercederet *L. 59. pr. l. 68. §. 1. ff. b. t.* X. si vivus testator jam heredi quartam, vel quod eidem æquiparari possit, dederit *l. 56. §. ult.*

§. ult. l. 91. ff. h. t. XI. si heres inventarium non confecerit L. ult. §. pen. C. de jur. delib.

* Sed id contra juris rationem invexit Justinianus. Lex Falcidia enim non modo in gratiam testatorum, ne eorum testamenta destitueruntur, lata est, verum etiam in gratiam heredum, ne iis hereditas sine lucro obvenire L. 71. ff. h. t. Justinianus vero heredum rationem non habuit, adeoque totam legem Falcidiam fere pervertit, dum testatoribus concessit, ut deductionem Falcidiæ possint prohibere, quum antea id non liceret L. 15. §. ult. ff. h. t.

T I T. XXIII.

De fideicommissariis Hereditatibus, & ad S. C. Trebellianum.

§. 656. **H**Actenus de hereditatibus & legatis, in quibus desiderantur verba directa & imperativa (§. 493. §. 602.) sequuntur fideicommissa, quæ verbis obliquis seu precativis relinquuntur.

Connexio.
Quid fideicommissum?

§. 657. Ea vel universalis sunt, vel singularia. De illis hoc, de his sequente titulo agitur. Universalis ergo sunt, quando hereditas ejusve pars relinquitur verbis precativis, tituloque universali §. 2. inst. h. t.

Quotuplex.

§. 658. Quum ergo verbis precativis relinquantur, [§. 656.] sequitur, ut adesse oporteat I. fideicommittentem II. heredem fiduciarium, qui rogetur, ut restituat, & is stricto jure heres permanet etiam facta restitutione §. 3. inst. h. t. l. 88. ff. de hered. inst. III. fideicommissarium, cui hereditas ex fideicommissio restituenda.

Quot personæ requiruntur.

§. 659. Restitutio vel expresse injungitur fiduciario, v. c. Titius heres esto; eundem tacitum.

Fideicommissum expresse, & tacitum.

dem vero rogo, ut hereditatem Sempronio restituat, vel tacite injecta praesumitur, veluti si testator dixerit: Rogo heredem, ne hereditatem alienet, sed relinquat familiae l. 69. §. 3. ff. de legat. 2. vel rogo, ne testamentum faciat, donec liberos susceperit l. 74. ff. de S. C. Treb. vel rogo, ut testamento suo Sejum heredem faciat L. 17. pr. ff. eod. Unde fideicommissa vel expressa, vel tacita esse patet.

Quis possit fideicommittere?

§. 660. Quum ergo hoc modo hereditas, ejusque pars titulo universalis relinquatur, (§. 657.) sequitur I. ut fideicommittere hoc modo possint, qui possunt testari l. 2. ff. de legat. 1. II. Ut possit fideicommitteri ab omnibus, qui heredes sunt, & ad quos hereditas, ejusve pars pervenit L. 1. §. 17. ff. de S. C. Treb. l. 9. C. de fideic. adeoque etiam a fideicommissariis §. 11. inst. b. t. III. Ut iis restitui queat, cum quibus est testamenti factio * §. 24. inst. de legat.

* Ita jure novo. Olim enim, qui ex testamentis capere non poterant, iis fideicommissa relinquebantur §. 1. inst. b. t. Ulp. tit. 16. 17. 25. Exempli sunt apud Cic. de Fin. lib. 2. cap. 58. Quintil. Declam. 324. Val. Max. lib. 1. cap. 2. §. 7.

Quibus?

§. 661. Expositione IV. antecedentis paragraphi denuo fuit, V. fideicommitteri posse non solum in testamento, verum etiam ab intestato §. 10. inst. b. t. (Heredes enim legitimos testator satis honoravit, dum non exclusit L. 1. §. 6. ff. de leg. 3. l. 8. §. 1. ff. de jur. codicill.) adeoque adhibitis quinque testibus, nisi moriens viva voce heredi fideicommissit, quo casu & sine testibus fideicommissum ratum est, & fiduciario, praevio jurejurando calumniae, jusju-

iusjurandum deferri potest. Id si præstare recuset, solvere tenetur §. ult. *inst. h. t.*

Quomodo?

§. 662. Quumque heredi fiduciario injungatur restitutio, sequitur, VI. ut hereditas per fideicommissum non modo *pure & sub conditione*, verum etiam, quod in directa institutione non licet (§. 644.) *ex certo die* relinqui queat §. 2. *inst. h. t.* quia sic testator non pro parte testatus, pro parte intestatus decrevit (§. 491. 3.)

Ex fideic. heres olim non obligabatur.

§. 663. Quandoquidem vero fideicommissa verbis precativis relinquuntur, [§. 656.] ea vero, nisi accedat promissio, obligationem haud producant, inferebant veteres fiduciarium nullo vinculo juris, sed solo pudore ad præstandum fideicommissum adstringi §. 1. *inst. h. t.* Ulp. *Fragm. tit. 25. §. 1.*

Augustus iis necessitatem juris addidit.

§. 664. Sed iisdem inter exempla probitatis & perfidiæ fluctuantibus, necessitatem juris addidit Augustus, consulibusque id dedit negotii, ut fiduciarios heredes fideicommissa præstare cogerent. Quo consilio postea & duos prætores fideicommissarios constituit Claudius, quamvis Titus iterum detraxerit L. 2. §. 1. ff. *de orig. jur. §. 1. inst. hoc tit. pr. Inst. de codicill. Suet. Claud. cap. 23.*

§. 665. Quia ergo heres fiduciarius stricto iure, restituta etiam hereditate, heres permanet, (§. 657. 2.) adeoque omne æs alienum solvere tenebatur, (§. 596. 10.) & tamen sæpe totam hereditatem cogebatur restituere, [§. 656.] eveniebat, quod in legatis accidisse diximus, [§. 649.] ut recusarent heredes pro nullo, aut minimo lucro

Hinc sæpe fiduciarium hereditatem reputabant

lucro hereditates adire, & creditoribus obligari L. 1. §. 3. ff. *ad SC. Trebell.*

SC. Trebellianum.

§. 666. Hinc primo sub Nerone * conditum SC. Trebellianum, eoque cautum, *ut si hereditas ex causa fideicommissi restituta sit, omnes actiones, quæ jure civi i heredi, vel in heredem competere, ei & in eum cui ex fideicommisso restituta sit hereditas, darentur* §. 4. *inst. h. t.*

* A. U. C. Dcccxiv. viii. Kal. Sept. L. Anno Seneca & Trebellio Maximo Coss. suffectis. Ceterum eo SC. non actiones directæ ab herede fiduciario removebantur, sed habebat tamen ex SC. Trebelliano exceptionem L. 1. & l. 4. ff. *ad SC. Trebell.* l. 1. §. 8. ff. *quando de pecul. act. ann. est.*

SC. Pegasianum.

§. 667. Quia vero ne sic quidem ullum lucrum ad heredem redibat, & ita fideicommissa pleraque exstinguebantur, (§. 665.) sub Vespasiano Pegaso & Pusione Coss. suffectis Pegasiano SCto cautum, *ut rogatus hereditatem restituere, perinde quartam retinere posset, ac ex legatis per legem Falcidiam §. 52. inst. b. t. & si quis, hoc lucrum adspersus, adire nollet, is ad adendum restituendumque cogeretur* §. 6. *inst. eod.*

§. 668. Cui ergo quarta erat, is restituere solebat hereditatem ex SC. Trebelliano, & tunc in utrumque dabantur actiones hereditariæ pro rata portionis ad utrumque pervenientis. Cui quarta salva non erat, is ex SC. Pegasiano, detracta quarta, hereditatem restituebat, & stipulationibus interpositis, quarum partem æris alieni solvere teneretur, sibi cavebat §. 6. *inst. h. t.*

SC. Trebellianum & Pegasianum in unum consolidata.

§. 669. Sed Justinianus, exploso Pegasiano, omnem SC. Trebelliano auctoritatem

tem attribuit §. 7. *inst. h. t.*, vel potius utrumque ita in unum conflavit, ut retento nomine SC. Trebelliani utriusque materia conjungeretur.

§. 670. Ex quo sequitur I. ut hodie fiduciario * semper liceat quartam partem hereditatis, quæ olim salvam non habenti Pegasiana, nunc Trebellianica vocatur, retinere, vel errore facti solutam repetere §. 7. *inst. h. t.* imputatis tamen in hanc quartam omnibus quocumque titulo a defuncto acceptis, etiam fructibus ex bonis ante restitutionem perceptis L. 18. §. 1. l. 22. §. 2. ff. ad SC. Treb. secus, ac quarta Falcidia (§. 652. 43.)

* Non vero detrahit fideicommissarius, rogatus ut et hereditatem a fiduciario acceptam alii iterum restitueret L. 22. §. ult. l. 55. §. 2. ff. ad SC. Treb.

§. 671. Ex eodem fluit II. semper hodie obligationes tum activas, tum passivas inter heredem fiduciarium, & fideicommissarium pro rata ipso jure dividi §. 7. *inst. h. t.* L. 1. C. de SC. Trebell. Actionum inter fiduciarium & fideicommissarium divisio.

§. 672. Denique & inde sequitur III. ut fiduciarius ad adeundum restituendumque adligi possit §. 7. *inst. h. t.* ff. L. 4. ad SC. Treb. Fiduciarius adire cogitur.

§. 673. Quumque ea quarta Trebellianica ad exemplum Falcidiae inventa sit (§. 667.) §. 5. *inst. h. t.* iisdem fere casibus cessat, quibus Falcidia, (§. 655.) veluti I. in testamento militis §. 7. C. ad l. Falcid. II. si testator quartam hanc detrahi expresse prohibuerit Nov. 1. cap. 2. §. 2. III. si heres ex ignorantia juris hereditatem universam restituerit L. 9. C. ad l. Falc. IV. si inventarium facere neglexit

Quando cesset quarta Trebell.

fi

rit V. si quartam jam salvam habeat iudicio testatoris §. 9. *h. t.* VI. si coactus adierit hereditatem §. 7. *h. t.*

T I T. XXIV.

De Singulis rebus per fideicommissum relictis.

Fideicommissa particularia.

§. 674. **H**Æc de fideicommissis *universalibus*, sequuntur *singularia*, (§. 657.) quibus quævis res singulari titulo singulari verbis precativis relinquuntur *pr. inst. h. t.*

Ea legatis exæquata.

§. 675. Ergo verborum formulis etiamnum differunt legata & fideicommissa, re ipsa & effectu per omnia exæquata sunt; (§. 607. 2.) ut hic omnia repetenda sint, quæ titulo de legatis diximus.

Differentiæ quædam.

§. 676. Remansere tamen quædam differentiæ. Nam I. legata libertas immediate servo competit, & hinc ille nulla jura patronatus heredi debet, per fideicommissum relictam libertatem servus ab herede accipit, eique debet jura patronatus §. 2. *inst. h. t.* (§. 99. 112.) II. Legata relinqui non possunt, nisi adhibitis quinque testibus, (§. 607. 4.) fideicommissa etiam sine testibus relictæ debentur, si probari, vel iusjurandum deferri possit, testatorem cui præsentem fideicommississe *L. ult. C. de fideic.* (§. 660.)

Brevis disputatio Academico-Forenſis
de Fideicommiſſis .

I. **Q**uod nimis pauca de Fideicommiſſis ab Heineccio tradita ſunt, quippe qui breves institutionum Titulos ad ea ſpectantes Interpretari ſibi habuit, age rem nos fuſius hac brevi diſputatione tractemus, ac non ſolum quæ adjicienda ſunt ex Jure Romano exponamus, verum & ea recenſeantur, quæ in Pragmaticis ſub Titulo *De Vinculis ſeu de conditionibus in contractibus, vel teſtamento appoſitis, & de Feudis*, atque alibi continentur.

Jus Neapolitanum.

II. Ordiamur a ſpeciebus Fideicommiſſorum. Et primo! quidem Fideicommiſſa vel expreſſa, vel tacita nuncupantur. Expreſſa ſunt, quoties in verbis nulla eſt ambiguitas, ut loquitur Paulus, adeoque voluntatis quæſtio admittenda non eſt. At tacita ſunt, quæ ex teſtatoris voluntate aperte non deducuntur, ſeu parum quidem apte ſcripta ſunt, uti placet dicere Africano *L. ſi ſervus §. non autem ff. de Legatis*. Fideicommiſſa autem vel ſint expreſſa vel ſint tacita, in pura ac conditionalia quoque dividuntur. Pura ajunt eſſe ea, quorum dies ſtatim cedit, & venit a morte teſtatoris, conditionalia nonniſi exiſtente conditione. Et quoniam lege ſcriptum eſt, Fideicommiſſum evaneſcere, ſi deficiat conditio, quæri ap-
poſite

posite heic video, num existente conditione post Fideicommissarii mortem possit ejus heres jure transmissionis eadem bona tamquam Fideicommisso obnoxia sibi vindicare? In hac quaestione doctiores interpretes non omnino variant; etenim in hunc modum distinguunt. Nimirum ajunt, Fideicommissum evanescere, si conditio Testamento adjecta sit, atque post Fideicommissarii mortem exstiterit, modo Fideicommittens favorem cum Fideicommissarii, tum heredis non respexerit; Sin autem contractui adscriptum sit Fideicommissum, ubi scilicet ex conventionem Fideicommissum constitutum sit, tunc nequaquam interesse docent, an conditio ante Fideicommissarii mortem impleta sit, cum obligatio conditionalis ad heredes transeat, retrotrahaturque semper conditio contractibus adjecta, quovis tempore existat, ad obligationis ipsius initium. Vide Capi-
cium Latro *Decis. II. & De Franchis Decis. DXXV.*

III. Sunt porro Fideicommissa temporalia, quæ sic sunt appellanda, vel ubi testator restitutionem jubeat fieri post certum tempus, (hoc casu Fideicommissi dies cedit quidem a morte testatoris, sed non venit, antequam veniat tempus, ex quo relictum est) vel ubi a Testatore non alienari prohibitum sit usque ad certum tempus. His perpetua opponuntur, quibus scilicet testator perpetuum familiæ decus, Agnatorumque favorem in infinitum respiciat. Velim tamen heic, animadvertas Fideicommissum nequaquam induci, si tantum

tum Testator alienationem prohibeat; satis enim in jure constat, nudam prohibitionem alienandi sine causa vim potius consilii habere, quam præcepti ex *l. filius familias §. divi ff. de Legatis I.* Ut igitur Fideicommissum inducatur, opus est, ut persona exprimatur, causæque, ob quam videatur conditum Fideicommissum. Idque triplici modo fieri potest. I. Si vocetur Fideicommissarius aliquis ad bona Testatoris, siquidem heres eadem alienaverit, quod Fideicommissum in foro dicitur *controventionale*. II. Si Testator jubeat, bona post heredis mortem ad alium pervenire, quod est Fideicommissum *simplex*. III. Si Testator alium vocet duplici casu, tum scilicet si ab herede bona alienentur, tum vel maxime ubi heres fiduciarius obeat, idque vulgo appellari solet *Simplex & absolutum*. Varius hic alienationis prohibendæ modus variam tribuit Fideicommissis vim. Si enim heredi interdicta sit alienatio inter vivos, post alienationem continuo Fideicommissarius repetere valet bona alienata, nec debet casum mortis expectare. Si vero interdictum alienandi fuerit ad tempus mortis productum, post mortem heredis poterunt bona repeti. Denique si Fideicommissum fuerit simplex, & absolutum, nempe casum alienationis, atque casum mortis complectatur, tunc statim bona poterunt vindicari. Id docent interpretes omnes.

IV. Verum meretur hic peculiarem mentionem Fideicommissum familiare. Sane non semel testatores solent prohibere bo-

norum suorum alienationem extra famili-
 liam. Ubi id ab aliquo Testatore fiat, ani-
 madvertendum omnino est, quid hac *prohi-*
bitio de ernere maluerit testator; Ete-
 nim *prohibitio* ipsa alienandi si ita ex-
 primatur, ut heres non possit extra fa-
 miliam alienare, dum vivit, certe onus
 datur heredi inter vivos alienare volenti
 bona Fideicommissio obnoxia *proximiori* tra-
 dere, secus vero, si casum mortis aliena-
 tio complectatur; nam nonnisi proximiores
 agnati post obitum heredis ad successio-
 nem venient. Atque hic distinguenda est
 ratio, qua testatores vetant bona, extra
 Familiam alienari. Profecto ubi testatores
 solent vetare, ne bona extra Familiam alie-
 nentur, *prohibitio* isthac ex Novella Ju-
 stiniani, uti habetur in Authentico Tit.
Ut restitutio Fideicommissi usque ad quar-
tum gradum consistat, usque ad quartum
 gradum valet. Sin autem Fideicommissum
 ita instituitur, ut ex eodem deducatur,
 Testatorem perpetuo familiarum deco-
 ri prospicere maluisse, Fideicommissum
 hoc familiare perpetuum erit. Consulta-
 tur Faber ad Titul. Cod. *De Fideicom-*
missis. Def. XXXII. Hinc haud immerito
 ajunt, huc spectare Fideicommissa illa, quae
simplicia & Familiaria, ac *linealia* dicun-
 tur, illa quod ad familiam pertineant,
 haec sic dicuntur, quod ad diversas lineas spe-
 ctant, si nempe Testator ex una deficiente
 linea ad alteram bona sua transferri jubeat.
 V. Quoniam vero saepe fit, ut testatores
 Fideicommittentes Filios Fideicommissis
 obligent, gravis oriri solet quaestio inter
 Do-

Doctores, an nomine filiorum contineantur Nepotes, & Pronepotes? Ut hæc quaestio pro jure definiatur, discrimen facias opus est, num Filiorum mentio *sub conditione* fiat, an vero *dispositive*. Sane si filii in conditione sunt positi, veluti si Testator dicat *Si Filius sine filiis decesserit volo, ut pradium meum Tusculanum ad Cajum perveniat*, hoc casu Cajus Fideicommissarius excludetur, si Titius sine filiis decedens relinquat nepotes ex filio. Adi Peregrinum *de Fideicommissis Tit. XXII.* Si vero filii fuerint *dispositive* vocati, si nempe dicat Testator *Titio fundum relinquo & post ejus mortem volo, ut filii succedant*, primum conjectura voluntatis sunt faciendæ, an eo nomine venire debeant etiam Nepotes, tum deficientibus conjecturis videndum, quid de jure sit presumendum. Quod pertinet ad conjecturas prima est, si in aliquem eventum collata fuerit *dispositio* quo tempore filii superstites non erunt: Secunda est, si *dispositio* eam vim habere videatur, ut tractum temporis *successivum*, & *perpetuum* contineat, veluti in Primogenituris, & Majoratibus: Tertia est, si Testator descendentes ulterioris gradus vocaverit, atque sub nomine descendendum favori, ac decori Familiae prospexisse videatur. Profecto his casibus non tantum ad filios, sed ad ceteros descendentes Fideicommissum producendum est. Consulantur plura hæc de re apud Molinam *de Primogenituris & Majoratibus*, & Tiraquellum *de Privilegiis Primogeniturae*. Quod si deficiant hujusmodi con-

jectura, quid iuris sit, attendendum est.
 Atque hac in re magis juri haud paucis
 videtur consona sententia Accursii in l.
Gallus instituens ff. de Liberis, & Posthu-
mis; Distinguit plane Accursius inter Te-
 statorem *Ascendentem*, & *Collateralem*. Ait
 dulcem Filiorum appellationem etiam ad
 Nepotes referendam esse, si adscendens ali-
 quis Fideicommisso filios nominarit, secus
 tamen esse mavult in transversalium Fidei-
 commissis, in quibus Filiorum nomine vi-
 dentur rite tantum filii comprehendi debere.
 Dubium tamen haud ignoro nonnullis hic
 esse, an admittendi sint ad Fideicommis-
 sum tam mares, quam feminae, ubi sci-
 licet Filii ad idem vocentur, siquidem
 Constitutione Regni *in aliquibus*, de qua ad
 Nov. CXVIII. Justiniani nonnulla dicam,
 ab Imperatore Friderico cautum, ut femi-
 nae a maribus in successione excludantur.
 Verum non video causam, eam dubi-
 tandum sit de ea re; Nam satis constat,
 constitutionem nonnisi de successione ab
 intestato scriptam, neque producendam ad
 alios casus, inter quos hic est, si ad Fi-
 deicommissum filios testator nominarit,
 cum numquam in ea opinione quisquis sit
 oportet, Patrem excludere voluisse eo no-
 mine feminas, ad quas jure pertinet Fi-
 liorum nomen. Atque in hunc modum
 rem in foro definitam praeter ceteris ostendit
 de Franchis. *Decis. DLXXXVI.*
 VI. His nunc addere mihi animus est,
 quae pertinent ad bona, quae Fideicommis-
 sis subici queunt, atque ad modos, quibus
 eadem dissolvuntur; Nam mittere, ne la-
 supa intelligat, quod dicitur in l. *si*

De Singulis rebus per fideic. relicta. 389

tissime vagetur Oratio, heic debeo, quæ
 de Formulis Fideicommittentium disputa-
 ri solent, de quibus consulendi Cujacius,
 & Donellius. At teneas primum velim,
 an *Fideicommissaria substitutio*, uti ajunt,
 in Feudis obtineat, ut inde colligas, an
 bona Feudalia Fideicommitteri possint. Et
 olim quidem omnino vetitum Feudatariis,
 posse Fideicommissa instituere in bonis
 Feudalibus ex Pragm. 4. de Feudis, etiamsi
 proximos adgnatos ad Feudorum possessio-
 nem vocarent. Sed Jure novo ex indul-
 gentia Philippi IV. cujus legem habes in
 Pragm. 34. de Feudis tributa est Baroni-
 bus facultas instituendi *Majoratus* & Fi-
 deicommissa in Feudis *infra terminos ta-*
men successionis permissa, ita ut *restitutio-*
nis, seu fideicommissi onus ulterius in do-
trimentum Juris devolutionis Regia Curia
competenti non procedat. Quinimmo *pragm.*
33. de Feudis additum & illud, posse Feu-
 datarium masculinum remotiorem, ad Feu-
 dum ex Fideicommisso vocare exclusa se-
 mina proximiore, ut scilicet Feuda in fa-
 milia semper conserventur, ejusque no-
 men perpetuo præferant. Ita se res habet
 in Feudis. Ceterum bona alia, quæ Feuda-
 lia non sunt, pro lubitu Fideicommissorum
 vinculis obstringi queunt, modo id fieri
 consuetudine, aut lege non prohibeatur.
 Sic ex Consuetudine Neap. irritum est Fi-
 deicommissum *super medietate bonorum an-*
tiquorum, quippe quæ sine ullo vinculo ad
 eos spectat, qui proximiores sunt in ea
 linea, unde bona profecta. Quare si Pater
 instituit heredem filium pupillum, eique

pupillariter substituatur Cajum, jam Filio decedente in ætate pupillari, substitutus pro jure civili succederet ad bona antiqua, quæ per successionem ad Filium venerunt, sed ex consuetudine id secus est; etenim pro medietate eorundem succedet substitutus, ad alteram venient ab intestato agnati proximiores, si ad agnatos bona ratione originis debeant pertinere. Ex lege autem Fideicommissum valere non dicitur, si legitimam quis velit Fideicommisso subicere, quæ sine ullo onere transferri debet ad eos, quibus jure datur eam repetere. Legantur interpretes ad *l. quoniam C. de inofficioso Testamento.*

VII. Modi autem, quibus Fideicommissa dissolvuntur, plures sunt. I. est, si conditio adjecta Fideicommisso deficiat. Atque hic habet, differre conditionem a modo, (hinc Doctores *Dispositionem* illam trahunt, quam *modalem* appellant) Si enim Testator dicat, se velle Fideicommisso obnoxia bona sua, si Navis ex Asia venerit, hoc casu deficiente ex quavis causa conditione, cessat Fideicommissum, contra vero si sub certo modo Fideicommissum relictum sit, inspicere oportebit, an modus is favorem heredis spectat, an vero & Fideicommissarii: si primum liberum erit heredi eundem implere, si secundum poterit cogi heres, ut *modum impleri*, ab eo, cujus interest, ubi tamen heres nolit *implere*, poterit ab omni hereditatis commodo depelli. Vide Peregr. de *Fideicom. art. XVI. II.* Evanescent Fideicommissa Renunciatione, Pacto, Transactione. Renunciatio valet, si ius Fidei-

deicommissario, fuerit jam delatum, veluti si quis nepoti remittat, qui tamquam proximus post Patris mortem ad Fideicommissi beneficium valeat. Pacto dissolvitur Fideicommissum, si *receptum* sit, ut puta si duo vel tres ad Fideicommissum vocentur, eorumque unus vellet pro aliis juri suo renunciare. Id si fiat a minore, valet l. de fideicommissis. C. de Transactionibus, secus vero si a pupillo, qui poterit a Judice in integrum restitui. Animadvertas tamen velim hic, ejusmodi remissionem substitutis aliis nequaquam nocere. Itaque si Patruus nepoti remittat pacto Fideicommissum, hoc tanti non erit, ut excludantur a Fideicommissis ceteri descendentes, si de his expresse in Fideicommissi institutione tantum sit. Demum transactione Fideicommissum extingui dicitur; quae quidem, ut rite fiat, opus est, ut diligenter testatoris verba attendantur, cum constet saepissime in Foro Neapolitano ejusmodi transactiones infirmatas contra contrariam Testatorum voluntatem testamentis expressam, uti docet Sanfelicius Decis. CCII.

VIII. Praeter has causas, quae vulgo proponuntur, sunt quoque & aliae, quibus cedunt Fideicommissa. Haec nascuntur vel ex urgenti necessitate, veluti si utilitati sit fundum Fideicommissis obnoxium permutare, aut desint bona alia, ex quibus vel liberi alii, vel dotes continui queant. Ne credas tamen has pro arbitrio produci, ac valere posse, tandem enim in Foro Neapolitano ex Pragm. t. De Vinculis, seu

conditionibus ritus peculiare invaluere, quibus nonnisi causa cognita vincula Fideicommissorum sunt, dissolvenda quos in citat. Pragm. vide. Teneas tamen hic oportet decreta Magistratuum nostrorum satis non esse Fideicommissorum vinculis dissolvendis; Etenim necessarium omnino ex eadem lege est, ad Regem referri, quid quid Magistratus de huiusmodi bonorum alienatione decernant, ut Principis assensus impetretur. Inde liberum erit bona, quae Fideicommissio subsunt permutare, obligare, alienare. Atque hic Brevi disputatio- ni de Fideicommissis finis esto.

T. I. T. XXV.

De Codicillis.

Connexio. §. 677. **U**Ti hereditates nonnisi testa-
mento, ita fideicommissa
utriusque generis (§. 661.) & legata (§.
605.) etiam *codicillis* relinquuntur, de qui-
bus hoc titulo agendum.

Codicilli
quid vete-
ribus.

§. 678. *Codicilli* veteribus nihil aliud
erant, quam epistolae Cic. *lib. 4. ad fam. epist. 12. lib. 6. epist. 18. lib. 12. ad Att. epist. 8.* maxime a praesentibus ad praesentes scri-
ptae. Hinc Seneca *epist. 55. Video te, mi
Luci, quam maxime audio, adeo tecum sum,
ut dubitem, an incipiam non epistolas, sed
codicillos tibi scribere.*

Mos ad he-
redes scri-
bendi.

§. 679. Tales *codicillos*, saepe & mori-
bundi ad heredes suos scribebant, quibus,
quid fieri ab illis vellent, significabant.
Unde plerumque formam epistolae prae-
fe-

ferebant. * L. 56. ff. de fideic. libert. l. 37.
§. 2. ff. de legat. 3. l. 30. §. 1. ff. de adim. vel
transfer. leg.

* Immo passim in jure nostro vocantur *epistolæ*
l. 89. pr. ff. de legat. 2. l. 41. §. 2. ff. de legat. 3. & *epi-*
stolæ fideicommissariae L. 7. C. qui testam. fac. poss.

§. 680. Et *epistolæ* quidem hæc olim Quid juris
ex codicil-
non magis hereditatibus imponebant le-
gem, quam ipsa fideicommissa (§. 660.)
Sed occasione L. Lentuli, * cujus ex per-
sona & fideicommissa cœperunt, etiam
codicillis addita est juris auctoritas. Au-
gustus enim, consilio C. Trebarii, statuit,
ut si quis testamentum facere non posset,
tamen codicillos posset. Post quæ tempo-
ra, quum & Labeo codicillos fecisset, ne-
mini erat dubium, quin codicilli jure
optimo admitterentur *pr. inst. h. t.*

* Est is L. Cornelius Lentulus, quem Steph. Van.
Pighius Cossium perperam vocat, quemque anno v.
c. DCCCL. cum M. Valerio Messalino Consulem
fuisse, vel ex Reinesii *Inscr. Class.* 10. n. 3. p. 597.
& postea Africæ proconsulem præfuisse, aliunde sa-
tis constat.

§. 681. *Codicilli* ergo sunt minus sol- Codicilli
quid?
lemnis testatorum, intestatorumve volun-
tas.

§. 682. Dicimus esse *voluntatem ultimam*. Quotuplex?
Unde codicilli vel sunt *scripti*, vel *nun-*
cupativi L. 13. C. de SS. Eccl. l. ult. §. ult.
C. h. t. itemque vel *testato* vel *ab intestato*
facti §. 1. *inst. h. t.* quorum hi viribus suis
subsistunt L. 3. pr. §. 1. l. 8. pr. §. 1. ff. h. t.
illi cum testamento subsistunt, vel cadunt
L. 3. §. ult. l. 16. ff. h. t.

§. 683. Addimus, esse *voluntatem mi-* An sollem-
nitatem re-
quirant?
nus sollemnem. Unde pleraque, quæ ad
sol-

sollemnitates internas & externas testamentorum pertinent, hic exfulant. Hinc I. codicillos idem facit, qui & testamentum facere potest L. 6. §. 3. l. 8. §. 2. ff. *hac sit.* sed II. non potest quis in codicillis heredem directe instituere, exheredem scribere, substituere §. 2. *inst. l. 6. pr. l. 10. ff. l. 2. C. hoc tit.* verum fideicommittere, legare, mortis causa donare, &c.

Et plures
codicilli
valent.

§. 684. Inde etiam III. codicillos quis facere potest plures, modo sibi invicem non adversentur §. 3. *inst. l. 6. §. 1. ff. l. 3. C. h. t.* quum tamen nemo paganorum cum duobus testamentis decedere possit (§. 491. 4.)

An testes
requirantur

§. 685. Hinc & IV. nulla exigitur sollemnitas ordinationis §. 3. *inst. h. t.* sufficit enim unitas actus l. ult. C. h. t. & quinque testium, etiam non rogatorum, * *praesentia* L. 20. §. 6. ff. *qui test. fac. poss.*

* An etiam feminarum? Negant. Arn. Vinn. ad §. 6. *inst. de testam. ord.* & Henr. Bern. Reinold. *Var. cap. 8.* Sed quum olim in codicillis testibus non magis opus fuerit, quam in epistolis, uti ex l. 99. *pr. ff. de leg. 2. l. 77. §. 23. ff. eod.* colligitur, postea vero quinque testes, non sollemnitatis vel ordinationis, sed probationis causa exigerentur, recte colligitur, & feminarum testimonium non esse rejiciendum arg. L. 20. §. 6. ff. *qui test. fac. poss. l. 17. ff. de test.*

Quid clau-
sula codi-
cillaris.

§. 686. Solent etiam codicilli jungi testamento sollemni, quando illi inseritur *clausula codicillaris*: Si testamentum non valebit tamquam testamentum, volo, ut valeat jure codicillorum L. 41. §. 3. ff. *de vulg. & pup. subst. l. 3. fin. ff. de test. mil.*

Quid ope-
retur?

§. 687. Et tunc hujusmodi testamentum

ra-

ratione sollemnitatum externarum invalidum in vim fideicommissi sustinetur l. 29. §. 1. ff. *Qui testam. fac. poss.* dum quinque testes subriperint. Non vero hæc clausula supplet I. defectum sollemnitatum internarum, c. 2. præteritionem liberorum, nec II. defectum voluntatis testatoris, nec III. defectum non aditæ hereditatis L. 29. ff. *cod. l. 3. de vulg. & pupill. subst.*

§. 688. In foro multo maiorem huius clausulæ effectum, tribuere solent, adeo ut eam testamentum sustinere dicant, in quo præteritus pater, vel filius. Stryk. *caut. testam. cap. 27. §. 39. seq.* item testamentum ruptum a postumo, dum testator sciverit, se postumum habiturum. Gail. 2. *Obs.* 114. nec non testamentum destitutum, eatenus, ut fideicommissum ab heredibus etiam legitimis peti possit. Gail. 2. *Obs.* 134. n. 3. Quin & clausulam codicillarem non adjectam subintelligi, tradunt scriptores pragmatici. Sande *Lib. 4. tit. 1. Des.* 12.

Ufus hodiernus.

Tene, & nonnullorum Doctorem nostrorum hanc esse sententiam, Testamenta nullo modo infirmari posse, vi *Clausulæ Codicillaris*, in quibus filii prætereantur. Quod vero res ex DD. sententiis est repetenda, non vero ex jure omnino certo, ne pigeat adire Card. de Luca in *de Testamentis* Cancerium, de Marinis in *Resolutionibus*, aliosque sapienter hac de re disputantes.

Jus Neapolitanum.

Finis Partis Prioris Institutionum Juris Romano-Neapolitani.

MO-

*Monitum Auctoris Adnotationum Juris
Neapolitani.*

NE mireris, me fortasse præter consuetudinem in calce Prioris hujusce Partis Juris Romano-Neapolitani edere Epistolam Vincentii Caraphæ Ducis Zephyrii ex Principibus Amphisiæ Adolescentis Doctrina, Nobilitate, & Pietate maximî nominis ad me scriptam; Nam ita factum oportuit. Næ vitio mihi dandum erat, ubi statuissem tanti Adolescentis erga me benevolentiam negligere, quam is elegantibus litteris publice restatam maluit. Certe ubi mutuis certandum est officiis, præsertim cum Viris dignitate majoribus, maxime opus est, ut omnis occasio alienetur, qua dici queat posthabitam vel ullam officii partem. Quod vero pertinet ad ea, quæ de me in eadem scripta; velim putes ex benevolentia dicta, cum satis ceteroqui memet parum valere pernoscam. His te monere volui, ne me carperes, vel quid aliud animo obversaretur, quo Cl. Vincentio minus iuste vel ulla laudis pars auferretur, cui profecto omnis laus pro jure debetur. Vale.

Vincentius Carapba Cantelmus
Stuardus P.F. Auctori, Prae-
ceptorique suo Beneme-
rentissimo.

S. P. D.

PRiorem a te accepi partem In-
stitutionum Juris Romano-
Neapolitani, quam typis datam mox
publica donaturus es luce; verum
cum eam, & quo par erat obsequio,
complexus essem, & aviditate,
quam ut dici possit, majori legen-
dam arripuissem, restiti tamen in
prima operis fronte, & lectionem
aliquamdiu [rem, uti se habuit,
narro] varios, quibus distinebar,
motus animi pacaturus distuli: nun-
cupatam enim mihi a te illam hu-
manissime cognovi. Exultabam sane
gaudio, mihiq. ipsi plaudebam,
quod meis tandem victus precibus
[ut ipse fateris] persuaseris tibi, In-
stitutiones hasce pro peculiari nostro
Auditorum tuorum usu jam elucu-
bratas vulgare, quibus non minus
Ju-


Juventutis commodo, quam totius
Neapolitanæ Reipublicæ dignitati
providetur. Profecto mirandum
erat, quod hætenus tot, tantisque
viris omnis quoque juris consultis-
simis, quibus omni tempestate Nea-
politana nostra Respublica floruit,
in mentem haud venerit, quod &
Galli, & Germani, & ultimi usque
Britanni summa eum laude effecere,
institutionibus scilicet Legum Ro-
manarum municipales suæ patriæ
adnectere, quæ apud omnes sint in-
terpretationis instar, illarumque ve-
luti praxim doceant. Hoc tibi de-
bemus, quando ne ingenio, aut cha-
ritate in Patriam minores aliis vide-
remur, tuus hic effecit labor. Ve-
rum hæc mihi animo revolventi,
maximamque ex his lætitiâ exci-
pienti summa incessebat molestia,
quod opus tam eruditum, tam uti-
le, tamque laudabile mihi potius,
quam alii inscribere voluisti. Quan-
tum enim pro illo meum esse pote-
rit Patrocinium? Amplissimum Ju-
ris tum Civilis tum Canonici cam-
pum

pum, te magistro, emenso, et si magnum aliquid tuo studio, atque industria collatum mihi sentias, illud tamen sciendi potius desiderium, quam scientiam dixeris. Alius igitur requirendus erat Patronus, qui descriptioni adderet pondus hujusmodi rerum aut experientia aut doctrina, nisi forte vel in hoc singulari illi tuæ obsecundare volueris modestiæ, qua cum ad honores primos tua præstanti virtute expetaris ab omnibus, nihil admodum curas assurgere. Hæc autem, suavissime mi Præceptor, non ita dicta, scriptaque a me velim accipias, ut pro singulari tua in me observantia, quas debeo, grates referre detrectem; quin & habeo, & ago, quas possum, maximas, ac quantum in me erit redditurus etiam: præclarum enim illud tuæ erga me benevolentiae monumentum recognosco. Cuperem tamen æquiorum te tuarum rerum æstimatorem, eas omni dignas laude dignioribus etiam reservare. Quod reliquum est, cura ut valeas, & plurimis laboribus

bus ne opprimaris. Hoc communis
boni interest, quod certe post hoc
Institutionum utilissimum opus alia
erudita pariter, ac fructuosa abs te
petit, expectatque. Hoc tui Audi-
tores rogant, Amici jubent, atque
ego qui & Auditor & Amicus sum
tibi omnium obstrictissimus vehe-
menter etiam atque etiam oro.
Vale.

ANT 1318642





9300



